

دینده تبدلات و حیات	
فکریه	۳۳
تبدلات اجتماعیه	۳۹
حیات سیاسیه	۴۷
ایالتارک ادارهسی	۵۵
غراقدر	۶۲
ماریوس وسیللا	۶۹
پومپه	۷۵
غولک ضبطی	۸۲
جمهوریتک صوگی	۹۷
اوکوست	۱۰۷
ایمپراطورلر	۱۲۹
اوچنجی عصرده روما	۱۶
ایمپراطورلغی	۱۴۱
ایمپراطورلق زماننده	۱۷
روما مدیتی	۱۴۷
روما حقوقی	۱۷۳
خرستیانلق	۱۸۹
قسطنطین	۲۰۴
ایمپراطورلغک صوگ	۲۱
زمانلری	۲۱۰
ایمپراطورلغک تشکیلات	
جدیدی	۲۱۴

آتنه حاکمیتک	۱۰
ظهوری	۲۰۵
آتنده حاکمیت عوام	۲۱۰
پهلونونه زحرابی	۲۲۹
اسپارتنک اقبالی	۲۳۳
تبک اقبالی	۱۴
نهامینونداس	۲۴۲
مادونیانک اقبالی	۲۴۹
یونان قرالقلرینک	۱۶
تاسسی	۲۵۹
یونانستانده صوگ	۱۷
مبارزه لر	۲۶۵

روما

ایتالیانک توصیفی	۲۷۳
ایلك روما	۲۸۴
دین	۲۹۳
روما اردوسی	۳۰۳
بحر سفید حوضه سنک	۵
ضبطی	۳۱۲
فتوحاتک نتایجی	۳۲۲
عاداتک تبدلی	۳۲۵

تصحیحات

صحيقه ۳۶ ، سطر ۱۳ : (انی) کلهسی فضله در .

صحيقه ۱۴۲ ، سطر ۱۶ : (اسپارطه لیلر) یرینه (په ریه کلر اولاجقدر .

صحيقه ۲۵۰ ، سطر ۳ : (۵۴) یرینه (۲۴) اولاجقدر .

فهرس مندرجات

شرق

صفحه

۱	ازمنه قبل تاريخيه	۳
	طاش دورى	۵
	معدن دورى	۱۴
	نتيجه	۱۷
	اجناس واقوام	۱۹
۲	مصر	۲۴
	اسكى حكومت	۲۶
	دين	۳۰
	آدهلر	۳۷
	صنایع	۴۰
	اخلاق و صناعت	۴۲
	آثار عتيقه كشفياتى	۴۶
۳	كلدانیه	۴۸
	كلدانیه نك اسكى شهرلى	۴۹
	آثوریه حكمدارلرينك	
	سرايلرى	۵۰
	دين	۵۵
	آدهلر	۵۸
	آثار عتيقه كشفياتى	۶۲
۴	بنى اسرائيل	۶۵
	دين و عبادت	۷۱
۵	فنيكه ليلر	۸۰
	فنيكه تجارتى	۸۷

صفحه

۶	ايرانيلر	۹۴
	ايران حكومتى	۹۵
	دين	۹۸
	حكومت	۱۰۴
	آدهلر	۱۰۷

يونانستان

۱	يونانستان	۱۰۹
۲	ازمنه قديمه	۱۱۵
	يونانستانه استيلا و مهاجرت	۱۲۱
۳	اساطير	۱۲۷
	معبودلر	۱۲۷
	قهرمانلر	۱۳۶
۴	اسپارطه	۱۴۱
	اهالى	۱۴۱
	تربيه	۱۴۴
	نظامات	۱۴۸
۵	تيرانلر	۱۵۵
۶	آتنه	۱۶۴
۷	يونان مستملكاتى	۱۷۰
۸	بشنجى عصره قدر	
	مدنيت	۱۷۵
۹	مديا حربلىرى	۱۹۶

(سیلوانوس ، آبروغاست کبی) روما جنرالترینک برچوغی ،
 بشنچی عصرده ایسه (سی تی لیقون ، ری سی مەر ، اودو آقر کبی)
 قسم اعظمی باربارلردندی . آرتق روما ایمپراطورلغی باربار
 عسکرلریله حمایه ایدیلیوردی . آز بر زمان سوکرده کاملاً
 انلر طرفندن اشغال ایدیله جکدی .

مطالعه اولونا جق آثار :

دوروی ، رومایلر تاریخی . — فوسته ل دو قولانز ، باربار استیلاسی .

صبانی باشندن چکیلن بویچاره لر ایی عسکرلک ایده مز لر دی .
 دردنجی عصر دن اعتباراً لژیون عسکرلری زره طاشیه جق قدر
 قوتلری اولما دیغندن باشلری نه مغفریرینه شابقه کیمکه باشلامش لر دی .
 بوسبیدن جنراللرده هیچ اولماز سه کال خواهشله محاربه ای دن
 بار بار لری استخدا م ایلمکی ترجیح ایدر لر دی . ایمپراطور لقا اردوسنده
 ذاتاً چوقدن بری جرمن عسکرلری موجوددی ؛ بونلر معاش
 آلیرلر ، کندی سلاحلریله محاربه ایدر لر دی ؛ جرمنلر اک
 زیاده سواری ایدی . دردنجی عصر ده ایسه ایمپراطور لر بتون
 چته لری عسکره آلدیلر ؛ بونلر کندیلرینه معاش مقامنده
 ویریلن اراضیلر اوزرینه قادینلری ، چوجق لری ، خدمتکار-
 لری ایله برابر یرلش دیر یلیردی . روما اراضی سینه یرلشن بو
 عسکر لر لسانلرینی ، عادتلرینی ، سلاحلرینی ، رئیس لرینی
 دائماً محافظه ایدر لر دی . بونلره (فوده راتی) متفقلر نامی
 ویریلیردی . نهایت ایمپراطور ، ویزیغوتلر ویا بورغوندلر کبی
 تکمیل اقوامی اردوسنه قبول ایتمدی . بونلر حدودی اکثراً
 جبراً تجاوز ایتمش لر ؛ سوکره ایمپراطور له حرب ایده جک
 یرده خدمتنه داخل اولغنی ترجیح ایلمش لر دی . ایشته اوزمان
 بار بار لر دن مرکب ، بار بار بر جنرالک قومانده سنده روما
 اردولری کورولدی . ۴۵۱ سنه سنده آتیلانک استیلاسنی
 دفع ای دن روما اردوسی شو حلالده ویزیغوتلر ، فرانقلر
 و بورغوندلر دن متشکل ایدی . دردنجی عصر دن اعتباراً

مع مافیه بواصول جبری، بر ملت تشکیل ایتک ایچون کافی دکلدی؛
 چیفتجیلر ایسته میهرک فرارایدیورلر ویا خود محو اولیورلردی.
 بشنچی عصرده (رادا کهز و آتلا اردولری کبی) اورته لغی
 خرابایدن جسیم اردولر کلوب کچدکن صو کره او یله بوشلقلر
 حاصل اولمشدی که ایمراطورلر بونی بردرلو طولیدیرامیورلردی.
 غولده، اسپانیاده، حاصلی بتون غربده چالیشه جق آدم بولندینغدن
 اراضینک بر قسمی غیر مزروع قالیوردی؛ حدود ایالتلری بوم
 بوش قالمشدی. اسویچردهن تابالقانلره وارنجه یه قدر بتون طونه
 حوضه سنده روما اهالیسی اودرجه غائب اولمشدی که آلتنجی
 عصردن صو کره بوملک تکرده جرمن ویاسلاو اقوامندن بشقه
 کیمسه قالمشدی. حتی بلچیقایی ده فرانقلر انساندن خالی
 بولملردی.

روما اردو سنده باربارلر . - بوبوش اراضی یکی یکی اهالی
 جذب ایدیور، باربارلر متدایاً بورالره داخل اولیورلردی.
 روما حکومتی، درجه کفایه ده براردوسی بولندیغی مدتجه بونلری
 دفعه هر زمان موفق اولایلیردی. فقط عسکرلرده پاره کبی اولمغه
 باشلامشدی؛ انلری ده تدارک ایتک فوق العاده زور لاشیوردی.
 حکومت اهالیسی راحت حیاته آلیشمشدر، اردویه کیرمکه
 هیچ اهمیت ویرمیورلردی. بونک اوزرینه زنکینلردن قرعه
 افرادی طلبنه محبوریت حاصل اولمشدی؛ بونلر اراضیلرنده کی
 چیفتجیلردن (مهاجرلردن) برقاچ کشی کوندرلر، جبراً

زنکینلره قارشى طور امیور، یاعسکر اولیور، یامالنی صاتیوردی. اوزمان بونلرک اراضیلرینی زنکینلر آله کچیریوریوردی. بر زمان کلدی که مملکتده اسیرلر طرفندن زرع اولونان بیوک مالکانه لردن بشقه برشی قالمامشدی. اسیرلردن مرکب بواهای هیج تجد ایتمیوردی؛ اوزمانلر صیق صیق وقوعه کلن قضا لردن، مثلا امراض ساریه، حرب ویا باربار استیلاسی بر مالکانه ده کی چفتجیلری محو ایدنجه اراضی غیر مسکون بر حالده قالیوردی. ایشته بوصولته، بالخاصه حدود جهتمده، صحرالر انساندن خالی قالدی؛ شهرلردن بشقه یرلرده اهالی قالمادی. بر چوق یرلرده حقیقی چوللر حصوله کلدی. ایمپراطورلر مملکتک نفوسنی آرتدیرمق ایچون مغلوب ویا اسیر ایتدکلری باربارلری بورالره یرلشدیریوریوردی. بوباربارلر اراضییه صاحب اولیورلر، یالکنز (مهاجر) صفتیه بولونیورلردی. اسپارطه ده کی هیلوتلر کی بونلرده بر مالکانه نه مربوط بولونیور، بوزادن نه کندیلری، نه اولادلری هیج بریره قیلدایامیورلر، مال صاحبنه ویرکی ویریوریوردی؛ بونلر جبری و مؤبد مستأجرلردن عبارتدی. واقعا بو، یکی بر نظام دکلدی؛ وقتیه (غرب ایمپرا- طورلنی) زماننده ایتالیا ده ده (مهاجرلر) واردی. بونلر اللرینه زرع ایده جک بر طوپراق کچیرمک ایچون زنکینلردن برینک تابعته کیرمش حرفقیرلر ایدی. فقط باربار اسیرلرده ایچلرینه داخل اولنجه بو مهاجرلر صنفی فوق العاده تزاید ایتمشدی.

کتیرلسنی امرایدنجه والی: «اوج بلدیہ اعضاسی بولنمیان یرلرده نه صورتله حرکت اولونا جغنی ذات رحمانه لری تعین بیورر لر می. «
دیہ استفسار ایشدی .

مراهبر . - اسکی هیئات اجتماعیه ده ، (اسپارطه) ده ،
یونانستانده ، ایتالیا اولان حالر ، شمدی روما ایمپراطور لغنده ده
وقوعه کلیوردی : حر آدملر آزالیور ، یرلرینه اسیرلر قائم
اولیور ، صحرا لرده کافی درجه ده زراع بولونمیسوردی . فقط
(روما شهری) محو اولیور ، بلکه کوندن کونه بیویوردی .
برنجی عصرده روما ده بر ملیوندن زیاده شهرلی واردی ؛ اوجنجه
عصرده (۲۱۲) ایسه ایمپراطور بر امرنامه نشر ایدرک بتون حکومت
اهالیسنه شهرلی حقوقی بخش ایشدی . اوزمان ملیونلره روما
شهرلیسی (۱) بولونیوردی . بوده شهرک حوالیء سائر ضررینه
محافظه موجودیت ایتسندندی . فقط روما اداره سی ایتالیا ده کی اهالی بی
بیوب بتیردیکی کبی ایمپراطور لغک اهالیسنی ده تدریجی بر صورتده محو
ایدیوردی . حکومت عسکر آلمقدن ، اسیر چوغا لتمدن بشقه
برشیئه باقیوردی .

بو اداره زنکینلرک ایشنه پک یارایوردی ؛ فقیرلر ایسه

(۱) آرتق اوندن صوکره ایمپراطورلق اهالیسنه کاملاً (رومالی) دنیلمشدر .
باربارلر غوله کیردکلری زمان بوراده غولوالره دکل ، رومالیره تصادف
ایتمشدر . حتی یونانجه تکام اولونان شرقده ده عثمانلی استیلاسنه کلنجه
قدر اهالی یهپ (رومالی) دنیلمشدر . ایوم استانبول حوالیسنه ده
(روم ایلی) دیرلر .

بلدیہ اعضاسی تادیہ ایدردی؛ چونکه ویرکیدن مسئول بونلردی؛
مالیه ایسه حقوقدن واز کچه مزدی .

اوچنجی عصره کلنجیه قدر بلدیہ اعضالغی بر شرف اولارق
آرزو ایدیلردی؛ روماده برسنا تو اعضاسی نه ایسه کندی
شهرنده بلدیہ اعضاسی ده اونک عینی ایدی . فقط مملکت فقیر
لشمکه باشلا یخه بورتبه یه زیانلی بر ماموریت نظریله باقلدی ،
آرتق هیچ بر کیمسه بلدیہ اعضاسی اولمق ایسته مدی . اوزمان
ایمپراطور لر بلدیہ اعضالغندن اجتناب ایدنلر علیهنده بر قانون وضع
ایدرک هر کسی زور له بلدیہ اعضاسی یاپدیلر . یکر می بشر فدان اراضی یه
مالک اولان هر کیمسه ایسترایسته مز بلدیہ اعضاسی اولاجقدی .
بلدیہ اعضاسندن بر چوغی اعضا اولمقدن ایسه اراضیلرینی ترک ایتمکی
ترجیح ایدر لر؛ راهب ، راهب شاگردی ، مأمور و عسکر
اولارق قاچارلردی . ایمپراطور لر بونلری آراتدیروب جبراً
شهرلرینه کتیرتمک ایچون امرلر ویرلردی . حتی بر قانونده :
« انلر حکومتک اسیریدر لر » دینیوردی .

حکومت بوضورتله شهرلرده کی سناتولری محافظه ایتمکه
چالیشیوردی؛ فقط انلری ویرکیلر یله محو ایتدیکی ایچون بلدیہ
اداره لری ده کیتدکجه تناقص ایدیوردی . (غرب ایمپراطور لغی)
زماننده برسنا تو عمومیتله یوز اعضادن مرکب دی . دردنجی عصر
اواسطنده ایسه ایالتلردن برندن عربده ظهور ایتمش ، ایمپراطور-
لردن بری کندیسنه هر اداره بلدیہ اعضاسندن اوچ کشینک قفاسی

۵ . (پرفه کتی سیم) مکمل آدملر .

رجال مهمه دن هر برینک بر رتبه سی، بر عنوانی، بر مأموریتی واردی . ندیملرله مأمورلر، ایشته یالکز بونلر انساندن صاییلر ایدی ؛ بودور ، عنوان و مراسم دوری ایدی . رتبه ابلاسنه ، هر شیئی قاعده آلتنه آلمق ذوقنه مربوط بر اداره مطلقه نك نه نتیجه حاصل ایده جکی بوراده اولدینی قدر واضح هیچ بر زمان کورولمه مشدی .

بیزانس ایمراطورلنی ما کنه حالنه کتیرلمش بر هیئات اجتماعیه نك . سرای خلقنه انحصار ایتمش بر اداره حکومتك مکمل بر نمونه سیدر . بو حکومت الیوم اداره مطلقه طرفدارلرینک تصور ایتدکلری غایه خیالی بی تماماً قوه دن فعله کتیرمشدر ؛ بو حکومتدن قالان عاداته قارشی طرفداران حریت دهاپك چوق زمان مبارزه ایده جکلردر .

بلرجه اداره لری . - رومالیر تبه لرندن پاره تحصیل ایتك زحمتنی بالذات اختیار ایتمز لردی . ایمراطور یالکز (اوده بش سنه دبر) هر ایالتك ویره جکی ویرکی بی کوسترر، بونی ایستدیکی قدر تعیین ایدر ، والی هر ولایته نه قدر پاره ویره جکنی خبر ویرردی . طلب ایدیلن پاره بی تادیه ایتك (کوری) نك ، یعنی اداره بلدیهنك وظیفه سی ایدی . شهر زنکین اولورسه اداره بلدییه اهالی یه حصه لرینی تقسیم ایدر ، پاره بی تحصیل ایلردی . فقط اهالینك بو پاره بی ویرمه اقتداری اولمازسه اوزمان پاره بی

بیزانس ایمپراطور لنگده هیئات اجتماعی . - بیزانس
ایمپراطور لنگی تاریخ مدنیتده نتیجه قطعی حاصل ایش
بردوره در . بویمپراطور لنگده روما حاکمکنک اقتداری شرق
حکمدار لینگ محترم مراسمیله برلشهرک او زمانه قدر مثلی
سبق ایتمش بر قدرت وجوده کتیر مشدر . ایسته امثالی ایشیدلمه
بو عظمت، مادوننده بولونانلی دائما زردی . دردنجی عصر دن
صوکره ایمپراطور لنگده کی اهلینک آرتق (شهرلی) لکلری
قالقمشدی ؛ بونلره لاتینجه (تبعه)، یونانیجه (اسیر) دیر لردی .
کافه سنده ایمپراطورک اسیری ایدی . فقط اره لرنده ینه
مراتب موجوددی ؛ بو مراتب حکمدارک کندی لرینه احسان
ایتدیکی، انلرکده اولاد لرینه براقه بیله جکلری بر اصالت مراتبی
ایدی . بو مراتب (۱) ، صره سیله بوجه آتی ایدی :

- ۱ . (نوبی لیسسیم لر) غایت اصیل اولانلر : عائله
ایمپراطوری ؛
- ۲ . (ایللوستر) پارلاق ذوات : رؤسادن اولان ناظرلر ؛
- ۳ . (سپهق تابیل) شایان حرمت اولانلر : مراتب
عالیه اصحابی ؛
- ۴ . (قلا ریسسیم) شرفلی ذوات ؛ بیوک مأمورلر (بونلره
(سناتور) ده دینلردی) ؛

(۱) ابقا ایدلش اولان (قونسول) و (پره تور) کبی اسکی رتبه لر ایله
بر توجه مخصوص اولق اوزره اعطا ایدیلن یکی (پاتریس) رتبه سی ده
بومیانده داخلدر .

آمازلر ، وظائفده کندیلرینک رئیس اولان مافوق مأمورلرله
مخبره ایدرلردی .

والیلر ایکی (عدلیه ناظری) نه ، - نافعہ مأمورلری
(شهر امینی) نه ، - ویرکی تحصیلدارلری (مالیه ناظری) نه ، -
اداره مأمورلری (املاک ناظری) نه ، - ضابطلر (حربیہ ناظری)
نه ، - بتون سرای خدمه لری ده (باش مصاحب)ه تابع اولورلردی .
بو رؤسا ناظرلر مقامنده ایدی .

بوکون شواصول اداره بی (۱) ا کلامق بزم ایچون کوچ برشی
دکلدر . چونکه هر بری گندی وظیفه سنه مأمور وبر وظیفه
رئیس اولان ناظرلرک اداره سی آلتنده تسیق ایدلمش مأمورلر ، حاکملر ،
جنراللر ، تحصیلدارلر ، مهندسلر کورمکه ذاتاً آلیشقیلز . حتی
اوز مانلر قسطنطینیته ده بولونان ناظرلردن زیاده ده ناظرلریمز واردر .
فقط چوجقلغمزدن بری بیلدیگمز ایچون بزه یباجی کلین بو
هیئت اداره اساساً غایت مشوش اولدینی کبی طبیعتده مخالفدر . بوکا
ایلك دفعه (آشانغی ایمیراطورلق) ییزانس حکومتی نمونه اولمشدر ؛
یزانس حکومتی بو اصول اداره بی محافظه ایتمش وبواصول ،
اداره حکومت ایدنلرکده ایشلرینی قولایلاشدیردینی ایچون او
آندن اعتباراً حکومت مطلقه لرک کافه سی بونی تقلید ایشلدر .

(۱) بو تشکیلات ، (نوطی چیا دینی طاقوم) نامیله بشنجی عصر
بدایتنده یازیلان برنوع رسمی سئلامه دن آلمشدر ؛ بوراده ایمپراطورلرک
بیوک مأمورلرینک اسامیسی کاملاً ذکر ایدلمشدر .

(برنجی عصر دن اوچنجی عصره قدر) غرب ایمپراطور لنگنده
برایمپراطورک حیاتی ایله بر حاکمک ویابر جنرالک حیاتی پیننده
هیچ فرق یوقدی ؛ شرق ایمپراطور لنگنده ایسه بر ایمپراطورک
سرائی طبق بر ایران حکمدارینک سرائی کیدی .

اوج اولکی عصر ظرفنده کی روما ایمپراطور لنگنه (عالی
ایمپراطورلق) دنیلدیکی ایچون اکاخذ اولق اوزره بو اداره ییده
(آشاغی ایمپراطورلق) دنیلدی .

مأمورلر . - مأمورلر پک زیاده چوغالدی . ایمپراطورک
معیتنده سرائی محافظه ایچون اوافق وکزیده بر اردوسی ، خاصه
قطعاتی ، مابینجیلر ، ناظرلر ، خدمتلر ، بر شورای دولت ،
قوجیلر ، پوسته جیلر ودرت شعبه یه منقسم برده کاتبلر هیئت
واردی .

مأمورلرک عددی ایالتلر ده ده چوغالمشدی . دیوقله سیه ن ایالتلری
پک بیوک بولمش ، انلری بر چوق پارچه لره تقسیم ایتدرمشدی . مثلا
(غول) ده (لیون) ایالتی درده ، (آکته ن) ایالتی اوچه تقسیم ایدلمشدی .
ایمپراطور لنگده ۴۶ والی بولوناجق ایکن ۱۱۷ والی بولنیوردی . - عین
زمانده مأموریتلر ده تفریق ایدلدی . حدود ایالتلر نده والیلر له اداره
مأمورلرینک یاننده برده عسکری قوماندانلر ، دوقلر له قونتلر
واردی .

بتون بو مأمورلر طوغریدن طوغری یه ایمپراطور دن امر

روما، امپراطور طرفندن بر اقلینجه آرتق مرکز حکومت اولامادی. فقط ینه هیچ بر صلاحیتی حائز اولیان سناتوسنی، معبدلرینی، آینلرینی محافظه ایتدی؛ دردنجی عصر نهایتنه قدر رومیانه اسکی دینه مربوط فرقه نك مرکزی تشکیل ایلدی.

سرای . - شرق ده اوطوران امپراطور لر (۱) شرق عاداتی ده قبول ایلدیلر؛ ایپکلی وصیرمه لی اوزون البسه لر کیمکه باشلادیلر، باشلرینه اینجیلی تاجر کیدیلر. سرایلرینه قیاندیلر؛ بوراده ناظرلری ارسنده، بر سور و ندیلر، خدمتکارلر، مأمورلر، محافظلرله عالمن بستیون آیری بر حالده آلتون بر تخت اوزرنده اوطوردیلر. بونلرک قارشیسنده، مقام پرستشده یره طوغر و باقیه رق دیزچو کولور، انلره (حکمدار اعظم)، (ذات شاهانه) نامی ویریلیر، معبود کبی معامه ایدیلردی. انلره متعلق هر نه وارسه مقدس ایدی: مقدس سرای، مقدس اوطه، مقدس شورای دولت، حتی مقدس خزینه دینیلردی.

(۱) اکثریا بری شرقده، دیکری غربده ایکی امپراطور بولونوردی؛ فقط امپراطورلق ینه بردانه ایدی. ایکی امپراطور، بری استانبولده، دیکری ایتالیا ده اوطوردقلری حالده ایکیسیده برکشی تلقی اولونوردی. بونلردن برینه خطاب اولوندیغی زمان کویا ایکیسینه ده بردن و وسویله نیورمش کبی (سز) دینیلردی. ایشه دها صوکره برای احترام (سز) دیمک عادتی بورادن قالمشدر؛ یوقسه ازمنه قدیمه ده قرالره و امپراطورلره (سن) دییه خطاب ایدیلردی.

تپه لر بو شهرک مدافعه سنی فوق العاده تسهیل ایدیوردی؛ دنیانک اک برنجی لیمانلردن معدود اولان لیمانی (قورن دور) ۱۲۰۰ کمی نی استیعاب ایده بیلیر، لیمانی بردشمن دونماسنه قارشی سد ایتک ایچون ۲۵۰ متره اوزونلغنده برزنجیره قپامق کفایت ایدردی. ایشته قسطنطین یکی شهرینی، (قسطنطینییه) نی بوراده بنا ایتدی. شهرک اطرافنه سورلر انشا ایدلدی، قپولرله محاط ایکی آبدہ میدانی تأسیس اولندی؛ بر سرای، بر سیرق، تیاترولر، صوکرلری، حماملر، بر خرستیان کلیسای بنا اولوندی قسطنطین، کندی شهرینی تزین ایتک ایچون سائر شهرلرده کی اک مشهور هیکل لری، قبارتمه لری کتیرتدی. شهرک نفوسنی آرتدیرمق ایچون جوار شهرلر اهالیسنی زورله کتیردی، قسطنطینییه یه کلوب یرلشه جک اولان بیوک فامیلیالره مکافاتلر، رتبه لر تکلیف ایتدی؛ روماده اولدینی کبی بوراده ده بغدادی، شراب، زیتون یاغی و متمادی آبدہ تیاترولر اکرام ایلدی.

بو احداث، شرقکده خوشنه کیده جک سریع، خیالی احداثاتدن برینی تشکیل ایتدی. ۴ تشرین ثانی ۳۲۶ تاریخنده ایسه باشلاندى؛ ۱۱ مایس ۳۳۰ تاریخنده رسم تقدیمی اجرا اولوندى. فقط بو تأسیس دواملی اولدی. تمام اون درت عصر قسطنطینییه روما ایمپراطورلغنک انقاضی اورته سننده پایتختلق مرتبه سنی محافظه ایدرک بتون استیلالره قارشی طوردی. حتی بوکونده شرقک اک مشهور شهرلردندندر.

براز صوکره قیرلردن بشقه یرلرده بت پرست قالمادی، بونلرده نظره چار پماد قلی ایچون قالا بیدیلر. بو کویلیلر مقدس آغا جلره، چشمه لره طاپارلر، ایزبه یرلرده کی معبدلره طوپلانیرلردی (۱).
 خرستیانلر، اوزمانه قدر (ژانتیل) دیدکلری انسانلره اندن صوکره کویلی (بایه ن) یعنی بت پرست دیمکه باشلادیلر. ایشته بواسم انلردن قالدی. بت پرستک ایتالیا ده، غولده، اسپانیاده آلتنجی عصرک نهایتنه قدر بو صورتله منسی بر حالده دوام ایتدی.

ایمپراطورلغک تشکیلات جدیده سی

روما ر قسطنطنیه . - اوچنجی عصرده حر بلر واستیلا لر غربی خراب ایتمش، نفوس سز براقشدی؛ ایمپراطورلغک اک مهم قسمی یونانی شرق تشکیل ایدیوردی. حتی دیوقله سیه ن (روما) یی براقش، پایتختی آناتولیده (نیقومه دی) از میدحو الیسنده تأسیس ایلشدی. فقط قسطنطنین ده ایلریسنه کیتدی؛ شرقده یکی برروما تأسیس ایلدی، بوراسی قسطنطنیه اولدی.
 آوروپانک آسیادن طار بر قنال ایله، (بوسفور) ایله آیرلیدی بر برون اوزرنده، باغلق واکینلک بر مملکت داخلنده، لطیف برسما آلتنده یونان مهاجرلری (بیزانس) شهرینی تأسیس ایلشردی.

(۱) اعزه دن بر چوقلری، سن مارسل کبی هپ بتلرینک دوریلدیکنی کوروب حدتله نن کویلیلرک ضربه لری آلتنده مظلومین مرتبه سنه داخل اولشلردر.

ب. ب. س. ن. ل. ك. الفاسی . - ژاتیللرك اسكى دینی بردنبره اورته دن قالمادی. شرق پك چاقق تبدیل مذهب ایتشدی ؛ فقط غربده شهرلردن بشقه یرده خرستیان یوقدی ؛ حتی اورالرده بیله بتلره پرستش ایدیوردی . ایلک خرستیان ایمپراطورلری، ایمپراطور لنگ دینی ایله بسبتون قطع مناسبت ایتك ایسته مه مشلردی ؛ بونلر هم خرستیان پستیوسلرینی ، هم معبودلرك راهلرینی حمایه ایدیورلر ، قونسیلاره ریاست و (بیوك پوتیف) لك عنوانی ده محافظه ایلورلردی .

۳۸۴ سنه سنده ایلک اول (بیوك پوتیف) لك عنوانی رد ایدن ، ایمپراطور غراسیه ن اولدی . بو عصرده عدم مساحه عمومی اولدیغی ایچون اولاً مظالمه ایشه باشلاندى . رومانك اون برعصردن بری یانان مقدس اوجاغی سوندیردی ، وه ستالدر دفع ایدلدى . یونانستانده اولمپیاد اویونلری صوك دفعه اولارق ۳۹۴ سنه سنده اجرا ایدلدى . - اوزمان مصرده کی خرستیان منزویلری ساخته معبودلرك محرابلرینی ییقمق ایچون التجا کاهلرندن چیقیدیلر ، (آنویس) و (سه رایس) معبدلرینه اشیاى مقدسه وضع ایلدیلر . - سوریه پستیوسلرندن مارسل برسورو عسکرله غلادیاتورلرك باشنه کچدی ، (آپاهه) ده ژویتهر معبدینی ییقدی ، بتون معبدلری ییقمق ایچون مملکتی جولانه باشلادی . مارسل کویلیلر طرفندن پارچه لاندی ؛ فقط کلیسا طرفندن اعزه مرتبه سنه چیقاردی .

ایتدیله. سوکره ژولیه نی طو تدیله، بر قالقان اوزرینه او طور تدیله
(جرمن عسکرلری قرالارینی بویله اعلان ایدرلردی)، «ژولیه ن
او کوست!» دییه باغیره رق انی قالقان اوزرنده طاشیدیلر .

ژولیه ن کندیسینی شریک صفتیه قبول ایتمسینی ایمپراطوره
یازدی ؛ قونستانس راضی اولمادی. اوزمان ژولیه ن، اردوسی
ایله فسطنطینیه اوزرینه یورودی، ده ا اردو کلزدن اول قونستانس
وفات ایتدی (۳۶۱).

ژولیه ن، شرقده یکانه ایمپراطور اولنجه اسکی دینی احیایه
چالیشدی . راهبره مالکانه لرینی ، رتبه لرینی اعاده ایتدی ،
معبودلره قربان کسمک عادتینی تأسیس ایلدی، حتی خرستیانلرده
کلیسیایه تحویل ایتمش اولدقلری معبدلره کیتملرینی امر ایتدی .
خرستیانلقله آچیقدن آچیقجه مبارزه ده بولوندی، خرستیا-
نلره مأموریت ویرمکدن امتناع ایتدی : «خرستیان معلملر
مادامکه معبودلره اعتقاد ایتمیورلر ، معبودلرک اسمی سویله نن
یرده ده تدریس آثار ایده مزلر.» دییه رک خرستیان معلملری
مکتبلردن چیقاردی .

راهبره خلق مواجهه سنده دینی قرائتلر ، وعظملر ایتدی ره رک
اسکی دینی تنسیقه غیرت ایتدی . فقط وقتی مساعد اولمادی .
پارتلره قارشى حربه کیتدی، پارتلری مغلوب ایتدی ؛ فقط
محاربه لرک برنده براوق ایله اورولدی. روایته کوره تسلیم روح
ایدرکن : «ای غالیله لی، غالب اولدک!» دییه باغیرمشدی .

قیصر عنوانی ژولیه نه ویرمه قرار ویردی، ژولیه نی غولده کی اردو قوماندانلغنه کوندردی (۳۵۵). اوزمانلر غول باربارلر طرفندن اشغال ایدلش، بر آلمان چته سی (اوتون)ه قدر ایلریله مشدی. ژولیه نك حربده تجربه سی یوقدی؛ ذاتاً کندی فلسفه دن بشقه شیئه مشغول اولمامشدی. ژولیه ن عسکرلک اوکرنمک ایچون بتون قیشی (ویانه) ده جناستیق یاپارق، تعلیملر ایدرک، بیوک قوماندانلرک تاریخنی اوقویارق کچیردی.

اوندن صوکره روما پیاده لری ایله باربار سواریلرندن مرکب اوافق بر اردو ایله آلمانلر اوزرینه یورودی. ایکنچی سفرده (استرازبورغ) جوارنده براووا اوزرنده قطعی بر میدان محاربه سی قازاندی؛ آلمانلر دوچار انهزام اولارق تکرار (رهن) نهرینی کچدیلر (۳۵۷).

ژولیه ن دها اوچ سنه غولده قالدی؛ (پاریزی) قومنک مرکز اداره سی اولوب (سن) نهرنده بر آطه اوزرینه مبنی (لوتس) قصبه سی کندیسنه قیشلاق اتخاذا ایلدی. ژولیه ن بورایه (معزز لوتس) دیردی؛ بورای ایلک اول توصیف ایدن ژولیه ن ایدی.

ژولیه ن بوراده بولونیورکن، ایمپراطورلغه استیلا ایدن یارتلرله محاربه ایتمک ایچون اردوسندن بر قسمنی کوندرمسنه دائر ایمپراطوردن امر آلدی. عسکرلر مملکتلرندن اوزاقلره کیتمکی هیچ آرزو ایتیمورلردی. انک ایچون حرکتدن امتناع

يكرمی برنجی فصل

ایمپراطور لنگ صوگ زمانلری

ژولیهن. پت پرستلکک الغاسی. ایمپراطور لنگ تشکیلات جدیدہ سی .
روما وقسطنطینیہ؛ سرای؛ مأمورین؛ بلدیہ ادارہ لری؛ مهاجرلر؛ روما
ایمپراطور لنگندہ باربارلر .

ژولیهن . - ۳۳۸ سنہ سنندہ قسطنطنیک برادر زادہ لری
عسکرلر طرفندن قتل اولوندیغی اثنادہ یالکز آلتی یاشندہ
برچوجغہ، ژولیهنہ طوقونولما مشدی. فقط ژولیهنک اقرباسندن
اولان ایمپراطور انی ایلک اول آناطولی ایچلرینہ قپاتدی ،
راہب لری واسطہ سیہہ تربیہ ایتدردی . راہب لردہ ژولیهنہ
مظلومین مزارلرینی زیارت ایتدیردیلر ، اہالی
مواجهہ سنندہ مزامیر تغنی ایتدیردیلر ، انجیل اوقوتدیلر .
ژولیهن دلیقانلی اولنجہ قسطنطینیہ یہ کلسنہ مساعده ایدلدی؛
اورادہ یونان ادباسی ایلہ حکم اسنی تدقیق ایتمکہ باشلادی ،
(آئنہ) دہ (تہلوزیس) آییننہ داخل اولمقلہ برابر اکمال تحصیلدہ
ایدی . دہا صوکرہ کندیسنک اسکی دین طرفدار ی اولدیغی
بیان ایدرک معبودلرہ عبادت ایتدی . انک ایچون خرستیانلر
ژولیهنہ (آپوستا) یعنی مرتد ژولیهن دیدیلر .

ژولیهن، عائلہ ایمپراطوریدن یکانہ اولارق برحیات قالمشدی .
بناء علیہ ایمپراطور قونستانس باشقہ وارثی اولمادیغندن

ايتديلر؛ بر چوق ايمپراطورلر انلرك طرفنى التزام ايلديلر؛
 صوكره باربارلر روما ايمپراطورلغنه داخل اولدقجه انلرده
 آرييانيزم مسلكنه كيرهرك بو ملكه منسوب راهبلى حمايه
 ايتديلر؛ قتولىكلر بو افكار معترضانويه غلبه ايدنجيه قدر تمام
 ايكي يوز سنه چالشمغه مجبور اولديلر .

مطالعه اولوناچق آثار :

دورووى ، روماليلرك تاريخى . - ويلله مس ، روما حقوق عموميه سي . -
 فونق ، كلاساتاربخى .

اودرجه معتقد طرفدارلری بولونوردی که بونلر اصلاً اطاعت
ایتمزلر ، افکار معترضانہ لرینی اعلاندہ متمادیاً دوام ایدرلردی .
ایشته بوسبیدن طولایی آرہ یرده عداوتلر ، مبارزہ لر وقوعہ
کلیر ، کلیسانک افکارینہ صادق خرسٹیانلر (اورتودوقسلر)
پیدا اولوردی . — خرسٹیانلر ضعیف و دوچار ظلم اولدجہ
آرہ لرندہ سوز ایله یازی ایله مناقشہ ایدرلردی ؛ فقط بتون
ہیات اجتماعیہ خرسٹیان اولنجہ اوزمان معترضلرہ قارشی ایدیلن
مجادلہ دہ مظالم و بعضاً حرب داخلی رنگنی آلمشدی .

اوزمانک بتون معترضلری آناتولی ویامصرک دقیق الفکر ،
صوفیوندن ، مناقشہ بی سون یونانیلری ارہ سندہ ظهور ایتمشدر ؛
بونلر اک زیادہ (تثلیث) ایله (تمثیل) مسئلہ سنی مناقشہ ایدرلردی .
بو افکار معترضانہ ارہ سندہ اک نافذی آریوسک افکاری
ایدی . آریوس حضرت عیسانک جناب حق طرفندن خلق
ایدلیکنی ، ہیج برزمان جناب حقہ مساوی اولامیہ جغنی
تلقین ایدردی . (ازنیق) قونسیلی آریوسی محکوم ایتدی .
فقط (آرییانیزم) تعبیر اولونان مسلکی بتون شرقہ انتشار
ایدی . اوندن سوکرہ تمام ایکی عصر قاتولیک ایله آرییانیزم
طرفداری اولانلر کلیسانک اقتدارینی اللرینہ کچیرمک ایچون
بربریلہ مبارزہ ایدیلر ؛ قوتلی کلن طرف مخاصم طرفک
رئیس لرینی عزل ایدر ، نفی ایلر ، حبسہ قور ، بعضاً اعدام
ایلردی ، آرییانیزم طرفدارلری برچوق زمان محافظہ قوت

۳۲۴ سنه سنده قسطنطين ايلك دفعه اولارق آنا توليده
 (ازنيق) شهرنده دنيانك الكبيوك مجلسنى (قونسيل او كومه نيك)
 اجتماعه دعوت ايتدى ؛ بومجلسه ۳۱۸ راهب اشترك ايلدى .
 بونلر مسائل دينيه مذاكره ايتديلر ، خرستيانلرك حالاهر
 يازاركونى دعاده تغنى ايتدكلرى (ازنيق تمثالى) نى ، قتوليك مذهبىك
 اعترافاتى قلمه آديلر . صوكره « قونسيل طرفندن بيان
 اولونان اراده الهيهيه توفيق حركت اولونمىنى » ايمراطورده
 بتون كليسالره يازدى . ايشته بوكا ايلك (قونسيل او كومه نيك)
 دنيلدى .

قونسيللر طرفندن اتخاذا اولونان مقررات بتون خرستيانلر
 ايچون مجبورى بر قانون حكمنه كيريوردى ؛ بونلره (قانون) (۱)
 نظامات نامى ويريلدور ، بو نظاملرك كافه سى ده حقوق نظاميه
 (لوا قانونيك) نى تشكيل ايدىوردى .

معتزىلر . — ده ايكنجى عصرده خرستيانلر اراسنده
 بعض معتزىلر واردى ؛ بونلرا كثر كليسالرك بيان ايتدكلرى
 فكرلردن بسبتون باشقه فكرلر درميان ايدىورلردى . حتى
 بونك ايچون عين مملكته بولونان بسقپوسلر بومعتزىلر مذهبىك
 باطل اولديغنى خرستيانلره اكلامق ، بونى ايضا ايدنى كفارته
 مجبور ايتمك ، ردايتديكى تقديرده انى خرستيان جماعتندن طرفدا ايلك
 ايچون متعدد دفعه لرا اجتماع ايلكده مجبور اولديلر . فقط ا كثر يامعتزىلرك

(۱) بوكون بيله فرانسزجه (قانونيك) كلمه سى (موافق نظام) معناسنه كليز .

هر شهرک بر پستقوسى واردی؛ بو پستقوس شهرک مرکز اداره سنده او طورر، او حوالینک خرسیتیانلرینی اداره ایدردی. بر پستقوسک اداره سنده بولنان یرلره (پستقوسلق) دیرلردی. بیزانس ایمراطورلغی زمانده مملکتده نه قدر شهر وار ایدیه او قدر پستقوسلق و پستقوس واردی. ایشته بونک شرقده وایتالیاده بتون مملکت شهرلره طولو اولدیغی ایچون بورالرده پستقوسلر او قدر چوق، پستقوسلقلرده اودرجه اوفاقدر. غولده ایسه بالعکس (رن) ایله (یره نه) اده سنده ۱۲۰ پستقوسلق واردی؛ جنوبده کیلر مستثنی اولق اوزره بونلرک قسم اعظمی انجق بر ایالت جسامتمنده ایدی.

ایشته بو صورتله هر ایالت روحانی برولایت اولدی؛ پاتخت (متروپول) پستقوسنه (متروپولیتهن) دنیلدی (دها صوکره باش پستقوس نامنی آلدی). اکثریا بر حوالیده کی اک بیوک شهرک پستقوسنه او مملکتده کی پستقوسلرک رئیسى (پرما) نظریله باقارلردی. شرقده (قدس)، (آناطاکیه)، (اسکندریه) و (قسطنطنیه) کی بیوک شهرلرده کی پستقوسلره (بطریق) نامی ویرلدی. بونلرک هپسنگ مافوقی ده روما پستقوسى، کایسانک باش رئیسى (پاپا) ایدی.

ایشته جسیم کایسا مجلسلری (قونسیل) لر بو عصرده باشلادی. اولا آناطولیده خصوصی قونسیلر اولدی؛ بو قونسیلر ده او منطقه لرک پستقوسلری ایله راهبلى بولونورلردی.

دردنچی عصر بدایتنده، یونان لسانی استعمال ایدن بتون شرق حوالیبی خرستیان اولمشدی.

ایمپراطور قسطنطینک والدهسی آلن خرستیان ایدی؛ کلیسا انی اعززه مرتبه سنه قویمشدی. قسطنطین رومایه حاکم اولان رقیب سلطتی اوزرینه یوریدیکی زمان علامت اولارق یاننه بر بیراق (لاباروم) آلدی، بوبیر اغک اوزرنده حضرت عیسانک مارقهسی واردی؛ قسطنطینک مظفرتی خرستیانلرک غالبیتنه نتیجه ویرمشدی. قسطنطین خرستیانلرک سربستانه عبادت ایتمیرینه (۳۱۳) تاریخی اراده ایله (مساعده ایتدی، صوکره آچیقدن آچیغه آنلره یاردم ایلدی. بونکله برابر اسکی دینی ینه ترک ایتمدی. خرستیان پستقوسلرینک مجلس کیرینه ریاست ایتدیکی خالد ینه (بیوک پونتیف) عنوانی طاشیمقده دوام ایلدی. مغفرینک اوزرنده حقیقی بر صلیب اشارتی اولدینی کبی پاره لرینه ده معبود کونشک رسمی یاپدیرردی. قسطنطینیه شهرنده بر خرستیان کلیساسی، فقط عین زمانده برده ظفر معبدی انشایتدرمشدی. بونک ایچون حکومتک دین رسمیبی نه اولدیغنی کلامق یازم عصر مدت ممکن اولاماشدر.

کلیسانک نسبی. — خرستیانلر، حتی دوچار مظالم اولانلرده حکومتی محو ایتمکی هیچ خاطر لرینه کتیرمه مشلردر. مظالم ختام بولور بولماز پستقوسلر ایمپراطورله دوست اولدیلر. ایشته اوزمان خرستیان کلیساسی ایوم محافظه ایتمکده اولدیغنی طرزده صورت قطعیه ده تنسیق ایلدی.

يکر منجی فصل

قسطنطين

خرستيانلغك غلبه سی ؛ کلیسانك تنسیق

خرستيانلغك غلبه سی . — تاریخ میلادك ايلك ايكي عصری ائناسنده خرستيانلر روما حکومتنده پك اوافق بر موقع اشغال ایدیورلردی . بونلرک کافه سی ده بیوک شهرلرک غلبه اکلری آره سنده مجهول ومنسی یاشایان فقیر آدملردن ، عمله لردن ، آزاد لیلردن ، اسیرلردن عبارتدی . کبار صنفی پك چوق زمان بونلری هیچ طانمادی ؛ حتی ایکنجی عصرده سوئه تون (قیصر لر تاریخی) نامنده کی اثر نده حضرت عیسان بخت ایدرکن روما هالیسنی تشویق ایدن قرستوس نامنده بری دیبه ذکر ایدیور . زنکینلر وادبا عالمندهده بویکی دین ایله اشتغال ایدلمشدی ؛ فقط بو ، صرف فقیرلر و جاهل لر دینی اولدینی جهته بودین ایله اکنمک ایچوندی . مع مافیه خرستيانلغك بر چوق کیشیلری تبدیل دین اتمک موقوف اولماسی الك زیاده استقبالده تلافی حیات وعد ایدرک دنیا ده کیمسه سز قالانلره خطاب ایدر بر دین بولونمسندن ایدی . مظالم ، بودینی محو اتمکدن زیاده تقویه ایدیور ؛ خرستيانلر : « مظلومین قانی خرستيانلغك برکتیدر . » دیورلردی . اوچنچی عصرده تبدیل مذهب ایدنلر یالکز فقیرلر آره سنده دکل ، بیوک عائله لره منسوب ذوات آره سندهده چوغالدی .

دیوار لر بویجه اویولان رافرله قویدیلر . هر نسل کندیسنه مخصوص یکی یکی غالهریلر حفرایتدیکی ایچون بر زمان صوکره تحت الارض بر شهر وجوده کلدی ، بوکا (قاتا قومب) نامی ویرلدی . هر شهرده ، ناپولیده ، میلانده ، اسکندریده بویله تحت الارض مزار لر واردی ؛ فقط اشمه هوری روماده کیلر ایدی . زمانمزمده بومزار لر حفر ایدلمش ، بوراده بیکارجه خرستیان مزار و کتابه لری بولونمشدر . بوزیر زمین علمنک کشفی علوم تاریخیه دن (فن کتابه) و (علم آثار عتیقه خرستیانیه) کی یکی بر شعبه نک ظهورینه بادی اولمشدر .

قاتاقومبلرده کی مزار صالونلری غایت بسیط تزینات و رسملره مزیندر ؛ بونلرک همان کافه سی ده عبادت اوزره بولنان خرستیانلری و یا حضرت عیسانک تمثالی اولق اوزره بر چوبانی ارائه ایدر . بو صالونلردن بعضلری کلیسامقامنده ایدی ؛ بورایه مقدس مظلوملره انلرک یاننده یا تمق ایسته ین خرستیانلری دفن ایدر لر ، هر سنه عبادت ایتمک ایچون بورایه کلیرلردی . اوچنجی عصرده کی مظالم ائناسنده روما خرستیانلری عبادت ایتمک و یا تعقیباتدن خلاص اولق ایچون هپ بورایه التجا ایتمشدر .

مطالعہ اولونا جق آثار :

عهد جدید . - فونق ، کلیسا تاریخی . - آلالر ، تاریخ مظالم . -
مارتینی ، آثار عتیقه خرستیانیه قاموسی

والیلرندن بری بر قاج خرستیان حقنده تعقیبات اجراسنی امر ایتمشدی؛ بونک اوزرینه شهرده کی خرستیانلرک کافه سی والینک محکمه سنه ککشلر، کندی حقلرنده ده تعقیبات اجراسنی طلب ایلمشدر . بونک اوزرینه والی جانی صیقیلار ق ایچلرندن بر قاجنی اعدام ایتمدرمش ، اوبرلرینه ده: « دفع اولکز سفیلر!

اولومی بو قدر چوق ایستورسه کز ، اوچوروملری ، ایپلری کورمبور- میسکز! « دیهرک باشندن صاومشدر . خرستیانلردن بعضلری مظالمه قطعاً دوچار اولق ایچون معبدلره کیررلر ، معبودلرک صنملرینی دویررلردی . حتی



ای چوبان

کلیسانک بیله مظلوم اولمغه چالیشمهی متعدد دفعه لر منع ایتمدیکی اولمشدر .

تحت الارصه مزارلر . — خرستیانلر ، اولولری یاققدن عبارت اولان اسکی عادتدن نفرت ایدرلر ، انلرده موسویلر کبی اولولرینی کفنه صاروب برلحد ایچنده کومرلردی . ایشته بونک ایچون مزارلقلره (۱) لزوم کورلدی . روماده اراضی غایت بهالی اولدیغی ایچون بونلر زیرزمینه ایندیلر؛ رومانک مبنی بولندیغی قیا دروننه تحت الارض اوزون غالهریلر ، اوطه لر اویدیلر . تابوتلرینی

(۱) فرانسزجه مزارلق کلمه سی یونانیجه دندر، معنای ده محل استراحتدر .

خرستیانلر، کندیلرینه سمواتی آچان بومظالمه کمال مسرتله تحمل ایدرلر، حضرت عیسیایه محبتلرینی علناً اثبات ایتلمی ایچون بونی بروسیله عدایلرلردی. بونک ایچون تلف اولانلره تلفات دینمز، (مظلومین) دیرلردی؛ دوچار اولدقلری جزا ایسه برنشانه اعتقاد ایدی. حتی کندیلری ده بونی اولمپیاد لویونلرینه تشبیه ایدرلر؛ غالب کلنه بر دفه دالی ویابرا کلیل ویرلمسندن بحث ایدرلردی. بو کون ده بر مظلوم نامنه یاپیلان یورطی تام اونک یوم ووفاتنه تصادف ایدر.

اکثریا مظالم اثناسنده حاضر بولنان بر مأمور



دعا ایدن خرستیانلر

روحانی، مظلوم
حقفده بر راپور
یازار، بونده صورت
توقیفی، استنطاقی،
اذیتلری ومظالمی
آکلاتیردی. غایت

غایت مقنع تفصیلاتی احتوا ایدن بو یازیلره (باوراق مظلومین) دیرلردی. بو اوراق اک اوزاق جماعتلره وارنجه یه قدر طاغیدیلیر، اعترافانده بولونان خرستیانلرک شان و شرفی اکلاتیه رق انلره تقلید ایتک فکری تلقین اولونوردی. اوزمان، مظالمه تشنه بیکلرجه خرستیانلر کندیلکلرندن کیدوب خرستیان اولدقلرینی سویلرلر، محکومیت طلب ایدرلردی. بر کون آناطولی

شهر لیله نندن خرسیتان اولانلرک قفاسی کسلیله؛ بعضلی چاره ییخه کیریلیر، اکیزیده بیرتجی حیوانلره ویریلیردی. بونلر جانلرینه قیلما دینی زمانلر معدن او جاقلرینه کوندریلوب خدمات شاقده قوللانیلیرلردی. اکثریا یکی یکی جزائر اختراع ایدیلهرک بوجزالرک شدتی ده تزید اولونوردی. ۱۷۷ سنه سنده لیونده یاسیلان مظالم کبراده خرسیتانلره جفالر ایدیلوب کافه سی طار بر محبسه




قانا قومب تزینیاتی

قیبالدقدن صوکره مبارزه میداننه کتیرلمشله، بیرتجی حیوانلر بونلری اولدیرمه دن وجودلرینی بیرتمشله در؛ صوکره کافه سی ده آنشده قیزدیرلمش بردمیر اوزرینه قونولمشله در. بونلردن بلوندین نامنده اسیر بر قیز بوجزالرک کافه سنه طیاندینی ایچون بر آغ دروننه قونولمش، قیزغین بوغالدن بری اوکنه آتیلمشدر.

حکومتدن زیاده ظالمدی . اهالی ، کندیسنگ پرستش ایتدیکی
 معبودك غیرینه پرستش ایدن ، کندی معبودلرینه حقارت ایدن
 بو انسانلره تحمل ایده مزلردی . بونلرک اعتقادسزلقلری
 یوزندن معبودلرک غضبنه دوچار اولاجقلرندن قورقلرلردی .
 بر قحط ، بر مرض مستولی وقوعه کلدیکی زمان هر طرفدن
 اومشهور : «خرستیانلر آرسلانلره !» فریادی ایشیدیلردی .
 او زمان اهالی خرستیانلریمی آرایوب تعقیبات اجرا ایتلری
 ایچون حاکمیری زورلارلردی .

مظالمین . — خرستیانلر تمام ایکی عصر ظلم کوردیلر ؛



بر قاتاومب مالونی

بتون ایمپراطورلق داخلنده هر یاشدن ، هر جنسدن ، هر
 طبقه دن بیکلرجه انسانه ظلم ایدلدی . سن پوله یاپیلدیگی کبی روما

ایتدکلی جرم نه اولورسه اولسون بونلرک شو عنودانه اطاعتسزلکلرینک ، اصرارلرینک بر جزایه مستحق اولدیغنه اعتقاد تام حاصل ایدرک انلری اعدام ایتدیرردم . امضاسز بر مکتوبله اخبارایدیلن بر چوق خرستیانلرده خرستیانقلرینی انکار ایتشلر ، اوکلرنده سویله دیکم دعایی انلرده تکرار ایتشلر ، معبود هیکلرلیله برابر مخصوصاً کتیرتدیکم بر هیکله شراب و بخور تقدیم ایتشلر ، بوندن بشقه حضرت عیسانی ده تحقیر ایتشلردرکه روایتسه کوره بونلرک هیچ برینی ده حقیقی خرستیانلر هیچ بر وقت یامازلرمش ! بر چوقلری ده خرستیانقلرینی اقرار ایدرلردی ؛ فقط جنایتلرینک وقباحتلرینک بعض کونلر کونش طوغمازدن اول برلشمکدن ، حضرت عیسیاه بر معبود کبی پرستش ایتمکدن ، انک شرفه بر آغزندن تحمیداتده بولونمقدن ، یالکنز جنایت ایشله مه مک ایچون دکل ، حتی سرقت ، قتل ، زنا و سوزنده خلف ایتمه مک ایچون ده یمین ایتمکدن عبارت اولدیغنی اعتراف ایلرلردی . حقیقته دها ایی مطلع اولمق ایچون دییاقونهس دنیلان ایکی انسیره یه ده اذیت ایتدم . فقط بوش ومفرطانه بر اعتقاد باطلدن بشقه بر شی ا کلا یامادم .»

واقعا حکومت ظلم ایدردی؛ (۳) فقط بیوک شهرلرده اهالی

(۲) کلیساجه الک زیاده اون مظالم مشهوردر؛ برنجیسی نهرون (۶۴)

زماننده، صوکنجیسی ده دییوقله سیهن (۳۰۳) زماننده در .

پارچه لادیلر ، سن پولک پیشندن قوشدیلر ، آزقالدی انی ده تلف ایده جکلردی .

صوکرده زاتیللرک مظالمی ظهور ایتدی . رومالیلر شرق ادیانک کافه سنی مسامحه ایدرلردی ؛ چونکه اوزیریه ، میتراه ، ای معبودیه پرستش ایدنلر عین زمانده روما دینی ده قبول ایدیورلر دیمکدی . فقط ذیروح بر معبوده پرستش ایدن خرستیانلر اسکی اوافق معبودلره اهمیت ویرمیورلردی . کذا ایبراطوره بر معبودکی پرستش ایتمکن ، روما معبوده سنک محرابنده بخور یا مقندن ده امتناع ایدیورلردی ؛ بو حال رومالیلرک نظر نده آیریجه بیوک بر جنایتدی .

ایشته بونک ایچون ایبراطورلردن بر چوغی خرستیانلر عالمنده اراده لرنشر ایتدیلر ؛ خرستیانلری توقیف ایدوب اعدام ایتدرملری ایچون والیلره امرلر کوندر دیلر . اوزمانلر آسیاده وانی بولونان (پلین) ک ایبراطور تراژانه کوندر دیکي شو مکتوب (۱) خرستیانلره نه صورتله معامله ایدلمش اولدیغنی کوستریور : « بو آنه قدر خرستیان اولدقلری خبر ویریلن اشخاص حقنده دائما شو صورتله معامله ایتدم . انلره خرستیان اولوب اولماقلرینی سئوال ایدردم ؛ اعتراف ایدرلر سه بر ایکنجی دفعه ده ، صوکره بر دفعه ده صورتلر ، کندیلرینی اعدام ایله قورقوتوردم ؛ سوزلرنده اصرار ایدرلر سه او زمان اعتراف

(۱) کنج پلین ، پیتر ، ۱۰۰ ، ۴۷ .

سائر خصوصی فکر لک کافہ سی (یعنی افکار مخالفہ) خطا اولارق
رد اولونوردی .

یہودی لک کتاب مقدسی (عہد قدیم) خرستیانلر عندندہ
مقدس عد اولوندی ؛ فقط بونلرک بشقہ مقدس کتابلری دہ
واردی ؛ بو کتابلر کلیسا طرفندن یالک زبر کتاب حالہ کتیرلمشدی
(عہد جدید) . (اناجیل اربہ) دہ حضرت عیسانک حیاتی
و برلکدہ کتیردیکی سہ لامک «خیرلی خبر» ی (۱) واردی . (آثار
حواریون) دہدہ بو خیرلی خبرک دنیاہ نصل یاسیلدیغی بیان
اولونیوردی . (تہ پتر) دنیلن مکتوبلر ایسہ ایلمک زمانلردہ
حواریونک خرستیانلرہ کوندردکلری مکتوبلر ایدی .
(آپوقالیپس) ، سن ژانک آناطولیدہ کی یدی کلیسیاہ وقوع
بولان افشا آتندن عبارتدی . عہد جدید یونانیجہ یازلمشدی ؛
ایکنجی عصر نہایتنہ قدر خرستیانلرک لسانی ہپ یونانیجہ ایدی .
خرستیانلر آرمسندہ مقدس طانیلان دہا بر چوق کتابلر
واردی . کلیسا بونلرک کافہ سنی رد ایتمشدی ؛ بو کتابلرہ
آپوقریف (کتب غیر موثوقہ) دیرلردی .

مظالم . — خرستیان دینہ قارشی دہا بدایتندہ مظالم
اجرا ایددی . ایلمک دشمنلری یہودی لر اولدی ؛ بونلر
رومالیلرک (یہودیہ) دہ کی والیسنی حضرت عیسانی خاچہ
کرمسی ایچون زورلادیلر ، سنت اُتیہنی (ایلمک مظلوم بودر)

اوزره برلکده نینلن بر طعامدی . بو اجتماعه (کلیسا) (یعنی مجلس) دینیردی .

بر کلیسایه منسوب خرستیانلر عمومیتله بر برینه قوردش نظریله باقارلر ، طول قادینلره ، فقرایه ، خسته لره باقق ایچون هدیه لر کتیر لر دی . ایچلرندن اک شایان حرمت اولانلری جماعتی اداره و عبادتی اجرا ایدردی ؛ بونلره راهب دینیردی (اصل اسملری یاشیلر دیمکدی) . بونلردن بعضلرینک وظیفه سی جماعتک اموالی اداره ایلکدی ؛ بونلره دییاقوس (خدمتکار) دیرلردی . بونلردن بشقه هر شهرده خرستیانلرک بر رئیساری واردی ؛ بوکاده پستقپوس (ناظر) تعیر اولونوردی . دها صوکره لری کلیسا خدماتی او درجه چوغالدی که خرستیانلرک اکثریت عظامسی ایکی قسمه آیرلدی : بر قسمی جماعت اموری ایله مکلف اولانلردی که بونلره رهبان (الهه منسوب) دنیلدی ؛ دیگر قسمی ده عبادت ایدنلرک قسم متباقیسی ایدی ، انلرده لاییق (اهالی) نامی ویرلدی .

هر شهرک مستقل بر کلیساسی واردی .؛ مثلا آنطا که کلیساسی ، قورهنت ، روما کلیساسی دیرلردی ؛ بونکه برابر عمومی ده بر کلیسا ، یعنی حضرت عیسی کلیساسنی تشکیل ایدر ، هپسی ده بر دین ایله یکدیگرینه مربوط بولونوردی . دین عمومی یعنی قتولیک دینی اک طوغرو بر دین اولارق قبول ایدیلیردی ؛

(ژاتیل) لری یعنی اقوام سائرہ یہ منسوب کیمسہ لری یکی دینہ جلب ایلشدی. پول انلره شوپله دیردی : « سز شمندی به قدر عیساسز ایدیکز؛ مقارنتلره ، وعدلره بیکانه بولونیوردیکز . فقط شمندی حضرت عیسی سزی برلشدیردی ؛ زیرا ایکی قومی بر ایدن انجی حضرت عیسادر . » بوندن بویله عیسوی اولوق ایچون یہودی اولمغه لزوم یوقدی . انک ایچون حضرت موسی قانوننه قبول ایدلمین سائر قوملر هپ حضرت عیسا قانونی ایله برلشدیلر . بو اختلاط سن پول سایه سنده اولدیغی ایچون کندیسنه (ژاتیللر حواریسی) دنیلدی .

ایلك اول آناطولیده کی یونانیلر تبدیل دین ایتدیلر . صوکره بیوک شهرلرک کافه سنده تبدیل دین ایدنلر بولوندی . حتی روماده عیسوی جماعتلری هپ یونانیلردن تشکیل اولوندی . دین عیسوی یاواش یاواش اتشار ایتدی ؛ بونی ذاتا حضرت عیساسده خبر ویره شدی : « سلطنت الهیه بر خردل دانه سی کییدر ؛ دانه لرک اک کوچوکیدر . مع مافیہ بوندن اک یوکسک سبزهلر درجه سنده بر نبات یتیشیر ، سمانک قوشلری انک کولکهنه التجا ایدرلر . » دیمشدی .

ایلك کلیسا . — خرس تیانلر بولوندقلری شهرلرک کافه سنده هپ برلکده دعا ایتک ، مداح الهیه تغنی ایتک ، (سن) عبادتی اجرا ایتک ایچون طوپلانیرلردی ؛ (سن) عبادتی حضرت عیسانک صوک طعامنک خاطرہ سی اولوق

ویرلمه سنی کنندیسنه کیم سؤال ایتمش اولسه : « قیصره عائد اولانی قیصره ، اللهه عائد اولانی اللهه ویریکز . » دیردی .
 انک ایچون بر عیسوی اساساً موجود بولدینی شیئی قبول ایدر ، ذاتی اصلاحه چالیشیر ، فقط هیئات اجتماعیه بی اصلاحه چالیشمازدی .

جناب حقه قول ، سلطنتنه لایق اولابیلیمک ایچون ،
 اللهه قربانلر کسمک یاخود موسوی فارسیلر ویا اسکی معبودلره
 پرستش ایدنلر کبی افعال دینییه یه صوک درجه بر دقتله رعایت
 ایتمک لازم دکلدی . حضرت عیسی : « حقیقی عابدلر جناب
 حقه فکر آ و حقیقه عبادت ایدرلر . » دییور . عابدلرک اخلاقی
 حضرت عیسانک شو سوزلرنده مند مجدی : « سماواتده
 بولونان ربکیز اکملدر ، سزده اکمل اولمغه چالیشکز . »

هراریوره . - حضرت عیسی ایله برابر بوانان اون ایکی
 حواریون جناب یسوعک دساتیرینی بتون اقوامه وعظ ایتمکله
 مکلف ایدی . بونلره (حواریون) دیرلردی . ایچلرندن بر
 چوغنی (قدس) ده اجرای وعظ ونصیحت ایلشلردی ؛ ایلك
 عیسویلر یهودیلردن چیقمنشدی .

خرستیانلقی اقوام شرقیه ارسنه کیدوب نشر ایدن ، یکی
 تبدیل دین ایدنلردن سول در . پول (دهها صوکره بونامی
 آلمشدر) حیاتی آناتولی ، یونانستان وما کدونیاده کی یونان
 شهرلرینی طولاشمقله کچیرمش ؛ یالکیز یهودیلری دکل بالخاصه

انلرک بیه جکنی ینه احسان ایدیور . « دیردی .

برعیسوینک (خرستیان) ثروتده، احتراماتده کوزی اولماق لازمدی . بر کون حضرت عیسانک حواریونی ایچلرندن هانکیسنک سهاده ایلک مرتبه بی احراز ایده جکنی مناقشه ایتدکلری صروده حضرت یسوع : « ایچکزده اک بیو کگز بشقه لرینه اک چوق خدمت ایدنگز اولاجقدر . زیرا اعتلا ایدن اینه جک ، اینزده اعتلا ایلده جکدر . » دیمشدر . حتی الیوم سن پیهره خلف اولان پاپا ، (جناب حقه خدمت ایدنلرک خدمتکاری) نامنی آلمقده در . حضرت عیسی کنیدیسه نه اک زیاده فقیرلری ، خسته لری ، قادینلری ، چوجقلری ، حاصلی ضعفا و کیمسه سزلی جلمب ایدردی . حواریوننی اک زیاده عوام ارمسندن انتخاب ایدر ، انلره : « قلباً حلیم و متواضع اولکز . » دیردی .

سلطنت الریم . - حضرت عیسی سلطنت الهیه تأسیس ایتک ایچون ریوزینه کلدیکنی سویلردی . دشمنلری ایسه حضرت عیسانی سلطنت سورمک ایستیورظن ایدرلردی ؛ حتی حضرت عیسانی چارمیخه کردکن صو کردصلیبک اوزرینه : « یهودیلر حکمداری ، ناصرملی یسوع . » دینه یازمشلردی . فقط بو ، قبا برسؤ تفسیر ایدی . حضرت عیسی کنیدی : « بنم سلطتم دنیا سلطنتی دکلدر . » دیردی . حضرت عیسی نه حکومتلری بیقماق ، نه ده هیئات اجتماعیه بی اصلاح ایتک ایچون کلشدی . رومالیره ویرکی ویریلوب

یابدقلرینی کندیلری ده بیلمیورلر . « دیمشدر .

حضرت عیسی بتون انسانلری سومش؛ یالکز بر ملت ایچون دکل، بتون بشریت ایچون فدای جان ایشدر. انسانلری هیچ بر بردن تفریق ایتمه مشدر؛ چونکه بتون انسانلر نظر ربانیده مساویدر. ادیان قدیمه، حتی دین موسوی ده یالکز بر قومک دینی ایدی؛ بوقوم اودینی اقوام سائرده تلقین ایتکی هیچ آرزو ایتمز، انی بر خزینه کبی اهتمام حسودانه ایله صاقلاردی. حضرت عیسی ایسه حواریوننه: « کیدیکز، بتون ملتله اجرای تاقینات ایدیکز» دییور .

دها صوکره حواریوندن پول خرستیانلرده مساواتی شو قاعده ایله بیان ایشدر: « نه اولین، نه ده آخرین واردر . نه یونانی، نه موسوی، نه سنطلی، نه سنتسز، نه بابار، نه اسیر، نه ده حر واردر. فقط حضرت یسوع هرشیده موجوددر .»
 قداما، انسانلرک ثروتله تعالی ایدم جکلرینه قائل اولور، غروری بر حس نجیبانه تلتی ایدرلردی؛ حضرت یسوع دییورکه:
 « فقیرلر بختیاردر؛ چونکه سلطنت لاهوتیه انلرکدر .»
 « بتون اموالندن واز کچه من، حواریونمندن اولاماز .» حتی کسدیسی ده هیچ بر مال صاحبی اولیه رق شهر شهر کزردی .
 حواریونی استقبالی دوشوندکاری زمان حضرت عیسی: « نه ییه جکگز، نه کییه جکگز اندیشه ایتیکز. سماده کی قوشلره باقیکز؛ اونلر نه آکیورلر، نه ده بیچورلر؛ فقط جناب حق

زمان آجلری بسلهین ، صوسزلره صوویرن ، چپلاقلری
 کیدیرنلری صاغنه آلاجقدر . حضرت عیسی ، کنندیسنه امتثال
 ایتک ایستهینلره اک اوکجه : « کیت مالکی صات ، فقیرلره
 ویر . » دیردی . قدامعدنده ای بر آدم دیمک اصیل ، زنکین ،
 مرد بر آدم دیمکدی . حضرت عیسادن صوکره بوکلمه نک ده
 معناسنی دیکشمشدر ؛ آتق اوندن صوکره ای آدم دیمک ،
 سائرلرینه محبتی اولان کیمسه دیمکدی . ایسک ایتک ،
 بشقه لرینی سووب انلره یاردم ایتکه چالیشمق دیمکدی . آرتق
 اوندن صوکره (شفقت) یکانه فضیلتدی . مشفق کلهسی
 خیرخواهک مرادفی ایدی . یهودیلرک انتقام حقنده کی اسکی
 قاعده لرینه قارشلی حضرت عیسی قاعده شفقتی ایلری سورییوردی ؛
 دییوردی که : « سز دیشه دیش ، کوزه کوز دینلدیکنی
 بیلیورسکنز . بن ده سزه دییورم که : برکیمسه سزک صاغ
 یناغکزه اوررسه اکا صول یناغکزی ده چویریکز . دینیورکه :
 اقربا کزی سویکنز ، دشمنکزه عداوت ایدیکنز . بن ده سزه
 دییورم که : دشمنلریکنزی سویکنز ؛ سزه عداوت ایدنلره ایسک
 ایدیکنز ، سزه ظلم ایدنلر ایچون اللهه یالواریکنز که آسمانده
 بولونان ، اییلره و فنالره کونشدر طلوع ایتدیرن ، طوغرولره
 واکریلره رحمتلر یاغدیران کبریا کزک اولادی اولاسکنز . -
 حتی کندی چارمیخه کریلدیکی صردهه جلادلری ایچون جناب
 حقه یالوارمش : « ای ربم ! انلری عفو ایت ؛ چونکه انلر نه

اون طقوزنجی فصل

خرستیانلق

ایلك کلیسا . مظالم

حضرت عیسانک تقیذانی . — یهودیلر کندیلرینه بر خلاصکار ، بر حکمدار اولارق حضرت داود نسلندن اولان (مسیح) ک ورودینه انتظار ایدیورلردی . فقط نیم یهودی مملکتی تلقی اولونان (غالبه) ده ، شمالده اوفاق بر ایالتده کائن (ناصره) بلده سنده فقیر بر دولکر عائله سی ایچندن حضرت عیسی ظهورایتدی . حضرت عیسانک یونانی اولان حواریونی کندیسنه (خریست) یعنی ذیت مقدسه له تقدیس اولونمش حکمدار نامی ویردیلر . کذا (استاد) ، (سه نیور) و (مخلص) ناملریله ده یاد ایلدیلر . حضرت عیسانک دینی هر کسجه معلومدر . بناء علیه جناب یسوعک جهاننه نه کبی افکار جدیده نشر ایلدیکنی کوسترمک کیفیت ایدر .

حضرت عیسی هر شیدن اول سومکی توصیه ایلمشدر . «جناب کبریایی بتون روحکله ، بتون فکرکله سو ؛ اقرباکی کیندک کبی سو . ایشته بتون قانون ، بتون پیغمبرلر هپ بوایکی امرده مند مجدز .» دیور .

حضرت یسوعک دساتیرینه نظراً سائرلری سومک ، انلره یازدم ایتک بروظیفه در . جناب حق انسانلری محاکمه ایلدیکنی

افندیسی اسپرینی تلف ایده جک اولورسه کندیسنه قاتل نظریله
باقیلماسنی قبول ایدر لر. کذا چوجنی ده پدیرینک مظالمنه قارشی
محافظه ایلر لر .

ایشته بوقانونه ده صوکره لر (حقوق تعاملیه) دنیلمشدر .
فی الحقیقه بوقانون عقل و محاکمه نك بتون انسانلر ایچون موافق
کوره جکی فلسفی بر حقوقدر . (اون ایکی لوحه قانونی) نك قبالغندن
و شدتندن بونده ذره قدر اثر یوقدر . بر چوق زمانلر
آوروپایی اداره ایدن وحی بوکون بیه قانونلرده قسماً موجود
بولونان روما حقوقی اسکی رومالیلر قانونندن بشقه برشی
دکلدر . بوقانون بتون اقوام قدیمه عاداتنه، و روما حاکمیری ایله
ازیاب حقوقی طرفندن بر چوق عصر لر یکدیگرینه مزج ایدیله رک
تدوین اولونان یونان حکماسی افکارینه نظراً وجوده کتیرلمشدر .

مطالعه اولونا جق آثار :

ژیرار ، مختصر روما حقوقی . - میشله ، روما تاریخی . - شه ریغ ،
روما حقوقنک روحی .

یالکز صاتین آلمان شیئک بدلنی ویروب او اراضینک تصرف ایدلمسنی کافی کورمشدر. — ایشته بوصورتله هر طرفده (حقوق ملل) تطبیق ایدلمش، یواش یواش (حقوق مدنیه) یرینه قائم اولمشدر.

مفروضه تعامیه . — بویکی روما قانونی بالخاصه ایمپراطورلر زماننده وجوده کلدی. آنطونه نلر برچوق امرنامه لر واراده لر یازدیلر (بواراده لر ایمپراطورلرک کندیلرینه طائیشان مأمورلره ویردکلری جوابلردی). یانلرنده بولونان ارباب حقوق بواراده لرک تنظیمنده ایمپراطورلره معاونت ایتدیلر. برچوقلری ده اوچنجی عصر بدایتنده ایی ایمپراطورلرک وقتنده اولدینی کبی فنا ایمپراطورلر زماننده ده یکی یکی قواعد حقوقیه میدانه قویارق اسکیلری تصحیح ایلکده دوام ایتدیلر. بونلرک اک مشهورلری پاپی نیهن، اولپیهن، موده ستهن و پولدر. بونلرک آتاری روما حقوقنی صورت قطعیه ده تعیین ایلمشدر.

اوچنجی عصرده تنظیم ایدیلن بو حقوق، ضعفا ایچون پک سرت اولان اسکی روما حقوقنه هیچ بکزه مز. ارباب حقوق بویکیسند یونان حکما سنک وبالخاصه مساک زنونی اربابنک افکارینی قبول ایلشلردر. بونلرک فکرنبه حریته هر انسانک حتی وارددر. «هر انسانک حرطو غمسی حقوق طبیعیه. سندندر.» یعنی اسارت مغایر طبیعتدر. بونک ایچون اسیرک حتی افندیسی علیهنده بیله طلب عدالت ایده بیله جکنی وشاید

یعنی (حقوق ملل) ی (۱) تشکیل ایلدی .

ایشته اوزمان بویکی قانوندن اک انسانیتکارانه ، اک عاقلانه ، اک ساده ، حاصلی اک مکمل اولانی اجنبیلر حقوقی اولدینی آکلاشدی . اسکی رومالیلرک قواعدش دیده سندن آلنان شهرلیلر حقوقنده مزعج اصوللرک ، وحشیانه قاعدهلرک ایلمک قبالی هنوز قالدیریلاماشدی . حقوق ملل ایسه بالعکس هر درلو دساتیردن ، هر درلو افکار سخیفه ملیه دن معرا ، آغر آغر جمع ایدلمش ، برچوق عصرلر تجربه اولونمش ، روماده مقیم هر مملکت رجال و تجارینک عادتلری اوزرینه مؤسسدی . بوندن بشقه اسکی حقوقک عقلمده پک زیاده مغایر اولدینی آکلاشدی . رومالیلر برضرب مثله : « صیقی بر قانون دیمک حقمنزلغک اک بیوکی دیمکدر . » دیرلردی . ایشته بونک اوزرینه شهرلیلر پره توری اسکی قانونی تصحیح اتمک ، قاعده رأفته ، یعنی عدالته موافق صورته حکم ایلمک باشلا دیلر . دها صوکره یلواش یلواش اجنبیلر پره تورینک کندی محکمه سنده تطبیق ایتدیکی قواعدی انلرده تطبیق ایلدیلر . — مثلاً روما قانونی یالکز ارکک جهتندن اولان اقربانک وراثتی طانیوردی ؛ پره تور ، قادین جهتندن اولان اقربانی ده وراثته قبول اتمشدر . — اسکی قانونه نظراً برکیمسه نک متصرف اولابیللمسی ایچون صاتیسه متعلق مراسم مشوشه یی ایفا اتمک لازمدی ؛ پره تور بونک ایچون

اجنبی شهرلیلر محکمه سنه قبول اولونامازدی.

بو پره تورلر حائز اولدقلری صلاحیت تامه سایه سنده دعاوی بی نصل ایسترلر سه اوجه ایله حل ایدرلردی ؛ حتی اجنبیلر پره توری هیچ بر قانونه تابع دکلدی ؛ زیرا روما قوانینی صرف شهرلیلر ایچون یاییلمشدی. مع مافیله هر پره تور برسنه مدتله ایفای وظیفه واجرای عدالت ایتمکده امور اولدینی جهتله ماموریتله کیررکن بر امرنامه یازار ، بوا امرنامه ده اجرای حکم ایچون تعقیب ایده جکی قواعدی ارائه ایلردی ؛ بوکا (پره تور امرنامه سی) دیرلردی . پره تور برسنه صوکره ا کمال وظیفه ایدنجه امرنامه سی ده حکمدن ساقط اولور ، خلفی بسبتون بشقه بر امرنامه تنظیم ایتمک حقی حائز بولونوردی . هر پره تورک خلفاری طرفندن تنظیم ایدیلن امرنامه لری بعض تعدیلات و بعض علاوات اجرا ایدرک حفظ ایتمی عادت ایدی . ایشته بو صورتله بر چوق عصرلردن قالمه حاکم امرنامه لری طویلانمش ، نهایت ایکنجی ایمپراطور هادریه ن بر (پره تور امرنامه سی) تنظیم ایتدرمش و بونی قانون یرینه قویمشر .

روماده آیری آیری ایکی محکمه بولوندیغی ایچون ایکی اصول نظام ، ایکی مختلف حقوق ظهوره کلدی . - شهر پره توری طرفندن شهرلیلر امورینه تطبیق اولونان نظاملر (حقوق مدنیه) بی ، یعنی (حقوق شهرییه) بی تشکیل ایتدی . - اجنبیلر پره توری طرفندن تطبیق اولونان نظاملر ده (حقوق اشخاص)

مشکل زماندرده مسائل حقوقیه و قوفلریله مشهور ذواته مراجعت ایتمک روماده عادت ایدنی. بونلرشایان احترام ذواتدن، اکثریا اسکی قونسلردن و یاپونتیفلردن اولوب فکرلرینی دائما تحریراً بیان ایدرلردی؛ انلرله مشاورهیه (عقلا جوانی) دیرلردی. عقلا فوق العاده شایان احترام اولدقلری ایچون بوجوابلرده پک نافذ اولوردی. حتی ایمپراطور اوکوست دها ایلرینه کتدی؛ بونلردن بعضلرینی صورت مخصوصه ده تعیین ایدرک جوابلرینک قوۀ قانونیه بی حائز بولمسنه قرار ویردی. ایشته بوضورتله حقوق برفن اولغه باشلادی؛ «حقوق علماسی» ده یکی یکی قاعدهلر اورتیه قویه رق بوقاعدهلر مجبوری اولدی؛ (علم حقوق) ده بوضورتله میدانه کلدی.

پره تور امر ناسمی. — حقوقک قوانین مقدسه سنی تطبیق ایچون روماده بیوک بر حاکم بولونمق لازمدی. بر محکمه بی یالکز بر حاکم ویابر پره تور اداره ایدر، رومالیرک تعبیری وجه ایله یالکز او احقاق حق ایده بیلردی. جنراللق وظیفه سی ایله مشغول اولان قونسللر بووظیفه بی عمومیتله پره تورلره براقیرلردی. روماده دائماً قلی ایکی حاکم پره تور بولونوردی: بری شهر لیلر بیننده کی دعاوییه حکم ایدر، بوکا (شهر پره توری) دیرلردی؛ دیگر دیه شهر لیلرله اجنبیلر بیننده کی دعوالری رؤیت ایدردی؛ بوکاده (اجنبیلر پره توری) وده اطوغریسی شهر لیلر پره توری دیرلردی. لاقول ایکی محکمه یه احتیاج اولوردی؛ چونکه بر

غایت تحف بر صورتده اویوشمالرینه مدار اولمشدر . قانوناً بر پدر اوغلانی اوچ دفعه صاتار ، بو چوجق پدرك دائره نفوذندن قورتولمش عد اولونوردی . بر رومالی چوجغنی حر بولوندرمق ایچون انی بربری ارقسه اوچ دفعه صاتار ، بو آیم صاتیم قومدیسی آنی حر بولوندرمق ایچون کفایت ایدردی . - بر حربه باشلامازدن اول قانوناً دشمن حدودینه بر منادی کوندریلیر، دشمنه ویله اعلان حرب ایدیلیردی. روما، آپیر قرالی پیروسه اعلان حرب ایتک ایسته مشدی ؛ پیروسک قرالغی آدریباتیق دکزینک اوته طرفنده اولدینی ایچون بو اصول شو صورتله تطبیق ایدلمشدی . پیروسک تبعه سندن بری ، بلکده بر اسیر، روماده بر تارلا صاتین آلمش، کویا بوتارلا آپیر اراضیسندن ایمش کبی یاپیلمش ، منادی حربه سنی بورایه آتهرق مدبب بر اعلان حرب ایدلمشدی . دوره شهابنده بولان کافه اقوام کبی رومالیلرده معین دستورلرک سحر آمیز بر فضیلتی حاز اولدیغنه مهم بر صورتده اعتقاد ایدرلردی .

علم مقوم . - اون ایکی لوحه قانونی ایله دهها صوکره یازیلان قانونلر مختصر و ناتمام ایدی . بر چوق مسئله ظهور ایدیوردی که بونلر هیچ بر قانونله حل ایدیه میوردی . بویله

(۱) کندی زماننده اجرا ایدیلن بو محاکمه قومدیسی چیچه روزده

تصویر ایدیور .

حضورنده ایشته یولکز ؛ کیدیکز ؛ « دییه اورایه کیتملرینی امر ایدر ، ایکی طرف کویا کیدیورلریش کبی یاپارلردی ؛ ایشته بو ، یوله چیقمه یه علامت ایدی . صوکره شاهدلردن بری : « دونکز » دیر ؛ بو یوجیلتی بیتمش اولوردی . ایکی طرفده برر ترک کوسترددی ؛ بو ، تارلایه علامت ایدی . ایشته دعوی بوضورتله باشلار ، حاکم دعوانی آندن صوکره دیکلردی . . . اقوام ابتدائیه نک کافه سی کبی رومالیلرده یالکز کوردکلری شی ؛ اکلارلردی ؛ مادی معامله لر غیر محسوس اولان حقوقی انلره ازانه ایلمکه خدمت ایدردی .

رومالیلر بو اسکی اصوللره صوکره درجه رعایت ایدرلردی . دینده اولدینی کبی امور عدلیه دهده قانونک روحنی نظراعتبارده آلمیهرق یالکز حرفیاً اطاعت ایدرلردی . انلر عندنده هر دستور مقدس دی ؛ انک ایچون کمال دقتله تطبیقی لازمدی . محاکمه یکانه دستورلری : « لسانک سویله دیکی شی حقوق عد ایدملیدر . » قولندن عبارت ایدی . بر مدعی بو دستورلردن برینی سویلرکن برکله یا کیلاجق اولسه دعوی غائب ایدلمش عد اولونوردی . آصمه لرینی کسدیکندن طولانی بر آدم قوم شوسی علیه نه اقامه دعوی ایتمش . سویله جکی سوزده (آغاج) دییه جک ایکن (آصمه) دیمش ، دعواسی غائب اولمشدی . بونکله برابر شکله اولان بو قطعی رعایت ، رومالیلرک

طرفه ساتيلير . شايد بر قاج آلاجقلىسى وارسه هپسىده
انى پارچه پارچه كسه بيليرلر . فضله ويا آز كسمك جرم
عد اولونماز . « چيچه رونك تعميري وجه ايله (اون ايكي
لوحة قانونى) « بتون روما حقوقك منبى » اولمشدى . بو
قانون يازلدقن درت عصر صوكره بيله مکتبدرده چوجقلمه
از برتيليردى .

رمز ايله اصل محكمه . — اسكى روما حقوقنجه بر
شيء صاتين المتى ، صاتمق ، توارث ايتك ايچون اشخاصك
اويوشملىرى كفيات ايتمزدى . روما محاكمنده استحصا
عدالت ايچون يالكز دعوانى اكلامتى كافى دكلدى ؛ عادته
تعين ايتمش بعض سوزلر سويلك ، بعض طورلر ياتمقده لازمدى .
محكمه حضورنده هر دعوى بر پاندوميا ايدى . — بر شى
طلب ايتك ايچون انى ال ايله طومتق لازمدى . — ياننه ديوار
ياپديران بر قومشويى پروتستو ايتك ايچون بوديواره طوغرو
بر طاش آتيليردى . — ايكي كشى بر تارلايه تصرف دعوى
ايتدهرى زمان محكمهده شو معامله جريان ايدردي : اولايكي
طرف بر برينك آلمندن ياقالار ، عادتاغوغا ايدجه كمش كبي ياپار ،
صوكره آيريليرلر : « بو تارلانك روما حقوقى موجنبجه بنم
اولديغنى بيان ايدپيورم . تارلايرنده حقوقزى پايلاشمق
ايچون سنى پره تورك محكمه سندن اورايه چاغيربيورم . »
ديرلردى . صوكره حاكم : « بوراده حاضر بولونان شاهدلر

وصیتنامه ایله اکتفا اولوندی . ایلك عصرلرده متصرف مالی ایسته‌دیکنه براققی ، چو جقلرینه هیچ بر شی براقماق حقنه‌ده مالکدی . صوکره‌لری حاکم‌لر هر عائله رئیسینی ثروتندن بر قسمی‌ده اولادلرینک بهرینه ترک ایلکه مجبور ایتشلر ، اوندن صوکره هر چوجنگ میراثدن بر حصه‌یه حتی اولمشدر .

اوره ایکی لوصه . — اقوام قدیمه‌نک کافه‌سی کبی روما . لیدرک‌ده بدایتده یازلمش قانونلری یوقدی . جدلرینک تعامله رعایت ایدرلردی ؛ یعنی اولکی نسل نه یامش ایسه اندن صوکره‌کی نسل‌ده انی یاپاردی . ۴۵۰ سنه‌سنه طوغرو ، اهالی طرفندن انتخاب اولونان اون حاکم (ده‌چهم ویر) قانونلر تنظیم ایدرک اون ایکی طاش لوحه اوزرینه یازدیلر . مختصر ، سرت ، مؤثر بر لسانله یازیلان بو قانون ، (اون ایکی لوحه قانونی) ایدی ؛ بو قانون ، یاپیلدیغی قوم کبی سرت و قبا ایدی . — قوموشونک اَکینلرینی سحر‌بازانه سوزلرله کندی تارلاسنه کچیرن سحر‌باز بو قانونه نظراً جزا کوره‌جکدی .

دینی اوده‌یه‌مین بر بورجلی حقنده قانون شو حکمی ویریوردی : «بورجینی تادیه ایتمزسه محکمه‌یه جلب اولونور . شاید خسته‌لکدن ویا سنندن طولایی بر مانع ظهور ایدرسه کندیسنه بر بارکیر کوندریلیر ، فقط سدییه کوندرماز . اوتوز کون مهلت ویریلیر .

ینه تادیه ایتمزسه آلاجقلی طرفندن قایلرله ویا ۱۵ قبه نقلتنده دمیرلرله باغلانیر . ۶۰ کون صوکره‌ده (تیر) نهرینک اوته

اصولر تحتنده تصرف ایتک ایجاب ایدردی .

مثلا برشی شو صورتله صاتین آیینردی: بش کشی بر مجلس تشکیل ایدر ، بر کشی ده آئنده بر ترازوی طوتاردی ؛ مشتری بونلرک قارشیسنه کلیر، صاتین آدینی شیئک قیمتی اولمق اوزره ترازینک ایچنه بر قالای پارچه سی وضع ایدردی. صاتیلان شی بر حیوان ویا بر اسیر ایسه مشتری : « رومالیرک قانونی موجبنه بوشی بنم مالدر ؛ انی دقتله طارتیلان شو قالایله صاتین آلم . » دیهرک آلیله اوزرینه طوقونوردی .

دها صوکره تصرفی انتقال ایتدرمک ایچون دها ساده

اصولر تصور ایدلدی ؛ اشیایی مشتری به تسلیم ایتک ویا یالکز تصرف ایتدرمک کافی عد ایدلدی . فقط بو اصولر رسماً تصرف صایلامیور، مشتری اشیانک یالکز صاحبی اولیوردی . مع مافیله بو تصرف اکا حقوق تصرفیه بی تمامیله بخش ایدیوردی . متصرف وفاتندن صوکره اموالی ایسته دیکنه براقق حقنی حازدی . بوکا اولجه هیچ بر قرار ویرمه مش ایسه اوغللری وارث اولور، انی بینلرنده تقسیم ایدرلردی . شاید اصول وراثتی تبدیل ایتک آرزو ایدرسه بر وصیتنامه یاپاردی . بر زمانلر اهالی مجلسی مواجهه سنده وصیتنامه ترتیب ایتک مراسمدن معدود اولمشدی . فقط دها صوکره بر نوع مواضعلی صاتیش اصولی قبول ایدلدی (متصرف کیمی وارث ایتک ایسترسه مالی اوکا صاتاردی) . نهایت تحریری بر

عائله رئیسینک صلاحیتی مدت حیاتجه دوام ایدر، برچو جق اندن هیچ بر زمان قور تولامازدی؛ حتی قونسول بیه اولمش اولسه ینه باباسنک نفوذینه تابع بولونوردی. پدرلری وفات ایدنجه عائله رئیسکی چوجقلره انتقال ایدردی. قادینه کلنجه، او هیچ بروقت حر اولامازدی؛ زوجی وفات ایدنجه وارثنک نفوذی آلتنه کیرر، اوزمان کندی اولادینک ادارمی آلتنده بولونوردی.

تصرف. - رومانک ایلك عصر لرنده ثروت، اك زیاده مواشی ایله اسرادن عبارت ایدی. بالآخره پاره (په کونیا) معناسنه کلنشی، سورو؛ متصرفده عائله رئیسکی (پاتهر فامیلیاس) ایدی. غالباً اوزمانلر اراضی ارثاً انتقال اتمیوردی؛ زیرامیراث (ههزه دییوم) کلهسی ۲ دونه، یعنی تام بر بانجه ایله بر اولك یره دلالت ایدردی. فقطدها صوکره رومالیدر بر تارالا صاحبنه اوتارلانک متصرفی (دومینوس) نظریله باقعی قبول ایتدیلر. ایشته او زمان مواشی، اسرا، اراضی. وسکنا اوزرینهده حق تصرف (دومی نیوم) تأسس ایتدی. بو حقی، «استعمال وسؤ استعمال ایتک» یعنی تخریب ایلمک حتی صورتنده تعریف ایدرلردی.

دها صوکره بو حقتک اشیا و کوش کبی هر نوع ماده، حتی قیم موضوعه، دیونات و حقوق تصرفیه اوزرینهده شامل اولمی قبول ایدلدی.

برشینه متصرف اولمق ایچون او شیء عادتله تعیین ایدلمش

ایتمک « (۱) صلاحیتنه کاملاً مالکدی ؛ دها طوغریسی انلرک حاکم یکانهسی ایدی. شاید بونلر برجنایت ایشلیه جک اولور لر سه انلری حاکم محکوم ایتمز ، عائله رئیسی محکوم ایدردی . - بر کون (۱۸۶) باکوس آییننه اشتراک ایدنلرک کافهسی حقنده روما سناتوسی اعدام جزاسنه حکم ایتدی . ارککلر اعدام اولمدی ؛ فقط متهملر ارهسنده بولونان قادینلر ایچون سناتونک عائله رئیسیرینه مراجعت ایلمسنه احتیاج حاصل اولدی. قادینلرینی



رومالی ارکک

رومالی قادین

و قیزلرینی انلر محکوم ایتدی لر . - اسکی قاطون دیردی که : «زوج ، زوجه سنک حاکمیدر ؛ نه ایستره یاپار . قادین بر خطا ایشلر سه

اکامجازات ایدر ؛ شراب ایچر سه محکوم ایلر ؛ صداقتسنلک کوستر سه اولدیرر . « - قاتیلینا سناتو علیهنده اتفاق تشکیل ایلدیکی زمان سناتو اعضاسندن بری اوغلنک ده بو اتفاقه اشتراک ایتدیکنی کورمش ، اوغلنی توقیف و محاکمه ایتدکن صوکره اولوه محکوم ایلشدی .

(۱) روما اصطلاحات حقوقیه سننده قادین ، چوجقلر و خدمتکارلر ، « کندیلرینه متصرف دکلردر . » دینیردی .

ویونگ اکیردی . « دیبه یازارلردی .

هرجهنم . - رومالی بر چوجق باباسنک مالی کبی ایدی .
 پدرینک انی سوفاقده تشهیر ایلمکه حتی واردی . شاید اوینه
 آلاجق اولورسه ، اولاً اوده بیوتوردی . قیزلر قوجهیه
 وارنجیه قدر اوده قالیرلر ، والده لرینک نظارتی آلتنده ایملک
 بوکرلر ، بز طوقورلردی . اوغلانلر بابازی ایله برابر تارلاده
 چالیشیرلر ، سلاح قوللانمسی تعلیم ایدرلردی . رومالیر صنعتکار
 بر قوم دکلرلدی ؛ چوجقلری اوقومه ، یازمه ، حساب بیلسین ،
 فضله سنی ایسته مزلردی . انلر دهنه شعر ، ندهه موسیقی اوکره دیرلردی
 کذا چوجقلری قناعتکار ، سکوتی ، طور و حرکتلر نده متواضع
 و مطیع اولمغهده آلیشدیرلردی .

عائله رئیس . - بزم عائله رئیس دیدی کمز کیمسه یه رومالیرده
 (عائله رئیس) دیرلردی . عائله رئیس هم ملکک صاحبی ، هم
 اجداده عباداتک راهبی ، هم ده عائله نک حکمداری ایدی ؛
 اوده متحکمانه حکم سورردی . زوجه سنی تطبیق ایتمک ،
 چوجقلرینی آتمق ، صاتمق ، کندیلرینه صورمادن اولدیرمک
 حقنی حائزدی . زوجه سی نه کتیرمش ایسه ، چوجقلری نه
 قازانیرسه ، حاصلی انلر ده عائد نه وارسه هپسنی ضبط ایتمک حقنه
 مالکدی ؛ چونکه نه قادینی ، ندهه چوجقلری هیچ بروقت مال
 صاحبی اولامازلردی . حاصلی انلر اوزرینه «حیات و ممانه حکم

فادین . - رومالی بر قادین هیج بر وقت حر دکادی ؛
 دها قیزایکن پدینه تابعدی؛ زوجی، پدري انتخاب ایدردی .
 تاهل ایتدیکی زمانده قوجهسنک نفوذی آلتنه ، ارباب
 حقوقک تعیری وجه ایله «قوجهسنک آینه کیرر» ، قوجهسنک
 « قیزی کبی اولوردی . » برقادینک حیات ومماتنی حکم
 ایده جک دائما برحاکمی بولونوردی .

فقط هیج بر زمان قادینه اسیر کبی معامله ایدلمزدی .
 قادین حیثیتجه قوجهسی ایله مساوی ایدی؛ ارککه (عائله رئیس)
 ویا (پاترون) دینلیدیکی کبی قادینه ده (عائله آناسی) ویا
 (ماطرون) دیرلردی . ارکک اولک حاکمی ایسه قادینده حاکمسی
 ایدی . اسیرلره او قومانده ایدر؛ بغدادی او کوتمک ، اتمک یامق ،
 یمک پشیرمک کبی بیوک ایشلری انلره کور دیرردی . کندیسسی
 قبول سالوننده (آرتریوم) اوطورر ، ایپلک بوکر ، طوقومه
 طوقور ، اسرانک وظیفه لرینی تعیین ایدر ، چوجقلره نظارت
 ایلر ، اوی اداره ایدردی؛ یونان قادینلری کبی ارککاردن اوزاق
 یاشامزدی . سفرده زوجی ایله برابر طعام ایدر ، مسافرلری
 قبول ایدر ، طیشاریده یمک ییر ، مراسمده عموم مواجهه سنه
 چیقار ، تیاتروییه وحقی محکمه لره بیله کیدردی ؛ بونکله برابر
 ینه جاهل قالیردی . رومالیلر قیزلرینی تعلیم و تربیه ایتمکه او قدر اهمیت
 ویرمزلری؛ برقادینده الکزیاده تجیل ایتدکلری خاصه ، (جدیت)
 ایدی . حتی برقادینی مدح و ثنا اچون مزارپنه : « اوه باقار ،

بورادن عائله معبود لرینک حضورینه کو تورولوردی، زوج و زوج
 بوراده اوندن یاییلمش برچورهک بیرلردی. اودورده ازدواج
 (قونفهره چیو) یعنی چورکه ازدواج دیرلردی .

دها صوکره یالکز عوام طرفندن اجرا ایدیله جک بشق
 درلو ازدواجلرده ایجاد ایدلمشدی. — مثلا بو ازدواجلرد
 یا نشانی قیزک باباسی قیزی شاهدلر مواجهه سنده زوجند
 ساتار، زوجی ده انی زوجه لکله ساتین آلدیغنی بیان ایدر، بوک



بر دوکون منظره سی (رومالیله هاند برسندن)

(اشترا ایله ازدواج) دیرلردی . — ویاخود قالدین زوجی
 ایله برلکده اقامت ایدر ، بر سنه بویله جه یا شادقندن صوکره
 ازدواج ایتمش عد اولونورلردی ؛ بوکاده (آلیشمه ایله ازدواج)
 دیرلردی .

یونانیلرده اولدیغنی کبی رومالیلرده ده تأهل بر وظیفه دینه
 ایدی ؛ دین عائله لرک سوندیرلمه سنی امر ایدردی. بر رومالی
 ازدواج ایدرکن «زوجه سنی اولاد صاحبی اولمق ایچون» آلدیغنی
 بیان ایدردی. حتی اصیل بر رومالی زوجه سنی فوق العاده سودیک
 حالده چوجنی اولمادیغنی ایچون تطلیق ایتمشدی .

اون سکزنجی فصل

روما حقوقی

عائله . تصرف ؛ اصول محاکمه

عبادت عائد - . بر عائله نك كافة اعضاسی عین اجداده
عبادت ایدر لر، عین اوجاق اطرافنده اجتماع ایلر لر دی . بناءً علیه
عین معبودلره مالك اولدقلری کبی کندیلرندن بشقه کیمسه ده
بومعبودلره مالك اولامازدی . عائله اجدادینه عبادت ایتک حقنی
حائز اولمق ایچون بو اجدادك احفادندن بولونمق ایجاب ایدر دی .
معبود اجدادك (۱) بولوندیغی محراب اوده غایت صاقلی اولور ،
بورایه هیچ بریبانجی کیره مزدی . رومالی برعائله طبق اوافق
بر مذهب ارکانی کبی ایدی ؛ هرعائله نك بر دینی ، بر عبادتی واردی ؛
بوکا کندی اعضاسندن بشقه کیمسه قبول اولونامازدی . روماعائله سی
دساتیر دینییه نظر آ اداره اولندیغی ایچون زمانمز عائله لرینه هیچ
بکزه مزدی .

ازدواج . - رومالیلرده ازدواج اولا بر آیین دینی
شکلنده باشلامشدی . پدر قیزی دائما طیشارییه ویرردی ؛
کلین آلابی : « نکاح ، آی نکاحلی ! » دییه اسکی ومقدس بر
برنقرات تغنی ایدرک کلینی کوتورردی . کلین زوجنك اوجاغی
اوکنه کتیریلیر ، کندیسنه صو و آتش ویرلدکن صوکره

(۱) بونلره (پهنات) یعنی او معبودلری دپرلر دی .

شرکتک مدیر اولارق عمومیتاه ایکی (کوراتور، ولی) دن
 مرکب اوسته لری (ماژیستری) واردی ، بونلردن بری
 (کهستور) وزنه دار ایدی؛ بو اوسته لر بتون اعضانک اجتماعی
 ایله انتخاب اولو نوردی. فقط بونلر صنعتکارلر اوزرینه هیچ بر نفوذی
 حائز دکللیری؛ بون نفوذ آلتنده بولونمغه هیچ بر کیمسه مجبور دکلیدی.

مطالعه اولونا جق آثار :

دورووی ، رومالیرک تاریخی . - فریدلاندر ، ایمپرتورلق زماننده
 روماده عادات . - والون ، تاریخ اسارت .

برچوق اسیرلر داخل اولورلردی .

شرکتلرک همان کافهسی ده (پیر) تعبیر اولونان بر معبودک حمایهسی آلتنده بولونورلردی، (مثلا اطباشرکتلرینه (ئسکولاپ) نامی ویریلردی) . حتی بونلردن بر چوقلرینک تأسسندن مقصد مشترکاً دینی بر عبادت اجرا ایلمکدی . معبدلرله راهبیر ، برقاچ رسمی معبودلر ایچون یاپیلاجق قربانلر حکومته عانددی؛ ادیان سائر نک کافهسی شرکتلر حالنده تشکل ایلمشدی . عبادت ایدنلرک کندیلرینه مخصوص صندوقلری ، راهبیری ، کلیسالری ، محرابلری ، آیینلری واردی . خرستیان کلیسالری بدایتده هپ بوکبی شرکتلردن عبارتدی .

اک مهم شرکتلر ، صنعتکارلر شرکتی ایدی؛ بونلردن هر شهرده بولونوردی؛ بیوک شهرلرک هر برنده برچوقلری واردی . بو شرکتلر عمومیتله عین صنعتله مشغول صنعتکارلردن عبارت اولوب اوصنعتک اسمیه یاد ایدیلردی . (آیانلوغ) ده یوک طرایجیلر شرکتی ، (جنوره) ده قایقجیلر شرکتی، (لیون) ده عمله شرکتی واردی . فقط بو شرکتلره سائر صنعت اربابی ده قبول اولونوردی . عمومیتله هر شرکتک بر عبادتی واردی؛ هر شرکت بر معبوده پرستش ایدر ، انک شرفنه یورطی یاپار ، بویورطیده انک بایراغنی چیقارردی (بو عادت قرون وسطاده خرستیان صنعتکارلر آرسنده باقی قالمشدی) . بو شرکت ، اعضاسی ایچون عین زمانده بر جنازه شرکتی ده تشکیل ایدردی .

کندیسنه بر مزار محلی تدارك ایده جك درجه ده وسائط تداركندن عاجز بولنان کیمسه لردن مرکب دی . بونلر بر شرکت تشکیل ایدرلر ، کندیلرینه مشترک بر مزار مخزننی تدارك ایتک ایچون بر حصه ویرلردی .

مزار مخزننی بر قاج صره دلیکلری حاوی قبه لی بر بنا ایدی؛

هر دلیکه بر اولونک

کولی قونوردی .

بونلره بیچملرندن

طولانی (قولومبا -

ریوم) گوکر جینلک

نامی ویریلردی .

جنازه شرکتک

اعضاسی وقاتلرندن

صوکره مناسب بر رسم

تدفین ایله دائمی بر

مزاره نائل اولا -



دومالیرک قولومباردیوی

جقلرینه امین بولونورلردی؛ بوکبی شیلره اسکیلرپک زیاده اهمیت

ویرلردی . بو شرکتلر ، فنا شیئه علامت اولاجق بر اسمله یاد

ایدلزلر ، بر معبود اسمیه یاد ایدیلرلردی . (مثلا) نیم)

ده نه موزوس منبعنک پرستشکارلری واردی) : بونلره

فقیرلر شرکتی (قولله ژیبیا نه نوئی پوروم) دیرلر ، بورایه

هر طرفی اونلر ایچنده قلمش!»

اسیرلر یازی یازمازلردی ؛ انک ایچون افندیلری حقنده کی
حسلینی کندی لسانلرندن بیله میورز . فقط افندیلرده
کندیلرینک کین وعداوت اورته سنده بولوندقلرینی بیلیرلردی .
کنج پلین برزنکینک حمامده اسیرلری طرفندن قتل اولوندیغنی
طویدیغنی زمان شوملا حظهده بولنیور : «ایشته هممزک معروض
اولدیغمز تهلکه !» دیکر بر محررده : «ظالملرک کینندن زیاده
اسیرلرک عداوتی یوزندن بر چوق رومالی قربان اولمشدر .»
دیور .

شُرکندر - لاتین اولان غربدن زیاده یونانی اولان شرقده ،
ایمپراطور لوق هر مملکتنده بر چوق شرکتلر واردی ؛ بونلره
لاتینجه (قولله ژیا) دیرلردی . بونلرک مختلف نوعلری واردی :
عین صنعتله مشغول صنعتکارلر شرکتی ، آقتورلر و پهلو انلر
شرکتی ، ادبی جمعیتلر ، سرخوشلر جمعیتی کبی .

مثلا ویرکی جبات ایدن «ملتزملر شرکتی» و یا ایستالیا ایله غول بیننده
تجارت ایدن تاجرلر شرکتی کبی بعضلرینک اعضاسی اغنیادن
ایدی ؛ فقط قسم اعظمی اوافق آدملردن مرکبیدی .

روما حکومتی اولابوشرکتلره مساعده ایتمه مش ، بالاخره
مساحه ایتمش ، اوچنجه عصردن صوکره ایسه کندی تشویق
ایلشدی . فقط جنازه مراسمی ایچون تشکیل اولونان شرکتلره
هر زمانده مساعد اولونمشدی . بوشرکتلر حال ووقتی اولپان ،

عمومیتله جز اوله رق کوردیر یلیدی. ازمنه قدیمه ده دکرمن، کوردک جزاسنک عینی ایدی. - پلوط دیورکه: «بوراده پوله نتا (۱) ایله بسله نیر فماسیرلر کوزیاشلری دوکرلر؛ بوراده قامچی شاقیردیلی، زنجیر صدالری عکس انداز اولور.» اوج عصر



پومپه ییده بر فروتک داخلی

صوکره، بعدالمیلاد ایکنجی عصرده حکایه نویس آپوله، بر دکرمن داخلی شو صورتله تصویر ایدیور: «آه! نه زواللی انسانلر! دزیلی قامچی ضربه لریله مورارمش، بنک بنک اولمش... آرقلرنده پارچه پارچه احراملر؛ یوزلری دمیرلرله داغلانمش، صاچلری کسيلمش، آیقلرنده خلقه لر، وجودلری تأثیر حرارتله شکلنی غائب ایتمش، کوز قیقلرینی دومانلر کیرمش،

کلردی . اووید برقادینی شو صورتله مدح ایدیور : « بر
 جوق دفعه لر صاچلرینی اوکده تنظیم ایتدیلر ، صاچلرینی
 وزه لتن اسیرک قولنه هیج ایکنه باتیرمادی . »

افکار عمومییه بومظالمه قارشی هیج خشنودسزلق کوسترمزدی .
 ووه نال ، اسیرلرندن برینه حدتلنن برقادینی شو یله تصویر
 دیور : « انی چارمیخه کریک . دیدی . - بواسیر نه پایدی ده
 جزایه لایق کورولدی ؟ - حیوان ! براسیر ، انسامیدر ؟
 سترسه برشی یاماسین . بن او یله ایستورم ، او یله امر ایدیورم ،
 رزوم برینه کلیدر . »

عادت کبی قانونده اودرجه رحیم دکلدی . دهامیلاددن بر
 مر اول برافندی کندی اوینده قتل ایدیله جک اولسه ، بتون اسیرلری
 بدم اولونوردی . حتی بر زمانلر بوقانونی قالدیرمق آرزو ایدلمش ، اک
 تیر حکمادن ته رازه آس بوقانونک محافظه ایدلمسی ایچون سناتوده
 ان مطالعه ایلشدز .

یر آلتنده ، آل ایله تشیله میه جک درجه ده یوکسک ، طیار
 برلردن ضیا آلیر بر محبس واردی ؛ بورایه (ارغاستول)
 رلردی . افندیسنک جاتی صیقان اسیرلر کیجه لین بورایه
 دیلیر ، کوندزین غایت آغر زنجیرلره اورولارق چالشمه یه
 ندریلردی . برچوقلرینک یوزلری ده قیزیل دمیرله داغلا نیردی .
 اسکی انسانلرک ماکنه لی دکرمنلری یوقدی ؛ بغدادی آل
 رمنلری ایله اسیرلره اوکو تدر لرلردی . بوایش غایت زور اولدیغندن

مالکانه سی طبق بر قصبه کبی ایدی ، بونلره (ویللا) دیرلردی .
 بواسم الآن باقیدر ؛ فرانسلرک قرون وسطادن بری (ویل)
 یعنی شهر تسمیه ایتدکاری یر ، دها زیاده بیولدلمش اسکی روما
 مالکانه سندن بشقه برشی دکلدیر .

اسیرلره صورت معامد . — اسیرلره ایدیلن معامله صرف
 افندیسنک طبیعتنه باغلی برشیدی . چیچهرون ، سه نهک ، پلین کبی
 اسیرلرینه غایت اینی باقان ، انلرله کوروشن ، بعضاً انلری سفره لرینه
 او طور تان ، انلره برعائله ، اوافق بر ثروت بر اقان افندیلرده واردی .
 کذا بعض افندیلرده ذکر ایدر لر که بونلر اسیرلرینه حیوان معامله سی
 ایدر لر ، انلره ظالمانه جزا الریا پارلر ، حتی ذوقلری ایچون اسیرلری محو
 ایدر لردی . بوکا دائر پک چوق مثاللر واردر . اوکوستک
 آزادلیسی وه دیوس پولیون ، حوضنده جسم ییلان بالقلری
 بسلردی ؛ اسیرلرندن بری از قضا بر وازو قیراجق اولسه بونی
 ییلان بالقلرینه غدا اولمق ایچون حوضه آتدیرردی . — فیلسوف
 سه نهک ، افندیلرک مظالمی شو صورتله تصویر ایدیور : «براسیر
 یمک اثناسنده اوکسورسه ویا آقصرسه ، سینکلری اهماکارانه
 قوغسه ، آندن اناختاری دوشوروب کورولتی ایتسه در حال
 فوق العاده حد تلنیورز . براز فضله جواب ویره جک اولسه ،
 سیاسنده بر نشئه سنزلک کورلسه ، انی قامچیلاتمغه حقمز یوقیدر ؟
 بونلره اکثریا اوقدر حیزلی اوریورز که اعضا سندن برینی قیریور ،
 دیشرلرندن برینی دوشور یورز .» — قادینلر اودرجه انسانیتکار

— البسه طولابنه مأمور اسیرلر ، — اوطه خدمتجیلریله
 خدمتجی قیزلری ، — آشجیلر ، — حماجیلر ، — وکیلخروج
 ویماقلری ، — افندی ایله خانمک سوقاقده ارقهسندن کیدن
 اسیرلر ، — سندیه طاشیانلر ، — آرایه جیلر وسایسلر ، —
 کاتبلر ، قرائتجیلر ، طیدلر ، مربیلر ، — آفتورلر ، موزیقه جیلر ،
 کذا هر درلو صنعتکارلر واردی؛ زیرا هر بیوک خانده بغدادی
 اوکو تولور ، یوک اکیریلر ، البسه طوقونوردی . بر چوق
 اسیرلرده دستکاهلره قاپانهرق برطاقم شیلر اعمال ایدرلر ؛
 افندیلری بونلری کندی حسابنه صا تدریرلردی . دیگر برطاقلری ده
 دیوارجی ، کیجی کبی اجرتله خارجه ویریلردی ؛ قراسوسک
 ۵۰۰ معمار اسیری واردی . بونلره (شهر اسراسی) دیرلردی .

کوی اسراسی . — هر بیوک اراضی بی بر سورو اسیرلر
 زرع ایدردی . بونلر اونر اونر مانغله ره آیرلمش بچفتجیلر ،
 چوبانلر ، باغجیلر ، باغچوانلر ، بالقجیلردی . ینه اسرادن برکتخدا
 بونلره نظارت ایدردی . ملک صاحبی اراضیسنک محصولاتی
 ایله افتخار ایدردی . «خارجدن برشی صاتین آماز ، نه صرف
 ایدرسه هپ کندی أوندن چیقار .» دیمک زنکینلره قارشى
 یکانه التفات ایدی . انک ایچون برزنکین ، اوزمانک تعبیری
 وجه ایله ، پک چوق کوی اسراسی (۱) بولوندرلردی . بر روما

(۱) بونلر عمومیتله ایشه یارامیان ، افندیلرینک خوشنه کیتمین
 اسیرلردی؛ چونکه براسیر ایچون کویلره کوندرلک جزا ایدی .

کویلرده کی فقیرلر ، بیوک زنکینلرک اراضیلری اوزرنده عادتاً مهاجرکی یشارلر، انلردن همان همان اسیرمعامله سی کورلردی . شهرلرده ایسه اسارتدن آزاد اولانلرکی صنعتکارلق ویا اوفاق تجارتلر ایدرلردی . شهر زنکین اولدینی زمان حاکملر طرفندن ویریلن اعانهلردن انلرده حصه مند اولورلر ؛ تیاترولره ، سیرقلره ، حماملره مجانا کیدرلردی . هر شهرده حوضلره مزین بانو محالرندن متشکل صیجاق صو حماملری واردی . حرارت یر آتنه قونیلان براوجاق واسطه سیله حصوله کتیریلردی . بریونان شهرنده جماستیق خانه نه ایسه ، برروما شهرنده حمام اونک عینی ایدی ؛ بوراسی ایشسزلر ایچون برموده ملاقات ایدی . بوراده جمناستیق خانه ده کندن ده فضله اولارق برصغوق ، برایلیق ، برصیجاق محل ، البسه یری ، زیتون یاغی سورونمکه مخصوص بریر ، مصاحبت سالونی ، تعلیم سالونی ، بانچه لر واردی ؛ هپسنگ اطرافی بردیوارله محاط ایدی . روما جوارنده کی (قاراقاللا) حماملرینک خرابه لری الیوم جسیم برساحه اشغال ایلدکده در .

اسیرلر . - حرفتمیرلردن صو کره صو ک صنف ، اسیرلر کلیردی ؛ بونلر بعض مملکتلرده اهلینک اکثریتی تشکیل ایدرلردی . - زمانمز شرقیلرنده اولدینی کبی روما بکلری ده اطرافلرنده برسورواسیرلر بولوندرمقدن حظ ایدرلردی . بیوک برروما اوینده متعدد خدمتلره آیرلمش برچوق اسیرلر بولونوردی . اشیایه ، کوش طاقنه ، آثار نفیسه یه مأمور اسیرلر ،

بر زمان اولدی که (۲۱۲ ده ، غالینولا زماننده) نشر اولونان
بر امرنامه ایله ایمپراطور لنگ بتون اهلینک شهرلی اولدیغی اعلان
ایدلی؛ بو امرنامه اودرجه نظر دقتی بیله جلب ایتدی؛ چونکه
ذاتاً آره یرده هیچ برفرق قلاماشدی .

الکهمم فرق ثروته نظراً ایدی. اهالی ایکی صنفه آیریلیوردی:
هونهستیور (اک شایان حرمت اولانلر) دنیلن زنکینلردی ؛
بونلر سناتو اعضاسی، شوالیهلر، شهر سناتو اعضالری اولوب
(اوردوده کورییونوم) ده کورییون صنفی تشکیل ایدیورلردی؛
اهالینک قسم متباقیمی یعنی عوامده اومیلیور (یره اک یاقین
اولانلر) یاخود ته نوئی یور (اک فقیرلر) ی تشکیل ایدیوردی .

هیئت اجتماعیه بی یالکز هونهستیورلر تشکیل ایدیورلر ،
مأموریتلرک کافه سنی انلر ایفا ایلورلردی . ایمپراطورک بتون
مامورلری هپ سناتو اعضاسی و یا شوالیه صنفندن ایدی ؛ شهر
حاکم لری نک کافه سی ده کورییون صنفه منسوب ایدی . بونلرک رسمی
امتیازلری، تیاتروده خصوصی یرلری، مراسمده حق تقدملری
واردی . اعدامه محکوم اولدقلری زمان نه چارمیخه کریلیرلر ،
نده (آنفی ته آتر) ده وحشی حیوانلره آتیلیرلردی ؛ بوبادی ذلت
جزالر انجق کوچوک آدملره مخصوصدی .


بو کبار جمعیتی اره سنده فقیرلر سفیلانه امرار حیات ایدرلردی .
روما فقراسی اعانه عمومیه ایله ویاخود ذوات عالییه زیارتجیلک
ایله یشارلردی ؛ بوده دینلنجیلکک بشقه بر صورتی ایدی .

قادینلرک عصبی هوائی مشربلکلی کی جمهوریتک صوک
 زمانلر نده کی انتظامسزلقلر آلآن دوام ایلمکده ایدی. فقط فنالغک باشی
 ادارۀ ایمراطوریه ده دکلدی؛ اصل فنالقی دنیانک همان بتون ثروتلرینک
 یالکز بر قاج بیک اسیلزاده ایله صوکره دن کورمه لره دوشمسی
 وبونلرک دوننده یوزلرجه حرانسانلرک سفالت ایچنده، ملیونلرله
 اسیرلرک مدهش بر تضیق آلتنده یاشاملری ایدی.

رومانک بیوک عائله لری پک چابوق سونوب کیدیوردی.
 اوکوست، حرانسانلرک کیتدکجه آزالدیغنه متأثر اولارق ازدواجی
 تشویق ایتمک، بیکارلره مجازات ایلمک ایچون بر قانون تأسیس
 ایلمشدی. فقط بوقانونلردن طبیعی هیج بر تأثیر حاصل اولمادی.
 روماده او قدر چوق زنیکن بیکار واردی که، بونلرک وصیتنا
 مه لرینه یازلمق ایچون انلره طالق اووقلق ایتمک کارلی بر صنعت
 عد اولونوردی؛ مدهنلردن محروم اولماق ایچون چوجق
 صاحبی اولماق بر حسابدی. روما حکایه نویسرندن بری دیورکه:
 «بوشهرده بتون انسانلر ایکی صنفه تقسیم اولونور: اولایانلر،
 اولانانلر.» سهنه ک دیورکه: «چوجق صاحبی اولماق بر انسانک
 نفودینی تزید ایدر.»

صنوف عاریه . - روماده انتخابات قالقوبده (ملک صاحبی
 اولمق حتی) (ژوس قومهرچی) تدریجاً ایالت اهالیسنه ده شامل
 اولمغه باشلادیغنی جهتله روما شهرلیلری (چیو) ایله اجنیلر
 (پهره غریخی) بیننده کی فرقه ده بتون اهمیتنی ضایع ایتمدی.

بوراسی طامده کی آچیققلقدن ضیا آلردی . قبول سالونندن
 صوکره (پهری ستیل) یعنی اطرافی ستونلرله محاط بانجه
 کلیردی ؛ غایت مزین ، یاتاقلرله مجهز یمک سالونلری ایشته
 بورایه ناظر دی ؛ آناتولی یونانیلر نده اولدییی کبی زنکین



بر رومالی اونیك آتریومی

رومالیلر دده دعوتیلر یمک ایچون یاتاغه کیرلردی . دوشومه
 اکثریا موزاییقدن ایدی .

عادات . - سه نهك (مکتوبلر) نده ، ژووه نه نال (ساتیر)
 نامنده کی اثر نده زمانلرینک ارکاک وقادینلرینی اودرجه مدهش
 بر صورتده تصویر ایتشلر درکه روما قیصرلری زماننده رومانک
 فساد اخلاقی عاداتا مثل سائر حکمنه کیره شد . فقط اوزمانلر
 زنکینلرک قبا دبدبهلری ، افندیلرک اسیرلره قارشیی مظلومی ،

بو بیوک زنکینلر ایشسز و هوائی مشرب ، اوفاق بر حکمدار کبی اسیرلری ارسنده یاشارلردی . روماده کی اولری بر سرای کبی ایدی ؛ هر صباح قبول سالونی (آتریوم) زیارتجیلر (قیلیان) ایله (۱) طولاردی ؛ بونلر آز بر بخشش مقابلنده زنکینلری سلاملامغه کلن و سوقاغه چیقدیغی زمان معیتنده کیدن آدملردی ؛ زیرا بر زنکینک عمومه قارشی بر سورو معیتله کورونمی موده ایدی . تیمور سوقاغندن یالکز بش اسیرله کچدیکی ایچون هوراس بر پره تور ایله استهزا ایدیور . زنکینلرک روما خارجنده ، دکر قیلرنده ویاخود طباغلرده غایت مزین کوشکلری واردی ؛ ایشسز قالوبده جانلری صیقلادیغی زمان بونلرک برندن اوبرینه کیدرلردی .

زنکین رومالیرک اولری ، شمدیکی اولریمز کبی . جبهه لی دکلدی ؛ جبهه کاملاً داخله طوغرو دونوک ایدی ؛ طیشاریده دیواردن بشقه برشی کورولمزدی . اوطه لر اوفاق ، دوشه مه سی آزوقرانلقدی ؛ ضیائی یالکز قبول سالونندن آلردی . اؤک تام اورتسینده قبول سالونی بولونوردی ؛ اجدادک هیکللی بوراده طورر ، مسافرلر بوراده قبول اولونوردی ؛

(۱) زیارتجیلک آغر برصنعتدی . شاعر ماریال ، وقتله زیارتجیلک ایتمش اولدیغی ایچون بوندن شکایت ایدیور . زیارتجی اولق ایچون صباحین کون طوغمدان قالمق ، حرمانی بی ، او او یغونسز ، انسانی راحتسز ایدن البسه نی کیمک ، زنکین طرفندن قبول ایدیلنجه انتظار سالوننده بکلک لازمدی .

(بوردو) مکتبک الکیوک آدمی ده ایمپراطورک مخدومنک معلمی
و غایت معتبر لاتینجه منظوم تیاترولر مؤلفی (اوزون) ایدی .
کبار صنفی . — رومانک اسکی زنکین عائله لری کاملاً
سونمشدی . فقط بانقه ، تجارت ، ویرکی التزامی و اراضی



بر دوما ل کوشی

مفتوحه ایشلمک یوزندن کسب ثروت ایتمش یکی یکی زنکینلر
توره مشدی . بر زنکین کندیسنی ایمپراطور طرفندن حاکم
نصب ایتدرمکه موفق اولور اولماز عائله سی اصیل (سناتور یال)
اولوردی . بو صورتله ایتالیا نک وایالتک بتون زنکین عائله لری
اصیل اولمشلردی (اوچنجی عصر نهایتنده عادی شوالیه اولارق
کیسه قلاماشدی) .

لردی. بونلر دها برنجی عصر دهر و ماده ز نکین چو جقلرینه مخصوص مکتبلر آچمشلردی. بعضری شاگردلرینه وظیفه اولوق اوزره علم بیانه دائر فرضی مثاللر اوزرینه مدافعه نامه لر تنظیم ایتدیرلردی. خطیب سه نه کک بوبلاغت وظیفه لرندن بر چوغی ز مانمزه قدر محافظه ایدلمشدر؛ بونلرده هپ قالدیرلمش چو جقلر، حیدودلر، خیالی وقعه لر موضوع بحث اولمقده در.

بو کبی مکتبلر تدریجاً ایمپراطورلغک بتون مملکتلرنده تأسیس ایدلمشدی. غولده، یونان شهرلرندن (مارسلیا) ده اسکی بر مکتب واردی. اوکوست دورنده اک چوق دوام ایدیلن (اوتون) مکتبی ایدی؛ بو مکتب ایمپراطورلغک صوکره قدر دوام ایتمشدی. دها صوکره شمالده، (رایمس) ده، (ترهه) ده ده برر مکتب آچیلمشدی. جنوبده بر چوق شهرلرده مکتبلر واردی؛ بونلرک اک مشهوری (بورده) مکتبی اولمشدی.

مکتبلرک مصارفنی شهرلر ویرردی؛ معلملرک اتخانی و معاشلری شهرلره عائد ایدی. بو مکتبلرده ز نکین چو جقلرینه اک زیاده لاتینجه سویلیوب یازمق، مأمور اولوق ایچون ه یونانیجه اوکره دیلیردی. بالخاصه ده صرف ایله بیان تعلیم اولونوردی. دردنچی عصرده (اوتون) مکتبنک اک مشهور معلمی، ایمپراطور قسطنطین طرفندن کوندریلن (۳۶۷) خطیب ثومه ن ایدی؛ بو ذات قسطنطینک بر مدحیه سنی قرائت ایشلشدی.

عبارتدی . پومیه ئیده بولونان بر رسم ، آرقداش لرینه طوتد -
 یریلوب طباق آتیلان برچوجنی ارانه ایدیور .
 زنکین عائله لر اولادارینی عمومیتله یونانی اسرادن بر معلمه
 تربیه ایتدیرردی؛ معلم چوجقلمه یونایجه و صرف اوکره تیردی .
 علم بیان یعنی ایراد نطق ایتک صنعتنی اوکرنمک ایچون



مکتب منظره سی (۱)

زنکین چوجقلمه عمومی مکتبلره کوندریلیدی .
 کرسیء خطابتلر قالدیرلدیغی حالده ایراد نطق ایتک ذوق
 وعادتنی ینه باقی قالمشدی . او زمان عکسنه خطیبلر (ره تورلر)
 (۳) قوم کبی قاینایور، هر کسه ایراد نطق ایتک صنعتنی تعلیم ایدیور -

(۱) بو رسم، یونانی ورومالی اولان پومیه ئی شهرنده بولونمشدر .
 (۲) (ره تور) یونایجه یالکمز خطیب معناسنه کلیر . رومالیلر ایراد
 نطق ایتکی کندیسنه صنعت اتخاذا ایدینن کیمسه لری اکلاتمق ایچون
 بوکله نی تحقیر آمیز بر معناده استعمال ایتمشلر در .

اوزمانلراہالی الیوم اسپانیاده اجرا ایدیلن بوغ قوشولرنده اولدیغی کبی، قان مبتلاسی ایدی (۱). اسپانیا قرالک بوکون یاپدیغی کبی ایمپراطورده بو قانلی اویونلرده بولونمغه مجبور ایدی. مارق اورهل سیرق اویونلرنده لاقیردی ایدهرک، کتاب او قویارق، اویون سیرایده جک یرده اوته کنی بریکنی یاننه قبول ایدرک جانک صیقلدیغنی بللی ایتدیکی ایچون روماده شهرتی ضایع ایلشدی. ایتالیا به استیلا ایدن باربارله قارشی ایش کورمک ایچون کندیسی ایله برابر غلادییاتورلرده کوتوردیکی زمان اهالی آز قالدی بر پاطیردی چیقاره جقدی. ههیی ده : « بزه فیلسوفلق ایتدرمک ایچون اکلنجه مزی الیمزدن آلیور.» دییه باغیرمشلردی.

مکتبلر . — اسکیلر بتون چوجقلری تعلیم وتربیه ایتمکی هیج دور ^{نه} مشلردر ؛ یالکز اسیرلر دکل، حتی ایمپراطورلق اهاالیسنک بیه قسم اعظمی اوقومه بیلمز لردی. مکتبلر یالکز زنکینلره روما شهرلیلری ایچوندی.

شهرلی ویا عسکر اولادلرینک اوقومه ویا زمه اوکرن دکلری مکتبلره دائر معلوما تمز پک آزددر ؛ معلمه یالکز چوجق ابونینی طرفندن پاره ویریلیر، معلملرای بر معاش آلمازلردی. اصول تربیه، چوجقلری بر دکنکله و حتی بر قامچی ایله دوکمدکن

(۱) سنت اوکوستن (اعترافات) نده بوقانلی منظره لره مقاومتسوز

جاذبه سندن بحث ایدیور .

تراکیالیردن ، بعضاً زنجیلردن ، حاصلی هر مملکتدن
 غلادیاتورلر واردی . بونلر مختلف سلاحلرله ، عومیتلهده
 ملی سلاحلریله مبارزه ایدرلردی . رومالیر بو اوافق مقیاسده
 محاربهلری سیر ایتمکدن پک حظ ایدرلردی (کتابده کی رسم
 بر موزایقندن آلمشدر ؛ بو رسم بری یالکز بر تل سپرله ،
 دیکری ده تام تجهیزات ایله مسلح ایکی غلادیاتوری کوستریور) .
 بوسیرق مبارزلری آردسنده کندی آرزوسی ایله کلنلر ، حر
 آدملرده بولونوردی ؛ بونلر تهاکدن حظ ایتدکلی ایچون
 مدهش غلادیاتور تعلیملری اجرا ایدرلر ، « قامچی ایله
 دوکولمه ، قیزغین دمیرلرله یاقلمغه ، حتی اولدیرلمکه » راضی
 اولدقلرینه دائر رئیسلینه یمین ایلرلردی . سناتو اعضاسندن بر
 چونغی بو اسیرلر و سرسریلر قافلهسنه داخل اولمشلر ، حتی
 ایمپراطورلردن بری ، قومود ، مبارزه میداننه بیله اینمشدی . بو
 قانلی او یونلر یالکز روماده دکل ، ایتالیا ، غول و آفریقانک
 بتون شهرلرنده اجرا ایدیلردی . (یونانیلر بو او یونلری
 قبولدن امتناع ایدرلردی) . (مینتورن) قصبه سی اشرافندن
 بری نامه رکز ایدیلن بر هیکه شو یازی یازلمشدی : « درت
 کونده اون بر چفت غلادیاتور چیقارمش ، بونلر ایچلرندن یارینسی یره
 سریلنجیه قدر مهادیا چارپیشمشلردر . غایت مدهش اون آنی
 آوی ویره مشدی . اصیل شهرلیر ! بونی خاطر یکزدن
 چیقارمایکزر . »

غلامیانورلر . — غلامدیوتور (قیلج ایله مسلح آدم)

کورشی رومالیلرک ملی بر او یونی ایدی . مبارزه میداننه مسلح آدملر اینرلر ، بر برینی اولدیرنجیه قدر مبارزه ایدرلردی .

دها سزار زماننده (۱) ۳۲۰ چفت غلامدیاتوری عین زمانده

دو کوشدیره جک

قدر بو مبارزه لر

ایلر یلتلمشدی ؛ او-

کوست بتون حیاتبخه

درت آیده ینه بو



غلامدیاتور کورشی

مقدارده غلامدیاتور کورشدیرمشدی . بو کورشلر ده اهالی عفو ایتمک آرزو سنده بولونمازسه مغلوب طرف در حال قتل اولونوردی .

بعضاً محکوملر و اک زیاده ده اسرا ایله حرب اسیرلری

غوغا ایتدیریلردی . هر مظفرتی متعاقب (آنفی ته آتر) یه

کومه لرله باربارلر کتیریلیر ، بونلر تماشا کرانک ذوقی ایچون

بر برینی تلف ایدرلردی (۲) . غولوالردن ، جرمنلردن ،

(۱) سزار هر بری ۵۰۰ پیاده ، ۳۰۰ سواری و ۲۰ فیلدن

مرکب ایکی قطعه بننده بر محاربه یاپدیرمشدر .

(۲) « اهالی نی اکلندیرمک ایچون » اسیر ایدیلن تکمیل بر باربار

اردوسنی کورشدیردیکندن طولایی خطبادن بری رسمی بر نطقده

ایمپراطور قسطنطنینه بیان تشکر ایتدکن صوکره : « دها بوندن

لطیف بر ظفر آلائی اولورمی ؟ » دیبه فریاد ایدیوردی .

ایتدرمکه ده چالیشیلیدی . پومه طرفدن ویریلن اویونلرده
بیله ۱۷ فیل و ۵۰۰ آرسلان کتیرلمشدی ؛ ایمپراطورلردن
بعضرینک مکمل برر حیوانات باغچه لری واردی .

دها صوکره حیوانلرک اوزرینه مسلح انسانلر صالیویرمکی
قالدیره رق چپلاق و زنجیره باغلی انسانلر اوزرینه حیوانلرک



آو (اسکی بردسدن)

صالیویرلمسنی دها فجیع بولدیلر . اوزمان حکومتک هر طرفده
اولومه محکوم اولان اسیرلری بو اکلنجه ایچون قوللانق بر
عادت حکمنه کیردی .

هر جنسدن وهر سنده بیکلرجه انسانلر ، بونلر میاننده
بر چوقده خرستیان مظلومینی بو صورتله عمومک کوزلری
اوکنده وحشی حیوانلره پارچه لاتدیرلدی .

در دنجی عصرده ایسه ۳۸۵۰۰۰ کشی بی استیعاب ایدهبیله جک
 درجه ده توسیع ایدلمشدی. روما اهالیسنک الکی زیاده سودیکی درت
 آتلی آرابه قوشولری (قادریر) بوراده اجرا ایدیلردی.
 هر قوشوده آرابه اوچ دفعه سیرقی دور ایدر، بر کونده ۲۵
 قوشو اجرا ایدیلردی. آرابه جیلر یکدیگریله مسابقه ایدن
 شرکتلره منسوب بولونور، هر برنده منسوب اولدیغی شرکتک
 رنگی اولوردی. اوللری درت آرابه جی بولونوردی؛ صوکره
 ایکی یه، تاریخ اختلالاتده شهرت آلان (مائلر) ایله
 (یشیلر) ایندیرلمشدی. بو کون بارکیر قوشولرنده اولدیغی
 کبی رومالیرده آرابه قوشولرینه پک زیاده مراق ایدرلردی. بوکا کتیا
 ایمراطورده اشتراک ایدر، مائلرله یشیلرک مجادله سی بر مسئله
 سیاسی رنگنی آیلردی.

ایمراطور وه سپاسیهن روما قبولرینه (قولیزه) بی انشا
 ایتدرمشدی؛ بوراسی ۷۰۰۰۰ کشی آلابیله جک ایکی قاتلی
 جسم بر بنا ایدی. (قولیزه)، آو و محاربه اویونلری ویریلن
 مبارزه میدانی اطرافنده مدور بر سیرق ایدی.

اولر ایچون میدان بر اورمان حالنه کتیریلیر، داخله بیرنجی
 حیوانلر قونور، بر چوق آدملر اللرینه برر قارغی آلاق
 بونلرله مجادله یه کلیرلردی. دها بشقه حیوانلر و بالخاصه
 آرسلان، ببر، فیل، آبی، مانده، کرکدان، زرافه،
 قیلان، تمساح کبی نادر حیوانلر کتیریلرک اویونی تنوع

ایدی؛ نمایشلر بوراده اجرا ایدیلردی؛ ۱۹۶ سنه سنده داخلی حربلر اثناسنده بتون اهالی: صلح! دینه باغیره مشلردی. تیاترو، زمانك اك زیاده مراق ایتدیکی برشیدی. ایمپراطور- لردن اوچی، قالیغولا آرابه جی، نهرون آقتور، قومود غلادیاتور اولارق او یونه چیقمشلردی.

اوچ نوع او یون واردی: تیاترو، سیرق، آنفی ته آتیر. تیاترو یونان اصولنده ترتیب ایدلمشدی. آقتورلر ماسکه



ایله چیقارلر، یونا- نیلره تقلیداً پاییلان بیه سلری اوینارلردی. رومالیار کندیلرینه پك ایجه کلن بو اکلنجه دن حظ ایتمزلردی. قبا قومد-

یلردن واک زیاده ده (توانس) ده بر قومدی صحته سی (پومیانی د-ملرندن) پاندومیلردن حظ ایدرلر، پاندومیمده آقتور هیچ لاقیردی ایتمز، اشخاصك حسیاتی طورلریله ارائه ایدردی.

(آوانتهن) و (پالاتهن) تپه لری آره سنده بر قوشو میدانی واردی؛ بومیدانك اطرافنی کمر لره محاط اولوب کمر لرك اوزرنده قدمه لر واردی. بوراسی (بیوک سیرق) اولوب نهرون طرفدن توسیع اولوندقدن سو کره ۲۵۰۰۰۰۰ کشی آلابیلیوردی؛

اولرده ماصه، اسکمله، صندوق، یاتاق، شمعدان و برچوق لامبه دن بشقه برشی بولونمازدی؛ اهالی قدیمه چوق اشیا قوللانمازلردی. او طه لر پک کو چوکدی؛ بتون تزینات مسافر سالوننه مخصوصدی. فقط غایت زنکین اولانلرک کو شکرلنده یرلرموزائیق دوشه لی، دیوارلر ظریف رسملرله مزیندی. بورسملر اساطیر منظره لری ایله داللدن و چیچکلردن مرکب تزینات رسملردن عبارتدی.

پومپه ئیده کی تجارت حقنده دکانلردن بر فکر حاصل اولابیلیر. مسکرات دکانلرینک اوکنده بویالی برلوحه آصیلی ایدی؛ بولوحه لردن برنده باکوس (جمشید)ک بر اوزوم صالحیمنی آزدیکی کوستریلیوردی؛ دیگر برنده ده شویازی بولونیوردی: «اوتل» بوراده ۲ یاتاقلی براوطه کیرایه ویریلیر. «بوندن بشقه ایکی آل دکرمننی حاوی بر فرون، برچوخه فابریقه سی، بر بر بردکانی، تونج آلتلیله برابر بر جراح اوی، برهیکلتراش دستکاهی، برده دباغخانه بولونمشدر.

تیا ترو لر . - رومانک ایشسر خلقتک حیاتنده تیا ترو بزم پک کوجلکله تصور ایده بیله جکمز بر موقع اشغال ایشدر. تیا ترو لر یونانستانده اولدیغی کبی او یونلردن یعنی دینی آینلردن عبارتدی. بو او یونلر بتون کون بربری ارقه سنه ویریلیر، ایرتسی کون تکرار باشلا یه رق لاقول برهفته دوام ایدردی. تیا ترو، بتون حر اهالینک موعد تلاقیسی مقامنده

بر فکر ویره بیلیر . پومپه‌ئی اوفاق بر شهردی ؛ غایت منتظم یاپیلیمش یایاقالدیریملرینی حاوی طاش قالدیریمله دوشه‌لی سو قاقلری بر برینی عموداً قطع ایدردی . فقط اصل جاده موج و او قدر طار ایدی که بورادن ایکی آرابه قارشی قارشی‌یه چکه مزدی .

أولرک سوقاق اوزرینه اولان پنجره لری پک آزوپک کوچوکدی ؛ بتون او طهر داخلی بر حولیدن ضیا آلیردی . شو حالده اصل جاده مستثنی اولمق اوزره سو قاقلر دیوارله محاطدی ؛ جاده‌ده ایسه دیوارلر بویجه کوچوک تاجرلره کیرا ایله ویریلر بر صره دکانلر واردی .

اطرافى کورى (سناتو بوراده انعقاد ایدردی) ، اوفاق معبدلر ، محکمه لر ، اوستی اورتولو بر چارشی ، ستونلی بر قپو و آبدهلرله محاط اوفاقه بر میدان واردی . ایشسزئر هپ بورایه طوبلانیرلردی .

شهرده ایکی تیاترو واردی . قسماً بر تپه داخلاه اویولان بیوک تیاترو ۵۰۰۰ کشى استیعاب ایده بیلیردی ؛ اک کوچوکدی ده ۱۵۰۰ کشیلک ایدی . سیرق اویونلری ایله په‌لوان کورشلری ایچون بر آنفیته آت ، (لااقل) اوچ عمومی حمام واردی ؛ بونلردن اک مکمل بر صورتده محفوظ قالان اک کوچوکنده بر تخییر سالونى ، بر صیجا قلق ، بر صغوقلق ، برده البسه کیسه جک یر بولونوردی .

بوراده ظریف هیکلر، یانیق کاغد طومارلری بولوندی؛ بونلرک یازیلری قسماً اوقونا بیلدی. فقط لاوک قازیلماسی غایت کوچ اولدیغی ایچون دوام ایدلدی. (پومپه‌ئی) نی حفر ایتک مناسب کورولدی؛ بوراده کی قومی قالدیر مق دها قولایدی. بورای تیزله مک ایچون اون طقوزنجی عصرده متادیاً چالیشلدی. ایوم بتون شهر کاملاً میدانه چیقارلمشدر.

پومپه‌ئی ازمنه قدیمده نصل ایدیسه او حال ایله میدانه چیقدی.

أولرک طاملری کولک

ثقلتنه تحمل ایدمه

یکندن چوکش،

برچوق اولرده فلاکتدن

قور تولانلر صوکره دن

کلوب اک قیمتدار اشیا

لرینی آملشردی. فقط

دیوارلر، قرمز بویالیه



پومپه‌ئی سوقاغی (صوکره دن یابلمه)

یازلمش اعلانلری، یولدن کچنلرک کمورله پایدقلمی چیزکیلرله

الان موجوددر. سوقاقلر یوک آرابه لرینک کچمه سندن حاصل

اولان ایزرله او یله جه طور بیور. حتی بوغولوبده اولنلرک

کوللر اوزرنده کی جسد ایزلری بیله بولونیور. ایشته بوایزلر

اوزرینه آچی دوکوله رک وجودلرینک قالبلری تمامیه آلمشدر.

روما هیاتی. — پومپه‌ئی، اوفلمش برروما شهر نده نصل یاشاندیغنه دائر

اون يدنجي فصل

ايمپراطورلق زماننده روما مدنيتي

روماحياتي؛ پومپهئي. تياترولر، كبارصنقى. آشاغى صنفلر؛ اسيرلر، جمعيتلر. پومپهئي. — كنج پلين (وه زوو) يئارطاغنىك فورانتى (۷۹) و بوئانده عموجهسى اسكى پلينك تلف اولديغنى بر مكتوبنده روايت ايدييور. واقعا بوفورانندن طولايى ايكي كوچوك صيفيه نك (هركولانوم) ايله (پومپهئي) نك خراب اولديغنى بيلنيوردى؛ فقط بونلر كيرلرى هنوز معلوم دكلدى. اولا (هركولانوم) برلاو



پومپهئي سوقاغى (حال حاضرى)

طبقهسى ايله مستور بولونارق، صوكره (پومپهئي) قوم وسونكر
طاشلرندن مركب بر طبقه آلتنده اولارق اون سكزنجى عصرده
تصادفاً كشف ايدلشدر.

بونلردن اولا (هركولانوم) ده حفريات اجرا ايدلدى؛

ایمپراطور لر عسکر لر ه قارشى غایت سرت طاوران هرق اردوده انضباطى، صوکره ایمپراطور لقهدهده نظام وانتظامى تأسیس ایلدیلر. فقط بر انقلاب اجرا سنه مطلقاً لزوم واردی؛ بوانقلابی ده بالاخره ایمپراطور اولان (۲۸۵) طالعی عسکر لردن دیوقله سیهن اجرا ایتدی؛ ایمپراطور لنى تنسیق ایتدکن صکره حکومتدن فراغت ایلدی.

اولاً: بو جسم اراضی نی اداره ومدافعه ایتک ایچون یالکز برکشی کافی دکلدی. آرتق اوندن صوکره هر ایمپراطور دیوقله سیهنه تقلید ایده رک هر بری ایمپراطور لنگ بر قسمنی اداره ایتکه مامور اولق اوزره اقر باسندن ویا دوستلر ندن کن دیسنه ایکی اوچ شریک المغه باشلادی. عمومیتله بونلره (سزار) عنوانی ویریلردی؛ فقط بعضاً بر برینه مساوی، ایکیسی ده (اوکوست) عنوانی حائز ایکی ایمپراطور بولوندی فی ده اولدی. ایمپراطور وفات ایتدیکی زمان برینه سزار لردن بری کچردی؛ ارتق اردولر ایمپراطور نصب ایده میور لردی.

ثانیاً: ایالتلری غایت واسع ایدی؛ دیوقله سیهن بو ایالتلری تقسیم ایتدی. (ایکنجی عصرده) ۴۸ ایالت وار ایکن ۹۰ دن زیاده وجوده کتیرلدی. (غولده ۷ ایالت وار کن ۱۷ ایالت اولدی).
ثالثاً: روما خاصه عسکر لری تهلکه لی ایدی؛ دیوقله سیهن بونلرک برینه ایکی لژیون تشکیل ایتدی؛ بولژیونلره (بالاتین) یعنی (سرای عسکرى) نامی ویرلدی.

مطالعه اولونا جق آثار:

دور ووی، رومالیرک تاریخى. - ویلله مس، روما حقوق عمومیه سی.

چوق اسملر تحتنده پرستش ایدیلوردی . بتون بو عبادتله
 هپ بر برینک قوییه سی اولدینی کبی اکثریا خرستیانلرک عبادتنده
 تقلید اولیوردی . بودین قاریشقلغنگ اک جالب دقت بر مثالنی
 ناموسکار ، حلیم و منصف بر ایمپراطور اولان آلکساندرسه وهر
 ابراز ایلشدی . آلکساندرسه وهرک سراینده بر کلیسا واردی ؛
 بو کلیساده حضرت ابراهیم ، اورفه ، یسوع ، تیانی آپولونیوس
 کبی بتون بشریت خادملرینه عبادت ایدردی .

دیوقورسوس . - بر عصر دوام ایدن محاربات داخله دن
 صوکره اغتشاشه نهایت ویردیر مکدموفق اولاجق ایمپراطور لرده
 بولوندی . بونلر افراد اهلیدن ، قبا ، فعال ، درجه درجه باش قوماندان ،
 صوکره ایمپراطور اولمش طالعی عسکر لردی . همان کافه سی (۱) ده
 طونه وایللریانک نیم بار بار ایالتلرنده طوغمشلر ؛ بعضلری
 چوجقلرنده چوباناق ویاجفتکلرده یناشمه لقا ایتشلردی .
 بونلرک عادتلری اسکی روما جنراللری کبی غایت ساده ایدی . ایران
 حکمدارینک مرخصلری ایمپراطور پروبوسی کورمک ایسته دکلری
 زمان قارشیلرنده یوک برتاقیه کیمش ، یره اوزانه رق نخود و
 یاغ یمکله مشغول ، صاچمز بر اختیار کورنشلردی . بو ،
 کورییوس دهن تانوس وقعه سنک بش عصر صوکره کی تکرری
 ایدی .

(۱) قلود ، اوره لیهن ، پروبوس ، دیوقله سیهن ، ماقسیمهن ،
 غالهرییوس ، قونستانس ، قسطنطین .

عبادتى ایفایده بیلیمک ایچون دخول مراسمى، اوروج، قورقونج
تجربه لر کچیرمک ایجاب ابدردى .

اوچنچى عصر نهایتنده میترا دینی، حکومتک مذهب رسمییى
اولدى . (مغلوب اولماز معبود) ایمپراطورلرک واردولرکده
معبودى اولمشدى؛ هر طرفده محرابلر وقبارتمه لاله مزین مغاره
شکلنده کلیسالى بولونوردى؛ حتی روماده ایمپراطور اورده لیهن
طرفدن انشا ایدلمش محتشم بر معبدی ده واردى .

بوزمانک اکشدید احتیاجاتى الوهیتیه تالیف بین ایتمک
احتیاجی ایدی، بونک ایچون تصفیة ذنوب آیینلری ایجاد ایدیلردى .
بو آیینلرک اکجالب دقت اولانى (طوروبول) آیینی ایدی .
بو آیینده، عبادت ایدن صیرمه تزینات ایله مزین بیاض البسه ایله
برچقوره کیرر، اوزرى دلیکلی برتخته ایله قپادیلردى . صوکره
بوتخته نك اوزرینه بر بوغا کتیریلیر ، راهب بوغانی کسر ، قانی
بودلیکلردن عبادت ایدنك البسه سنه، یوزینه و صاچلرینه آقاردى .
بو (قان وافتیزی) بتون کناهلری تمیزلر دیه اعتقاد ایدرلردى .
کندیلرینه بو وافتیزی یاپدیرانلر آنادن طوغمه کبی اولورلردى .
عبادت ایدن ، قورقونج، فقط مسعود و غبطه آور برحاله
چقوردن چیقاردى .

دینلرک ناریشماسى . - خرستیانا نك غلبه سنندن اولکی
زمانلره تصادف ایدن بو عصرده بتون دینلر بر برینه قاریشیوردى .
کونشه (سول) ، هه لیوس ، بعل ، نه لاغابال ، میترا کبی بر

اوچنچى عصرده وعهكلن بو استيلا لردن الك زياده (غول)
حواليسى متاثر اولدى . جرمن جنكاورلرينك چته لرى ،
آلمانلر ، فرانكلر (غول) دن كچديلر ؛ بوراده مستحكم شهرلردن ،
اردولردن اثر كورمينجه شهرلرى يغماليتديلر ، ياقديلر ، اهلينك
برقسنى قتل ، برقسنى اسير اولارق كوتورديلر . ساقسونيا
قورصانلرى ده مانس ساحلارنى تخریب ايتديلر .

بو حرب دورى عين زمانده براعتقادات سخيغه دورى ايدى .
ايزيس ، اوزيريس ، بيوك معبوده كى شرق معبودلرينك هر طرفده
پرستشكارلرى واردى . فقط بونلرك هپسندن زياده برايران
معبودى . ميترا ، ايمپراطورلغك عمومى برمعبودى اولدى .
ميترا ، كوش ديمكدى . بومعبودك شرفنه ركز اولنان



ميترا نامنه بر آبدە

آبدە لردە ميترانك بر
بوغايى دوچار دهشت
ايتديكى كوستريليور
و آلتنده ده شويازى محرر
بولنيوردى : « مغلوب

اولماز كوشه ، معبود ميترايه . « بوكى آبدە لره ايمپراطورلغك هر
طرفنده تصادف ايديلير (۱) . بو عبادت غايت قاريشيق ، اكثر
يرلرى ده خرستيان عبادتنه پك مشابه ايدى . بو عبادتده وافتيز ،
مقدس طعاملر ، تدهين ، استغفار ، كليساهپ موجوددى .

(۱) لوور موزه سنده بو آبدە لردن برچوق واردر .

فترت راستیو . - فی الحقیقه بر عصر مدت عسکر لک
 آرزوسندن بشقه هیچ بر قاعدۀ حکومت تطبیق ایدلمدی .
 ایمپراطور لقدمه (روما) ده کی اوافق خاصه اردوسندن ماعدا
 (رن) ده ، (طونه) ده ، شرقده ، انکلترده بر چوق بیوک
 اردولر واردی . بو اردولرک هربری کندی جنرالنی ایمپراطور
 یایمق ایسته دی ؛ رقیبلر نهایت ایچلرندن بر فرد قالمایجه قدر
 محاربه ایتمدیلر . مثلاً ایچلرندن بری بر قاچ سنه قدر حکومت ایدیور ،
 صوکره یا قتل ایدیور (۱) ویا اداره حکومتی از قضا
 اولادینه براقه جق اولور سه عسکر لر اوغلی علیهنده عصیان ایدیور ،
 حربه یکیدن باشلانوردی .

اوزمان پک غریب ایمپراطور لره تصادف ایدلمدی : سوریه
 راهلرندن نه له غابال قادین قیافته کیرر ، والده سنه قادینلردن
 مرکب بر سناتو انعقاد ایتدیرردی ؛ قانلی و ایری یاری ،
 زنکین بر عسکر اولان ماقسیمهن ، روایت کوره کونده ۳۰ اوقه
 اتیر ، ۲۰ لیتره شراب ایچردی . او یله بر زمان کلدی که هربری
 حکومتک بر گوشه سنده عین زمانده یکر می ایمپراطور بولوندی
 (۳۶۰ : ۲۷۸) . بونلره (اوتوز تیران) دنیلدی .

عسکر لر بر بر یله حرب ایتمکله مشغول اولدقلری صرده
 بار بار لر حدودی بوش بولارق ایمپراطور لغه داخل اولیور ، هر
 طرفی تخریب ایدیور لردی .

(۱) برنجی عصر دن اوچنجی عصره قدر ۵۵ ایمپراطور دن ۲۹ زی
 قتل ایدیلرک تلف اولمشدی .

اون آلتنجی فصل

اوجنجی عصر ده روما ایمپراطورلغی

سه وهر لر . فترت واستیلا . دیوقله سین

سه وهر لر . — آنطونه ندر دورندن صوکره داخلی حربلر
تکرار باشلادی .

۱۹۳ سنه سنده خاصه عسکرلری ایمپراطور پرتیناقسی قتل
ایتمشردی؛ ده اصوصوکره ایمپراطورلغی مزایدیه قویمغی ده تصورایتدیله .
بوکایکی مشتری ظهورایتدی . سولپسیسین هر نفره ۵۰۰۰ فرانق
ویریوردی؛ فقط دیدیوس ۶۰۰۰ فرانغه قدر چیتدی . خاصه
عسکرلری بونی سناتویه کتیردیله ، کندیلرینه ایمپراطور نصب
ایتدیله ؛ دیدیوس بوپاره یی ویره مینجه در حال قفاسنی کسیدیلر .
بو ائنده بره تانیا ، ایللریا و سوریه ده بولنان اوچ بیوک
اردونک هربری جنرالنی ایمپراطور نصب ایتمشدی ؛ بو اوچ
رقیب سلطنت روما اوزرینه یورو یوردی . ایلاک اوکجه ایللریا
لژیونلری کلدیله ؛ جنراللری سه پتم سه وهر سناتو طرفندن
ایمپراطور نصب ایددی . اوزمان بری سوریه لژیونلرینه ،
دیگری ده بره تانیا لژیونلرینه قارشى ایکی قانلی محاربه باشلادی .
ایکی سنه صوکره سه وهر غالب کادی . « اولادلرم ، عسکرلری
منون ایدیکنز ؛ قصورینه قولاق اصمایکنز » سوزلریله بتون
بولتیقه سنی خلاصه ایدن ایشته بوذاتدی .

سویٹکہ آلیشیرلردی . اسکندرک خلفری زماندن بری یونانجہ
 نصلکہ شرق لسانی اولمش ایسہ ، دہا اوچنچی عصر دن اعتبار آدہ
 لاتینجہ غربک لسان عمومیسی اولمشدی . ایشتہ بوصورتلہ
 اسکندریہ دہکی کبی مشترک بر مدینت وجودہ کلش . بوکا روما
 مدینتی دینلمشدر . بومدینت یالکز اسماً ولسانآیدی . حقیقت
 خالدہ ایسہ ایمپراطورک حاکمیتی آلتندہ اجتماع ایتمش بر جهان قدیم
 مدینتدن عبارتدی .

مطالعہ اولوناجق آثار :

دورووی ، رومالیرک تاریخی . - رہنان . مازق اورہل .

« ارض عموم کدر . » دیمشدی ؛ سزانک بوسوزینی قوه دن فعله کتیر دیکز . »

فی الحقیقه اقوام غربیه هر لحظه صویلق ، اولدیرلک ویا اسیر آلمق خوفنه دوچار اولمادن اولرینی انشاایدیورلر ، تارالارینی اکیورلر ، ثروتلرندن ، بوش زمانلرندن استفاده ایدیورلردی ؛ بزبوامنیتته چو جقلغمزدن بری آلیشغین اولدیغمز ایچون تقدیر ایدمه میز ؛ فقط بوامنیت ، ازمنه قدیمه انسانلرینک پک خوشنه کیدردی . بومسالمتکار ایمپراطورلق داخلنده سیاحتلر قولای اجرا ایدیلیوردی . رومالیر هر طرفده استاسیونلر و ارتباط نقطه لر یله برچوق جاده لر تاسیس ایتمشلردی . صنعتکار ، تاجر ، برچوق کیمسه لر ایمپراطورلغک براوجندن او براوجنه قدر سیاحت ایدرلردی (۱) . عالملر ، فیلسوفلر بتون آوروپایی طولاشیرلر ، برشهردن او برینه کیدرلر ، قونفرانسلر ویرلردی . هرایالتده ، اک اوزاق ایالتلردن کلوب یرلشمش کیمسه لره تصادف ایدیلیردی . یونان معلملرینک ، رساملرینک ، هیکلتر اشلرینک اسپانیایه ، آسیالی قیو مجملرله عمله لرك غوله کلدکلری کتابه لردن تمامیه اکلایشیلیور .

بتون بوانسانلر عادتلرینی ، صنعتلرینی ، دینلرینی نقل ایدر واختلاط ایلرلردی . صوکره یاواش یاواش رومالیرک لسانی

(۱) بو کتابه لردن برنده بر فریژیالی ، کندیسنک آسیادن ایتالیایه یتش ایکی دفعه سیاحت ایتدیکنی روایت ایدیور .

آناتولی هپروما ایمپراطور لغنی داخلنده ایدی . - بو ، اسکندر
ایمپراطور لغنک ایکی مثلی ایدی .

روما ملتی . - رومالی ربتون اقوامی زیر اداره لرینه آلاق
حکومتلری داخلنده حرب و قوعنی کاملاً بر طرف ایتشلردی .
ایشته اوزمان (روما مسالمتی) تأسس ایتدی . بریونان مؤلفی



دوما لیمانی (اسکی بر دسندن)

بومسالمتی شو صورتله تصویر ایدیور : « هرکس ایستدیکی یره
کیده بیلردی ؛ لیمانلر کیملرله طولو ایدی ؛ شهرلر اهالی ایچون
نصل امین ایسه طاغلر دده یولجیلر ایچون او درجه امنیتلی
ایدی . هیچ بر یرده قورقو قالماشدی . جهان ، اسکی دمیر سلاحلرینی
آتمش ، بایرام البسه لر یله عرض اندام ایدیوردی . هومهر :

مارق اورمل هر ایش ایچون سناتویه طانیشر ، سناتونک هر انعقادنده منتظماً اثبات وجود ایدردی .

مارق اورمل ، طونه بی بوزاوزردن کچن وایتالیای شمالی به داخل اولان برچوق جرمانیا اقوام وحشیه سنک استیلاسنه قارشی طوردی . کندیسنه براردو وجوده کتیرمک ایچون اسیرلردن وباربارلردن عسکر آلمغه لزوم کوردی (۱۷۲) . جرمنلر کری چکلدیله ؛ فقط مارق اورمل سوریه دده عصیان ایدن بر جزاله قارشی محاربه ایتمکه مشغول اولدیغی صرهدده تکرار ایمپراطورلغه هجوم ایتدیله ؛ مارق اورمل طونه سواحلنده وفات ایتدی (۱۸۰) .

استیلایه (ترازاندن صوکره) نهایت ویرلدیکی زمان تکمیل آوروپانک جنوبی ، آفریقانک شمالی ، آسیانک غربی کاملاً ایمپراطورلغه داخل اولمش بولونیور ، روما حدودی :

غرباً ببحر محیط ؛

شمالاً اسقوجیا طاغلری ، دن ، طونه نهرلری ، قفقاسیه طاغلری ،

شرقاً فرات و عربستان چوللری ؛

جنوباً نیل شلاله لری ایله صحرای کبیر

کبی طبیعی حدودلرده نهایت بولیوردی .

شوخالده بوکون انکلتره ، اسپانیا ، ایتالیا ، فرانسه ، بلجیقا ، اسویچره ، باویهرا ، آوستریا ، مجارستان ، روم ایلی ، شاهانه ، فاس ، جزایر ، تونس ، مصر ، سوریه ، فلسطین ،

انشا ایتدیردی، نهرک منصبه قدر ایندی، بصره کورفرزنده سیاحت ایتدی. فرات ایله دجله ارسنده کی مملکتی پارتلردن ضبط ایلدی، بورازی رومانک ایکی ایالتی حاله قویدی.

فقط روما اردوسی عودت ایتدکن صوکره بو ایکی ایالت تکرار آیاقلاندیلر.

بالخاصه صوکره ایکی آنطونه ندر، آنطونه ن ایله مارق اورهل، ایمراطور لغک شرفنی فضیلتنریله اعلا ایلدیلر. بونلرک ایکیسی ده غایت زنکین اولدقلری حاله اهالی کبی ساده یاشارلردی (۱)؛ اولری سراهه هیچ بکزم دیکی کبی کندیلرینک حاکم اولدقلری حسن بیله ایدلمزدی.

مارق اورهله حکیم ذی تخت لقبی ویرلدی. مارق اورهل ایسته میهرک، وظیفه اداره حکومت ایدردی؛ چونکه کندی الکزیده ازوادن حظ ایدردی. بونکه برابرینه حیاتی حکومته، اردو قوماندانقلریله کچردی. خصوصی خاطر اتندن (تفکرات) کندیسینک عالمدن متجرد، متین، فضیلتکار، بونکه برابر حلیم وخلق اولدیغنی کوزل اکلاشیلیر. مارق اورهل دییورکه: «فنالردن انتقام الموق ایچون الک برنجی چاره اندره بکرده مکر. معبودلریله فنالره قارشى رحیمدرلر؛ فقط سن معبودلره بکرده میزسک.»

(۱) مارق اورهلاک آنطونه ن حقدنه کی تصویراته مراجعت (تفکرات

مارق اورمل هر ایش ایچون سناتویه طانیشر ، سناتونک هر انعقادنده منتظماً اثبات وجود ایدردی .

مارق اورمل ، طونه‌یی بوزاوزردن کچن وایتالیای شمالی‌یه داخل اولان برچوق جرمانیا اقوام وحشیه سنک استیلاسنه قارشی طوردی . کندیسنه براردو وجوده کتیرمک ایچون اسیرلردن وباربارلردن عسکر آلمغه لزوم کوردی (۱۷۲) . جرمنلر کری چکلدیله ؛ فقط مارق اورمل سوریه دده عصیان ایدن بر جزاله قارشی محاربه ایتمکه مشغول اولدیغی صرهدده تکرار ایمپراطورلغه هجوم ایتدیله ؛ مارق اورمل طونه سواحلنده وفات ایتدی (۱۸۰) .

استیلایه (ترازاندن صوکره) نهایت ویرلدیکی زمان تکمیل آوروپانک جنوبی ، آفریقانک شمالی ، آسیانک غربی کاملاً ایمپراطورلغه داخل اولمش بولونیور ، روما حدودی :

غرباً بحر محیط ؛

شمالاً اسقوجیا طاغلری ، رن ، طونه نهرلری ، قفقاسیه طاغلری ،

شرقاً فرات و عربستان چوللری ؛

جنوباً نیل شلاله‌لری ایله صحرای کبیر

کبی طبیعی حدودلرده نهایت بولیوردی .

شوخالده بوکون انکلتره ، اسپانیا ، ایتالیا ، فرانسه ،

بلجیقا ، اسویچره ، باویه‌را ، آوستریا ، مجارستان ، روم ایلئ

شاهانه ، فاس ، جزایر ، تونس ، مصر ، سوریه ، فلسطین ،

انشا ایتدیردی، نهرک منصبه قدر ایندی، بصره کورفرزنده سیاحت ایتدی. فرات ایله دجله ارسنده کی مملکتی پارتلردن ضبط ایلدی، بورازی رومانک ایکی ایالتی حاله قویدی.

فقط روما اردوسی عودت ایتدکن صوکره بو ایکی ایالت تکرار آیاقلاندیلر.

بالخاصه صوکره ایکی آنطونه نلر، آنطونه ن ایله مارق اورهل، ایمراطور لنگ شرفنی فضیلتنریله اعلا ایلدیلر. بونلرک ایکیسی ده غایت زنکین اولدقلری حاله اهالی کبی ساده یاشارلردی (۱)؛ اولری سراهه هیچ بکزم دیکی کبی کندیلرینک حاکم اولدقلری حسن بیله ایدلمزدی.

مارق اورهله حکیم ذی تخت لقبی ویرلدی. مارق اورهل ایسته میهرک، وظیفه اداره حکومت ایدردی؛ چونکه کندی الکزیده ازوادن حظ ایدردی. بونکه برابرینه حیاتی حکومته، اردو قوماندانقلریله کچردی. خصوصی خاطر اتندن (تفکرات) کندیسنک علمدن متجرد، متین، فضیلتکار، بونکه برابر حلیم وخلق اولدیغنی ک کوزل اکلاشیلیر. مارق اورهل دییورکه: «فنالردن انتقام المق ایچون الک برنجی چاره نلره بکزه مکدر. معبودلریله فالزه قارشى رحیمدرلر؛ فقط سن معبودلره بکزه یه مزسک.»

(۱) مارق اورهلک آنطونه ن حقدنه کی تصویراته مراجعت (تفکرات

یایلیرلردی ؛ پایتختلری ده (بابل) جوارنده (سیته زیفون)
شهری ایدی .

تراژان ، داچیلیرله قارشلی برچوق سفرلر اجرا ایتدی .
طونه یی کجدی ، اوچ بیوک میدان محاربه سی قازاندی ، داچیا
قرالنک (۱۰۱ : ۱۰۲) پایتختنی ضبط ایتدی ، کندیلرینه
صلح ایتدی لطفنده بولوندی . فقط داچیلیرلر تکرار حربه باشلاخیجه
تراژان آرتق بونلرله ایشی کاملاً بتیرمه که قرار ویردی ؛ طونه
اوزرینه کار کیر بر کو پرو انشا ایتدی ، داچیا یه استیلا ایتدی ،
بورالینی روم ایالتنه الحاق ایلدی (۱۰۶) . داچیا یه مهاجر لر
کتیرتدی ، بوراده شهر لر تأسیس ایلدی ، داچیا بر روم مملکتی
اولدی ، بوراده لاتینجه قونوشولدی ، روم عاداتی قبول اولوندی .
اوچنجی عصرک ختامنده روم عسکرلری چکلدکن صوکره
لاتین لسانی باقی قالدی ؛ اسلا و باربار لر استیلا ایتدکلری حالده بولسان
بتون قرون وسطی مدتجه دوام ایتدی . ایوم طونه نیک جنوبنده
اقامت ایدن اقوام روم اسمنی محافظه ایتیش اولدقلری کبی (بونلره
رومن ، رومانیا لی دیرلر) فرانسه و یاسپانیو لجه کبی لاتینجه دن
مشتق بر لسان تکلم ایدرلر !

تراژان ، پارتلرله ده حرب ایتدی ؛ فرات نهرینی کجدی ،
پایتختلری اولان (سیته زیفون) ی ضبط ایتدی ، ایرانه قدر
یورودی ، حتی (سوز) شهرینه کیردی ، ایران قرالترینک
صوم آلتون تختلرینی بوراده ضبط ایتدی . دجه اوزرنده بردونما

خلف اولغه اك لایق برینی انتخاب ایتمش، بونی اولدغه قبول ایش، صوكره سناتونك انتخابنه عرض ایتمشدی. ایشه بوضورتله ایمپراطورلغه تجربه دیده آدملر كلمش، بونلر هیچ اختلاله میدان ویرلهدن بابالقورینك مقامنه كچمشلردی .

(آنطونه نلر عصری) ازمنه قديمه نك اك مسالمتلی بر دوری ایدی. حربلر ایمپراطورلغك حدودنده اجرا ایدیلیردی؛ داخلده اغفالات عسكریه، مظالم، کیفی محکومیتلر هیچ قالمه شدی. آنطونه نلر انضباطی تأسیس ایدرک عسکرلری ضبط ایتدیلر، ارباب حقوقدن متشکل برشورای دولت ایله محکمه لر تشکیل ایدیلر. اون ایکی قیصر زماننده رومالیلری پك زیاده حد تلندیرمش اولان آزادلی اسیرلرکیرینه ایکنجی درجه ده کی زادگان صنفندن (شوالیه لردن) انتخاب اولونان منتظم مأمورلر تعیین ایتدیلر . آرتق ایمپراطور، عسکرلرینه خدمت ایتدیرن برظالم اولمادی؛ صلاحیتنی یالکز شهر لیلرک سعادت ایچون استعمال ایدن اك برنجی بر جمهوریت حاکمی اولدی .

آنطونه نلر هر ایکی طرفدن ایمپراطورلغه استیلا ایتك ایستین جنکاور قوملرله برچوق حربلرده بولندیلر - آشاغی طونه ده داچیالیلرله محاربه ایتدیلر؛ بونلر ترانسیلوانیا دیدیکمز طاغلق واورمانلق مملکتده اقامت ایدن باربار قوملردی؛ - فرات ده ده پارت حکومت عسکریه سی ایله حرب ایتدیلر؛ پارتلر بتون ایرانه

یغما و (قایتول) ی احراق ایتمشلردر .

فردر بندر . - وسپاسیهن ایمپراطور اولنجه صلحی تأسیس ایتدی . وسپاسیهن برایتالیان ، برکویلی طورونی ایدی . انک ایچون اقتصاده ، سادهلکه اولان اعتیادینی محافظه ایشدی . وسپاسیهن سناتویی قسماً پریشان بولدی؛ اسکی عائله لرك بر قسمی قتل ایدلمش ، بر قسمی سونوب کیتمشدی . بونلرک یرینه ایتالیا ویا ایالت عائله لرینی کچیردی . سناتو بوصولته احیا اولونجه آرتق ایمپراطوره هیج خصومت ایتدی .

وسپاسیهنک یرینه اولا (۷۹) اوغلی تیتوس کچدی ، همان کچرکچمز وفات ایتدی ؛ صوکره (۸۱) اوغلی دومی سیهین کچدی ، بوده بریونان ظالمی کبی موسوسلک ، ظالمک کوستردی . **آنطونه ندر .** - بش ایمپراطور ، نروا ، تراژان ، آدریهن ، آنطونهن ، مارق اورهل (۹۶ : ۱۸۰) بالخاصه عفت و فطانتلریله شهرتیب اولدیله . بونلره (آنطونه ندر) دیرلر (بواسم الک زیاده صوک ایکیسی ایچون موافقدر) .

آنطونه ندر اسکی روما عائله لری احفاندن دکلردی؛ تراژان ایله آدریهن اسپانیولدی ؛ آنطونهن (نیم) ده تولد ایتمشدی . بونلر طوغار طوغماز اجرای حکومت ایتمه مأمور عائله ایمپراطوری پرنس لرندن ده دکلردی . درت ایمپراطور بلاولد یکدی کیرینه خلف اولمشلر ، ایمپراطور لری ارثاً انتقال ایدمه مشدی . هر دفعه سنده ده ایمپراطور جنرال لرندن و والی لرندن کندیسنه

پره طووار) بعضاً ایمراتور دن زیاده اجرای حاکمیت ایدردی.

اضطراب و صربلر . - نرونک ظلم و جنتلری روما
زادکانی اودرجه اوصانیدردی که نهایت والیلردن بر قاجی عصیان
ایتدی . سناتو ، کندیسنه یاردم ایدیله جکنه قانع اولارق
نرونی دشمن عمومی اعلان ایلدی؛ نرون قاجدی، صوکرده
کندینی اولدیردی .

نرونک وفاتندن صوکره (۶۸) سناتو اسپانیا والیلردن
غالبایی ایمراتور نصب ایتدی . ققط خاصه عسکرلری بونی
اودرجه سخاوتکار بولمادیلر، یرینه نرونک سوکیلیرندن
(اوطون)ی کچیرمک ایچون غالبایی تلف ایتدیلر .

جرمانیا حدودنده اردوگاه قوران عسکرلرده کندیلرینه
برایمراتور تعین ایتک ایستدیلر؛ دن لژیونلری ایتالیایه
کیدیلر، (قره مون) جوارنده خاصه عسکرلری ایله محاربه
ایتدیلر، خونریزانه بر میدان محاربه سنده بونلری کاملاً تپه دیلر،
اودرجه ده که محاربه بتون کیجه دوام ایتدی؛ صوکره
جنراللری ویتهللیوسی سناتو طرفندن ایمراتور نصب ایتدیردیلر .

اوصرده سوریه اردوسی ده قوماندانلری و سپاسیه نی ایمراتور
انتخاب ایتدیلر؛ و سپاسیه ن ویتهللیوسی مغلوب ایتدی، انک
یرینه ایمراتور نصب اولوندی (۶۹)؛ اوصورتله که عسکرلر
ایکی سنه ایچنده اوچ ایمراتور چیقاروب اوچ ایمراتور
ایندیردیلر. بو حربلر اثناسنده جرمانیا عسکرلری ده (روما)نی

خاصه عسکرلری . - جمهوریت دورنده بر جنرالک عسکر-
 لرینی شهره کتیرمسی ممنوع ایدی. فقط ایمپراطور بتون اردولرکده
 قوماندانی اولنجه روماده بر خاصه عسکرلی (پره طووار) بولوندیردی،
 بونلر تخمیناً ۱۰۰۰۰ کشیدن عبارت اولوب تیه ر زمانندن
 بری شهر جوارنده مستحکم بر قیشهده اقامت ایدرلردی .



خاصه عسکرلی (تراژان ستونندن)

اسکی عسکرلر میانندن انتخاب اولونان خاصه عسکرلری
 (پره طوریه نلر) طواغون بر معاش ایله برابر صیق صیقده بخشش
 (دوناتی ووم) آلیرلردی. ایمپراطور بوا مکندار عسکرلره کووه نهرک
 روماده کی غیر ممنونلردن هیچ قورقازدی . فقط اصل تهلکه
 خاصه عسکرلردن کله بیلیردی؛ بونلر آلر نده قوت بولوندیغندن
 ایستدکلرینی یاپارلردی. قوماندانلری خاصه رئیسلی (پره فهدو

سائر انسانلرک بالاسنده کوردیکی زمان برغروره قایلیمه جق درجده فکرمتینه مالک کیمسه لر پک آزدی . ایمپراطورلردن بعضلری بومثلی غیرمسبوق صلاحیتدن اسملرینی مثل سائر حکمنه کتیره جک درجده استفاده ایتدیلر ؛ تیبهرک خلنی نهرون ظلمی ایله ، قلود آبدالغنی ایله شهرت بولدی . قالیغولا حقیقی بردلی ایدی ؛ بارکیرینی قونسول یامش ، کندیسنه ده برمعبودکی پرستش ایتدیرمشدی . ایمپراطورلر اک زیاده علیهلرنده اتفاق ایتمه لری ایچون زادکانه ، ماللرینی حجز ایچون زنکینلره جفا ایدرلردی .

بوحددن افزون صلاحیت برانتظام داخلمنده ده دکادی ؛ بالخاصه ایمپراطورک شخصنده مندجمدی . ایمپراطور اولنجه ، ایمپراطور نصیبینه موضوع بحث اولوردی . او یله قناعت حاصل اولمشدی که دنیا برحاکمز اولامازدی ؛ فقط کیمک حاکم اولاجغنی ندقانون ، نه ده عادت تعیین ایده بیلیردی . ایمپراطور نصب ایتمک یالکز سناتونک حقی ایدی ؛ فقط سناتوده عمومیتله اسکی ایمپراطورک تعیین ایتدیکي ویا عسکرلرک ایسته دیکي کیمسه لری زورله انتخاب ایدردی . — قالیغولا قتل اولوندقدن سوکره خاصه عسکرلری (پره طوریه نلر) سرایک ایچنی آراشدیررکن برخالینک ارقه سنده قورقوسندن تیریل تیریل تره یین بریچاره یه تصادف ایتشلردی . بو ، قالیغولانک اقرباس نندندی ؛ ایشته عسکرلر بونی ایمپراطور نصب ایتشلردی (ایمپراطور قلود بوایدی) .

اون بشنجی فصل

ایمپراطور لر

اوکوست عائله سی . خاصه عسکر لری . اختلالر و حربلر . فلاویه نلر ،
آنطونه نلر . روما مسالمتی .

اوکوست عائله سی . - اوکوست طوغرودن طوغرویه
وارث بر ائادن وفات ایتدی؛ یرینه زوجه سنک اوغلی اولوب
اولادلغه قبول ایتدیکی تیبه رکچدی . یارم عصر قدر بر مدت
ایمپراطور لر هپ اوکوست عائله سنندن اولدی . او آندن اعتبار آده
اداره ایمپراطورینک بتون اخلاق سنزلقلری کورولدی .

ایمپراطور قید حیات شرطیه غیر محدود ، حددن
افزون ، ادراکی مشکل بر صلاحیتی حائز دی :
اشخاص و اموالی کیفی ایستدیکی کبی قوللانیردی ؛ هیچ
قوت و نرولسنز محکوم ایدر ، حجز ایلر ، اعدام ایتدیرردی . هیچ
بر نظام ، هیچ بر قانون آرزوسنه مانع اولامازدی . حتی روما
ارباب حقوقی بیاه : «ایمپراطورک امری قوه قانونیه نی حائزدر .»
دیورلر . ایشته اوزمان روما لیلر ، تیرانلرک یونان شهرلرنده اجرا
ایلدکلری غیر محدود بر استبداده کرفتار اولدیلر ؛ بو استبداد
بر شهرک طار محیطی ایچنده محدود دکلدی ، روما ایمپراطورلغی
قدر واسعدی . - یونانستانده ذی احترام تیرانلر کورولدیکی کبی
روماده ده عاقل و ناموسکار ایمپراطور لر کورولدی . فقط کنیدیسنی

واسطه سیله ده (اولیا) به سوق اولونوردی .

شمالی مملکتلردن ده بالخاصه بالطقک عنبرینی . انکلتزمنک
غول طریق ایله کلن قالایینی ، درینر ، کوساله لر ، بالومی ، قادین
صاچی ، اسیر ، بالخاصه ده خام اشیا جلب ایدرلردی .

مطالعه اولوناجق آثار :

دوروی ، رومالیرک تاریخ . - مارقو آرت و مومزن ، رومازمنه
قیمسی . - غول وقونهر ، یونانیرله رومالیرک حیات خصوصیه سی . -
لالیه ، لاتین تاریخ ادبیاتی .

روما ایله ایتالیا، اخراجتندن زیاده استهلاک ایدردی ؛
 بورازی الك زیاده ادخالات تجارتنده بولنورلردی . دنیانك
 الك مشهور لیمانلرنده بولمان ایتالیا نلر (روما) یه سوق ایتمك ایچون
 هر مملكتك محصولاتی بورالره طولارلردی . هر مملكتك بر
 تجارت مرکزی واردی : سبجلیاده (پالرمو) ، آفریقاده
 (قارطجه) ، مصرده (اسکندریه) ایدی ؛ بومملکتلردن الك
 زیاده بغدادی، زیتون یاغی ، قورومیوه وسبزه کلیردی ؛ آسیای
 صغراده (آیائلوغ) ؛ - سوریهده (آنطیوش ، آنطاکیه) ،
 بورادن داخلک یوگئی ، قماشی و بغدادی سوق اولونوردی ؛ -
 قره دکز ساحلنده (اولیا) ، بورادن روسیه بغدادی کلیردی ؛ -
 اسپانیاده (قادیس) ، معدن او جاقلرندن چیقان کوش ایله
 (بهنیک ، اندلس) یوگئری بورادن کوندز یلیردی ؛ - غولده
 (ناربون) و (آزل) ؛ (رون) نهری واسطه سیله بورایه
 غولک دریلری و اودونلری کلیردی (مارسلیا کوزدن دوشمش ،
 فره ژو) ده بر حرب لیمانی ایدی .

رومالیلر اجنبی امتعه سی ده ادخال ایدرلردی . شرقدن
 زینت امتعه سی ، قوقولر ، (ببر ، هندجو یزی ، جیوه) بهارات ،
 چیوید ، فیل دیشی ، ذی قیمت طاشلر ، پاموق و ایپک قاشلر ،
 زنجی اسیرلر ، نادر حیوانلر (بالخاصه میمون) بحر احمر ونیل
 طریقتی ایله (اسکندریه) یه ؛ - بصره کور فزی و (کاروانلرله)
 سوریه چولی طریقتی ایله (انطاکیه) یه ؛ - ایران و بحر حزر

بونلرک انقاضی ایله مستورددر . آفریقا چوللرینه وارنجیه قدر
 آل دکمه مش برچوق آبدلره کمال حیرتله تصادف اولنور . حتی (تونس) ه
 صوکتیرمک ایجاب ایتدیکی زمان یالکز رومالیدردن قاله برصو
 کمرینی تعمیر ایلمک کفایت ایلمشدر .

تجارت . - (روما) دنیا نك اك بیوك برشهری (روماده
 بر زمانلر مجموع نفوسك ۱۰۰۰۰۰۰۰۰ دبالغ اولدیغی ظن ایلمسکده در)
 اولدقدن صکره طیبی اولارق ایمراطور لنگ مرکز تجارتی
 اولدی .

بتون ازمنه قدیمه مدتجه تجارت قره یوللردن زیاده بحرآ،
 دکزدن ونهرلردن اجرا ایلدی ؛ چونکه یوللردن غایت بطی
 آرابه لرله کچمک لازم کلیردی . رومایه امتعه اک زیاده بحرآ کلیردی ؛
 کمیلردن امتعه (تیر) منصبنده کائن (اوستیه) لیمانه چیقاریلیر ،
 بورادن تکرار قایقلره طولدیریلیر ، (آوانتن) تپه سنک اتکنه
 قدر کتیریلیر ، رومالیمانه اخراج اولونوردی . ایتالیانک اقسام
 سائر سنه کلن امتعه اک زیاده (ناپولی) کوفزنده کائن (پوززول)
 لیمانه چیقاریلیردی ؛ اورادن قره یوللری ایله ، قابلسه ساحل
 بونجه کیدن ویاخود نهردن بار کیلرله چکیلوب حرکت ایدن
 قایقلره سوق اولونوردی .

(۱) ادبیات ایچون اولدیغی کبی صنایع حقننده قید احتیاط ایله طاورانمق
 ایجاب ایدر . رومایه لرینی انشا ایدن صنعتکارلر هپ رومالی دکللردی ؛
 اکثریبسی اسیرلردن عبارت ایات اهالیسندهندی . رومالی یالکز حاکمیدی ،
 انلر بو حاکم ایچون چالیسیرلردی .

(فوروم) طرفنه ییغمشلدردر . (قایتول) ، ژویتههر
 معبدی ایله همان کاملاً آتیه آقروپولنه مشاهدردر. کذاعین محلهده بر
 چوق آبدہ میدانلری احداث ایدلمشدر؛ سزار فورومی، اوکوست
 فورومی ، صوکره نروا فورومی و بونلرک اک پارلاغی اولان
 ترازان فورومی کبی .

رومالیدر بنالرینی مملکتلرنده بولدقلری طاشلرله انشا



ترازان فورومی

ایدرلردی ؛ طاشلری کیرچ وقومدن بوزولماز بر خرج ایله
 بربرینه ربط ایدرلردی؛ بوخرج رطوبته بیله ۱۸۰۰ سنه دن
 زیاده مقاومت ایتمشدر . آبدہ لرنده ، یونان آبدہ لرنده کی شایان
 حیرت ظرافت موجوددکلدر ؛ فقط بو آبدہ لر کنیش ، محتشم ،
 روما حاکمیتی قدر صاغلادردر . ایمپراطورلق اراضیسی الیوم

طایفہ ظفر برجنگ آرابہ سی کچہ جک قدر کنیش و ستوندر لہ
مزیندر؛ اوزرنده محکوک برغروب واردر . (اوراثر) طاق
ظفری بونوعدندر .

کورو برنهر اوزرینہ آیلان برصردہ کمرلر اوزرینہ
انشایدیلیدی .

صوکتیرمک ایچون یاییلان صوکرلری بعضاً بروادیدن



قایتول

کچدیکی زمان کوپرو شکلنی آلیردی . (غارد) کوپروسی دنیلان
صوکرلری پارچہ سی ایشته بونوعدندر .

ایمپراطور اوکوست (روما) دەسکساندن زیاده معبد
آچدیغندن طولایی افتخارایدر : « شهری طوغلهدن بولدم ؛
شمدی مرمر اولارق براقیورم . » دیردی . فقط خلفلرینک کافہ سی
دہ (روما) پی تزین ایتمکە چالیشمشلر ، بتون آبدلری اک زیاده

انشا اولونان (پانتئون) بونوعدندی .

محکمہ (بازیلیک) دوز ویا اوزون ، اوزری طامله
مستور ، اطرافی قپولرله مزین بر بناییدی . حاکم ، اطرافنده
اعضالر اولدینی حالدہ بوراده اوطورر ؛ تاجرلر امتعه فیأتی
قرارلاشدیرمق ایچون بورایه طوپلانیرلردی ؛ بوراسی هم
بورسه ، هم محکمہ ایدی . دهاصوکره خرسیتیان مجلسلریده
بازیلیکلرده انعقاد ایتشلر وبرچوق عصرلر خرسیتیان کلیسالی
بازیلیکلرک اشکال و عنوانی محافظه ایلشلردر .

آنفی - آتر ایله سبروه ، کورش میدانی اطرافنده بربری



قولیزه

اوزرینه قونان برچوق کمرلی قاتلردن عبارت ایدی . هرکمرلی
قاتک اوزرنده بر قاچ صره قدمه بولونوردی . (روما) دهکی
(قولیزه) ایله (آرل) و (نیم) دهکی کورش میدانلری هپ
بوله در .

روما صنعتی معماریدر . رومالیر بوندهده ستونلری اقباس
ایدرك يونانیله تقلید ایتشلردر . فقط رومالیرك بر طرزى
واردی که بونی یونانیله قوللانمازدی ؛ اوده قبه یعنی یونمه
طاشلری بر برینه یاپشه جق وجه ایله کمر واری وضع ایتك
صنعتی ایدی . قبه انشا ایتك صنعتی ، رومالیرك یونانیلردن



بانته تون

دها واسع و دها مختلف مبانی انشا ایتلرینه یاردم ایتشدر .
آبردر . — روما آبدلرینك باشلیجه نوعلری بروجه .
آتیدر :
معبدا بعضاً کنیش بر حولی ایله یونان معبدینه بکتر ، بعضاً
اندن دها واسع و قبه لی اولوردی . روماده اوکوست زماننده

تابوتلری (سار قوفازلری) تزیین ایدرلردی . بو قبارتمه لرده حقیقی منظره لر ، آلایلر ، قربان مراسمی ، محاربه لر ، جنازه مراسمی او درجه بر اهتتام ایله ارانه اولونمشدرکه بونلردن ازمئه قدیمه حیاته دائر معلومات آلمق دائما قابلدیر . (ترازان) و (مارق اورهل) ستونلری اطرافنده کی قبارتمه لر بزه روما حربلرینک بتون مناظر محتشمه سنی ارانه ایدر . بوراده عسکرلرک باربارلرله محاربه ایتدکلری ، قلعه لرینی محاصره ایلدکلری ، اسیرلر کتیردکلری کورولور ؛ مدبدب قربان مراسمی ، ایمپراطورک اردوسنه ایراد نطق ایلدیکی مشاهده اولونور .

یارم هیکلر اک زیاده ایمپراطورلرک ، زوجه لرینک ، و چوققلرینک هیکلریدر . بو هیکلردن ایمپراطورلغک هر طرفده یک زیاده موجود اولدینی جهتنه بونلردن او قدر چوق بولونمشدرکه بوکون بیوک موزه لرک کافه سنده بویله ایمپراطور هیکلرینک عادتا برر قوللکسیونی واردر . بو هیکلر احتمالکة اصلرینه پک مشابه ، حقیقی تصویرلردر ؛ چونکه هر ایمپراطورک سیاسی غایت ابی وحقی شایان نفرت چیرکینلکی ایله کوسترلمش بو چیرکینلکی صاقلامغه هیچ چالیشمامشدر (۱) . فقط بر احتیاج روزمره یی رفعه خدمت ایتدیکی ایچون حقیقی

(۱) لوور موزه سنده روما ایمپراطورلرینه عائد یارم هیکلرک بر قوللکسیونی واردر .

رومالیاری یونانیلری تقلید ایدرک کندیلرینه بر ادبیات
وجوده کتیردکلری کبی اقوام حاضرده لاتین مؤلفلرینی
کندیلرینه نمونه اتخاذا ایتدیلر . عجا بو ایمی یوقسه فنامی
اولدی ؛ بونصل انکار ایدیلر ؛ حقیقت غیر قابل
اعتراض بر حالده میدانده در . رومان لسانلری لاتینجه دن
ظهور ایتمشدر ؛ فرانسه ادبیاتی رومالیلرک افکار و طرز
ادبیلری ایله مالاملدر . بتون غرب علمی لاتین ادبیاتی ایله مشحوندر .
صناع . — ایمر اطور لاق زماندن قاله بر چوق روماهیکللری
ایله قبارمه لرینه ک چوق تصادف ایدلمشدر . بونلردن بعضلری

قوبیه لردن ، همان جمله .
سیده یونان آثارینک
تقلید لردن عبارت
ایسه ده بونلر اصللری قدر
ظریف و رقیق دکلدر .
اصل اولارق قاله بر
شی وارسه اوده قبار .
تمه لره یارم هیکلردر .
قبارتمه لر وقتیه
(معدلر ، ستونلر ، طاق
ظفر لر کبی) آبدلری ،
مزارلری ، طاش



روما عسکرلرینک بابار استحکامنی محاصره ایتملی

بوگون هندستانده کی انگلیز لسانی کبی او زمانلر لاتینجه یالکیز مأمورین ایله اکابر رجالک لسان رسمینی اولمادی ؛ اهالی ده آز چوق طوغرو تکلم ایدردی ؛ او درجه ده که بو کون بیه یعنی فتوحاتدن اون سکنر عصر صوکره بیه آوروپاده (نهئولاتین) یعنی لاتینجه دن مشتق بش لسان (ایتالیا نجه ، اسپانیولجه ، پورتکیزجه ، فرانسیزجه و رومنججه) تکلم ایدلمکده در .

لسان ایله برابر لاتین ادبیاتی ده غربده انتشار ایدیوردی . دردنجی عصرده (بوردو) و (اوتون) مکتبلرنده لاتین شعرا و خطباسندن بشقه بر شی مطالعه ایدلیوردی . حتی باربارلر کلدکدن صوکره ده بسقیوسلر و راهبلر هپ لاتینجه یازمقده دوام ایتدیلر ؛ بو عادت کی کندی جرمن لسانلرینی محافظه ایدن انگلتره و آلمانیا اقوامنه بیه سرایت ایتدیردیلر . قرون وسطی دوام ایتدیکی مدتجه مقاوله لر ، قانونلر ، تاریخلر ، علم و فن کتابلری هپ لاتینجه یازلدی . مناسترلرده و مکتبلرده هپ لاتینجه کتابلر اوقونیور ، قوییه ایدیلیور ، تقدیر اولونیوردی ؛ دینی کتابلر خارجنده ویرژیل ، هوراس ، چیچرون ، کنج پلین کبی لاتین مؤلفلرندن ماعداسی بیلنمیوردی . حتی دور تجددده (رنه سانس دوری) ، منسی قالان لاتین محررلرینی قسماً جانلاندیرمقدن عبارت اولمش و اوزمانلر کی قدر لاتین محررلرینک تقلید ایدلیکی هیچ کوروله مشدر .

لردندی ؛ قسم اعظمی ایتالیالی ایدی ؛ بر چوقلری ده ایالت اهایلسندندی . ویرژیل (مانطو) لی ، تیتلیو (غول سیزا - لپنده کائن) پادولی ، سهنهك اسپانیول ایدی .

روماده حقیقی صنعت ملیه ، خطابت ایدی . زمانمزده کی ایتالیانلر کی رومالیرده عموم مواجهه سنده سوز سویله مکدن حظ ایدرلردی . اهالی مجلسنك محل انعقادی اولان (فوروم) ده جمهوریتك صوك زمانلرنده خطیبلر عظیم بر غلبه لکه قارشی ایراد نطق ایدر ، اللریله طورلر یاپاردی . بو خطیبلر ك اک بیوکی ، آئارندن زمانمزه یالکز بر قاچ پارچه سی انتقال ایدن چیچه زون ایدی .

فقط جمهوریتك سقو طی ایله برابر مجلسلر قالمش ، خطابت ده بر مناسبت قلمادینی ایچون کاملاً محو اولمشدر .

لاتین لسانی . — روما فتوحاتندن لاتین ادبیاتی ده استفاده ایتشدی . رومالیلر کندی لسانلریله برابر بولسانی ده غربده کی باربار تبعه لرینه انتقال ایتدیردیلر . ایتالیا ، غول ، اسپانیا ، آفریقا وطونه سواحلنده کی اقوام کندی لسانلرندن واز کچهرک لاتین لسانی اوکرنیدیلر . بونلرک ملی هیج بر ادبیاتلری یوقدی ؛ انک ایچون متبوعلرینک ادبیاتی قبول ایلدیلر . اوزمان ایمپراطورلق ازمئه قدیمه نك ایکی بیوک قومنك لسانلرینه انقسام ایتدی ؛ شرق یونا نیجه سویله مکده دوام ایتدی ؛ غربده کاملاً لاتینجه سویله مکده باشلادی .

ادبیات . — رومالیر فطرة صنعتکار دکلردی ؛
 صنعتکارلغی بالاخره یونانیلره تقلید ایدرک اکتساب ایلشردی .
 رومالیر فاجعه ده ، مضحکه ده ، حماسیاته ، قصیده ده ،
 شعرده ، اشعار راعمانه ده ، تاریخده هپ یونانستاندن نمونه
 آلمشردر . بمضمری بریونان اثرینی (مثلا هوراسک قصائدنده
 اولدینی کبی) عینا ترجمه ایتکله اکتفا ایلشدر . مع مافیله کافه سی ده
 افکار و اشکالی یونانیلردن اقتباس ایتشردر . فقط بو
 اقتباساته کندی عزم و شدت خاصه لرینی ده مزج ایتشدر ، بر
 چوقلری حقیقی بر ایجاد مرتبه سنده اثرلر وجوده کتیرمه
 موفق اولمشردر .

اوکوستک اللی سنه دوام ایدن اداره حکومتی لاتین
 ادبیاتنک اکل پارلاق بر دوری اولمق اوزره قبول ایدلمشدر .
 ویرژیل ، هوراس ، اووید ، تیبول ، پروپرس ، تیتلیو
 هپ بو دورده یتمششردر . فقط (تعبیر مخصوصی وجه ایله)
 اوکوست دورندن اول و صوکره ، ینه بو دور درجه سنده
 ایکی دور ده موجوددر . شاعر موجد لوقرئس ایله اکل
 پارلاق نائلردن سزار ، اکیبیوک خطیلردن چیچهرون ایلك
 عصرده (قبل المیلاد برنجی عصرده) یتمششدر . ده صوکره کی
 دورده ده سه نهک ، لوکن ، تاسیت ، پیلین و ژوونالک
 اثرلری وجوده کلشدر .

بو بیوک مؤلفلردن یالکز بر قاچ دانه سی رومالی عائله -

قاج سفر همکامنده خدمت ایچون تارالارندن چکیلن املاک صاحبیلرندن زیاده ، حربی کندیلرینه برصنعت اولارق اجرا ایدن فقیر کیمسه لردن انتخاب اولوندی . بونلر اون آلتی ویایکرمی سنه خدمت ایدرلر ، اکثریا هیچ ترک خدمت ایتمزلردی .

ایشته بوصورتله شهرلیلردن متشکل اوتوز لژیون یعنی ۱۸۰۰۰۰ لژیون افرادی ایله رومالیلرک عادتلی موجنبجه برار دهافضاه مقدارده عساکر معاوندن مرکب برقطعه محافظه تشکیل ایدلدی ؛ بونلرک مجموعی ۴۰۰۰۰۰ کشی یه بالغ اولدی . فقط بوقدر واسع برملکت ایچون بوده کافی دکلدی .

هرحدود ایالتنک قلعیه مشابه بردائی اردوکاهه التجا ایتمش اوفاق براردوسی بولونوردی . تاجرلر بواردوکاهک اطرافنه کلیریرلشیرلر ، اوزمان اردوکاه برشهر حالی آلیردی . عسکرلر بوصورتله دشمن قارشیسنده اردوکاه قورارق قالدقلری ایچون قیمت عسکریه لرینی وانضباطلرینی دائما محافظه ایدرلردی .

ایشته بو حال تمام اوچ عصر (رن) و (طونه) ساحلارنده زحمنلی برحرب یرینه قائم اولمش ؛ بورالرده ، راطب ، چوراق ، اورمانلر و بط اقلرله مستور بر مملکتده قورقونج باربارلره قارشی محاربه ایدلمشدر . اسکی رومالیلرک جهانی تسخیر ایچون صرف ایتدکلری جسارت و متانت قدر بلکه ایمپراطورلق عسکرلری ده بو ثمره سنز حربلر ایچون جسارت و متانت صرف ایلشدر .

رومادائی. اوافق بر اردو بولون دیرردی. اولاقعه مقامنه قائم اولاجق
 بر شهر تاسیس ایدر، بورایه کویلی عسکر لردن روماشهر لیلری
 کوندر، جوار اراضی بی بر برینه مساوی مالکانه لره تقسیم
 ایدرک بوندره توزیع ایلردی. ایشه بوکا مستملکه دیرلردی.
 مهاجر لر متمادیاً کلیر، روماشهر لیلی اولور لر، رومانک بتون
 او امرینه اطاعت ایدرلردی. بر روماستملکه سی، بعضاً اصل
 شهره قارشی حرب ایده جک درجه ده کندی لکندن حرکت ایدن
 یونان مستملکه سینه هیچ بکزه مز، مطیعه بر قیزکی اطاعت
 ایدرلردی. روماستملکه سی عادتادشمن اورته سنه یرلشن بر روما
 عساکر محافظه سی مقامنده ایدی، - بو عسکری پوسته لرك
 قسم اعظمی ایتالیا ده ایدی؛ فقط بونلردن خارجه ده بولونوردی؛
 ناربون، لیون، آرل، هپ بر روماستملکه سی ایدی.

مردو اردوسی. - داخلی ایالتلرده روماردوسی یوقدی؛
 چونکه ایمپراطورلق اقوامی عصیانیه هیچ تشبث ایتزلردی.
 ایمپراطورلق اصل دشمنلری حدودده، رن و ظونه نهرلری
 ارسنده باربار جرمنلر، - آفریقا چوللاری ارقه سنده چول
 قبائلی، - فرات نهری کریسنده ایران حکومتک اردولری کبی
 ایمپراطورلقه تعرض ایتمکه دائماً حاضر طوران اجنبیلر ایدی.
 هر زمان تهدید آلتنده بولنان بوحدوده حاضر عسکر
 بولوندیر مق لازمدی. اوکوست بونی تقدیر ایتدی؛ انک
 ایچون دائمی براردو احداث ایلدی. ایمپراطورلق عسکرلری بر

متشکل برده سناتوسی واردی. روماده اولدینی کبی بورادده اهالی مجلسی صرف شکلی برشیدی؛ اداره حکومتی سناتو، یعنی زادکان اجرا ایدردی.

شهرک مرکزی دائما بر شهر، (۱) معبدلری، طاق ظفرلری، عمومی حاملری، چشمه لری، تیاترولری، مبارزه ایچون کورش میدانلری ایله اوقالمش بر رومما تشکیل ایدردی. بوراده کچیریلن حیات روماده کنک کوچوک مقیاسده سی ایدی؛ بورادده بغدادی وپاره توزیع ایدیلیر؛ عمومی ضیافتلر، دینی آینلر، قانلی او یونلر اجرا اولونوردی. یالکز روماده کی مصارفلر ایالتلرک پاره سی ایله تأدییه اولونوردی؛ شهرلرده ایسه اداره سنک و شنلکلرینک مصارفنی زادکان کندی کیسه سندن تأدییه ایدردی. ایمراطور حسابنه آنان ویرکی، هیئتیه ایمراطوره کیدردی. شو حالده شهرده کی زنکینلرک، مصارفنی هپ کندیلرینه عائد اولق اوزره او یونلر ویرملری، حاملر تسخین ایتدرملری، قالدیرملر دوشه تمه لری، کوپریلر، صوکرلری، سیرقلر انشایتدرملری ایجاب ایدردی. — زادکان بتون بوشیلری ایکی عصردن زیاده بر مدت بول بول ایفا ایتشلردر؛ چونکه ایمراطور لوق اراضینک هر طرفنده موجود آبدلر، بیکلرجه کتابه لربونی تمامیه اثبات ایدیور.

مملکات. — هنوز تمامیه زیر انقیاده آله میان مملکتلرده

(۱) سیته نامی الکنهایت شهر معناسنه کلشدر.

ایمپراطور انک (۱) او بر او جنبه کیده رک ایالتدن ایالته ترفیع ایدرلردی. اوزمانه منسوب اشخاصک مزار طاشلرنده، بونلرک اشغال ایتدکلری موقعلرکده دائماً کمال اهتمام ایله یازلمش اولدیغی کورولور؛ بونلرک بتون مسله کلرینی تعیین ایچون مزارلرنده کی کتابه لری اوقومق کفایت ایدر.

حیات بلدییه . — ایمپراطورک بوزی اقتدار وکیللری اداره - سنده، زیر انقیاده آلنان کوچوک قوملر کندی کندیلرینی اداره ایدرلردی. ایمپراطور یالکز بونلرک امور داخلیه سنه مداخله ایتک حقی جائزدی؛ فقط علی العموم بوبابده کی حقوقنی استعمال ایتمزدی. ایمپراطور بونلردن یالکز بربریه حرب ایتلرینی، ویرکیلرینی منتظماً ویرملرینی، والینک محکمه سی حضورینه کلرینی طلب ایدردی. هرولایتده بومادون کوچوک ایالتلردن برقاچ دانه بولونوردی. اسکیدن روما حکومته دیندیکی کبی بونلرده شهر (سیتته)، بعضاً بلده (مونی سیپ) دیرلردی.

ایمپراطورلق زماننده کی شهر، اسکی روما شهرینک تقلیدی ایدی؛ بونکده براهالی مجلسی، برسنه مدتله انتخاب اولنان ورفقا صفتیه ایکی اعضادن مرکب حاکم لری، (کوری تعبیر اولنان) بیوک املاک صاحب لرندن، زنکین واسکی عائله لره منسوب ذواتدن

(۱) نه یقتهت دیورکه: «ذوات عالییه نباتات کبی بریره کوک صالما ایدرلر؛ بونلر ایمپراطورک اوامرینه اطاعت ایتک ایچون پک چوق سیاحت ایتلیدرلر.»

بتون انسانلرک حاکمی ، بتون املاکک صاحبی ایدی . (حقوق شناس غایئوس دییورکه : « ایالت اراضیسی اوزرنده بزم یالکز حق تصرفز واردر ؛ صاحب املاکک ایمراطوردردر . ») فقط ایمراطور عین زمانده هر یرده ناظر بولونامیه جنی ایچون بالذات انتخاب ایتدیکی ذواتی کندیسنه وکیل تعیین ایدردی .

ایمراطور هر ایالته بروکیل (بوکا اوکوستک پرده تورلرک وظیفه سنی حائز وکیل دیرلردی) تعیین ایدردی ؛ بووکیل ملکتی اداره ایدر ، اردویه قوماندایلر ، مهم ایشلری حکم ایتک ایچون ایالتنی دوروتقتیش ایدردی ؛ چونکه ایمراطور کبی اتده حیات ومماتی حکم ایتک صلاحیتی واردی .

ایمراطور ویرکی طوبیلامق ایچون برده تحصیلدار کوندزیر ، پاره یی خزینه ایمراطور یسنه ادخار ایلردی (بومامورده اوکوستک تحصیلدار ی دیرلردی) .

ایمراطورک وکلاسی ، وکیل ایله تحصیلدار ایدی ؛ بونلر ایمراطورک تبعمه سنی اداره ایدرلر ، عسکرینه قوماندایلرلر ، دائرة نفوذینی یرینه کتیرلردی . ایمراطور بونلری دائما رومانک ایکی صنف اصیلزادکانندن انتخاب ایدردی ؛ وکیللری سنناتو اعضاسندن ، تحصیلدارلری شوالیه لردن انتخاب ایلردی . اسکی روما حاکملری کبی بونلر ایچونده بر (مسلاک شان و شرف) واردی ؛ بونلر سوریه دن اسپانیایه ، انکلتره دن آفریقایه ،

ایدیلیور. ایشلتیلیوردی. فقط ایمپراطور ادارهٔ حکومتی بونلردن استرداد ایتدی، جمله سنی ده گندی ظلمنه اسیر ایلدی. روما محورلری حریت ضایعه لرندن طولایی شکایت ایتمکه حقلی ایدیلر. ایالت اهایلسنک شکایت ایتلرینه سبب یوقدی. بونلر ینه تبعه ایدیلر؛ فقط بربرینی متعاقب دیکشدر یله رک کسب ثروت ایتمکه چالیشان یوزلرجه حاکم لیرینه، شمدی کندیلرینی قورومقده فائده کورن یالکز بر حاکم لری، بر ایمپراطور واردی. تبه رایمپراطور لوق بولتیقه سنی خلاصه ایدرکن: «ای بر چوبان قویونلری قیرپار، فقط انلری اولدیرمز.» دییوردی. ایشته ایمپراطور لرت تمام ایکی عصردن زیاده بر مدت مملکت لری اهایلسنی قیرمقله اکتفا ایتدیلر. ایمپراطور لرت اهلیدن بر چوق پاره آلرلر، فقط خارجک دشمنلرینه و حتی گندی آدم لرینه قارشی انلری حمایه ایدرلردی. والیرینک ظلمندن ویا خرسنزلقلرندن ایالت اهایلسنک بر شکایتی اولدینی زمان بونی ایمپراطوره خبر ویررلر، کندیلرینه تأمین عدالت ایده بیلیرلردی. معیتی آمر لری حقننده کی شکایتی ایمپراطورک دیکله دیکنی هر کس بیلیردی. فنا والیرلی قورقوتوق واهالی بی تأمین ایتک ایچون بو چاره کفایت ایدردی.

ایمپراطور روما مخلقنک تمثاله شخصی اولدینی ایچون بتون ایالتلر ایمپراطوره عائددی (۱). ایمپراطور بتون عسکر لرینک قوماندانی،

(۱) اوکوست سناتویه یالکز بر قاچ ایالت، اوده اک اهمیت سز لرینی بر ایشدی؛ فقط گندی ایالتلرینه حاکم اولدینی کی بورایه ده حاکم کی ایدی.

آپوتہ ٹوز . - روما اہالیسی بتون صلاحیتنی ایمپراطورہ بخش ایتدیکی جہتہ ایمپراطور شو طرز حیاتی ایله ایمپراطور لنگ یکانہ حاکی ایدی . فقط وفاتندہ ، سناتو اہالی نامنہ ایمپراطورک حیاتی تدقیق ایدر ، حقندہ حکم اعطا ایلردی . شاید ایمپراطور محکوم اولاجق اولورسه ، بتون معاملاتنی لغو ایدیلیر ، هیکلگری قیریلیر . اسمی آبدہ لردن سیلینیردی (۱) . فقط معاملاتنی تصدیق ایدیلہ جک اولورسه (کہ بوہمان اکثریا واقع اولوردی) ، سناتو وفات ایدن ایمپراطورک معبودلر درجه سنہ ارتقا ایتدیکنہ قرار ویرردی .

ایشته بوصورتہ ایمپراطور لنگ قسم اعظمی وفاتلردن سوکرہ معبود اولمشلردی . بونلرہ معبدلر انشا ایدیلیر . عبادتلرینہ برراہب تخصیص اولونوردی . ایمپراطور لنگ هر طرفندہ معبود اوکوست ایله معبودہ روما نامنہ اتحاف ایدلمش معبدلر واردی ؛ مثلاً الہی قلود ، ویا الہی وه سپازیہ نہ راہبک (فلامین) وظیفہ سی ایفا ایتمش برچوق ذوات طانیلیردی . اولن ایمپراطور لره بوصورتہ الوہیت بخش ایتک عادتہ (آپوتہ ٹوز) دیرلردی . بوکله یونانیجہ ایدی ؛ بو عادتہ غالباً شرق یونانیلردن آلمنہ ایدی .

ایالتلرک اداره سی . - استیلا زمانندن بری دنیانک قسم اعظمی رومانک اوچ درت یوز اصیل عائله لری طرفندن اداره

(۱) بالاخرہ بولونان برچوق کتابلر اوزرندہ دومی سیہ نک اسمی سیلنمش اولدیغی کورولمشدر .

دفعه ده نفوس باشنه ۷۰۰ فراتق ، نهر ون اوچ دفعه ده ، ۲۵۰ فراتق ویرمشر .

عین زمانده اهالی بی اکندیرمک ایچون او یونلرده ویریلیردی .
 جمهوریت زمانده منتظماً او یون کونلرینک عددی ۶۶ یه بالغ
 اولمشدی ؛ بر بچق عصر صوکره ، مارق اورهل دورنده ۱۳۵
 کونه ، بشنجی عصرده (فضله دن ضم اولونان کونلر داخل
 اولمادیغی حالده) ۱۷۵ کونه قدر چیقمشدی .

او یونلر کونش طوغارکن باشلار ، غروبه قدر دوام
 ایدردی . سیرجیلر اولدقلری یرده یمک یرلردی . بو او یونلر
 عوامی مشغول اتمک ایچون ایمپراطورلرک برواسطه سی ایدی .
 حتی آقتورلردن بری اوکوسته : « اهالینک بزمله مشغول اولسی
 سنک منفعتک ایچوندر . » دیمشدی . کذا کندیلرینی سو دیرمک
 ایچونده بر چاره ایدی . اک ظالم ایمپراطورلر بعضاً اک زیاده
 اهالینک محبتنی جلب ایدرلردی ؛ نهر ون غایت مددب او یونلر
 ویردیردیکی ایچون اهالی کندیسنه پرستش ایدردی ؛ حتی
 اولدیکی زمان اهالی بوکا اینانمبور ، اوتوزسنه صوکره بیله
 نهر ونک تکرار ظهور ایتسنه انتظار ایدیوردی .

روما عوامی آرتق حکومت سورمک ایسته میوردی ؛
 اکنمکدن ، قارتنی طویورمقدن بشقه برشی دوشونموردی .
 ژووه نالک تعبیر قطعیمی وجه ایله اهالینک ایسته دیکی : « اکمک
 وسیرق او یونلری » ایدی .

ویریله جك ایکن قید حیات شرطیه اعطا اولوندی. جمهوریتك قید حیات شرطیه حاکم مطلق ایمپراطور ایدی؛ روماقومی صرف انده تشخص ای دیوردی؛ بونک ایچون ایمپراطور حاکمیت مطلقه صاحبی ایدی.

سناتو راهالی . - روما سناتوسی اولجه نصل ای دیسه ینه حکومتک زنکین واک معتبر ذواتندن متشکل بر مجلسدی. سناتو اعضای اولمق ینه فوق العاده مرغوب بر شرفدی؛ بر عائله نك بیوکلکنی اکلاتمق ایچون سناتو اعضای عائله سندن دینیردی. فقط سناتو نه قدر صاحب اقتدار اولورسه اولسون ینه هیچ برشی یامغه قادر دکلدی؛ چونکه ایمپراطور ایسترسه سناتوسزده ایش کوره بیلیردی. واقعا سناتو حکومتک ایلك عضوی ایدی؛ فقط آرتق امور اداره یه حاکم دکلدی. ایمپراطور اکثریا سناتو ایله مشاوره ایدرکی کورونور، فقط سناتونک افکار ینه اصلا اطاعت ایلمزدی.

اهالی بتون نفوذینی غائب ایلمشدی؛ چونکه تبه زمانندن بری اهالی مجلسری (قومیسلر) لغو ایدلمشدی. روماده طو- پلانان او جسم نفوس آرتق اسیر لریله برابر بر قاچ بیک کبار سینورلر و برسور و دیلنجیلردن بشقه برشی دکلدی. حکومت بونلری اعاشه ایتمکی ذاتاً در عهده ایتمک مجبور اولمشدی؛ دها سوکره ایسه ایمپراطورلر انلره بغدادی، فضله اولارقده پاره (قونثریه) ده توزیع ایلمشدر. اوکوست شو صورتله طقوز

اوز دردنجی فصل

اوکوست

حکومتک و عبادتک تنسیقی؛ آپوته نوز. ایالتلرک ادارهسی. مستملکات. حدود اردولری. - ادبیات و صنایع. آبدلر. تجارت.

ایمپراطورلرک تنسیقی. - سزارک وارثی طرفندن تأسیس اولونان یکی ادارهده حاکمیت مطلقه یالکز برکشینک آلدده ایدی. بوکا ایمپراطور (امرایدن ذات) دیرلردی. فی الحقیقه بوذات وقتیهه حاکمکر بیننده تقسیم اولونان صلاحیتک کافه سنی یالکز باشنه اجرا ایدردی. سناتویه ریاست ایدر؛ اردولری طوپلایوب قوماندا ایلر؛ سناتو اعضاسنک، شوالیهلرک، شهرلیرک اسامیسنی ترتیب ایدر؛ ویرکی تحصیل ایلر؛ حاکمیت مطلقه اجرا ایدر؛ باش راهبک وظیفهسی ایفا ایلر؛ تریبونلرک صلاحیتنه مالک بولونوردی. ایشته بتون بوصولیتلرک کندیسنی فوق البشر بر مرتبهیه کتیردیکنی کوسترمک ایچون کندیسنه دینی بر عنوان، اوکوست (ذی احترام) نامی ویرلمشدی.

فقط ایمپراطورلق اساسلی برانقلاب ایله تأسیس ایدلمدی. حتی (جمهوریت) نامی ده قالدیرلمادی، تمام اوچ عصر عسکرلرک بایراقلری اوزرنده س پ ک ر حر فلری (نعنی روماسناتوسی واهالیسی) دائماً باقی قالدی. فقط اولجه برچوق ذواته انقسام ایتمش اولان نفوذ حکومت شمدی یالکز برذاته انحصار ایتدی. بوذاته برسنه صلاحیت

مغلوب اولنجه غالبك كیفنه قالیورلردی. سیبلا منتظم قتاللره نمونه کوسترمشدی (۸۱). قرق سنه صوکره (۴۳) اوقتاو ایله آنطوانده یکیدن قتانامه لر ترتیب ایتمشلردی .

بوندن روما اهالیسی ده یزار اولیوردی. کرک قورصانلرو کرک محاصم طرفك دوئماسی موصلاتی قطع ایتدیکی جهتله اهالینك غداسنی تشکیل ایدن بغدادی رومایه منتظمأ کله میوردی . بر عصر دوام ایدن بو اداره دن صوکره زنکین ، فقیر ، رومالی وایلت اهالیسی ، حاصلی هرکس یالکز بر شی آرزو ایدیوردی : مسالت .

ایشته بوصرده سزارك وارثی ، تریبوم ویرلردن بری اولان یکنی اوقتاو، منافسات داخله دن یزار قالان اهالینك اوکنه چیقدی . تاسیتك روایتنه کوره : « اهالینك، سناتونك، حاکمك بتون صلاحیتنی کندیسنه جلب ایتدی . » اوقتاوه قارشی طورمق هیچ کیمسه نك عقلنه کلیوردی . اوقتاو ژانوس معبدینی سدایدیور، هرکسه مسالت بخش ایدیوردی . ذاتاً عومك ایتدیکی ده بو ایدی . جمهوریتك سناتو معرفتیله اداره سی ینما ایله حرب داخلیدن بشقه بر شی میدانه چیقارامیوردی . هرکس داخلی حربلر ایله اختلاللره نهایت ویردیره جك درجه ده قوتلی بر حاکمه لزوم کوریوردی . ایشه روما ایمراطورلنی بو صورتله تأسس ایتدی .

مطامعه اولونا جق آثار :

پلوتارق ، سزارك حیاتی . - پومپه نك حیاتی ، اوتیکلی قاطونك حیاتی . - دوزرووی ، رومالیرك تاریخچی .

مصر قراليجهسى قله ئوپا طرا ايله برابر شرق حكمدار لرینه مخصوص بر حيات امرار ايلكه باشلامشدى ؛ اوقتاوده بر دوغمايه قومانده ايدرك ايتاليا ساحلنى پریشان ايدن پومپه نك اوغلى ايله محاربه ايدده جكدى .

بونك اوزرينه مسامت مختل اولدى . او زمان صوك بر حرب ظهوره كلدى ؛ بو حرب شرق ايله غرب ارسنده اجرا ايدلدى . (آقسيوم) ميدان محاربهسى ايله نتيجهلندى . قله ئوپا ترا دوغماسى آنطواندن آيرلدى ؛ آنطوان مصره التجا ايدرك اتخار ايتدى . اوقتاو يالكز باشنه قالنجه حاكم مطلق اولدى (۲۱) . سناتو ايله اداره حكومت آرتق ختام بولمشدى .

اداره مطلقه نك تاسيسى . — بو حربلردن هر كس بيزار اوليوردى . ايلت اهالىسى عسكلره فديه نجات ويرييور ، سو معامله كورييور ، قتل ايديليوردى . مخاصميندن هر برى انلرى كندى طرفلرينه جلب ايتك ايچون زورليور ، غالب كلن طرفده مغلوبى التزام ايتمش اولدقلىردن طولاي انلره مجازات ايديليوردى . جنراللر اسكى عسكلره مكافات ويرمك ايچون ازاضى وعد ايديليورلر ، صوكره يرلرينه امكدار عسكلرى يرلشديرمك ايچون ايستدكلرى بر شهرك اهالىسىنى طرد ايليورلردى .

روما اغنياسنك ثروتى ، حياتى تهلكهده ايدى ؛ طرفدارلرى

غرب آنطوانک ید اداره سنده قالدی ، آنطوان ده سزارک اردوسنه کووه نهرک روماده مستبدانه اداره حکومت ایتدی . سزار وصیتنامه سنده همشیره زاده سی اون سکز. یاشنده اوقتاوی اولادلغه قبول ایتشدی ؛ بونک اوزرینه اوقتاو روما عادتی اوزره بابالغنک نامی آلدی ، او آندن اعتبار آکندیسنه ژول سزار اوقتاوییهن دنیلدی . اوقتاو ، سزارک عسکرلرینی کندیسنه جلب ایتدی ، سناتو طرفندن آنطوانه قارشی حربه مأمور ایدلدی . فقط اوقتاو ، آنطوانی مغلوب ایتدکن صوکره اداره حکومتی انکله برابر تقسیم ایتکی مرجح کوردی ؛ صوکرده پیدوس ایله پرلشدیلر ؛ اوچی ده رومایه کیردیلر ؛ « امور حکومتی تنسیقه مأمور اوچ ذات » نامیله بش سنه مدته حاکمیت مطلقه استحصال ایلدیلر .

اولا خصملرینی و شیخصی دشمنلرینی قنل ایتدیرمه باشلادیلر (آنطوان چیچه رونی اولدیرتوب باشنی کتیرتدی) (۴۳) ؛ صوکره متفقلرک اردوسنی پریشان ایتک ایچون شرقه کیتدیلر . برمدت صوکره حکومتی بینلرنده تقسیم ایتدیلر . آره لرنده کی ائتلاف چوق دوام ایتدی ، ایتالیاده بربرینه قارشی حرب ایتدیلر . نهایت عسکرلری کندیلرینی ائتلافه مجبور ایلدیلر . حکومت یکی برتقسیمه دها اوغرادی : آنطوان شرقی ، اوقتاو غربی آلدی (۳۹) .

آفسیرم . — بو حال برقاچ سنه دوام ایتدی ؛ آنطوان ،

معبود لره مخصوص اولان) دفته دالندن بر تاج كيمك حقوقنى اعطا ايلدى، وطن باباسى عنواننى توجيه ايتدى، سزارك شرفنه محتشم اويونلر احداث ايلدى، سزارك بر هيكلنى ياپدير ته رفق اوزرينه (ده ئوان ويقتو) ديه يازديردى، حتى معبود زول سزار عبادتى اجرا ايتك اچون راهبلىر تعين ايتدى. سزارك قرال عنواننى ده آرزو ايتمش اولسى محتملدر. سزار كنديسىنى ايمپراطور نصب ايتديردى، ارغوانى البسه كيمكى، آلتون بر تخت اوزرينه اوطورمغى، مسكوكاته رسمى باصديرمغى قبول ايتدى .

سزار، سناتو ايله بتون حاكملىكلرى محافظه ايتمىشى. فقط اهلينك انتخاب ايده چكى نامزدلرى كندى تعين ايدىيوردى . كذا سناتو اعضاسنك اساميسى ده سزار تعين ايتدى . سناتو اعضاسندن قسم اعظمى تلف اولمشلردى ؛ سزار سناتو اعضاسنك مقدارىنى ۹۰۰ . ابلاغ ايتدى ، اعضادن قسم اعظمى كندى انتخاب ايلدى . روماده مجموعى اون بش آى قالدى ؛ (تقويم مستثنى اولمق اوزره) تصميم ايتدىكى اصلاحاتى كاملاً يانمغه وقت بولامادى . نهايت سناتونك نفوذ و حكومتى تاسيس ايتك آرزوسنده بولوناز، ندماسى طرفندن تلف ايلدى (۴۴) .

تريوم ويرات . — سزاره محبتى اولان روما اهالىسى ، قاتللك رؤساسندن بروتوس ايله قاسيوسى فراره مجبور ايتدى . بونلر شرقه التجا ايدرك بوراده جسيم براردو تدارك ايتديلر .

پومپه نك كندیسی مدافه ایچون ایتالیاده اردوسی یوقدی؛ بونك ایچون سناتو اعضاسنك قسم اعظمی ایله آدریاتیق دکزینك او بر ساحلنه فرار ایتدی. فقط اسپانیاده، یونانستانده، آفریقاده بر قاج اردوسی واردی. سزار اول اسپانیا اردوسی (۴۹)، صوکره (فرساله) ده یونانستانده کی اردوسی (۴۸)، دها صوکرده آفریقا اردوسی (۴۶)، حاصلی بواردولری بربری ارقه سنه مغلوب ایتدی. پومپه (فرساله) ده مغلوب اولدقن صوکره (مصر) فرار ایتدی، بوراده مصر حکمداری طرفندن قتل ایتدیرلدی.

سزارك دیکتاتور لکی. — سزار رومیاه عودتنده کندیخی اون سنه مدته دیکتاتور نصب ایتدیره رك حاکمیت مطلقه اجرا ایتدی. صوکره آفریقاده پومپه طرفدارلرینك اردولریله حرب ایلدی. نهایت رومالیرك زیراداره سنده بولونان ممالکک کافه سنه حاکم اولدی. غولوار، مصر لیر، آناطولیده پونت قرالی، آفریقاده پومپه نك متفقی نومیدار قرالی کبی درت دشمنه قارشی روماده بر ظفر آلابی اجرا ایتدی (فقط بر روما اردوسنه قارشی احراز اولونان مظفریتدن طولایی ظفر آلابی یاپدیرمق مناسب دکلدی).

سناتو سزاره الهی بر شرف بخش ایتدی؛ اول امرده سزاره دیگر قونسلر ککندن دها یوکسک بر صندالیه ایله (پرنسپس) برنجی عنواتی اعطا ایتدی. صوکره (صرف

پومپه طرفدار لرندن برينك اردوسى واردى. صوكره (اوتيك) شهرينى مدافعه ايلكى درعهده ايتدى. سزار آفريقا اردوسنى پريشان ايتديكى زمان قاطون (اوتيك) ده بولونان روماليره مدافعهده بولونمازىنى توصيه ايتدى؛ فقط بونلر ردايتديلر. بونك اوزرينه قاطون، نزينه التجا ايدن سناتو اعضاسنى كاملاً يوللادى. صوكره حماه كيردى، دوستلريله يمك ييدى، فاسفهيه دائر مصاحباتده بولوندى. يتاغه ياتدينى زمان افلاطونك ابديت روح حقهدهكى محاوره سنى اوقودى، قليجنى ايستهدى، اوغلى قالديرتدينى اچون جاني صيقلدى. نهايت قليجى كتيرلدى، قاطون قليجنى ياننه قويوب اويودى. كونش طوغدينى زمان اوياندى، ايجاب ايدن امرلر يويردى. دهاصوكرهده قليجنى كوكنه صاپلادى. قاطون هنوز ۴۸ ياشنده ايدى.

فارساله. — قراسوس وفات ايتدكن صوكره سزار ايله پومپه قارشى قارشى يه قالمشلردى. هرايكيسى ده حاكم اولمق ايتتوردى. پومپه، روماده بولونمق وسناتويه حاكم اولمق كې فوانده مالكدى؛ سزارك ده (غول) ده، يدى سفر كورمك حربه آيشمش براردوسى واردى.

ايلك اول پومپه تجاوزه باشلادى؛ سزارك اردوسنى براقوب رومايه كلسى اچون سناتويه برقرار ويردirdى. اوزمان سزار اياتى حدودىنى (حدود، كوچوك روبيقون نهري ايدى) كچدى، روما اوزرينه يورودى.

اولدیغندن قاطون یالکز قرالک خزینه دفترینی تنظیم ایتمکدن بشقه ایش کورمدی ؛ رومیاه جسم بر مبلغ کتیره رک سناتو طرفدن کمال احترام ایله استقبال ایدلدی. پره تور اتخار اولنمق ایچون نامزد اولدی ، برنجی قبیله قاطونه رأی ویرمشدی ، فقط اتخابه ریاست ایدن پومپه کوك کورله دیکنی ادعا ایدرک مجلسی طاغندی (کوك کورله مسی فناء امتدی) .

سزاره براردو ویرلمسی تکلیف اولوندیغی زمان ، او آنه قدر هپ پومپه ایله مجادله ایدن قاطون بوسفر پومپه دن طرفه اولارق سزاردن احتراز ایتمسی تکلیف ایتدی . پومپه خصوصتینی ینه محافظه ایتدی . قاطون ، قونسولک طلبنده بولوناندرک شهرده غوغا ایتدکلرینی کوردیکی زمان یالکز پومپه نك قونسول اتخاب اولونمسی حقنده کی تکلیفی التزام ایتمکدن ینه خالی قالمادی. اوزمان بینلرنده بر مقارنت حاصل اولدی ، سزار اردوسی ایله برابر روما اوزرینه یورودیکی زمان قاطون بتون صلاحیتک پومپه یه اعطا اولونمسی سناتویه توصیه ایتدی. چونک : «فنالغی ، یاپان تعمیر ایتلدر.» دیدی. ایتالیا خار جنده ده پومپه یی تعقیب ایتدی ؛ حتی علامت تأثر اولارق صاچ ووصقال صالیویردی. بر میدان محاربه سی وقوعه کلوبده رومالیلر بر برینی تلف ایتسینلردیه حربک اوزادلمسی توصیه ایتدی .

فارساله بوزغونلغنی خبر آلیر آلاماز پومپه یه ملاقی اولمق ایچون (مصر)ه کیتدی . آفریقاده توقف ایتدی ؛ بوراده

مساعده اولونمق ايجون برقانون تكليفنده بولونديغى زمان قاطون سناتونك حين انعقادنده بوقانونى تكليف ايدن تريبون مه تللوسه قارشى حد تلمدى ، عمرى اولدججه پومپه نك شهره مسلحاً كيردميه جكنى بيان ايتدى . مه تللوس بوقانونى قبول ايتدرمك ايجون اسيرلردن مركب مسلح برمفرزه ايله ميدانه كلديكى زمان قاطون غلبه لكى ياروب كچدى ، مه تللوسك ياننه او طوردى ، پروژمىنى او قومسئنه مانع اولدى . مسلح اسيرلر باغير درق ، طاشلر ، اودونلر آتئرق كلديلر . اهالى كاملاً قاچدى . قاطون هيچ يرندن قيلمادى ، نهايت موردنا قاطونى برمعبدنه طوغرى چكوب كوتورمك خلاص ايتدى . اهالى تكارار كلدى . قاطون كرسىء خطابتنه چيقه رق بوقانون عليهنده ادارهء كلام ايتدى . مه تللوس قانونى قبول ايتدرمكدن واز كچهرك پومپه ايله بولوشمق ايجون آسيابه كيتدى .

سزار ايله پومپه اتفاق ايدوبده قونسول اولديغى زمان برقانون تكليف ايتدى . بوقانونه مخالفت اتمكه يالكز قاطون جسارت ايتدى . سزار ، ليكتورلر يله قاطونى كرسىء خطابتدن ايندير توب حبس ايتيردى . قاطون يولده ينه ايراد نطق ايدسيور ، برچوق سناتو اعضاسى پيشندن كليوردى . سزار نهايت قاطونى تخليه اتمكه قرار وپردى . بسبتون باشندن آتمق ايجون ده معيئنه هيچ برقطهء عسكريه وويرمدن قرال بطلميوسى طرد ايجون (قبريس) ه كوندردى ؛ فقط او صرده قرال اتخار اتمش

قوماندانلقه حربه کوندرلدیکی زمان عسکرلری کبی ساده برحاله
 یاشادینی ایچون کندینی عسکرلرینه سودیروب حرمت ایتدیردی .
 کهستور اولدینی زمان سائر اصیلزاده لر هرایشی کاتبلره
 کوردیردکلری حالدده قاطون بالذات حسابات ایله مشغول اولدی ؛
 بوصورتله کاتبلرک حیه لرینی میدانه چیقاردرق متهملر حقنده
 تعقیبات اجرا ایتدیردی . سناتونک ویا اهالی مجلسنک هر
 اجتماعنده حاضر بولونمق خصوصنده کی غیرتی ایله کندینی
 طانتدی . عفت واستقامتی مثل سائر حکمنه کیردی . حتی برشینک
 امکان خارجنده بولوندیغنی تعریف ایچون : « بونی قاطون
 بیه سویله مش اولسه اینانیلاماز ! » دیرلردی .

قاطون هیچ برشیدن متأثر ، متخاشی اولمیه رق وظیفه
 بیلدیکی شیئی ایفایلدردی . پاره ایله رأی استحصال ایدرک کندینی
 قونسول انتخاب ایتدیردیکی ایچون موردنایی محکوم ایتدرمکه چالیشدی ؛
 فقط اوزمانلر قونسول بولنان چیچه رون بره مدافعه نامه ایله
 موردنایه برائت قازاندیردی ؛ چیچه رون بومدافعه نامه ده
 زنونی اخلاقی ایله استهزا ایتدی . - قاتیلینا اتفاقی مسئله سمنده
 سزار مذنونلرک اتهام ایدلمزدن اول محاکمه ایدملرینه انتظار
 اولونمسنی تکلیف ایلدیکی زمان قاطون سزاره شدتله تعرض
 ایتدی ، متهملرک درحال اعدام ایدملرینی توصیه ایلدی ، سناتویه
 اعدام قراری اعطا ایتدیردی .

پومپه مشروطیته مخالف اولارقدردوسنک رومایه کتیرلمسنه

اون اوچنچى فصل

جمهوريتك صوكى

اوتىكلى قاطون . فارساله . سزارك ديك تاتوراكى . ترييوم ويرات .
آسيوم .

ارتىكلى قاطونه . رومو عالمه حاكم اولمق ايجون جنراللرك
بريله غوغا ايتدكلرى صره لرده ، محوه يوز طوتان جمهوريت
ظاماتنه فرط محبتى ايله بردات تميازاتمش ، بونظامك محو اولديغنى
ئورنجه كمندىنى تلف ايلمشدى . اوزات ، بالاخره كمندىنى تلف
يتدىكى شهرك اسمنه اضافتله اوتىكلى قاطون نامنى الان قاطون
دى .

قاطون اصیل بر فامليادن ، رومو عادات قديمه سنك مدافعى
شهور سانسور قاطونك احفادندن ایدی؛ قاطون كنج ياشنده
جسيم بر ثروته نائل اولدی . فقط حكماى زنونيه مسلكنى قبول
انلرك دساتيرىنى تطبيق ایلدىكى جهتله آزیبهرك ، آزاچهرك ،
و قولر سورونمكدن اجتناب ایدرك خشین بر حیات امرار ایدردى .
اطون قاره و شدتلى صغو قله تحمل اتمكه آلیشمشدى ؛ هر
وسمده ، حتى دوستلری بار كیده اولدیغى حالده كندی یا یا
ولارق سیاحت ایدردى . ارقه سنه غایت ساده ، قسوت انكىز
بسه كیر ، اكثر یا سوقاغه قوندره سز چیقدىغى واقع اولوردى .
قاطون (كنج اصیلزاده لرك امتیاز اتسندن اولمق اوزره)

مقاومت ایدن اقوامی بر ربر زیرانقیاده آملقه کچیردی ؛ انلری کاملاً محو ایتدی . سزار سکز سنه ایچنده بر ملیون نفوسی قتل ایتدیکندن ، بر ملیوننی ده اسیر اولارق صا دیغندن طولایی افتخار ایدیوردی . سزار ، بر سنه ده اداره حکومتی تنسیق ایچون غولی طولاشمقاه کچیردی . رومانک دشمنلری آرتق کاملاً محو ایدلمشدی . سزار اداره حکومتی رومالیرک طرفداری اولان زادکانه تودیع ایتدی . غولالردن بر لژیون تشکیل ایدرک آدینه (لهز آلونته) دنیلدی . سزارک معیتنده تعلیم و تربیه کورمش ، قوماندانه صادق بر اردو واردی ؛ سزار بتون روما حکومتنه حاکم اولق ایچون دها صوکره بو اردویی استعمال ایتدی .

غول اراضیسی طوغرودن طوغرویه رومایه تابع قیلنهرق ایالتلره تقسیم ایدلدی . فقط تنسیقاتی انجق اوکوست زماننده ختام بولدی .

مطالعه اولوناجق آثار :

دورووی ، رومالیرک تاریخی . - بلوخ ، مستقل غول ، رومالیرک فتوحاتی (لایسک نظارتی آلتنده نشر اولونان تاریخ عمومیده . جلد ۱) - قامیل ژولیان ، ورسه نزه طوریکس .

سزاري اردوسى ايله تعقيب ايتدى ، سزارك ارزاق قافله لريله
ارتباطنى كسمكه چاليدى . يورويش حالنده بولونان روما
ردوسنه معيتمدهكى غول سواريلارنى صالحديردى ؛ فقط جرمن
سواريلرى بونلرى انهزامه دوچار ايتدى . سزار غول
اردوسنى تعقيب ايتك ايچون بوندن استفاده ايلدى . ورسه نزه-
طوريكس (سائون) نهري ايله (سن) نهري توابعى ارسندهكى
طاغلق مملكتده كائن (آلهزيا) شهر مستحكمنه چكلى .
سزار انى بورايه قدر تعقيب ايتدى ؛ ورسه نزه طوريكسى
بوراده محاصره ايلدى ؛ (آلهزيا) اطرافنه شرانپولرله مجهز ،
يانلرى قولهره مستند ، ايلاريسى برخندقله مسدود براستحكام
انشا ايتديردى .

ورسه نزه طوريكس اردوسنى آبلوقه دن قورتارمق ايچون
بر غول اردوسى كلدى ، روماليله هجوم ايتدى ، فقط سزارك
صحرا طرفه انشا ايتديردىكي استحكومات خطفى كچهدى .
عمومى بر ميدان محاربه سنى متعاقب كرى پوسكورديلهرك
طاغلىدى . (آلهزيا) ده محصور اولان اردونك هيچ ارزاق
قالمايغندن ورسه نزه طوريكس تسليم اولدى (۵۲) . سزار
ورسه نزه طوريكسى رومايه كوندردى ، روماده آلتى سنه
حبس ايدلى ، نهايت سزارك ظفر آلاينده تشهير ايدلكدن
صوكره باشى كسىلدى .

عصيان عمومى آرتق ياتيشديرلمشدى ، سزار برسنه ده ،

ورسه نره طوریکس ، معیتی افرادینک زوری ایله مملکتی مدافعه ایچون کری دونمکه مجبور اولدی . سزار ، اردوسنی (سانس) جوارنده طوبلامق ایچون وقت بولدی ؛ اردوی (لووار) اوزرینه کتیدی . ورسه نره طوریکس ، دشمن ییه جک بولاماسین دییه بتون مملکتی یغما ، بتون شهرلری خراب ایتدی . فقط بیتوریلر ، شهرلری (آواریکوم) ی تخریب ایتدیرمه رک سزاره اوزون مدت مقاومت ایتدیلر .

سزار ایلك بهارده (۵۲) بر مفرزه کوندره رک (سن) اقوامنه تعرض ایتدی . کندی ده اردوسنک قسم کلیسی ایله (ژرغووی) یه ، آروه رنلرک استحقاقنه تعرض ایتدی . آروه رنلر طرفدن کری پوسکور توله رک غایت مشکل بر وضعیتده ، (نه ودرده کی انبارلری تخریب ایداش اولدیغی ایچون) ارزاقمز ، ایتالیان تاجرلری قتل ایدن نهدونه نلر ایله آروه رنلر اره سنده محصور قالدی . فقط ینه (غول) ی تخلیه ایتکدن امتناع ایتدی ، (سانس) جوارینه کلکه موفق اولدی . بتون غول اقوامی طرفدن کوندریلن مرخصلردن مرکب بر مجلسر ورسه نره طوریکسی عموم غول اردولرینه باش قوماندان نصب ایتدی .

سزار ، معاشلری رومانن ویرلمک اوزره جرمانیادن سواریلر جاب ایتدی ، ایالتی ایله ارتباطده بولونابیلیمک ایچون اردوسنی (سائون) جوارینه کتیدی . ورسه نره طوریکس

عصيانه حاضر لاندیلر . ایلک اول قارنوتلر باشلادیلر . (لووار)
 نهری اوزرنده (سه نابوم) شهرینی آنمزین باصدیلر ، شهرده
 بولونان بتون ایتالیان تاجرلری قیلجندن کچیردیلر . بو سفر
 (سن) و (غارون) نهری اره سنده کی اقوام کاملاً رومالیلره
 قارشی سلاحه صارلدیلر ؛ آکیتهلر هیج قاریشما دیلر .
 رومانک متفق اولان اقوام ، اولاداره حکومتی سزار طرفداری
 بولونان زادکاندن استرداد اتمک باشلادیلر ؛ یکی رؤساده
 غول اتحادینه داخل اولدیلر .

اختلال رئیسى ، آروه رنلی کنج بر اصیلزاده ، ورسه -
 نزه طوریکس ایدی ؛ ورسه نزه طوریکس روما اردوسنده
 خدمت ایتمش ، سزارله دوست اولمش ای بر سواری ایدی .
 ورسه نزه طوریکس اولاکندی مملکتنده براختلال چیقاردی ،
 کویلیلری عصیان ایتدیردی ، زادکاندن اداره حکومتی استرداد
 ایتدی ، آروه رنلره قرال اولدی . صوکره اقوام سائره یه ده
 خبرلر کوندردی ، بو صورتله بر اردو وجوده کتیردی .
 خائسلری یاقه رق ، فراریلرک قولاقلرینی کسه رک ، کوزلرینی
 چیقاره رق تأسیس انضباطه موفق اولدی .

غولوالر هم جنوبدن ایالته (لانکدوق) ، هم شمالدن
 (سن) و (سائون) نهرلری اره سنده لژیونلرک قوناقلادیغی
 مملکته تعرض ایتدیلر . سزار قارلرایچنده (سه وهن) طاغلرینی
 کچمکه موفق اولدی . آروه رنلرک مملکتی خراب ایتدی .

رئیسر بو منفرد لژیونلره تعرض ایتک ، انلرک مواصلاتی قطع ایلک ایچون بو فرصتدن استفاده ایتکه قرار ویردیلر ؛ سزار قیشی (سیزالپین) ده کچیرمه کیده جکی ایچون سزارک (سیزالپین) کیتمینی بکلدیلر .

فقط قارنوت (شارتر) اقوامی سزار طرفندن کنیدیلرینه نصب ایدیلن قراله جانلرینی صیقیله رق وقتندن اول عصیان ایتدیلر . سزار ، قرالی محاکمه ایدرک اعدامه محکوم ایتدی . احوال دن شو صورتله خبردار اولجه حربده حاضر لاندی . (سامبر) حوالیسندّه قوناقلایان لژیون ، اردو کاهندن چیقماغه قرار ویردی ، نه بورونلر طرفندن باصقینه اوغرایوب تلف ایدلدی . — دیکر بر روما مفرزه سی اردو کاهندن طیشاری چیقماق تدبیر سزالکنده بولونمادی ؛ فقط غولوالر انی بوراده محاصره ایتدیلر . سزار در حال یتشدی ، مفرزه بی قورتارمغه موقوف اولدی . اوزمان روما عسکر لری قیشک نهایتنه قدر راحت ایده بیلدیلر . — ایلک بهارده شمالی غول اقوامندن بر چوغی سزاره مرخص کوندر دیلر . سزار بتون اردوسنی طوپلادی ، بونلری برر برر تپه لدی . محصوللرینی خراب ایدرک ، کویلرینی یاقه رق ، اهالیسنی کسه رک ، فرار ایدنلری (آردن) اورمانه قدر تعقیب ایدرک نه بورونلردن انتقام آلدی . صوک بهارده بتون غول زیر انقیاده آلمشدی .

در سه تیره طوری کدی . — مرکزده کی اقوام قیشین یکی بر

مملكتنه استيلا ايلمشدى. سزار، اردوسى و غول اقوامنك سواريلر ايله (رن) نهرينه طوغرو يوريدى، (موز) نهرينك بر لشدىكى نقطه جوارنده جرمنلره هجوم ايتدى، زوجهلرى و چوجقلريله برابر جمله سنى قليبجدن كچيردى. صوكره (رن) نهرى اوزرينه آغاج كوكده لرندن بر كوپرو ياپديره رق صاغ ساحلى خراب اتمكه كيتدى.

(غول) ه عودتنده ايكي لثرون ايله كى يه بيندى (۵۵)، مانش دكزىنى كچدى، برىتانيا (انكلتره) ده قهره چيقدى. برسنه صوكره اشياو باركير آلابيله جك درجه ده بيوك كميلر انشا ايتديره رك بيوك بر اردو ايله (برىتانيا) يه كلدى. برىتانيا جنكاورلرى طرفندن مدافه ايديلان اورمانلردن كچدى، (تايمس) نهرينه قدر واصل اولدى (۵۴).

غرلورلك عصيانى. - غولوا اقوامنك همان كاهه سنده زادكان روماليلر طرفدارى ايدى؛ بونلر معاون سوارى مقامنده روما اردوسنده محاربه ايدرلر، روماضابطريله دوشر قالقارلردى؛ حتى بعضلرى سزارك پك دوستى ايدى. فقط اهالى، متحكمانه حركت ايدن بويابانجى عسكرلره تحمل ايدمه ميورلردى؛ بونك ايچون رؤسادن بعضلرى زادكاندن آيرلديلر، اهالى يى عصيان ايتديرمك ايچون اتفاق ايتديلر.

اوسنه بغدادى آزاو لديغى جهته سزار قيشى كچيرمك ايچون لثرونلر ينى بر قاچ قومك ياننه طاغيتمشدى. غولوالى

اولمادیغی کبی بوکیمیری قیالقه صیغلار دسنده تعقیب ایدمه جهك
درجه ده صو کسیملری ده زیاده ایدی. نهایت رومالیر اوزون
قانجهلی، صایلی اوراقلر اعمال ایدرک کیملرک یلکنترینی طوتان
ایبلری کسدیلر. وه نهت کیملرینک کورکلری اولمادیغی ایچون
یلکنلرده دوشونجه بستیون طور دیلر. روما اردوسی بونلره
هجوم ایدوب ضبط ایتدی.

ودنه تیر صلح ایستهدیلر؛ سزار بتون زادکانک باشنی
کسدیردی، اهلینک قسم متباقیسنی ده اسیر اولار ق صاتدی.
ینه او سنه سزار طرفدن کوندریلن اوفاق بر مفرزه،
الیوم (نورماندیا) نی تشکیل ایدن مملکت اهلینسی زیر انقیاده
آلدی؛ دیگر بره فرزده (غارون) نهرینک جنوبنده (آکتین)
اقوامنه قارشی حرکت ایدیوردی. سزار اوچ سفرله (۵۸
: ۵۶) بتون غولی زیر انقیاده آلدی. ایتالیا به. کندی (سیرالپین)
ایالتنه دونمک ایچون قیشدن استفاده ایتدی.

برسنه صوکره (۵۶) کندیسی ایله برابر اجرای حاکمیت
ایدن دیگر جنراللره، پومپه و قراسوس ایله بوراده ملاقات ایتدی؛
اوچده سزارک ایالتی حدودینه (لوق) حوالیسنه کلدیله، اداره
حکومتلرینی بش سنه ده اتمدید ایتدره که قرار ویردیله.

غول مارمیره کی مفرر. - سزار قوتنی کوسترمک
واردوسنی مشغول ایتمک ایچون غول خارجنده ده حرب ایتدی.
جرمن اقوامندن ایکسی (رن) نهرینی کچهرک به لئز نرک

نرويلر (سامبر حواليسنده) سامبر نهرى سواحلنده ، اورمانلر
 ايچنده اوزرينه آنسزین هجوم ايتديلر ؛ روماليرك متفق اولان
 غول سواريلرى ايله خفيف پياده يى فراهه مجبور ايلديلر ؛ فقط
 لژیونلر انهزامى توقيف ايتديلر . اوزمان سزار نرويلره
 قارشى تخريبكارانه برحرب اجرا ايلدى .

روماردوسى به لژاقوامنى زير انقياده آلدقن صوكره قيشى
 غولك مرکزنده و (لووار) نهرينك شمانده كچيردى .

غرب طرفلك ضبطى . - بحر محيط سواحلنده كى اقوام
 رومانك اتفاقنى قبول ايتمش ، رهن و ير مكده راضى اولمشردى ؛
 فقط قيش كلنجه ، آره لر نده اتفاق ايدرك روما اردوسنى اعاشه ايچون
 بغدادى كوندرمكدن امتناع ايلديلر . سزارى رهنلرينى و ير مكه
 مجبور ايتك ايچون بغدادى ايسته مكه كلن روما مرخصلرينى
 اسير ايتديلر .

غولك باشليجه اقوامندن و نه تترك (وان) بيوك دكزلره
 طيانه جق درجه ده بوردالى ، يوكسك برونلى ، (موربهان)
 ايله ساحلك سينغر نده يوزه بيله جك درجه ده ده دوز قرينه لى
 اى ميشه دن ياپيلمش حرب كميلرى واردى . سزار (لووار) ، نهرى
 منصبنده كوره كللى كميلر ياپديروب و نه تترك دونماسنه تعرض
 ايتدى .

بونلرى مغلوب ايتكده پك كوچلك چكدى ؛ چونكه
 غالهر لرى و نه ت كميلرينك كوپشته سنه يتيشه جك قدر يوكسك

ممالک مفتوحه نظریله باقمغه باشلا یوردی. غول اقوامی نهایت رومانک متفق اولمغه مجبور اولدیلر .

شمالی غولک ضبطی . - تکمیل غول اقوامنک اک جهورلرندن اولوب (سن) نهری ارسنه یرلشن بهلزلر رومانیه اتفاق ایتمکدن امتناع ایلدیلر؛ کندی آره لر نده بر اتحاد تشکیل ایلدیلر. بتون عسکر لرینی (لائون) حوالیسنه طوپلادیلر . سزار ایلك بهارده سکز لژیون ایله کلدی ، غول اقوامندن ردملر (ریمس) له اتفاق ایتدی، بهلزلرک اردو کاهندن بطاق بر وادی ایله آیریلان برتبه اوزر نده مستحکم بر اردو کاهه یرلشدی . ایکی اردو بر مدت قارشی قارشی به طور دی .

فقط روما اردوسنک ارزاق قافله لری جلب ایتک ایچون تشکیلاتی واردی ؛ بهلزلر ایسه بو اورمانلق مملکتده کنیدی لرینی اعاشه ایده میورلردی . سزار ، غولک ایلی کلن اقوامندن بهلواقلرک مملکتنی تخریب ایتدیرمک ایچون متفق اولان نهدوئه نلری کوندردی . بهلزلر بونی خبر آیر آلماز مملکت لرینی مدافعه ایچون طاغیدیلر . سزار هیچ محاربه ایتدن بو صورتله دشمن اردوسندن قور تولمغه موفق اولدی. بهلزلرک مملکتنی طولاشمغه باشلادی ، شهر لینه بر برر هجوم ایتدی ، هر قومی رومانیه اتفاق ایتک و بللی باشلی فامیلالردن رهن آلاق آدم ویرمک ایچون زورلادی .

روما اردوسی اردو کاهنی انشایه باشلادیغی اثناده بو اقوامدن

برقسنی قلیج-دن کچیردرک برحیات قالانلری ده مملکتلرینه
دوئمکه اجبار ایتدی .

صوکره آریوویست اوزرینه یورودی . اردوسنی سریع
بریورویشاه (وهزونطیو) بزانسونه کتیردی . فقط عسکرلری
بویله اءرمانلرله مستور طاغلی برمملکنده متین ومسلح جنکاورلره
قارشى حرب ایتمکن قورقيورلردى . سزار بلوکلرینی طوپلادی؛
مخاربه دن قورقانلرک کرى دونه بیه جکلرینی، کندیسنک یالکز
۱۰ نجی لژیونلده کیده بیه جکنی سنء یله دی . بتون بلوکلر
سزار نرهبه کیدرسه پبشندن آریله جقلرینی بیان ایتدیلر .

روما اردوسی (دوژ) کچیدنن مرور ایدرک (آزاس)
اوواسنه ایندی، دشمن قارشیسنده اردوگاه قوردی . آریوویست
اردوگاهنی یوک آرابه لر یله تشکیل ایدرک بورایه تحصن ایتدی .
سزارده اردوسنی اوواده حرکت ایتدیریور ، مخاربه نظامنه
قویوردی . نهایت آریوویست اردوگاهتندن چیقمغه قرار
ویردی ؛ روما اردوسنه سواریلر یله تعرض ایتدی . اثنای
مخاربه ده کندی یاره لاندی، عسکرلری ده دوچار انزام اولارق
(رن) نهرینه قدر تعقیب ایدلایلر .

استیلاکار جرمنلر آرتق غولدن طیشاری چیقارلمشلردی؛
فقط سزار ، اردوسیه ایالتنه دونه جک یرده اردوسنی (سائون)
وادیسنه یراشدیردی ، قیشی بوراده کچیردی ؛ سزار (غول) ه

کزیده جنگاورلردن وبالخاصه کندی قومندن ، سوئه و لردن
 مرکب برقطمه کتیرمشدی . فقط آریویست ، نه دوئه نلری
 مغلوب ایتدکن صوکره عسکرلرینی یرلشدیرمک ایچون
 سه قووانلردن اراضیلرینک بر قسمی طلب ایشدی . اوزمان
 سه قووانلر آریوویسته قارشی طورمق ایچون نه دوئه نلرله
 ائتلاف ایتشلر ایسه ده مملکتلرینه یرلشمش اولان آریوویستک
 سواریلرینه اصلا مقاومت ایده مه مشلردی . بونک اوزرینه نه دوئه نلر
 معاونت طلبی ایچون (روما) یه آدم کوندره مشلردی . شو حالدده
 سزار (سائون) مملکتنه اردوسنی کتیردیکی زمان جرمن
 استیلاسنه قارشی غولوا اقوامندن برینک متفق صفتیله ککش
 اولیوردی .

بوصردهده اسویچرده اقامت ایدن غولوا اقوامندن هلو دتلرده
 عائله لرینی ، مواشیلرینی ، اشیلرینی جسیم آرابه لرله نقل ایدرک
 مهاجرت ایتدیلر . بونلر بحر محیط ساحلرلرنده یرلشمک ایچون
 غولدن کچه جکز دیورلردی ؛ احتمالکه بو ، آریوویسته قارشی
 نه دوئه نلره یاردم ایتمک ایچون برهانه ایدی . هلو دتلر روما
 اراضیسندن کچمک ایچون سزاردن مساعده ایسته دیلر . سزار
 مساعده ایتدی . بونک اوزرینه هلو دتلر (سائون) وادیسندن
 کچدیلر ؛ سزار بونلری (سائون) جوارنده آنسزین باصدی ؛
 اولادمدارلرینه ، بعده قسم کلیلرینه تعرض ایلدی ، بونلرک

سزار غولی ضبیط ایتمک نیتیه کلدیکی زمان، اولجرومایه تابع قلمان ایکی غول ایالتنک اهاالیسندن انتخاب ایتدیکی عسکر لردن مرکب براردو ایله کلدی. بواردو روما عادتی موجبجه اک زیاده پیاده لردن مرکب اولوب غول اقوامنک لژیونلرینه پک فائق برانضباط و تسلیحاته مالک لژیونلر حالنده تشکیل ایدلمشدی. سزار، (قومانتهر) نامنده کی اثرنده فتوحاتی نقل ایدرکن غولوالرک کندی اردوسنه غایت فائق اردولرله قارشی طور دقلرینه هرکی ایناندر مق ایسته مشدر. غالباً سزار طوغروسنی سویله میور؛ چونکه اوزمان غول انجق پک آز نفوسی بسلیه بیه جک برحاله ایدی؛ بونفوسک قسم اعظمی ایسه جنکاور دکلدی.

هله نلر اید. سوزلرک استیموسی. - سزار (غول) ه کلدیکی زمان اک قوتلی قوملر (غول) ک مرکزنده کی اقوام ایدی. - انلرده: (موروان) طاغلرنده نه دوئه نلردی؛ پایختلری (اوطون جوارنده) (بیراقت) و مملکتلری (سائون) و (لووار) نهرلری ارسنده ایدی؛ - ناملرینی الآن محافظه ایتمکده اولان طاغلرده (اووهرن) یاشایان آروهر نلر ده واردی؛ بونلر بورادن مرکزنده کی طاغلرده بولونان اقوامه حاکمیت ایدرلردی.

نه دوئه نلر، (سائون) نهری اوزرنده بر سیر سفائن مسئله سنندن طولایی (ژورا) طاغلرنده اقامت ایدن قومشولری سه قووانلرله حرب ایتمشلردی. سه قووانلر آلمانیا دن سوئه ولی بر رئیس، یعنی قرال آریوویستی کتیرمه شلردی؛ آریوویست کندیمی ایله برابر

بگزرلردی؛ فقط باقیلیرسه، به لئر لاسکی اهای ایله غولور قدر اختلاط
ایتمه مشلردر؛ به لئر لک مکمل جنکا ورلری آت اوزرنده
محاربه ایدرلردی.

ثالثاً: غارون نهرینک جنوبنده، اسپانیانک ایبریا لیرینه
مشابه جسور وقیصه بویلی آ کیته نلر واردی؛ بونلر ایبریا
لسانی تکلم ایدرلر، غولک سائر اقوامنه اجنبی نظریله باقارلردی.
ایبریا لیر سزاره همان هیچ مقاومت ایتمه مشلردر.

غولور، به لئر، آ کیته نلر. برملت حالنده دکلردی.
بونلر اوافق قوملر حالنده اولوب اک قوتلیسنک اشغال ایتدیکی
یر فرانسه ایالتلرینک اوچ درت مثلی قدردی؛ هر قوم مستقل
بر حکومت - سزارک تعبیری وجه ایله بر (چی ویتاس) - تشکیل
ایدر و کندینه کوره اداره حکومت ایدرک اقوام سائر ایله حرب
ایلردی. بعضلرینک قرالیده واردی؛ اکثریسی ده زادگان
(قاوالیه) مجلسی ایله اداره اولونوردی؛ غولورده راهلرک
(دوروویدلر) پک زیاده نفوذی واردی.

بو اقوامک کافه سی ده هنوز بار بار ایدی؛ اک زیاده مواشیلرینک
محصولی ایله یاشارلر، مستحکم و اوافق محیطلردن بشقه شهره
مالک بولونمازلر، حرب زمانی سورولرینی وعائله لرینی بوراده
محافظه ایدرلردی. مملکتلرینک قسم اعظمی اورمانلرله ستور
اولدینی حالده بونلرینه بغدادی اکرلردی؛ اودرجه ده که برروما
اردوسی بوراده هر زمان تعیش ایده بیلردی.

۴ برابر سزاره ويريلن اوچ ايالتى تشكيل ايديوردى .
 روماليلرك غول تسميه ايتكلرى شمديكى فرانسه نك قسم
 باقىسى هنوز مستقل برحاله ايدى . بوراده اوچ جنس اهالى
 مت ايديوردى .

اولا : (غارون) ايله (سن) نهري ارمسندەكى الك بيوك
 مى غولواز اشغال ايديوردى . يونانيلر ايله روماليلر ،
 لوازى ايرى بويلى ، بياض رنگلى ، صارى وياقىنه رنگنده
 چلى ، مائى كوزلى ، آت يير ، (سروواز) دنيلن برنوع ييره
 بال شرتى اچر ، — بوگونكى فرانسلردن زياده جرمئلره مشابه
 قوم اولارق تصوير ايدرلردى . اهالينك قسم اعظامى قولبه لرده
 ميلانه ياشارلر ، اداره حكومه هيچ اشتراك اتمزلر ، آت
 زرنده محاربه ايدن بيوك املاك صاحبلىرینه اطاعت ايدرلردى .
 رار انلره سواريلر (ئەكيت) نامى ويرهرك بوسواريلرك غايت
 سوز جنكاورلردن اولدقلىرىنى سويليور . جرمئلره بگزه ين
 غول سواريلرينك دها قيصه ، دها آز صارى ، حتى بوگون
 فرانسه ، ايرلاندا ، غال مملكتلرى كچى غرب حواليسنده
 مت ايدن اقوام ارمسندە يرلشن جرمئلره بگزه ملرى دها
 ده محتملر .

ثانياً : (سن) نهرينك شمالنده (رن) نهرينه قدر اولان
 ضيده بهلرلر (بلچيقاليلر) اقامت ايدرلردى . روماليلرك
 ايتنه كوره بونلر (رن) نهرينك اوبر ساحلندهكى جرمئلره

اون ايکنجی فصل

غولک ضبطی

مزارک غولہ دھری . — سزار ، پومپہ ، قراسوس ،
هر اوچی ده بر اردو چیقارمق حقنی حائر اولمق اوزره بیوک
بر ایالت قوماندانلغنی درعهده ایتمک ایچون بربریلہ اثتلاف
ایتمشردی . قراسوس سوریهی ، پومپہ اسپانیہی ، سزارده
غولہ هم جوار ایالتلری بش سنہ مدتلہ درعهده ایتمشردی .
قونسولک مدتی ختام بولنجه سزار کنديسنہ براردو وجوده
کتیرمک و بو اردویہ حاکم اولمق ایچون ایالتنده اوطورمغه
کیتدی . درحال متسلسل حربلره مباشرت ایدرک اون سنہ قدر
رومان اوزاق قالدی (اداره حکومتی بش سنہ ، ۵۳ سنہ سنہ
قدر ایدی؛ فقط سزار بونی بر ایکنجی دوره ایچون ۴۸ سنہ سنہ
قدر تمید ایتدی) .

او زمانه قدر روما، غول اقوامنک اشغال ایلدیکی مملکتلرک
یالکز بر قسمنی زیر انقیاده آلمشدی . رومانک غولده یالکز
ایکی ایاتی واردی : (آپه نین) ایلہ (آلب) طاغلری اره سنده
مملکتدن عبارت اولان آلب سیزالپین (ایوم شمالی ایتالیا) ،
بحر سفید سواحلی ایلہ (آلب) دن (پره نه) طاغلرینه قدر (رهن)
اراضیسی بیننده کی اراضیدن عبارت اولان پروه نسیا . بو
ایالتلر ، ایللریا ایاتی (آدریاتیق دکزینک شرقنده کی طاغلر)

آنطونیوس قوماندەسەندە بىر اردو جنوبدن كلەرك قاتیلینا
 اوزرینه یورودی ؛ بىر اردودە شمالدن كلدی . قاتیلینا ، ۳۰۰۰
 كشى يە اینن قوتى ایله شماله طوغرى چكلمكە چالیشدی .
 آپەنین طاغلرینی مسدود بولدی . تکرار آنطونیوس اردوسی
 اوزرینه آتیلدی ، بتون رفقاسی ایله برابر تانف اولدی (۶۳) .
 چیچەرون رومانی خلاص ایتدیكى ایچون سناتو طرفدن
 « وطن باباسی » عنوانه نائل اولدی . فقط قونسولك مدتى
 ختام بولدقدن صوكره ألدە هیچ براقدار قلمادی .

مطالعه اولوناچق آثار :

دوروی ، رومالیلرک تاریخى . - مومزن ، روما تاریخى . -
 بوواسیه ، چیچەرون ودوستلری .

اختلالنك خبر آندیغنی کندیسنه تبلیغ ایدرك رومادن
چیقماسنی تکلیف ایتدی .

قاتیلینا رومادن چیقدی ، (نه تروزی) ده کی عاصی امکدار
عسکر لره التحاق ایتدی . شهرده قالان طرفدارلری غولوا
اقوامندن آلوبوروزلرك مرخصلریله خفياً اتفاق ایتدیلر ؛
بومرخصلر قوملرینک تنظیم احوالی ایچون رومایه قدر کمشلردی .
آلوبوروزلرك مرخصلری بونلره سواری کوندره جکلرینی
وعد ایتدیلر . فقط صوکره فکر لردن واز کچهرک متفقلری انه
ویردیلر . چیچهرون اختلال رؤساسنک باشلیجه لردن بش دانهسنی
جلب ایتدی ، بونلری اعترافه مجبور ایلدی . صوکره بونلر
حقنده نه یایلمقی لازم کلدیکنی سناتویه سئوال ایتدی . سناتو
اعداملری لازم کلدیکنی سویدلی ؛ (چونکه قاوه آنت
قونسول قرارندن صوکره بر روما شهرلیسنک اعداهه محکوم
ایدلسنی منع ایدن قانون موقتاً حکمسنر قالیوردی) . فقط
متهملردن بری ، لانتولوس ، پره تور ایدی ؛ بیوک رتبهلی
بر حا کدن ماعدا هیچ برکیمسه انی توقیف ایتک صلاحیتنی
حائز دکلدی . چیچهرون بالذات کیدوب بش محکومی توقیف
ایتدی ، انلری (قاپیتول) حبسخانه سنه کتیره رک بوغدیردی .
صوکره سناتویه کلوب : « ایشلری بتیرلدی ! » دیدی .

قاتیلینا حربه باشلادی ؛ فقط عسکرینک یالکز بر قسمی
مسلح ایدی ؛ قسم اعظمی ایسه کندیسندن آیرلدی . قونسول

ایدلدی . قاتیلینا انتخاب ایدلدی ؛ فقط دیکر قونسول ،
 چیچهرونک رفیق ، غیر ممنونلره خفياً مساعده کارانه طاوراندی .
 قاتیلینا جسیم بر اختلال حاضرلادی : دوستلری روماده
 چیچهرون ایله سناتو اعضاسنی قتل ایده جک ، شهرى آتسه
 ویره جکدی ؛ بوائزاده سیلانیك (نه تروری) ده بولونان امکدار
 عسکرلری ده روما اوزرینه یورویه جکلردی . چیچهرون بونی
 خبر آلدی ، شوالیه لردن مرکب بر قوه محافظه آلمان هیج
 سوقاغه چیقمادی . فقط او صروده سلاح آلتنه طوبلانغه
 باشلایان امکدار عسکرلره (قاپو) ده تسلیم اولونان اسیرلره
 قارشى محاربه ایده جک هیج بر اردو یوقدی . چیچهرون
 قونسولک مدتک بر قسمی ایشته بویله اندیشه ایچنده کچیردی .
 نهایت ایکی پروقونسول ، عسکرلری ایله برابر دوندیلر .
 چیچهرون تعرضه کچه جک درجده کئندنه قوت حس ایتدی .
 سناتویی اجتماعه دعوت ایتدی ؛ سناتویه (قاوه آبت قونسول
 . . .) یعنی (قونسوللر جمهوریتک سلامتنه چالیشینلر!)
 قراری ویردیردی ؛ بو قرار ، لزومنه حکم ایتدکلری
 تدابیرک کافه سنی اتخاذ ایتک صلاحیتنی قونسوللره بخش
 ایدیوردی . چیچهرون عسکرلری رومایه سوقدی ؛ انلری
 میدانه طوبلایه رق سناتویی اجتماعه دعوت ایتدی . بواجتماعه
 قاتیلینا علیهنده کی ایلك نطقنی ایراد ایتدی (بالاخره بو نطقلره
 قاتیلینهر دنیلدی) . بعده قاتیلینا په قارشى استیضاحاتده بولوندی ،

قاتیلینا ، بر حیات ذوقپرستانه امرار ایدرک پاره سی بیتمش .
 یک زیاده بورج ایتمش اولدیغندن اداره حکومتی اله کچیره درک
 اکتساب ثروت ایتمهک چالیشدی . قاتیلینا متین ، جسور ،
 هیچ برشیدن قورقماز بر آدمدی . کنج و سفیه اصیلزادکاندن
 برچوقدریله برابر اکلنتیلر یانهرق ، انلره پاره اقراض ایدرک ،
 بازکیرو آوکوپکاری تدارک ایلیمه رک جمه سنی کندینه دوست ایتمشدی .
 حتی سیلانک اسکی طرفدارلرندن برچوغنی ایله سیللا طرفدن
 ایتالیا به یرلشدیریلوبده اراضیلرینی صاتان واوا ائزده بر واسطه
 تعیش تحری ایلینلری ده کندینه طرفدار ایدینمشدی .

قاتیلینا بو غیرمنو نلرک بر چوغنی ایله اتفاق ایتدی . هپ
 برلکده قایتوله کیدیه جکی کون ایکی قونسولی ده بردن اولدیرمکه
 قرار ویرلدی ؛ قونسوللر ایشدن خبردار اولونجه موفقیتم
 حاصل اولمادی . فقط قاتیلینا طرفدارلرینی محافظه ایدرک کیزلی
 کیزلی اتفاقده دوام ایتدی ؛ سناتونک دشمنلری ، احتمالکه
 سزارده اکل کیزلی کیزلی یاردم ایدیوردی . قاتیلینا قونسول
 انتخاب اولونمغه نامزد اولدی . بو انتخابده ، روما خطیبیلرینک
 الک مشهوری . اک معروف بر آووقات اولان چیچهرون کندیسنه
 قارشلی رقیب چیقدی ؛ ماریوسدن بری اصیلزاده عائله نر
 زادکاندن غیرینک انتخاب اولونمسنه مساعده ایتدکاری حله
 چیچهرون کندیسنی حاکمک مراتبه انتخاب ایتدرمشدی .
 نهایت سناتو طرفدارلرینک معاوتی ایله چیچهرون انتخاب

وقوعه کلن ایکی حربی اداره ایتمک ایچون اهالی مجلسی طرفندن
مأمور اولدی .

بو حربلردن برنجیسی (۶۷) ای‌تالیا ساحلرینی یغما ایدن
آناطولی ساحلرینده کی قورصاندره قارشى اجرا ایدلدى .
ایکنجیسی ده (۶۶) اساساً مغلوب اولدیغى حالدده
آناطولینک برکوشه سنده الآن مدافعه ده بولونان قرال مهردادده
قارشى اجرا اولوندی .

پومپه کندیسنه مطیع بر اردو ایله آسیادن عودت
ایتدی ، روماده بر قاچ سنه حاکم اولدی . فقط اداره
حکومتدن زیاده اعتباره اهمیت ویردیکندن اداره حکومتده
هیچ بوشى دگیشدیره مدی .

بو اثناده کنج بر اصیل ، سزار اکتساب شهرت ایدیو-
ردی . پومپه ، قراسوس ، سزار اداره حکومتی پایلاشمق
ایچون بر بریله اتفاق ایتدیلر (۶۰) . سزار ایلك اول قونسول ،
صوکره غولده پروقونسول انتخاب اولوندی . قراسوس ،
آسیاده پارتلره قارشى کوندریلن اردویه کندینی قوماندان
نصب ایتدیردی ؛ فقط بو اثناده تلف اولدی (۵۳) . پومپه ده
زوماده قالدی .

فایینا . — پومپه شرقده حرب ایتدیکی صره ده
روماده اختلال ظهورینه بادی اولایسه جک بر بحران
وقوعه کلدی . اصیلزاده لردن بری ، سیللانک اسکی طرفدارى

قراسوس ایله پومپه یالکز باشلرینه قالدیجه اجرای حاکمیت
ایچون اتفاق ایدرک کندیلرینی قونسول انتخاب ایتدیردیلر .

سپارتا کوس . - برچوق دفعه لر ، همان دائماده سجلیا ایله
جنوبی ایتالیا ده متعدد دفعه لر اسراختلالی وقوعه کئشدی ؛
بورالرده کی اسیرلر سورولره باقمق ایچون مسلح بولونورلردی .
بو حربلرک اک مشهوری قراسوس ایله پومپه نك
قونسوللکندن سوکره باشلادی . - (قاپو) دن فرار ایدن
۷۰ قدر غلادیاتور اسلحه یوکللی بر آرابه نی یغما
ایدرک فرار ایتدیلر . اسیرلرده بونلره التحاق ایتک ایچون فوج
فوج قوشدیلر ؛ بو فرقه آرزمانده براردو اولدی .

ایشته بوسیرلر کندیلرینه قارشی کوندریلن اوچ روما
اردوسنی بربرینی متعاقب مغلوب ایتدیلر . قوماندانلری
سپارتا کوس اولجه بر حربده اسیر اولمش ، غلادیاتورلک ایتک
ایچون ایتالیا ده کتیرلمش برترکیالی ایدی ؛ سپارتو کوس وطننه ،
ترکیا ده دونمک ایچون ایتالیایی کچمک آرزو ایدیوردی ؛ فقط
نهایت انضباطسز فرقه لری ایله قراسوسک اردولری طرفندن
باصقینه دوچار اولدی . عاصیلر کاملاً پریشان ایدلدی .

روما ، اسیرلرک سلاح طاشیملرینی منع ایتدی . حتی روایته
کوره اسیر برچوبان بریابان طموزینی فارغی ایله اولدیردیکی ایچون
اعدامه محکوم ایدلدی .

شرق صربلری . - پومپه شرقده بربرینی متعاقب

اون برنجی فصل

پومپه

سیارتا کوس . شرق حربلری . قاتیلینا

پومپه . - سناتو اداره حکومتی تکرار آله کچیرمشدی؛ چونکه سیللا اولیه مناسب کورمشدی؛ فقط جنراللردن بری چیقوبده اداره حکومتی تکرار استرداده قالقیشه جق اولورسه سناتونک بونی مدافعه ایده جک هیچ بر قوتی یوقدی . مع مافیه سناتونک اداره حکومتی ظاهر آینه اوتوزسنه دن زیاده دوام ایتدی . بونک سببی اوزمانلر بر قاچ جنرال بولونمسی و بونلردن هر برینک رقیبنک اکتساب قدرت ایتسه مانع اولمایه چالشماسی ایدی . سیللانک وفاتنده درت اردو حاضر بولنیوردی؛ ایکسی سناتو طرفداری جنراللره ، قراسوس ایله پومپه یه؛ ایکسی ده سناتونک خصمی اولان جنراللره ، ایتالیا ده لپیدوسه ، اسپانیاده سرطوریوسه اطاعت ایدیوردی . شوراسی شایان دقتدرکه ، بوار دولردن هیچ بری ده منتظم دکلدی؛ بو جنراللردن هیچ بری ده حاکم اولمادیغی کبی قطعاً قوه ماند ایتک حقوقی ده حائز دکلدی . اوزمانه قدر جنراللر کاملاً قونسوللردن اولمشدی؛ شمدی جنراللغی منفعت پرستلر ایدیوردی؛ عسکرلر جمهوریته خدمت ایتکدن زیاده اهلینک ضررینه کسب ثروت ایچون بونلره التحاق ایدیورلردی . نهایت سناتویه مخاصم اولان اردولر پریشان ایدلی؛

بتون نظاماتی تبدیل آیده جک قانونلر وضع ایتمک ایچون بو عنواندن استفاده ایتدی. بوندن بویله بتون حاکمکر سناتورلردن انتخاب اولونا جقدی؛ سناتورلر فندن قبول ایدلمدکجه هیچ بر قانون موضوع بحث اولامیه جقدی. عوام رئیس لرینک هیچ بر تکلیفده بولونمغه حقلری اولمیه جقدی .

سیلا ، سناتوریه حاکمیت مطلقه بخش ایدن بو اصلاحاتدن سوکره مأموریتدن چکیله رک خصوصی بر حیات امرار ایتدی (۷۹). بیلیوردی که آرتق قورقولا جق برشی قالمامشدی؛ عسکرلردن ۱۰۰۰۰۰ کشی بی ایتالیا یه یرلشدیرمشدی .

مطالعه اولونا جق آثار : طقوزنجی فصله مراجعت .

قتالنامه ۱۰ - برقاج کون دوام ایدن قتل عامدن صوکره سیلا انتظام داخلنده حرکت اتمکه باشلادی . تلف ایتدیرمک ایسته دیکی کیمسه لرك اسامیسنی حاوی اوچ لیسته یاپشدرتدی . « خاطریمه کلنلرک اسملرینی اعلان ایتدم، بونلردن بر چوغیده عقلمه کلدی ، خاطریمه کلدیجه انلرکده اسملرینی اعلان ایتدیره حکم . » دیدی . قتل اولونا جققر یعنی لیسته ده موجود اولانلر اعدامه محکوم ایدی ؛ بونلری تلف ایدوب باشنی کتیرن مکافات آیلوردی . قتل اولونا جققرک اموالی حجز ایدلمشدی . بلا حکم ، جنرالک یالکز بر کیفی ایچون ، هیچ خبری بیاہ اولمادن قتل اولونا جققر میانہ داخل اولمق هر زمان ممکندی .

سیلابو صورتله یالکز دشمنلرینی دکل ، ثروتلرینه کوز دیکدیکی زنیکنلری ده قتل ایتدیردی . روایتہ کوره سیاستدن بی خبر برشهرلی یولدن چکرکن جزایلر لیسته سنہ باقش ، الکباشہ کندی اسمنک یازلمش اولدیغنی کورنجه : « نه بدیختمشم ! (آلب) ده کی اوم ایشته وفاتمه سبب اولیور ! » دییه باغیره شدرد . روایتہ کوره سیلابیک سکزیوز شوالیه بی قتل ایتشدرد .

سیلابیک نانونلری ۱۰ - سیلابا خصملرندن کاملاً قور تولدقدن صوکره براداره حکومت تنسیقنه چالیشدی ؛ بو اداره ده بتون صلاحیت سناتویہ عائد بولونا جققدی . سیلابا کندیسنی دیکتاتور نصب ایتدیردی ؛ بو عنوان وقتیمه تہلکه زمانلرندہ جنراللره ویریلان و صلاحیت بخش ایدن بر عنواندی . سیلابا ،

ماریوس بوکا حسد ایدرک روماده برعربده چیقاردی . سیللا شهردن چیقدی ، کندیسنی جنوبی ایتالیا ده بکله ین اردوسنه ملاقی اولدی ، اردوسی ایله برابر رومایه کلدی . عسکرلرک مسلحاً شهره کیرملری دیناً ممنوع ایدی ؛ (حتی قونسول بیه قپودن کیرمزدن اول البسه حربیه سنی چیقاروب برحرمانی کیردی) . فقط سیللا ، بو زمانعتی بوزمنه جسارت ایدن ایلمک جنرال اولدی . سیللا رومایه کیردی ؛ ماریوس فرار ایتدی .

سیللا آناتولییه کچرکچمز ماریوس برسوری سرسری ایله عودت ایتدی . رومایه جبراً داخل اولدی (۸۷) . نفی واجلالر اوزمان باشلادی . سیللانک باشلیجه طرفدارلری قانوندن اخراج اولوندی . بونلره هر نروده تصادف اولونورسه اولدیرملری ایچون امر ویرلدی ، ماللری ذاتاً حجز ایدلمشدی . برقاچ آی صوکره ماریوس وفات ایتدی . باشلیجه طرفداری اولان چینا ، روماده حکومت ایتمکده ، کیم خوشنه کیتمزسه اعدام ایتدرمکه دوام ایلدی . — بوضروده سیللا ، مهردادای مغلوب ایتمش ، آسیایی عسکرلرینه ایسته دکلری کبی ینما ایتدیره رک انلرک صداقتنی جلب ایتمشدی . سیللا ، اردوسی ایله برابر ایتالیا ده عودت ایتدی (۸۳) . خصملری سیللانک قارشیسنه بش اردو چیقاردی ؛ بونلرک بر قسمی مغلوب اولدی ، بر قسمی ده سیللا دن طرفه کچدی . سیللا رومایه کیردی ، اسیرلرینی قلیجدن کچیردی ، ماریوسک طرفدارلرینی کاملاً اعدام ایتدیردی .

اجرا ایتدی. اوزمان روماده ایکی فرقه تشکیلی ایتدی؛ بوفر قه لرك بری اهالی فرقه سی (بوفر قه ماریوسک فرقه سی ایدی)، دیگر ی ده زادکان فرقه سی ایدی (بوده سناتو فرقه سی ایدی).

مرب اجتماعی . - ماریوس فرقه سی اودرجه شدت ابراز ایتدی لرك نهایت کندی شرفلرینی ضایع ایلدی لر. مشهور قورنه لیوس عائله سنندن بر اصیل ، سیلا ، اداره حکومتی ماریوسدن آلق ایچون بوندن استفاده ایتدی ؛ سیلا ده بر جنرال ایدی .

اوانتاده ایتالیانلر، رومالیر قدر امتیازاته مالک اولمادقلری حالده انلر قدر تکالیفه تابع اولمقدن جانلری صیقلدی؛ شهرلی حقوقنه نائل اولمق ایچون رومایه قارشى عصیان ایتدی لر. ایشته بوکا (حرب اجتماعی) یعنی (متفقلره قارشى حرب) نامی ویرلدى. ایتالیانلر جسیم براردو تشکیلی ایتدی لر. بواردولردن بری شهره قدر ایلریله دی ، سیلا ایتالیانلری مغلوب ایدرك رومایی قورتاردی .

ایکی سنه حربدن صوکره (۸۹:۹۱) ایتالیانلر دائره انقیاده آلدی ؛ فقط انلرده ایستدکلرینه نائل اولارق روماشهرلیسی اولدی لر .

سیلا . - سیلا بو حرب ایله کسب شهرت ایدنجه قونمول اولدی؛ آناتولی یه استیلا ایدرك بتون رومالیر قلیجدن کچیرمش اولان (۸۸) پونت قرالی مهردادده قارشى حرب ایتکه مأمور اولدی .

اجرای احکام ایتمسسه مانع اولاجق درجدهده ینه قوتی واردی .
جنرالر حاکمک قازانه جغز دییه بربریله چارپیش-میورلردی .
رومالیلر ایله تبعه لری تمام برعصر غوغالر ، داخلی حربلر
ایچنده یاشامشیلردر .

مارپیوس . - روماده اهالی بی کندیسنه منقاد ایتمک ایچون
اردوسنی استعمال ایدن ایلك جنرال ، ماریوسدر . ماریوس
طاغلا ارمسندده کوچوک برشهرده ، (آرینوم) ده طوغش ،
اصیلزادهده دکلدی . کندیسنی اک زیاده ضابط اولارق
طاتمیش ، اولا عوام رئیس ، صوکرده زادکانک یاردیمی ایله
پره تور انتخاب ایتدرمشدی . ماریوس بوکا موفق اولدقن
صوکره زادکان علینه دوندی . قونسول انتخاب ایددی ، روما
اردولرندن بر چوغنی مغلوب ایدن نومیدیا قرالی ژوکورتایه
قارشی حربه مامور اولدی .
ایشته اوزمان ماریوس فقیر شهرلیلری عسکره آلدی ،
آرتق اوندن صوکره فقیرلر ایچون عسکرلک برمسلك اولدی .
ماریوس اردوسی ایله ژوکورتایه غلبه چالدی ؛ صوکره سه مبرلر ،
تویتونلرکی شمالی ایتالیا ایله غوله استیلا ایدن اقوام وحشیه بی ده
پریشان ایتدی . اهالینک اردو قوماندانغی ایچون اندن باشقه
کیمسه یه اعتمادی اولمادیغندن ماریوس قوانینه مغایر اولارق
بربرینی متعاقب آلتی دفعه قونسول انتخاب ایددی .
بومظفیریتلردن صوکره رومیاه کلدی ؛ حاکمیت مطلقه

اوتنجی فصل

ماریوس وسیللا

حرب اجتماعی ؛ حرب داخلی ؛ سیلانک قتلنامه لری و قانونی .

غراق لره سناتونک مبارزه لری روما سواق لرنده بر طاقم عربده لردن عبارت اولمش ، سریعاً سلاح لانان ایکی فرقه بیننده بر محاربه ایله نتیجه لشمشدی . فقط اندن صوکره وقوعه کلن مبارزه لری منتظم اردولر بیننده حقیقی حرب لری صورتنده اجرا ایدلدیکی کبی فرقه رئیس لری ده برر جنرال ایدی .

دائمی حرب لری . - روما اهالیسی فقیر و بوش کزر بر غلبه لک ، اردو ایسه بر سر سری ییغنی ایدی . نه مجلس ، نه لژیونلر سناتوی هیج دیکله میور لردی ؛ چونکه اساساً بوزولان زادکان بتون نفوذ معنوی لری نی ضایع ایتشلردی . اردودن بشقه قوه حقیقیه ، جنرال لردن بشقه صاحب اقتدار قلاما مشدی ؛ بونلرده قابل دکل اطاعت ایتک ایسته میور لردی . سناتو ایله اداره حکومت غیر قابل اجرا بر حاله کذبحه ، بونک یرینه قوماندان ایله اداره حکومت قائم اولدی .

آرتق انقلاب ظهور ایده جکی شبهه سزدی ؛ فقط بو انقلابینه بردنبره اولمادی ؛ انقلابک ظهوره کلیسی ایچون تمام یوز سنه زمان کچدی . سناتو مقاومت ایدیوردی . بالذات اداره حکومت ایدمه جک درجه ده ضعیف اولدیغی حالده ، بشقه بر اداره لک

تپه‌سنه التجا ایدن قایوس ایله رفقاسی اوزرینه یورودی .
 قایوسی براسیر اولدیردی ، طرفدارلرینک بر قسیمی
 تلف ، بر قسیمی ده حبس‌خانه‌ده اعدام اولوندی ؛ اولری تملندن
 ییقلدی ، ماللری کاملاً حجز اولوندی (۱۲۱) .

مطالعه اولوناجق آثار :

دورووی ، رومالیرک تاریخی . - مومزن ، روما تاریخی . -
 لانکه ، روما ازمئه قدیمه سی .

تیبه ریوس ایله قاردشی و قان پذری ایدی؛ تیبه ریوسک خصماسی کندیسنی راس کاره کچیرمک بهانه سیله اراضی قانونی یاپدی دییه تیبه ریوسی اتهام ایتدیلر .

برسنه مدت تیبه ریوس رومایه حاکم اولدی. فقط کندینی کله جک سنه ایچون ده عوام تریبوننی انتخاب ایتدیرمک آرزو ایتدیکی زمان (عاداته موافق اولمادیغی حالده) دشمنلری بوکا اعتراض ایتدیلر . بونک اوزرینه برعربده وقوعه کلدی . تیبه ریوس ایله دوستلری قایتولی ضبط ایتدیلر ؛ سناتو طرفدارلری ایله اسیرلری طپوزلری ، صره پارچه لرینی یقالایه رق بونلری تعقیب و پریشان ایلدیلر (۱۳۳) .

اون سنه صوکره غراقلرک الکنجی اولان قایوس، عوام تریبوننی انتخاب اولونجه (۱۲۳) اراضی قانوننه تکرار قرار ویردیردی؛ فقیر شهرلیره بغدادی توزیغنی نظام انخادایتدیردی. صوکره زادکانک نفوذینی قیرمق ایچون حاکمک شوالیه لر میانندن انتخاب اولونمسنه قرار ویردیردی .

ایکی سنه قدر اجرای حاکمیت ایتدی؛ روماشهرلیرندن مرکب برفرقه مهاجرینی (قارطجه) یه قدر سوق ایچون کیتدی؛ قایوس غیبوتی ائناسنده اهلینک کوزندن دوشدی. عودتنده کندیسنی تکرار انتخاب ایتدیرمکه موفق اولامادی؛ دشمنلری قایوسک وجودینی قالدیرمق ایچون بوندن استفاده ایتدیلر . قونسول سناتو طرفدارلرینی تسلیح ایتدی ، (آوانتهن)

ایله ضیادن بشقه شیلری یوقدر؛ بونلر ملجأسز، مسکنسز،
اولادلری وزوجه لریله سرسریانه طولاشیورلر. انلری مزارلری
و معبدلری اوغورنده محاربه یه تشویق ایدن جنراللر یالان
سویلیورلر. چونکه بونلردن هانکیسنک اجدادینک مزارلری،
خانسنک محرابی قالمشدر؛ بونلره جهانک حاکمی دییورلر،
حال بوکه اللرنده بر تزک پارچه سی بیله یوق.

تیبهریوس اهالی یه بر اراضی قانونی تکلیف ایتدی.
اصحاب املاک طرفندن اشغال اولونان اراضیء عمومیهنک
کافه سندن هر برینه ۵۰۰ فدان بر اقلمق اوزره قصوری
حکومت طرفندن استرداد ایدیله چک؛ استرداد اولونان
اراضی ده اوافق اوافق پارچه لره آریله رق فقیر شهر لیلره
تقسیم اولوناجقدی. بو قانون قبول ایدلدی. بو حال بتون
ثروتلری آلت اوست ایتدی؛ چونکه حکومتک بتون اراضیسی
اراضیء عمومیهنه اقسامندندی؛ بو اراضی پک چوق زماندن
بری اشغال اولونمش، متصرفلری ده انلره کندی ماللری
نظریله باقغه آلیشمشلردی. بوندن بشقه رومالیرک اراضی
قاداستروسی اولدیغندن بر اراضینک املاک خصوصیه ویا
عمومیهن اولدیغنی ا کلاموقده غایت مشکلدی.

تیبهریوس بومعاملاتی اجرا ایتدیرمک ایچون اوچ قومیسر
(تقسیم اراضی ایچون اوچ مأمور) تعیین ایتدیردی؛ بونلره
اهالی طرفندن صلاحیت قطیه ویرلدی. بو اوچ قومیسر،

اولونوردی . سیللا (نه تروزی) اهالیسندن آلدیغی یرلری
۱۲۰۰۰۰ امکدار عسکره تقسیم ایشدی .

غراقلر . - تیهه ریوس ایله قایوس غرا کوس ، بوایکی
قاردش ، رومانک اک اصیل فاملیاسندن برینه منسوب ایدیلر ؛
فقط بونلرک هر ایکسی ده بر برینی متعاقب عوام ریاستنه کچرک
سناتوی تشکیل ایدن اصیلزاده لردن حکومتی غصب اتمک .
چالیشمشلردر .

اوزمانلر کک روماده وکک ایتالیاده ، چارده سنر قالمش
برچوق شهرلیر واردی ؛ بونلر انقلاب ارزو ایدیورلردی .
حتی زنکینلر میانندن قسم اعظمی شوایله لر صنفه منسوب
اولدقلری حالده اداره حکومته هیچ اشترک ایتدکلرندن
طولایی شکایت ایدیورلردی . تیهه ریوس غرا کوس کندیسینی
عوام تریبون (رئیس) نصب ایتدیررک اداره حکومتی یداقتدارینه
کچیرمک غیرت ایتدی .

تیهه ریوس ، ایتالیاهورالرنده کی اسکیمک صاحبی کویولورک
یرینه اسیر چوبانلرک قائم اولدیغنی ، روما شهرینک چارده سنر
قالمش شهرلیرله طولدیغنی کوره رک پک متأثر اولیوردی .
اهالییه خطاباً ایراد ایتدیکی بر نطقده شو صورتله فریاد
ایدیوردی : « ایتالیاده کی وحشی حیوانلرک بیله هیچ اولمازسه
کندیلرینه مخصوص براینلری واردر ؛ حال بوکه ایتالیایچون
قانلرینی دوکن انسانلرک ایتالیاده انجق تنفس ایتدکلری هوا

حقنه هر روماً شهرلیسی مالک ایدی .

اراضی قانوندری . — رومیانی پک زیاده اوغراشدیران اراضی قانوندری ایشته بو اراضیء عمومیه اوزرینه مستددی ؛ املاک صاحبدرینی حقندن محروم ایتمک هیچ بر رومالینک خاطرینه کلزدی ؛ چونکه اراضی حدوددری ده برر معبودایدی (حدود معبوددری) ؛ بوندری یرندن قالدیرمق دیناً ممنوع ایدی . اهالی ، اراضی قانوندریله یالکمز اراضیء عمومیهدن یر آلیر ، بونی شهرلیلره ملک اولارق تقسیم ایدرلردی . اهالینک بو اراضیده برحق مشروعی واردی ؛ چونکه بتون اراضیلر اهالینکدی . فقط تبعه لر ویا شهرلیلره بر چوق عصرلر بو اراضیلردن استفاده ایتدیرلمش ، نهایت بونلر او اراضیلره کندی ملکدری نظریله باقمغه باشلامشردی . تبعه لر اراضیلری هبه ایدرلر ، صانازلر ، صاتین آلیرلردی . بو یرلری انلردن استرداد ایتمک ، برچوق کیسه لری زورله محو ایتمک دیمکدی . بالخاصه ایتالیا ده بتون برشهر اهالیسنک الندن یرلری آلمشدی . مثلاً اوکوست ، بتون (مانطو) اراضیسنی اهالیسنک اللرندن غصب ایلمشدی . ویرژیل ده بو فلاکتزده لر میاننده ایدی ؛ فقط او ، شعرلری سایه سنده ملکنی کندیسنه اعاده ایتدیرمکه موفق اولمش ، شاعرلک بیلمین دیکراصحاب املاک ایسه ملکرنندن محروم قالمشردی . بو صورتله استرداد اولونان اراضی بعضاً رومانک فقیر شهرلیلرینه واکثریاده اسکی عسکرلره توزیع

طقوزنجی فصل

غراقلر

اراضی قانونلری

اراضی عمرمیه . — رومانک مغلوب ایتدیکی بر قوم صلح طلب ایلدیکی زمان ، کوندردیکی مبعوثلر شو سوزلری سویلکده مجبور ایدی : « اهالی بی ، شهری ، تارالاری ، صولری ، حدود مبعودلرینی ، اشیای منقوله بی هپسزه براقیورز ؛ مبعودلره و انسانلره متعلق هر نه وارسه هپسنی روما قومنک یدادارهنه تسلیم ایدیورز . » روما اهالیسی بومقاوله اوزرینه مغلوبلرک نهسی وارسه کافهنه و حتی شخصلرینهده صاحب اولورلردی . بعضاً اهالی بی ساتارلردی . پول امیل کندیسنه تسلیم اولان ۱۵۰,۰۰۰ نه پیرلی بی بو صورته ساتدیرمشدی . روما عمومیتله مغلوبلره حریت بخش ایدردی . فقط اراضیلری روما ملتنک اراضیسی اولوردی . بو اراضی اوچ قسمة آیریلیردی : اولاً : نقداً و یا عیناً بر ویرکی ویرمک شرطی ایله اراضیلرینک بر قسمی اهالییه اعاده اولونور ، فقط روما ایستدیکی زمان بونلری ینه استرداد ایتمک حقنی حائز بولونوردی . ثانیاً : تارالارله مرعالر ملتزملمره ایجار ایدیلیردی . ثالثاً : سورولمهش یرلری کیم کایر اشغال ایدرسه بو کبی یرلر انلره براقیلیردی ؛ بورالره یرلشوب زرع ایتمک

ایدر کبی طاینیرلردی .

روما اهالیسی تبعه سنه واقعا پک قبا معامله ایدر ایدی
ایسه ده یونان شهرلرینک یادیغی کبی انلری بسبتون رد ایتمزدی .
روما اهالیسی ایسترسه ، بر اجنبی روما شهرلیسی ده اول -
بیلیردی ؛ اهالی بو مساعده نی هر زمان ابداک ایدردی ؛ حتی
بعضاً تکمیل بر قوم ایچون بو مساعده نی ویرردی . روما
اهالیسی اولا بتون لاتینلری شهرلی یامشدی ؛ ۸۹ سنه سنده
ایتالیانلر ، ۴۶ سنه سنده غول سیزالپین اهالیسی کاملاً شهرلی
اولمشلردی . دها طوغروسو ایتالیانک بتون اهالیسی رومالیرله
مساوی اولمشلردی .

بونک کبی ، افندیسی طرفندن آزاد ایدیلمن بر اسیرده
درحاک شهرلی اولابیلیردی .

روما اهالیسی ، نفوس تناقص ایتدکجه تبعه لر و اسیرلرله
تجدد ایدردی . شهرلیارک مقداری تناقص ایده جک یرده هر
تحریر نفوسده بالعکس تزايد ایلردی ؛ ایکی عصر ایچنده
۲۵۰۰۰۰ دن ۷۰۰۰۰۰ بالغ اولمشدی . روما شهری
اسپارطه شهری کبی بوشانق شوپله طورسون ، بالعکس یاواش
یاواش بتون مغلوبلرله طولاردی .

مطالعه اولوناچق آثار :

دورووی ، رومالیرک تاریخی . - مارکووارطومومزن ، روما ازمنه
قدیمه سی . - بوشه له قلهز ، روما نظاماتی .

ایتمک ایچون (سالامین) ه کلدی ؛ سناتو اعضاسندن بش کشی
آجلقدن وفات ایتمدی .

رومانه سی - ایشته بتون بوظالملره قارشی ایالت اهالیسنک
هیچ بروا سطة مدافعه سی یوقدی . ملتزملره صرافلری پروقونسول
حمایه ایدردی . پروقونسولک ارقه سننده روما اردوسی ایله روما
اهالیسی واردی . ایالت یغما کرلرینی بر روما شهرلیسنک اتهام
ایتمسی قبول اولونوردی . فقط بروالی اتهامدن کاملاً مصون ایدی ؛
وظیفه سنی ا کمالی ایتمکجه اتهام اولونامازدی ؛ وظیفه سنی ا کمال ایدنجه یه قدر
انک یغما کرلک ایتمسی سیر ایتمکدن بشقه چاره یوقدی . بروالی
رومایه عودتنده شاید اتهام ایدیه جکسه ، اصیلزاده لرله ملتزملردن
مرکب بر محکمه حضورینه چیقار ؛ بونلر ایسه ایالت اهالیسنه
حق ویرمکدن زیاده والی بی حمایه ایلمکی منفعتلرینه موافق
بولورلردی . شابد بالتصادف محکمه والی بی اتهام ایده جک اولورسه
نفی جزاسیله یقایی قور تاریر ، یغما کرلرک دهایی دوام ایتمک ایچون
ایتالیاشهر لرندن برینه کیدردی . فقط بوجازات هیچ بزوجه ایله صلاحه
بادی اولماز ، حتی برانتقام برینه بیله کچمزدی . بونک ایچون
ایالت اهالیسی اطاعت وانقیادلر یله والیلرینی تسکین ایتمکی ده امر جح
کوررلردی . والیلرینه قرال کبی معامله ایدرلر ، اکتبصبصلر
ایدرلر ، هدیه لر کوندرلر ، هیکلر انشا ایدرلردی . حتی آسیاده
بونلره محرابلر ، معبدلرده انشا ایدرلر (۱) ، بر معبوده پرستش
(۱) چیچه رون والی بولندیغی زمان کنندیسنه کیلکی اهالیسی طرفندن انشا
ایدلن معبدلردن بحث ایدیوره .

ملتزم کلمه سی خرسز معناسنده استعمال اولونوردی.

صرافدر . - رومالیر ممالک مفتوحه نك بتون ثروتی مملکتلرینه کتیرمشلردی. انک ایچون روماده پاره نك مبذول ، ایالتلرده ایسه نك نادرایدی . روماده یوزده ۴ ویا ۵ فائضله پاره استقراض ایدیله بیلیر ، ایالتلرده ایسه یوزده ۱۲ دن آشاغی پاره بولوق قابل اولمازدی. روما صرافلری رومادن پاره استقراض ایدرلر ، ایالتده بالخاصه قراللره ویا شهرلره اودنج ویرلردی . پاره سی کاملاً توکنن اهالی رأس المال ایله فائضی ویرمکه مقتدر اولامادقلری زمان صرافلرده ملتزم لک طرز حرکتیه امتثال ایدرلردی . ۸۴ سنه سنده آسیا شهرلری جسیم بر اعانه حربیه اعطا اتمک ایچون پاره استقراض ایتشلردی ؛ اون درت سنه صوکره (۷۰ سنه سنده) پاره نك فائضی رأس المالی آلتی مثله ابلاغ ایلشدی . بونک اوزرینه صرافلر شهرلری بتون آناز صنعتلرینه وارنجیه قدر صاتمغه مجبور ایتشلردی ؛ حتی برچوق ابونک ، اوغللرینی و قیزلرینی صادقلری کورولمشدی . - بر قاچ سنه صوکره زماننک الك اعتبار لیلرندن بر رومالی ، بروتوس لوستوئی سیهن ، (قبریس) ده (سالامین) شهرینه یوزده ۴۸ (آیده یوزده ۴) فائضله پاره اقراض ایتدی . وکیل اموری سقاپتیوس پاره نی فائضی ایله برابر ایسته مکه کادی ؛ شهر پاره نی تأدیه ایدمه دی . سقاپتیوس پروقونسول آپوسه مراجعت ایتدی ، معیننه بر بلوک سواری آلدی ، شهرک سناتوسنی اجتماع سالوننده ایکن آبلوقه

اهالیسی، روماخلقنک مرخصلری صفتیه بونلرده اطاعت ایتمه
بورجلی ایدی.

هر ایالتده برقاچ ملتزم شرکتلری واردی؛ هر برینک کاتبلر
وتحصیلا دالر دن مرکب متعددده آمورینی بولونوردی. بومأمورلر
متحکمانه حرکت ایدرلر، اهالینک بورجلرندن فضله پاره آیلرلر،
بورجلیلری سفالته دوچار ایدرلر، حتی بعضاً اسیرکی ساتارلردی؛
هله آسیاده، هیج برسبب اولادن اهالی بی قالدیر یوریرلردی. ماریوس
کندیسنه عسکرویرمسنی بیتینی قرال دن طلب ایتدیکی زمان قرال
جواباً ملتزملریوزندن کندیسنه تبه اولارق قادینلرله چوجقلردن
واختیارلردن بشقه کیمسه قالمادیغنی بیان ایلشدی. رومالیر بو
ظلملره واقف ایدیلر. چیچه رون، اوزمانلر والی بولونان قارداشنه
شویله یازیور: «ایالت اهالیسنی محو ایتلرینه میدان ویرمیه رک
ملتزملری اقناعه موفق اولمق چاره‌سنی بولاجق اولورسهک، بر
معبود درجه‌سنده مهارت کوسترمش اولورسهک!» فقط
ملتزملر محاکمه‌ده اعضا اولدقلری کبی بونلره پروقونسوللرده
اطاعت ایدرلردی. صوک درجه مستقیم اولان آسیا پروقونسولی
سقاوروس، ملتزملرک ایالتنی یغما ایتلرینه مانع اولمق ایسته‌مش،
رومایه عودتنده ملتزملر کندیسنی اتهام و محکوم ایتشلردر.

ملتزملر، شرکک مطیع وصلح‌پرور اهالیسنی زورله
بیقیدر مشلر، اهالی مهردادک امری ایله برکیجه‌ده یوزبیک
رومالی بی قتل ایتشلردی. حتی برعصر صوکره حضرت عیسی زماننده

ایچون اکپاره ویرلردی . - ایسته دیکنی اعدامه محکوم ایتمک صلاحیتنی حائز اولدیغندن اهالی جانلرینی قورتارمق ایچون ده پاره اعطا ایدرلردی . - پروقونسول بر اثر صنعتی و یا خیلی مقدار بر پاره ایسته جک اولورسه بونی رده کیم جسارت ایده بیلیردی؟ معیتنده کی کیمسه لرده انک اثرینه تابع اولورلر ؛ انک نامنه ، حتی انک همایه سیاه یغما کرلک ایدرلردی . والی متما دی ا پاره طوپلامغه چالیشیردی ؛ چونکه ثروتنی برسنه ایچنده طوپلامسی لازمدی . صوکره اورومایه کیدر ، یرینه بشقه سی کلیر ، اوده عین صورتله حرکت ایدری . واقعا هروالینک هدیه آلمسنی منع ایدر بر قانون ، (۱۴۹ سنه سندن اعتباراً) بالخاصه رشوت جنایتلرینی حکم ایدن بر محکمه واردی . فقط بو محکمه رومازادکانی ایله شوالیه لرندن مرکب دی ؛ بونلر ایسه وطندا شلرینی محکوم ایتمزلردی . چیچهر ونک مطالعه سنه کوره بو اصولک یکانه نتیجه سی ، محکمه اعضا سنه ده پاره دیدیره بیلیمک ایچون والی بی ایالتندن ده ازیاده چکمکه مجبور ایتمش اولمسی ایدی .

ملتمز ملر . - روماهالیسنک هرولایتده کمرکلر ، معدنلر ، ویرکیلر ، بغدادی تارالاری ، مرعالرکی بر چوق منبع وارداتی واردی . بونلری (پوبلیکن) تسمیه اولونان ملتزم لره اجاره ایله ویرلردی . اسکی فرانسه ده کی عمومی ملتزم لرکی بونلرده ویرکی یه محله وضع ایتمک حقنی حکومتدن پاره ایله صاتین آیلرلردی . بناء علیه ایالت

ایستدیکی یرده قوناقلاتیردی . محکمه ده (پره تووار) اخدموقع
ایدر ، جزای نقدی یه ، حبسه ، اعدامه محکومیت قرارلری
ویرر ، قانون قوتنی حائر امرلر اعطا ایدردی . صلاحیت
مطلقه یالکز اونک النده ایدی ؛ زیرا اوروما اهالیسنک وکیلی ایدی .
امرینه هرکسک تابع اولدینی بو والی حقیقی بر مستبددی .
خوشنه کیتمین کیمسه لری توقیف ایتریرر ، حبسه قویدیرر ،
دکنکه دو کدیرر ، اعدام ایتریردی . ایشته بیکلرجه مثالی بولنان
بو والی ظلملرندن برینی رومالی بر خطیب صورتله نقل
ایدیور : « قونسول یاقینده (ته آنوم) ه کلدی . زوجه سنک
جانن ارککلر حامنده ییقامق ایستدی . حمامده ییقسانان آدملر
طیشاری چیقارلدی . قونسولک زوجه سی حمامک اودرجه چابق
بوشانمدیغندن ، ائی حاضر لانا دیغندن شکایت ایتمدی . قونسول
عمومی میدانه بر دیرک دیکدیردی ، شهرک اک ایلری کلنلرندن
بری حضورینه کتیرلدی ، ارقه سندن البسه سی چیقارلدی ،
دکنکلرله تمیز بر طباق آتیلدی . »

پرو قونسول ، ایالتندن ایستدیکی قدر پاره چکر ، اورایه کندی
مالکانه سی نظریله باقاردی . بورادن پاره چکمک ایچون النده هر
واسطه موجوددی . شهرک خزینه سنی صویار ، معبدلره قونان
هیکلرله مجوهراتی قالدیرر ، زنکین اهالی اوزرینه پاره وبغدای کبی
تکالیف وضع ایدردی . - قطعاتی ایستدیکی یرده اسکان
ایده بیله جکی جهتله شهرلرده اردوسنی قبول ایتمکدن قور تولوق

جمہوریتک صوکلرنده (۴۶ سنهسنده) ۱۷ ایالت واردی:
 ۱۰ ی آوروپاده ، ۵ ی آسیاده ، ۲ سی آفریقاده ، قسم اعظمی ده
 غایت جسم ایدی . مثلاً بتون غول اراضیسی ۴ ، اسپانیا
 ۲ ایالت تشکیل ایدردی . چیچہرون : ایالتلر روما قومنک
 مالکانه لریدر . انلرک بتون بواقوامی زیر انقیاده آملاری کندی
 منفعتلری ایچوندر ، یوقسه او قوملرک منفعتی ایچون دکلدر ؛
 بناء علیه روما اهالیسی انلری اداره ایتمکه دکل ، انلردن استفاده
 ایتمکه باقار ، دیبور .

پرو قونسولر — بر ایالتی اداره ایتمک ایچون اهالی مأموریتنی
 اکمال ایتمش قونسول ویا پره تورلردن دائما بر حاکم انتخاب ایدر ،
 انک مأموریتنی تمدید ایلردی . آرتق بوداته قونسول دینمز ،
 پرو قونسول (قونسول وکیلی) (۱) دینردی .

قونسول کی پرو قونسولده صلاحیت مطلقه صاحبی اولد
 یغندن صلاحیتنی ایسته دیکی کی استعمال ایدردی ؛ چونکه
 ایالتنده کندندن بشقه آمریوقدی (۲) . بوراده کندی نفوذینه
 اشتراک ایده جک بشقه حاکم ، کندیسنی طور دیراجق عوام
 تریبونلری ، حرکاتنه نظارت ایده جک سناتو بولونمازدی .
 قطعاته یالکز او قومانده ایدر ، انلری محاربه ده کوتورر ،

(۱) اک اوافق ایالتلره (پروپرتور) کوندریلردی .

(۲) روما ، ممالک شرقیه ده (یهودیه مملکتنده قرال هه رودکی) بر قاج
 اوافق قرال بر اقصدی ؛ فقط بو قراللر ویرکی ویرلر ، والیه اطاعت
 ایدرلردی .

سکزنجی فصل

ایالتلرک ادارهسی

اهالی متبوعه ؛ پروقونسوللر ؛ ملتزملر .

اهالی متبوعه . - قبل المیلاد برنجی عصرک ختامنده اسپانیادن آسیای صغرایه وارنجیه قدر روما بحر سفید اطرافنده کی بتون حوالی یی زیر اداره سنه آدی . بومملکتلر تامامیه الحاق اولونمادیغی کبی نه اهالیسی روما شهرلیسی ، نه ده اراضیلری روما اراضیسی اولدی . بونلر اجنبی اولارق قالدیلر ؛ یالکز روما حکومتنه یعنی روما قومنک حاکمیتی آلتنه داخل اولدیلر . مثلاً بوکونده هندلیلر شهرلی دکدرلر ؛ فقط انکلتره تبعه سیدرلر ؛ هندستان انکلتره نکلر دکل ، انکلتره حکومتنک بر قسمیدر .

ممالک مفتوحه اهالیسی روما شهرلیسی اولمازلر ، اجنبی (په ره غره ن) ، فقط روما اهالیسنک تبعه سی اولورلردی . بونلر روما اهالیسنه برویرکی ، محصوللرینک عشرینی ، نقداً برویرکی ، نفوس باشنه بر رسم ویررلر ، روما اهالیسنک بتون امرلرینه اطاعت ایدرلردی . فقط اهالی بالذات اداره حکومت ایتدیکی ایچون وکالة اداره حکومت ایتک (مأموریت) ی ایله برحاکم کوندرلردی . بویله بروالی اداره سنده بولونان مملکته ایالت (فرانسزجه معناسی مأموریت دیمکدر) (۱) دیرلردی .

(۱) فرانسزجه (ده پارتمان) کله سی ده مأموریت معناسنه در .

شان وشرف) دیرلردی . بومأموریتلرک هربری برسنه دوام ایدر ، دها صوکره مأموریته ارتقا ایتک ایچون یکیدن انتخاب اولونمق ایجاب ایلردی . انتخابدن برسنه اول متمادیاً سو ققلرده طولاشمق ، رومالیلرک دیدکلری کبی جولان ایتک ، اهاالینک رأینی طلب ایتک لازمدی . بومدت ظرفیده بیاض حرمانی کیمک عادتدندی ؛ نامزد (قاندیدا ، بیاضلر کینمش) کله سنک معناسی ده ایشته بو ایدی .

مطالعه اولوناچق آثار :

درووی ، رومالیلرک تاریخچی . - مومزن ، روما حقوق عمومیه سی .

ایچون ہر برندہ کی اکثریت حساب ایدیلردی؛ چونکہ ہر بلوک ویا قبیلہ بردن زیادہ رأیہ مالک دکلدی .

مسلک نازہ و شرف . - رومادہ حاکم ویا سناتو اعضاسی

اولمق برمسلكدی . حاکم ویا سناتو اعضاسی ہیچ بر معاش آمازر ، وقتلرینی وپارہ لرینی صرف ایدرلردی . رومادہ حاکمک ہرشیدن اول برمسلك شان و شرفدی . بومر تبهیہ انجق زادکان ، اولسه اولسه شوالیہ لر ، دائما زنکینلر ارتقا ایدہ بیلیردی؛ بونلر مناصب سائرده بولوندقدن صوکرہ انجق برکون اولوبده حاکمک مراتبہ نائل اولابیلیرلردی .

رومادہ حکومت ایتک ایستہن کیمسہنک اردودہ اون سفر اجرا ایتمش بولونمسی لازمدی . اندن صوکرہ کہستورا انتخاب اولونور ، کندیسنه حکومت صندیغنک اداره سی تودیع ایدیلیردی . صوکرہ ضابطہ واعاشہیہ مامور ، ئدیل اولوردی . اندن صوکرہ پرہ تور انتخاب اولونور ، اجرای عدالت ایدردی ؛ دہا صوکرہ قونسول اولنجه اردویہ قوماندہ ایدر ، مجلسلرہ ریاست ایلردی . انجق اوندن صوکرہ سانسور اولمغه نامزد اولابیلیردی . سانسورلک الکیوک بر مرتبه ایدی ؛ الی سنہ دن اول سانسور اولمق قابل دکلدی . ایشتہ بو صورتلہ بر کیمسہ ، ہیئت اجتماعیه یی تنسیق ایتکدن عبارت اولان سانسورلک مأموریت مهمہ سنہ ارتقا ایتزدن اول صرہ سیلہ مالیه مأموری ، اداره مأموری ، حاکم ، قوماندان ، والی اولوردی . بوسلسلہ مناصبہ (مسلك

مجلسلر دنیردی . بو مجلسی اجتماعه بر حاکم دعوت ایدر و مجلسده ریاست ایلردی .

شهرلیلر بعضاً بورو ایله دعوت اولونور ، تعلیمخانهیه (شان دومارس) کیدوب بایراقلری آلتنده بلوک بلوک اخذموقع ایدرلردی ؛ بوکابلوک مجلس عمومیلری (قومیس پارسانتوری) دیرلردی .

بعضاده بازار میداننه (فوروم) طوپلانیرلر ، قبیله (تریبو) دنیلن ۳۵ غروپه آیریلیردی ؛ هر قبیله اطرافی مانعزله مسدود بر محله کیرر ، اوراده قرار ویردی ؛ بوکا (قبیله مجلس عمومیلری) دیرلردی . مجلسی اجتماعه دعوت ایدن حاکم نیه قرار ویره جکنی مجلسه تبلیغ ایدر ، مجلس قرار ویردکن صوکره طاغیلیردی . - بو مجلسلرده اهالی حاکم ایدی ، فقط رؤساسنده اطاعته آیشقیندی . هر سنه حاکملری ده مجلس انتخاب ایدردی . وقتیه قونسول ، پره تور ، سانسور ، نه دیل کورول کبی اهالی طرفندن انتخاب اولونان بتون حاکملری بلوک مجلس عمومیلری انتخاب ایدردی . عوام حاکملرینی ، تریبونلری ، عوام نه دیلارینی ده قبیله مجلس عمومیلری انتخاب ایلردی . فقط ایکنجی عصردن صوکره فوروم میداننی پک طار کلدیکندن بتون انتخابات مجلسلری (شان دومارس) ده انعقاد ایدردی . میدان مانعزله (اوویل یعنی قیون آغیلی دنیلن) اوافق اوافق قسملره آیریلیردی . هر بلوک یا خود هر قبیله بو قسملردن برینه کیرردی . قراری اکلامق

قارشی طور امانزلردی . بونک ایچون کافذاموری سناتو تنظیم ایدردی ؛ حربہ ، اردونک موجودینہ قرار ویرر ؛ سفرای قبول وصلحہ موافقت ایدر ؛ واردات و مصارفاتی تعیین ایلردی . بونک مقرراتی اہالی قبول ایدر ، حاکم کردہ اجرا ایلرلردی . ۲۰۰ سنہ سندہ سناتو ماکدونیا قرالنه قارشی حربہ قرار ویرمشدی ؛ اہالی دوچار دہشت اولارق بونی قبولدن امتناع ایلمشدی . سوکر سناتو تکرار قومیسلری (عمومی مجلسلری) جمع ایدرک انلری دہاز یادہ اقناع ایدہ جک برنطق ایراد ایتسنی حاکم کردن برینہ امر ایتمش ، بونک اوزرینہ اہالی راضی اولمشدر . انکلترہدہ نصلکہ قرال سلطنت سوررسہ ، رومادہدہ اہالی سلطنت سورر ، فقط سناتو حکومت ایدردی .

مجلسد وانتخابات . - روما حکومتہ جمہوریت (یعنی ملت ایشی) دیرلردی . اہالی تعبیر اولونان شہر لیلر ہیئتتی حکومتدہ حاکم مطلق عد اولونوردی . حاکم لری بونلر انتخاب ایدر ، حرب وصلحہ بونلر قرار ویرر ، قانونلری بونلر اجرا ایدردی . ارباب حقوق : « قانون ، اہالینک امریدر . » دیرلردی . یونانستاندہ اولدینگی کبی رومادہدہ اہالی مبعوث انتخاب ایتمز ، ہر شیئہ کنندی قرار ویرردی . حتی بتون ایتالیاہ طاغیلان ۵۰۰۰۰۰ کشی شہرلی قبول اولوندقدن سوکرہ ، شہر لیلر ایفای حقوق ایتک ایچون رومیہ بالذات کلمکہ مجبور اولمشلردر . اہالی میدانده اجتماع ایدر ، بواجتماعہ (قومیس) عمومی

کورلمشدی . رومالیر بوصولیت مفرطیه (اداره اخلاق) دیرلر ، سانسورلری شهرک حاکمیری درجه سنه کتیرلردی .

سناتونک بر اجتماعی . — سناتو ، سانسور طرفندن تعیین اولونمش تقریباً ۳۰۰ کشیدن عبارتدی . فقط سانسور بونلری راست کله انتخاب ایتزدی ؛ زنکین ، اعتبارلی ، بیوک فاهمیلردن ، قسیم اعظمی اسکیدن حاکمک ایتمش اولانلردن انتخاب ایدردی . همان دایماده اولجه سناتورلک ایتمش اولانلری انتخاب ایدر ، اووجه ایله که بر سناتور عمری اولدجه سناتور قالیردی . سناتو ، روما اکابرر جانک اجتماعی ایدی ؛ نفوذی ده اندن ایلری کلیوردی . برایش ظهور ایتدیکی زمان حاکمردن بری سناتو اعضاسنی بر معبده طوبلار ، انلره مسئله یی ایضاح ایدر ، صوکره بوایشه دائر نه فکرده بولوندقلرینی سؤال ایلردی . سناتو اعضاسی حیثیت صرہ سیله برر برر جواب ویرلردی . بوکا ، سناتویه طانیشمق دیرلردی .

صوکره حاکم اکثریتک فکرینی قید ایدردی ؛ بوکده (سناتوس قونسولت) سناتونک مطالعه سی دیرلردی . فقط بویالکر بر مطالعه دن عبارت اولوردی ؛ چونکه قانون یایمق سناتونک صلاحیتی داخلمده دکلدی . فقط روما ، بر امره اطاعت ایدرکی بومطالعیه اطاعت ایلردی . اهالینک سناتویه اعتمادی واردی ؛ چونکه سناتونک کندیلرندن زیاده تجربه دیده اولدیغنی بیلیرلردی . کندی اقرانلری اولان اصیلزاده لردن مرکب بر جمعیته حاکمرده

رہبانی مجلسک اطرافندہ اوچ دفعہ طولاشدیریلیر؛ صوکرہ بونلر
 سیلیر، قانلری مجلسک اوزرینہ سرپیلیردی؛ آرتق اوندن صوکرہ
 رکس تصفیہ ایدلمش، معبودلرله باریشمش عد اولونوردی .
 سانسورلر ایستدکلرینی یازمق، آرزوایتدکلری مرتبہ قید
 قک حاکمیتی حائز ایدی . بوصولتله برسناتو اعضاسنک اسمنی
 ناتولیسته سندن چیقاردرق، برشوالیهی شوالیهلر میانہ قید
 قهرک، برشهرلینک اسمنی قیبه دفترلرینہ یازمیهرق انلرک



کفارت قربانی

رجه لرینی تنزیل ایدوبیلیرلردی . متهم عد ایتدکلرینی
 نازات اینک، قانوناً محکومیتی موجب اولیان خطالری جزالاندرمق
 چون بوانلرک بر واسطه سی ایدی . تارلاسنی فنازرع ایتدیکندن .
 صرفلی برخانه خلقنه مالک اولدیغندن طولایی شهریلیری ،
 ن قیه ثقلتندہ کوش طاقنه مالک اولدیغی ایچون برسناتو اعضاسنی،
 نلہ سنک مزارلرینی اہمال ایتدیکندن طولایی برینی، زوجہ سنی
 طلیق ایلدیکی ایچون دیگر برینی انلرک بوصولتله تنزیل ایلدکلری

ایدی؛ بوصلاحیت قیصه و بر قاج کشی به منقسمدی . حاکم بر سنه مدتله انتخاب اولونوردی ؛ کندیسینه عین صلاحیتی حائزرقاسی دهواردی . بوندن بشقهینه روماده اهالی بی اداره ایدن ، اردولره قوماندا ایلین ایکی قونسول ایله مادون صفتیه حکومتی اداره ، اردولری قوماندا ایدن ، حکمرا اعطا ایلین بر چوق پره تورلر واردی . بوندن بشقه طرق عمومیه ایله بازارلره نظارت ایدن ایکی سانسور ایله درت نه دیل ، حکومتک حسابنی طومتغا مأمور که ستور لر ایله اون عوام تریبوننی (رئیس) کبی ده سائر حاکمرا واردی .

نمبر نفوس . — بو حاکمراک الک بیوکلری ، ایکی سانسوردی

بونلر هر بش سنه ده بر (سانس) یعنی روما اهالیسنک تحریر نفوسنی یاپارلردی .

شهر لیلرک کافهسی سانسور لرک حضورینه کایر ؛ اسمنی چو جقلرینک و اسیر لرینک عددینی ، ثروتنک مقدارینی میایدرک سویلر ، بونلرک کافهسی دفترلره قیند اولونوردی سناتو اعضاسنک ، شوالیه لرک ، شهر لیلرک اسامیسنی تنظیم هر کسه شهرده کی مرتبهسنی تعیین ایدن ، سانسور لردی صوکره ، هر بش سنه ده بر یاپیلان (لوستر) یعنی تصفیه آیدر جسیمنی اجرا ایتکده انلرک وظیفهسی ایدی . اوکون بتور شهر لیلرکویا محاربه ایده جکلر مش کبی (شان دومارس) ده منتظمه صره لانیرلردی ؛ بز بوغالیله بر قویون ، بر طموز ، یعنی اوچ کفارن

يدنجى فصل

حيات سياسيه

حاكمر ، تحريرفوس ؛ سناتونك براجتماعى ؛ مجلسروا انتخابات .

ماكمر . - هر سنه اهالى اداره حكومت ايتمك ايچون آدملىر انتخاب ايدر ، بونلره صلاحيت مطلقه اعطاليردى ؛ نلره حاكم (مازيسترا) ديلردى . ليكتورلر ، اللرنده بردسته دكنك و بر بالطه ايله انلرك او كنده كيدرلردى ؛ بو علامت حاكمك ايسته ديكنى ذوكوب اولديرمك صلاحيتنه مالك اولديغنه دلالت ايدردي . حاكم ملت مجلسى ايله سناتويه رياست ايدى بيلير ، محكمه ده بولونور ، اردولره قوماندا ايدردي ؛ هر طرفه و حاكمدى . - ايسترسه مجلسى اجتماعه دعوت ايدر ، حاكملى بالكر او ويرردى .

وقت حربده ايسته ديكنى عسكره آلير ، ضابطانك راي و فكرينى آلمان انلرى ايسترسه اعدامه محكوم ايدردي . - لاتينلره قارشى وقوع بولان بر حربده روما جنرالى مانليوس عسكرك اردوكاهدن طيشارى چيقمسنى منع ايتمشدى . اوغلى ر دشمن عسكرى كورمش ، طيشارى چيقوب بو عسكرى اولديرمش . صوكره باباسى ده اوغلى توقيف ايدر ك در حال ايتدرمشدر .

روماليلرك تعميرى وجه ايله حاكم ، برقرال صلاحيتنى حائز

اسیردن زیاده سنه مالک اولماق ضرورته علامتدی .
 اسیرلر ازیجی ایشلره ویا مجبوری ایشسنزلکلره معروض ،
 دائما قامچی ویا اشکنجه آلتنده بولونداقلرندن بونلر مزاجلرینه
 کوره یا محزون و اورکک ، یا قورقاق و مطیع اولورلردی .
 عزم متین صاحبی اولانلری اتخار ایدرلر ، دیکرلری غیر
 اختیاری بر حیات امرار ایدرلردی . اختیار قاطون : « اسیر
 دائما چالیشمالی ویا او یومالیدر . » دیور . بونلردن قسم اعظمی
 حس ناموسدن تجرد ایدرلردی . بو سببدن افعال معیوبه
 دیمک ایچون افعال اسیرانه تعبیری قوللانیلیردی .

مطالعه اولوناجق آثار :

پلوتارق ، قاطونک حیات ، لوكوللوسك حیات . - مومزن ، روما
 تاریخی . - میشله ، روما تاریخی . - بوواسیه ، روما دینی . -
 درووی ، رومالیرک تاریخی .

يوقدى ؛ نه شهرلى ، نه مال صاحى ، نه زوج ، نه نده پدر اولابيليردى . روما قومديلرندن برنده (۱) اشخاصدن برى شويله سويليور : « اسير دوكونلرى ! بر اسيرك ازدواج ايتىمى ! بو بتون روما اقوامنك عاداتنه مغايردر . » افنديسى اسيرى اوزرنده هر درلو حقوقه مالكدى ؛ انى ايستديكى يره يوللار ، ايستديكى كې ، حتى طاقتنك فوقنده چاليشديرر ، ييهجكنى اى ويرمز ، دوكر ، اذيت ايدر ، اولديرر ، ينه هيچ كيمسهدن سئوال اولونمازدى . اسير ، افدينك بتون هوساتنه تابع اولمغه بورجلى ايدى ؛ حتى روماليلر اسيرك وجدانى يوقدر ، يكانه وظيفهسى كوركورينه اطاعتدر ، ديرلردى . شايدقارشى طورر ، فرار ايدرسه ، انى اوصلانديرمق وياياقلامق ايچون افنديسنه حكومت معاونت ايدردي ؛ فرار ايتمش بر اسيرى صاقلايان كيمسه ، بشقهسنك اوكوزيني ويا باركيري چالمش كې مهتم عداولونوردى .

اسيرلر ك مقدارى ، حر آدملر ككندن دهها زياده ايدى . زنكين شهرليلر ك ۱۰ : ۲۰۰۰۰ اسيرى واردى ؛ بعضلرينك بر اردو وجوده كتيره جك درجهده اسيرلرى بولونوردى . روايته كوره اسكى اسيرلردن كوچيلوس ايزيدور يوسك ۴۰۰۰ دن زياده اسيرى واردى ؛ يدى اسيره مالك اولان هوراس ، ثروتنك آزلغندن بحث ايدردي . روماده اوچ

(۱) پلوطك (قازمينا) سنده .

یمك ویرمکی حکومت تعهد ایتمدی . ۱۲۵ سنه سنده اولاهر
 شهرلی یه نصف فینتاله بغدادی ویرلدی ؛ بو بغدادی سجیلیان
 ویا آفریقان کتیریلدی . ۶۷ سنه سندن صوکره بغدادی
 مجاناً توزیع اولوندیغی کبی زیتون یاغی ده ویرلدی . ۴۶ سنه سنده
 سزار، اسمی اعانه دفترینه یازیش بویله ۳۲۰،۰۰۰ شهرلی
 بولمشدی .

اسیرلر . — اسرای حربیه نك كاهسی ایله ضبط اولونان
 برشهرک بتون اهالیسی غالبه عائددی . غالب انلری اولدیر مرزسه
 اسیر ایدردی . اسکی حقوق بویله ایدی . رومالیر بونی تامامیه
 تطبیق ایدرلردی . اسیرلر غنائمک بر قسمی نظریله باقیلیردی ؛
 بونلری اردونک پیشندن کلن اسیرجیلره ساتالیر و یا خود
 رومایه کتیره جک اولورلرسه مزایده یه قویارلردی (۱) .
 هر حربدن صوکره قادین ، ارکک بویله بیکلرجه اسیرلر
 ساتیلیردی . اسیر قادینلردن طوغان چوجقلرده والده لری کبی
 اسیر عد اولونوردی . ایشنه شوصورتله روما اسارتنی اقوام
 مغلوبه وجوده کتیریوردی .

اسیرک بر صاحبی واردی ؛ انک ایچون اسیره بر شخص
 نظریله دکل ، بر ملک نظریله باقیلیردی . اسیرک هیچ بر حقی

(۱) هر مهم شهرده صغیر وآت پازاری اولدیغی کبی برده اسیر
 پازاری واردی ؛ صاتلیق اسیر ، بویننده یاشنی ، اوصافی و نقائصنی
 کوسترر بر لوحه اولدیغی حالده بر کروت اوزرنده تشهیر ایدیلیردی .

آدم) دیرلر، صوکره اوغلی ده زادگان اولوردی .

عوام . — نه زادگاندن، نه ده شوالیه لردن اولمیان کتله؛ اهالی، عوامی تشکیل ایدردی . بونلر ایتالیانک حر آدملرینک، روما شهرایمی اولان اوفاق اراضی صاحبی کویلیلرک احفادی ایدی . — کذا آزادیلر، اسکی اسیرلر ویا اسیر زاده لر ده عوامدندی . بونلر منشألرینک لکه سندن هیچ قورتولامازلردی؛ عوامی رومار دوسنه قبول ایتزلر، کندیلرینه هرکسدن صوکره رأی ویردیرلردی .

اوفاق اراضی صاحبلیری پک چوق زمان شهرلیلرک اکثریتی تشکیل ایشلردی . فقط صحرائر بوشاندجه روماشهری ده یکی براهالی ایله طولیوردی . مملکتلرنده یقالانان، اسیرکی صاتیلان، صوکره افندیلری طرفندن آزاد ایدیلوب شهرلی اولان یونانیلر، سوریه لیلر، مصرلیلر، آسیالیلر، آفریقالیلر، اسپانیوللر شهره متدیاً طولیورلردی . بونلر یالکز نامی رومالی، یکی بر قومدی . برکون قارطجه ونومانس غالبی سپیون میدانده اهالی یه ایراد نطق ایدرکن غلبه لغک کورولتیسندن سسنی کسمکه مجبور اولنجه : « صوصک ! ایتالیانک ساخته اولادلری ! بیهوده کورولتی ایدیورسکز ؛ زنجیرلرله باغلایه رق رومیاه کتیردیکم انسانلر، اللری چوزولمش بیه اولسه لرینه بنی هیچ بر زمان قورقوتامازلر » دیهه باغیرمشدر . فقط بویکی عوام کندی کندینی اعاشه ایده مدی؛ نهایت انلره

عبارتدی . بوهیکلر ، عائله معبودلری ایله اوجاغک یاننه
 وَاوْک محرانی تشکیل ایدن (آتریوم) ه وضع اولونوردی ؛
 احفادی طرفندن پرستش ایدیلن صنملمر کبی انلرده اورایه ،
 خصوصی یرلره قونوردی . عائله افرادندن بری وفات ایتدیکی
 زمان تصویرلر چیقاریلمر ، آلایده بر آرابه اوزرنده کو -
 تورولور ، اقربادن بری متوفانک مدایحنی ایراد ایدردی . -
 بو تصویرلر ، بولونقلری عائله نك اصلتنه دلیل اولوردی .
 بر عائله ده نه قدر چوق تصویر بولونورسه ، او عائله او درجه
 اصیل عد اولونوردی . مثلا بر تصویرلی اصیل ، بر قاچ
 تصویرلی اصیل دیرلردی .

روماده اصیل عائله لرك مقداری پك آزدی (۳۰۰ دن فضله
 یوقدی) ؛ چونکه انسانه اصالت بخش ایدن حا کملک ذاتاً
 اصیل اولانلره ویریلردی .

شوالیه لر . - زادکاندن سوکره شوالیه لر کلیردی .
 شوالیه لر ، اجدادی حا کملک ایتمش زنکین شهریلردی . بونلرك
 تحریر نفوس دفترلرنده مقید ثروتلری لاقول ۴۰۰۰۰۰
 سه سته رس (۱۰۰۰۰۰۰ فرانق) اولمق ایجاب ایدردی .
 شوالیه لر تاجر ، صراف و ملتزم لردن عبارتدی ؛ اداره حکومت ایتزلر ،
 فقط کسب ثروت ایدرلردی . تیاتروده زادکانک ارقه سنده
 کندیلرینه مخصوص یرلری واردی .
 بر شوالیه حا کم اولابیلردی ؛ اوزمان زادکان کا (یکی

حاکم انتخاب اولونمق حقنه یالکز او مالکدی . بو حقوقه (حقوق عمومیه) دیرلردی .

ثانیاً : روما قانونی ایله یالکز شهرلی حمایه اولونوردی ؛ مشروع بر صورتده ازدواج ایتمک ، عائله رئیسینی یعنی زوجه سنک و چو جققرینک حاکم مطلق اولمق ، وصیتنامه بر اتمق ، صاتمق ویاصاتین اتمق حقنه یالکز او مالکدی . بو حقوقه ، (حقوق شخصییه) دیرلردی .

شهرلی اولیانلر اردودن و مجلسدن چیقاریلدقلری کبی نهزوج ، نه پدر ، نه ده صاحب مشروع اولامازلر ؛ نه روماقا تونندن ، نه ده روما محاکمندن عدالت طلب ایدهبیلیرلردی . — بناءً علیه شهرلیلر افراد سائره ارسنده بر کبار صنفی تشکیل ایدرلردی . فقط بونلرک ارسنده ینه مساوات یوقدی ؛ چونکه مختلف صنفلر ، رومالیرک دیدیکی کبی ، مختلف مراتب موجوددی .

زادگان . — برنجی صنفی زادگان تشکیل ایدردی . اجدادندن بری حاکمک ایدن بر شهرلی زادگان عدا اولونوردی . زیرا روماده حاکمک بر شرفدی ؛ بو وظیفه یی ایفا ایدنی ده ، احفادینی ده مرتبه اصلته ایصال ایدردی .

بر شهرلی نه دلیل ، پره تور ، قونسول اولدیغی زمان اطرافنی ارغوانی ایشلمه لی بر حرمانی ایله بر نوع تخت (شهز کورول) آیر ، تصویرینی یاپدیرمق حقنه مالک اولوردی . بو تصویرلر اولابالمومیدن ، صوکره لری کموشدن یاپیلان اوافق هیکلردن

حالتہ کتیریوردی. سو کرہ طوپراغی چایر حالنہ قویوردی، مو اشدینہ باقق ویا اراضی زرع اتمک ایچون اسیرلردن چوبان وچفتجی کوندریوردی. آرتق اوندن سو کرہ ایتالیا طوپراغندہ بیوک مال صاحبیری ایله اسرا سوروسندن بشقہ کیمسہ کورولدی. پلین لانیسین دیورک: «ایتالیانی محو ایدن بیوک مالکانہ لردر.»

فی الحقیقہ حرکویلیلرک قیرلردن کاملاً چکملرینہ بوبیوک مالکانہ لرب سبب اولمشدر. تارلاسنی صانان اسکی مال صاحبی چفتجی اولارق بیله قالامازدی؛ موقعی اسیرلرہ ترک ایتسی مطلقاً ایجاب ایدر، انک ایچون سرسری وایشسز قالیرلردی. وارون ذراعت کتانبندہ دیورک: «عائلہ رئیس لردن قسم اعظمی اوراقلرینی، صبانلرینی براقوب دیورالریمزہ صغیندیلر؛ چفتلریله، چبوقلریله مشغول اولمقدنسه سیرقلردہ آل چیرپمنی ترجیح ایدیورلر.»

صنرف اجتماعیہ. — یونانستانده اولدینغی کبی رومادده اہالی، بتون نفوسک ہیئت مجموعہ سی دکلدی؛ شہرلیلر صنرف ایدی. روما اراضیسندہ اوطوران ہرکس شہرلی اولامازدی؛ انجق شہرلی حقوقنہ مالک اولابیلنلر اولوردی. شہرلینک برچوق امتیازاتی واردی:

اولا: ہیئت سیاسیہ نک اعضای یکانہ سی ایدی؛ روما ملت مجلسلرندہ رأی ویرمک، روما قطعات عسکریہ سندہ خدمت اتمک، رومانک مقدس آیینلرندہ اثبات وجود ایلک، رومایہ

فقط بوفساد اخلاق روما اصیلزاده لری ایله صوگردن
 کوره لردن اوتیه کچه مدی . اسکی زمانک صیقی عادت لری
 ای تالیاده و ایالتلرده کی عائله لر ارسنده عصر لرحه محافظه ایدلدی .
 یالکز عائله انضباطی کوندن کونه قوتنی ضایع ایدیور ، یاواش
 یاواش قادین زوجک استبدادندن خلاص اولیوردی .

تبدلات اجتماعیه

طبقة متوسطه نك قانمس . - اسکی روما اهالیسی اوافق
 مال صاحب لردن مرکب دی ؛ بونلر تارالارینی کندیلری زرع
 ایدر لردی . اردوی و روما مجلس لری بوناموسکار و متین کویلیلر
 تشکیل ایلر لردی . ۲۲۱ سنه سنده ، ایکنجی پون حربی
 اثناسنده بو کویلیلردن دها پک چوق واردی ؛ ۱۳۳ سنه سنده
 ایسه هیچ قالماشدی . برچوق لری هیچ شهبه سز اوزاق
 سفر لرده تائف اولمشردی ؛ فقط بونلر ، اکز یاده تعیش ایده مدکلری
 ایچون غائب اولیور لردی . - کویلیلر بغدادی زرعیله تعیش
 ایدر لردی ؛ فقط روما ، سجیلیادن و آفریقادن بغدادی جلب
 ایدنجه ، بغدادی فیئاتی اودرجه نزل ایتدی که ، ای تالی چفتجیلری
 محصول لردن عائله لرینی کچندیره جک ، خدمت عسکریه وظائفنه
 تحمل ایده بیله جک هیچ برشی آله ایده مدیلر . بونک اوزرینه
 تارالاری صاتمغه مجبوریت حاصل اولدی ؛ بوتارالاری قومشور لردن
 برزنکین صاتین آلیور ، برقاچ کوچوک تارالانی بیوک برمالکانه

او درجه ده که ، اصیلزاده لر از مسنده ناموسلی قادین استشنا
تشکیل ایتمه باشلادی .

اسکی عائله انضباطی کاملاً محو اولدی . روماقونونه نظر آزوج
زوجیه حاکم ایدی ؛ فقط صوکره لر قادینی پدرینک نفوذی
آلتنده براقه رق زوجیه هیچ بر صلاحیت بخش ایتمین یکی بر
ازدواج ایجاد ایدلدی . ابون قیزلرینی دهها زیاده مستقل بولوندی .
مق ایچون انلره برده جهاز ویردیله .

اسکیدن زوجیه سنی تطلیق ایتک ، یالکز زوجک حتی ایدی ؛
وبو حتی ده انجق غایت وخیم حاللرده استعمال ایتک عادتندی .
دها صوکره قادین ده زوجنی ترک ایتک حقنه مالک اولدی .
آرتق اوندن صوکره ازدواج فسخ ایتک پک قولایلاشدی .
بونک ایچون نه حکمه ، نه ده اسبابه لزوم واردی . ایستر قادین .
ایستر ارکک اولسون ، زوجیندن بری ممنون اولمادیمی دیگرینه :
« سنکی سنک اولسون ، بنمکنی ده بکا اعاده ایت ! » دیمسی
کفایت ایدردی . طلاقدن صوکره هرایکیسی ده ، حتی قادین ده
عقببنده تکرار ازدواج ایده بیلردی .

نهایت بوسبیدن طولایی کبار عالمنده ازدواجه موقت برارتباط
نظریله باقیلدی . سیلابش ، سزار درت ، یومپه بش ، آنطوان
درت دفعه اولندی . چیچهرونک قیزی اوچ دفعه قوجهیه
واردی . هورتانسیوس ، زوجیه سنی دوستلرندن برینه ویرمک
ایچون تطلیق ایتدی .

تعقیب ایتدیله؛ فقط موسیقی ایله دانسه قارشى دائما باطل بر فکر حکم فرما اولدی . بونلر اصیل بر انسانه یاقیشماز ، او یونجی صنعتی عد ایدیلردی . یونانیلرک حامیسی سپیون آمیلیهن ، اصیلزاده اولمیان ارکک و قیز چوجقلمک دوام ایتدکلی بر دانس مکتبندن کمال نفر تله بحث ایدیور : « بونی بکا نقل ایتدکلی زمان اصیلزاده لک بویله شیلری چوجقلمینه او کره ته جکلرینی بر درلو ذهنم آماهشدی . فقط بنی دانس مکتبته کوتوردکلی زمان کوردم که بشیوز ارکک و قیز چوجنی ایچنده یالکزاون ایکی یاشنده بر اصیلزاده ، اوده بر نامزد اوغلی چنغراق سسلریله دانس ایدیوردی .» - ساللوست اودرجه اعتباری اولمیان بر رومالی قادیندن بحث ایدرکن : « بر ناموسلی قادینه یاقیشمیه جق وجه ایله لیرچالار و دانس ایدردی .» دیور .

افسوس . - روما قادینلری شرقک ادیاننه وزینتنه پک قولای قایدیلر . باکوس پرستشکارلری (باقانلر) ایله ایزیس عبادتنه فوج فوج داخل اولدیلر . قادینلره مزین البسه لرله آرابه نی و مجوه راتی منع ایچون قانونلر یایدی ؛ نهایت بو قانونلری لغو ایدرک قادینلری ده ارککلرکی سربست بر اقمغه مجبوزیت حاصل اولدی . اصیلزاده قادینلر چالیشمقدن ، اوده اوطور مقدن واز کچدیلر ؛ آلايله سو قائه چیقارقی تیاترویه ، سیرقه ، بانیلره ، اجتماعکاه اولان یرلره داداندیلر . بویله ایشمز و پک جاهل قالنجه ، اخلاقلرینی ده پک چابق بوزدیلر .

قوشارلردی . سناتو اكا شهر دن چیقمسنی امر ایتدی . فقط
فیلسوفلر آتنه وردوس مکتبلرنده ینه تدریساته دوام ایتدیلر ؛
دهاصوکره کنجج رومالیلری بورایه کوندرمکده برموده حکمنه
کیردی .

قبل المیلاد اوچنچی عصر دن اعتباراً نهدهمه نامنده بر
یونانلی ، معبودلرک موجود اولمادیغنی اثبات ایچون بر کتاب
یازمشدی ؛ بونک روایتده کوره معبودلر ، معبود حالنه کتیرلمش
اسکی انسانلردن بشقه بر شی دکلدی . حتی ژوئیتهر کیرید
قرالردن بری ایدی . بو کتاب پک زیاده رغبت بولدی ؛
شاعر نه نیوس طرفدن لاتینجهیه ترجمه اولوندی . روما
اصیلزاده لری شو صورتله کندی معبودلری ایله اکلنمکده آلیشدیلر ؛
اسکی دینک یالکز عاداتی قالدی (۱) . روما کبار جمعیتی تمام
برعصر دن زیاده هم خرافاتپرور ، هم ریویوندن اولدی .

میان فکریه . — پولپ روماده یاشادیغنی زمانلر (۱۵۰
سنه اول) اسکی رومالیلر چوجقلرینه اک چوق اوقومه
اوکرده تبیلرلردی . یکی رومالیلر ایسه چوجقلرینی یونانلی
مربیلره تودیع ایتدیلر . بر چوق یونانیلر روماده شعر ،
بیان و موسیقی مکتبلری کشاد ایلدیلر .

بیوک عائله لر اسکی اصول ایله یکی اصول بیننده بر اصول

(۱) چیچرون دیورکه : «افکار عامه یی جریحه دار ایتمهک ایچون

هیچ اولمازسه فالجیلری قالدیر ماملیدر .»

بر قاچ سنه صوكره ، یعنی ۲۰۴ سنه سنده ، معبوده
 (سیبیل) ی آرامق ایچون آناطولی یه بالذات سناتو برهیئت
 کوندرمشدی . (بیوک والده) تسمیه اولونان بو معبوده سیاه
 بر طاش شککنده کوستریلیردی . سناتونک مرخصلری بو
 معبوده نی آلا ی والا ایله کتیروب رومیاه یرلشدیردی لر .
 راهبلی ده معبوده نك پيشندن کیشلردی ؛ بونلر فخره و ذیل
 چالارق شرق اصولی البسه لرله قپو قپو دیلنیرلر ، سوقاق
 سوقاق طولاشیرلردی .

صوكره ایتالیا برچوق کلدانیه سحر بازلری ایله طولدی .
 بو کاهنلره اعتقاد ایدن یالکز اهالی گروهی دکلدی . سه مبرلر
 رومیایی تهیدید ایتدکلری زمان (۱۰۴) ، سوریه کاهنه لرندن
 مارطا سناتویه مظفریت بخش ایده جکنی بالذات کلوب خبر
 ویردی . سناتو قادینی رد ایتدی ، فقط روما قادینلری بونی
 اردو کاهه کوندردی لر ؛ باش قوماندان ماریوس قادینی یاننده
 آلیقویدی ، حربك ختامنه قدر انکله مشاوره ایتدی . -
 کذا سیللا ده قبادوکیا معبوده سنی رؤیاده کورمش ، انک
 نوصیه سی اوزرینه ایتالیایه متوجهاً یوله چیقمشدی .

ریبیوه . - رومیاه یالکز راهب لرله کاهنلر کلزدی ؛
 سنکی دینی تحقیر ایدن فیلسوفلرده کلیردی . بونلرک اک
 شهوری ، آتله لیلرک سفیری قارنه آد ، روماده علناً بیان فکر
 یدردی ؛ کنج رومالیرلر آنی دیکله مک ایچون آقین آقین

صورتله یونان اساطیری لاتین اسمیری ایله داخل اولدی ،
 رومانک معبودلری یونان معبودلرینه تحول ایتدی . بونلر
 یکدیگرینه اودرجه قاریشمشدرکه ایوم یونان معبودلرینی لاتین
 اسمرلیله ذکر ایتمکه اعتیاد حاصل اولمشدر ؛ بو کون بیه
 آرته میز دییان ، پاللاس مینروا دیوروز . رومالیر یونان
 اساطیری ایله برابر معبودلرینی هیکلکلرله تصویر ایتمک عادتیده
 قبول ایتدیلر . کذا یونان مراسمندن بعضلرینی ده قبول ایلدیلر .
 روما حکومتی اساساً آپوللونه عبادتی قبول ایتمشدی . برچوق کشیلر
 باغ بوزومی معبودی با کوسه ده پرستش ایتمکه باشلادیلر . پرستش
 ایدنلر عبادتلرینی کیجه لین ، کیزلی یا پارلردی . با کوسه پرستش
 ایدنلرک اسرارینه انجق بو اسرار ایچنده اولان شیلری افشا
 ایتیه جکنه یمین ایدنلر قبول ایدیلردی . قادینک بری ۱۸۶
 سنه سنده روماده کی با کوس پرستشکارلرینی سناتویه خبر
 ویرمش ، سناتو تحقیقات اجراسنی امر ایتمش ، بو اسراره
 اشتراک ایدن قادین ارکک یدی یوزکشی بی میدانه چیقارمش
 و کافه سنی اعدام ایتدیره مشدر .

رومالیر اقوام شرقیه نك عبادتلرینی ده اجرا ایلدیلر .
 روماده ده ۲۲۰ سنه سنده مصر معبودی سه راپیس نامنه بر
 معبد واردی . سناتو بو معبدک یقیلمسنی امر ایتدی . هیچ
 بر عمله طوقومغه جسارت ایده مدی ؛ نهایت بالذات قونسول
 کلوب بالظه ایله قیوی قیرمغه مجبوریت حاصل اولدی .

ده عادات جدیدیه نمونه قالمشدر . قدما عندنده الكفضیلتلی رومالی قاطون ایدی ؛ لو کوللوس ایسه بوزومش بر رومالی ایدی . فی الحقیقه و کوللوس ، اجدادینک عادتندن تباعد ایدردی ؛ چونکه غایت واسع ، علوی و نزیه بر فکره مالک اولدینی کبی اسرایه و تبعه یه قارشی ده پک زیاده انسانیت کو سترردی .

دینده تبدلات و حیات فکریه

یکی عبادتدر . — روما معبودلری یونان معبودلرینه هیچ بوجه ایله ، حتی اسماً بیله بکنزه مزلردی . مع مافیله یونانیلر روما معبودلرینک قسم اعظمی طانیملر و یا خود بونلرک کندی معبودلری اولدقلرینه ذاهب اولملشدردر . روما معبودلرینک او آنه کنجیه قدر نه قطعی بر شکلری ، نه ده سرگذشتلری واردی ؛ فقط آندن سوکره پک قولای قاریشیملاق وقوعه کلدی . روما معبودلرینک هربری یونان معبودلرندن برینک شکلنده کوستر-لدی ، بو معبودلرک مناقبندن انلر ایچون ده بر سرگذشت وجوده کتیرلدی .

لاتینلرک ژویتهری یونانیلرک زهوسی ایله ؛ — ژونون ، ههرا ایله ؛ — خاطره معبودهسی مینروا ، عقل معبودهسی پاللاس ایله قاریشدرلدی ؛ — ژانوسک دیشیسی اولان دیان ، پارلاق آوجی قیز یعنی آرته میز اولدی ؛ — محیط معبودی هرکول ، دیولر غالبی هراقلس ایله قاریشدرلدی . ایشته بو

از زمان لوکولوس آسیایه جمع وادخار ایلدیکیشی و تلو ر دن استفاده
 ایچون چکلدی. لوکولوسک روما واروشلرنده مشهور باغچه لری،
 ناپولیده یاریسی دگیز اوزرینه انشایدلمش برکوشکی. (توسکولانوم)
 ده آثار صنعتله مملو بر موزه بی حاوی یازلق بر سرایی واردی.
 لوکولوس، دوستلریله، علما و ادبایله برابر یونان مؤلفلرینی
 مطالعه ایدرک، ادبیات و فلسفه دن بحث ایلیرک یازی (توسکولانوم)
 ده کچیردی. لوکولوسک زینت و احتشامی حقنده پک چوق
 فقره لر روایت ایدرلردی. — برکون لوکولوس کندی کندینه
 یمک برکن سفره سنی معتاددن پک ساده کورر. آشجینی تکدیر
 ایدر، آشجی اوده مسافر اولمادیغنی سویلیهرک بیان معذرت ایدنجه
 لوکولوس: سن لوکولوسک، خانه سنده طعام ایده جکنی
 بیلیموز میدک؟ « دیر. — ینه برکون سزارایله چیچه رونو
 یمکه دعوت ایدر، فقط بونلر عادتندن فضله برشی یامامق اوزره
 بودعوتی قبول ایدرلر. لوکولوس اسیرلرندن برینه یمکک یالکز
 آپولون سالوننده حاضر ایدلمسینی سویلر. مکلف بر طعام
 ایدیلیر، هرکس حیرت ایچنده قالیر. بونک اوزرینه لوکولوس
 کندیسنک هیچ بر امر ویرمدیکنی. ذاتاً یمک مصارفنک یمکی
 هانکی سالونده ویررسه او سالونه نظراً حساب ایدلمش اولدیغنی
 سویلر. آپولون سالوننک مصارفی ده ۵۰۰۰۰ فرانقدن
 آشانغی دکلش!

قاطون نصلکه عادات قدیمیه نمونه اولمش اینسه، لوکولوس

یا بمق ، علم ، فلسفه ویاتقیدایله مشغول اولمق ، بتون بوشیلر ، انلرک نظر نده بوش طور مق دیمکدی . - روماده صنعتکارلر وعالملر هیچ بروقت زنکین بر تاجر ه مساوی اولاماشدر . یونان محرر لر ندن لوسیهن دییورکه : «حتی بر فیدایس اولوبده بیکلرجه آثار نفیسه وجوده کتیرسهک ینه هیچ کیمسه ساکا بکزه مک ایسته مز ؛ چونکه نه قدر ماهر اولورسهک اول ، ینه بر صنعتکار دن ، اینک ایشی ایله کچینیر بر آدم دن بشقه بر شی اولامازسک . »

لوکولوس . - یکی رومالیرک نمونه سی اولان لوکولوس ۱۴۵ سنه سنده اصیل و غایت زنکین فاملیادن دنیا یه کلدی ؛ بونک ایچون بلامشکلات مسلك شان و شرفه داخل اولدی . دها ایلاک سفر لر نده مغلوبه قارشی حلوملایمتی ایله کندینی کوسرتدی . قونسول اولدینی زمان مهردادده قارشی کیدن اردویه قوماندان اولدی . آناتولی اهلینسی حیدودلقبردن ، ملتزم لرک مظالمندن اوصامش بولدی ، بومظالمه بر نهایت ویرمهک چالیشدی ؛ ضبط اولونان شهر لری عسکر لرینک یغما ایتملرینه مانع اولدی ؛ بوسورتله آسیالیلرک بی فائده محبتنی ، ملتزم لره عسکر لرک تهلمکلی عداوتی جلب ایتدی . دسیسه ایله کندیسی کری چاغر لدی ؛ اوصرده مهرداد ی مغلوب ایتمش ، انی متفق اولان ارمنستان قرالنک اراضیسندده تعقیب ایدیوردی ؛ ۲۰۰۰۰ کشیدن مرکب اوافق بر اردو ایله جسم بر بار بار ییغینی انهمه دوچار ایشدی . قوماندانلق لوکولوسدن آلنوب ملتزم لرک سوکیلیسی پومپه یه ویزلدی .

فکر به دن حظ ایتدیلر. سیپیونلر، هپ منور الافکار یونانیلرله
دوشوب قالدیلر. پول امیل، اردوسنک ماکدونیادن کتیردیکی
بونجه غنائم ایچنده قرال پرسه نك کتبخانه سندن بشقه برشی
طلب ایتدی؛ چوجقلرینی یونان مربیلری آئنده بیوتدی.
اوزمانلر روماده یونانیجه کوروشمک، حتی یازی یازمق موده حکمنده
ایدی (۱). اصیلزاده لر رسم و هیکلتر اشلغده وقوف کوسترمک
ایستدیلر؛ قورده نك مشهور طونج هیکلرله برچوق هیکلر
کتیرتدیلر؛ بونلری اولرینه طولیدریدیلر. وهره س ك سجلیادن
اغتنام ایتدیکی آثار صنعتله طولوبویله بتون برغاله ریزی واردی.
رومالیلر یاواش یاواش یونان صنعت وادیاتنک جلاسنی
اکتساب ایتدیلر. بو طرز جدید تربیه (مدنیت) نامی
ویردیلر؛ بونی اسکى روما کویلیلرینک (بدویت) لرینه
ضداولارق قوللانیرلردی. فقط بویالکز برجلادن عبارت
قالدی. رومالیلر حسن و یا حقیقتک حد ذاتنده تجری اولونا جفنی
بیلمزلردی؛ انک ایچون رومالیلرده علم و صنعت یالکز زینت
ونمایش و سائظندن عبارت قالمشدر. حتی چیچه رون زماننده بیه
عسکرلک، چفتجیلک، سیاست، مأموریت، ویا آووقا تلقدن
غیری شیلره مشغولیت نظریله باقلمازدی. یازی یازمق، شعر

(۱) قاطون یونانیلردن نفرت ایدردی. قاطون اوغلنه شوپله یازیور:
«آئنده کوردیکمی سوبیه یم. بو عرق اک اخلاقسز، اک قابل انسیت
اولیان بر عرقدر، بوسوزمی برکھانت کبی دیکله. بوملت بزده زمان
صناعنی صوقه جق اولورسه، هر شیئی افساد ایده جکدر.»

هیکلرله طولوجسیم باغچه لی اولر، واسع باغچه لر اورته سنده دکزه
 طوغر وایلر یله ین مزین کوشکلر انشا ایتدیر دیلر۔ اطرافلرینه بر
 سور و اسر اطو پلادیلر۔ کندیلری ده، قادینلری ده یوک البسه لریرینه
 تول، اپیک و صیرمه البسه لر کیدیلر۔ ضیافتلرنده ایشلمه لی
 خالیر، ارغوانی اورتولر، آلتون و کوش قابلقوللان دیلر
 (سیلانک یوزاللی کوش صحنی واردی؛ مارکوس دروزوسک
 کوش طاقنک آغرلی ۱۰۰۰۰ قیه ایدی)۔ اهالی، اسکی
 ایتالیا اقوامنک عادتی وجه ایله او طوره رق یمک یدکلری حالده
 زنکینلر شرقلیرک یاتاقلر مه یاتوب طعام ایتک عادتتی قبول ایتدیلر۔
 عین زمانده شرقک منتخب و بهالی یمکلری، بهارات، صالحه لر،
 آو اتلری، نادر بالقلری، ط اووس بینی، قوش دیلار ی ده
 داخل اولدی۔

مصرفک اودرجه یه کلدی که، ۱۵۲ سنه سنده قونسولک
 بری وفات ایتدیکی زمان وصیتنامه سنده: « احترامات حقیقه
 یهوده زینت و احتشامده اولیوب متوفانک واجدادینک یاد
 مزایاسندن عبارت اولدیغندن جنازه مصارف اولمق اوزره بر
 ملیون آس (۱۰۰,۰۰۰ فراتق) دن فضله صرف ایتمه لرینی
 اوغلر مه امر ایدیورم۔ » دیمشدر۔

یونانده مرتقی۔ رومالیر یونانستانده عصر لردن بری
 شهر لره بیغلمش آبدلر، هیکلر، تابلولر کوردیلر؛ ادبا
 و حکما ایله کوروش دیلر۔ بعضلری کوزل شیلردن، حیات

ایدن لوکولوس کبی یونانستان ایله شرقی یاقیندن کورن قوماندانلر
 بو اسیلزاده لری کلنلر نندی. بونلر جدلرینک امرار ایتدکاری
 قبا و مزاحم آلود حیاتدن اوصانمشلر ، دها شوقلی ، دهاد بدبیلی
 بر حیات امرار ایدیورلردی . دها صوکره بتون اسیلزاده لر ،
 بتون زنیکنرانلره تقلید ایتمشلردی . برنجی عصرده ایتالیا ده کبیوک
 زنیکنلردن شرق و یونان اصولنده یاشامیان همان کیمسه قالمامشدی .

شرقلیلر پارلاق

قاشلر ، ذی قیمت
 طاشلر ، کوش طاقلر ،
 آتون قابلر کوسترمک ،
 اطرافلرنده یهوده بر
 سور و خدمتکارلر
 بولوندرمق ، کند
 یلرینی تماشا ایچون



طعام (بومیه تی دسلرندن)

طویلانان اهالی به پاره طاغیتمقله تفاخر ایدرلردی (۱). لطیف
 وقوللانیشلی شیلردن زیاده آغر و نادر شیلردن حظ ایدرلردی.
 رومالیلر غایت مغرور و او قدرده صنعتکار اولمادقلرندن
 بو طرز احتشامدن ذوق آلدیلر . لطافته وقوللانیشه انلرده
 اهمیت و یرمیه رک الذ زیاده احتشامه دقت ایتدیلر . کندیلرینه

(۱) شرقلیلرک حشمت و داراته اولان بوانهها کلری (بیک برکیجه)

حکایه لرنده کورولور .

طوقورلر ، اون یایمق ایچون بغدای اوکوتورلردی . هرطقوز
کونده بر بازاره کیتمک ، معبودلر شرفنه یورطیلرده بولونمقدن
بشقه اکنجه یوقدی .

اسکی رومالیرک غایه کالی ، آغر باشلی اولمقدی . -
روایتہ کوره ، سنا تو طرفدن مبعوثلر کلوبده کنديسنک
دیکتاتورلغنی تبلیغ ایتدکلری ائنه اده چینچیناتوس صبان
سوریوردی . - فابریچوسک قاب نامنه بر بارداغی ایله برده
کوش طوزلغنی واردی . - سامنیتلرک مرخصلری کنديسنه
پاره تقدیم ایچون حضورینه کلدکلری زمان ، سامنیتلرک غالبی
کورییوس دانتاتوس بر صره اوستنه اوطورمش ، تحته بر
قابدن سبزه ییوردی . بونکله برابر انلره شو جوابی ویرمشدر :
« کیدیکز سامنیتلره دیکیزکه : کوریوس آتون صاحبی اولمقدنسه
آتون صاحبی اولانلره حاکم اولغنی ترجیح ایدر ! »

ایشته اسکی زمانلرده کلن جنراللر حقنه روایت اولونان
فقره لرک بعضلری بونلردن عبارتدر . بوانسانلر ایستروغرو ،
ایستریا یا کلش اولسون ، روماده اسکی رومالیر حقنه بالاخره
نه فکرده بولونولدیغنی پک کوزل اثبات ایدر .

عادات جدیدہ . - ایکنجی عصردن اعتباراً رومالیردن
برچوغنی وبالخاصه اصیلزاده لر اجنیلری تقلید ایتمکه باشلامشدر .
سوریه قرالنه غلبه ایدن سیپیون ، ماکدونیا قرالنی مغلوب ایدن
فلامینیوس ایله پول امیل ، دهاصوکره ارمنستان قرالنه غلبه

روما اردوسنك قوتنی ، ایشه آیشقین ، قازانجه دوشكون ،
 حیاتلری منتظم و مقتصد اولان بو چفتجیلر وجوده کتیر -
 مشلردر . بونلر برمدت ملت مجلسی تشکیل ایتشلر ، انتخاباتده
 حاکم اولمشلردر . کندیلرینی حاکم انتخاب ایتدرمک ایستهین
 اصیلزاده لر هپ پازار میدانه کلیر ، بو کویلیدرک اللرینی صیقارلردی . -
 حتی نامزدلردن بری چفتجیلردن برینک الینی پک ناصیرلی کو -
 ره رک : « سن اللرکله می یورویورسک ؟ » دییه سئوال ایتمش ،
 بو نامزد بیوک بر فاملیادن اولدینی حالده ینه انتخاب ایدلمه مشدی .
 کویلیدر ، اوفاق ، بر قاتلی ، غایت قبا انشا ایدلمش بر اوده
 اوطوررلردی ؛ اوك اصل اوطه سی (لاتریوم) ایدی ؛ مقدس
 اوجاق بوراده طورردی ؛ اوطه نك تپه سنده بر آچیتلق
 بولونور ، بورادن یاغمور صوی ایحیری کیرردی ؛ اشیا ، بر
 قاچ صندوق ایله تحته صندالیه لردن عبارتدی . - غذا غایت
 ساده ، بغدادی چورباسی ، امک ، وبر قاچ نوع سبزه دن عبارتدی ؛
 ات یالکز یورطی کونلرنده ینیردی ؛ قادینلر اصلا شراب
 ایچمزله ، ارککلرده پک نادر ایچرلردی . - البسه بر اورتودن
 عبارتدی ؛ بو اورتونک اوزرینه هوا صفوق اولدینی زمان
 یوگدن بر مانطو کیلیردی ؛ یورطی کونلری شهرلیدر (طوژ)
 دنیلن یوک بر احرامه صاریلیرلردی . آیاقرینه مشینلره مربوط
 اوستی آچیق قوندره لر کیرلردی . حیات ، چالیشمقاه کچرردی .
 اهالی تارلابلرلر ویاچفت سوررلر ؛ قادینلرده یوک ا کیررلر ، قاش

سیپیونلر عائله سی ایسه بالعکس یونانیلرک آثار صنعت و افکار فلسفیه سنه مبتلی ایدیلر . (قارطجه) ایله (نومانس) ی آلان سیپیون یوناچه سویلردی ؛ رهن اولارق روماده طوتولان یونان مورخی پولپ کندیسنک پک دوستی ایدی . پارهیه هیچ اهمیت ویرمزدی ؛ حتی همشیره لرینه انجق برقاچ تقسیطده ویره بیله جکی بر پاره یی یکدن تأدییه ایتمش ؛ حصه میراثی پک زنکین اولیمان برادرینه ترک ایتمش ؛ وفاتندن سوکره انجق پک آز کموش و آلتون اشیا بر اقمشدی .

عاداتك تبدلی

عادات قديمه . — اسکی رومالیلر پک چوق زمان تازلا سورمک ، محاربه ایتک ، افعال دینه لرینی ایفا ایتمکه مشغول ، قبا و چالیشقان کویلولردن عبارت قالمشردی .

(لاتیوم) ویا (سابین) ده اوافق بریر زرع ایدرلردی ؛ بونلر رومالیلر طرفدن مغلوب اولان لاتینلر ایله ایتالیا نلرک احفادی ایدیلر . اسکی قاطون بونلرک عاداتنه دائر زراعت کتابنده بزه بر فکر اعطا ایدیور : « اجدادیمز بر کیمسه یی مدح ایتک ایسته دکلری زمان : ایی چفتجی ، ایی زراع دیرلردی ؛ بوستایش هر درلو مدایحک فوقنده کورونوردی . » (۱) ایشته

(۱) بونلرک اسکی ضرب مثلرندن ده بعضلرینی ذکر ایدیور : « کندی طور اغندن آلامادینی بشقه سندن صاتین آلان ، ایی برچفتجی دکلدر . » « کجه لین یا پاچغنی کوردوز یاپان ، ایی بر مقتصد دکلدر . »

شرفه نائل اولدقدن سوکره تکرار عادی برضابط صفتیه
ماکدونیا اردوسنه کیتمشدر .

قاپون بتون حیاتیجه ، یکی موده ، مسرف ، شیق
اصیلزاده لرله اوغراشمشدر . بالخاصهده سییونلری پاره سرقت
ایتمکله اتهام ایلیه رک هپ انلرله معارضه ایتمشدر . معافیله کندی ده
قرق درت دفعه مظنون اولمش ، هپسندهده برائت قازانمشدر .
قاپون کندی مالکانه سنده اسیرلریله برابر چفت سورر ، انلرله
برابر طعام ایدر ، قباحترینی کوردیکی زمان انلری کندی ایله
دوگردی . اوغلی ایچون یاپدیغی زراعت کتابنده روما کویلیدرینک
عادات قدیمه سنی کاملاً قید ایتمشدر . قاپون کسب ثروت ایتکی
بروظیفه عد ایدردی . « طول برقادین ثروتی آزالته بیلیر ،
فقط برارکک ثروتی تزید ایتلیدر . وفاتندن سوکره کندیسنه
قالمش اولان میراندن زیاده پاره قازانمش اولدیغی محاسبه دفترندن
آکلاشیلان بر آدم لایق شان ومعبودلر طرفندن مظهر الهام اولمش
دیمکدر .» دیردی . قاپون ، تجارتنک اودرجه پاره کتیرمدیکی
کورونجه تاجر کمیلری تجهیزی ایچون پاره اقراض ایتکه
باشلامشدر . بونک ایچون کندیسنه اللی شریک بولور ، بونلرله
برلکده اللی کمی تجهیز ایدر ، بو صورتله هر بری ده کاره
وزیانه اورتاق اولوردی . قاپون ای برچفتجی ، مکمل برعسکر ،
دبدبه نک دشمنی ، قازانجه حریرص اولوب اسکی رومالیلرک
برنمونه سی ایدی .

داخل اولارق آنباله قارشى بتون سفرلرده بولونمشدى. قاطون اصیل دكلدی ؛ فقط متاتی ، استقامتی و شدتی ایله پك زیاده شهرت قازانمشدی. بربرینی متعاقب كهستور، أدیل ، پره تور، قونسول ، سانسور انتخاب ایدیلهرك بتون مراتب شان و شرفی قطع ایلمشدی . قاطون هر زمان اسکی رومالیر کبی قبالیق ، سرتلك واستقامت ابراز ایلمشدی . - كهستور اولدینی زمان پك چوق مصارف ایتدیکی ایچون قونسوله تهیدداتده بولونمش ، آنباله غالب كان قونسول سیپیون بونك اوزرینه : «بكا بودرجه طوغرو بر كهستورك لزومی یوقدر.» دیمشدر . - (ساردنیا)یه پره تور اولدینی زمان تیاتر و مصارفی اولمق اوزره ایالتنك کندیسنه ویرمك ایستدیکی پارهینی قبول ایتمه مشدر . - قونسول اولدینی وقت ، قادینلرك بهالی زینت طاشیملرینی منع ایدن (اوپیا) قانونی لهنده کمال شدتله مدافعاتده بولونمشدر ؛ فقط قادینلر غالب گلش ، قانونده فسخ ایدلمشدر . - اسپانیا اردوسنه قومانده ایتك ایچون کوندرلیدیکی زمان، پك چوق پاره کتیردرک خزینهیه تسلیم ایتمش ، واپوره بینه جکی صروده نقلیه مصارفندن قور تولمق ایچون آتی صامشدر . - سانسور اولدینی وقت ، مکلف یاشادقلرندن طولایی برچوق بیوک ذواتك اسملرینی سناتو- لیسته سندن اخراج ایلشدر ؛ غایت یوکسك ویرکیئر طرح ایتمش ، قادینلرك زینتلرینه ، مجوه راته ، آرابه لره قیمتلرینك اون مثلی فضله ویرکی وضع ایلشدر . - بعده ظفر الایی

التنجي فصل

فتوحاتك نتایجی

یونانیلکك دخولی ؛ سپیون وقاطون . - عاداتك تبدلی ؛ مساكن ، البسه ، طعام ، اویون . - دینده تبدلات ، حیات فکریه ، اخلاق . - تبدلات اجتماعیه ؛ طبقه متوسطه نك قالمسی ؛ محمیلر . اصالت : شوالیهلر ، عوام ؛ اسیرلر .

یونانیلکك دخولی - فتوحات ، یونانیلرله شرقیلیری رومالیلرله پك یاقیندن طاتمشدر . اسیر اولارلق ویاخود ثروت یایمق ایچون کلن بیکلرجه یونانیلر روماده یرلشهرک طیبیلک ، معلمک ، کاهنک ، آقتورلوق ایتمشدر . - روما جنراللری ، ضابطلری و عسکرلری آسیاده یونانیجه تکلم ایدن اقوام اره سنده یاشامشدر ، یونان عاداتی قبول ایلمشدر . - ایشته بو صورتله رومالیلر یکی یکی عادتلر ، اعتقادلر کورمشدر و تدریجاً بونلری قبول ایتمک باشلامشدر . بوتحول ، برنجی ما کدونیا حربندن (۲۰۰) صوکره باشلامش ، روما ایمپراطورلغنک صوکره قدر دوام ایلمشدر .

فاطوره و سیپیوره . - عادات تبدل ایتدیکی صره ده ، «اجداد دینک عاداتنه» قارشى محبتی ایله یالکز برکشی کسب شهرت ایلمشدر ؛ بوده قاطوندر . قاطون ۲۳۲ سنه سنده (توسکولوم) نامنده کی اوفاق شهرده دنیا یه کلش ، کنجکلکی تارالا سورمکه امرار ایلمشدی . اوزمانک عادتى موجبنجه اون یدی یاشنده اردویه

بوحر بلر غایت خونریزانه، فقط پیک قیصه سورمشدر .
 برنجیسنده رومالیر بتون شمالی ایتالیایی (غول سیزالدینی)
 ضبط ایتشدر (۲۲۵ : ۲۲۲) .

ایکنجیسی (۱۲۰) رومانک متفق اولان (مارسیلیا) بی
 مدافعه ایچون اجرالیدمشدر . بوحر بده غولوازدوسی پریشان
 اولمش ، (رون) حوالیسی ایله بحر سفید ساحلی (لانکدوق ،
 پرووانس ، دوفینه) رومالیرک اداره سنه کچمشدر .

مطالعه اوانه جق آثار :

مومزن ، روما تاریخی . - درووی ، رومالیرک تاریخی .
 فهرهرو ، رومانک شوکت وانحطاطی .

طرد ایدلمش ، نهایت کندینی زهراه مشدی .

اسپانیا و صربلی غول . — رومالیر اقوام وحشیہ ایله
غرب جنکاورلرینی اداره لرینه پک قولای آلامشدر .
اسپانیایی تمام بر عصرده دائره انقیاده آلابلمشدر .

ویرباط نامنده بر چوبان پورتکیز طاغلی ایچنده انلر
بر چرخه حربی آچمش (۱۴۹ : ۱۳۹) ، بش اردویی مغلوب
ایتدکن صوکره بر قونسولی ده مصالحه اتمکه مجبور ایشدر
نهایت سناتوانی قتل ایتدیره رک یقایی قور تاره مشدر .

شمال شرقیده اوافق بر قوم ، آره و اقلر پک چوق روم
اردولرینی پریشان اتمشدر . بونلرک پایتختلری اولان او اوافق
(نومانس) شهر مستحکمی ضبط اتمک ایچون رومانک
بیوک جنرالی سیدیونی کوندرمکه مجبوریت حاصل اولمشدر .

کذا جنوره طاغلیرینک کو چوک و اهمیتسز اقوامی اولان
(لیکورلر) ده اکثریایا رومالیرله حرب ایدرلردی .

فقط رومانک اک مدهش دشمنی غولولرایدی . (پو
صحرا سنه کاملاً باییلان غولولر ، جنوبی ایتالیا یه آقین ایدرلردی
بونلرک بر چته سی ۳۹۰ سنه سنده رومایی ضبط ایشدی . بونلرک ایزی
بیاض وجودلری ، اوزون صاری بیقلری ، مائی کوزلری
وحشیانه باغیرمالری روماعسکرلرینی دهشت ایچنده براقیردی
غولولرک تقریبی خبر آلنیر آلنماز رومایا دهشت ایچنده قالیر ، سناتوان
تقریر عام امری ویرردی .

مغلوبیتندن صوکره مصری (۳۰) برر برر ضبط ایتدیله .
 ما کدونیا لیلر مستثنی اولمق اوزره ، شرق رومالیله قارشی
 اجرتلی عسکرلر ویا انضباطسز باربارله مقاومت ایتمک ایستدی ؛
 فقط بونلر اوافق برمصادمه اوزرینه طارماطاغین اولدیله . -
 (مغنیسا) ده آنطیوکوسه قارشی احراز اولونان بیوک
 مظفریت اثناسنده انجق ۳۵۰ رومالی تلف اولدی . (کرونه) ده
 ایسه سیلا ۱۲ کشیدن فضاه تلفات ویرمدیکندن طولانی
 تفاخر ایدیوردی .

دیگر قرالار دوچار خوف اولارق سناتویه بلامقاومت
 اطاعت ایدیورلردی . - سوریه قرالی مشهور آنطیوکوس
 مصرک بر قسمی ضبط ایتدیکی زمان ، فتوحاتی ترک ایلمنی
 کندیسنه امر ایتمک ایچون سناتو طرفدن پوبیلیوس
 کوندرلدی . آنطیوکوس تردد ایتدی . پوبیلیوسک النده بر
 دکنک واردی ، پوبیلیوس بودکنکله قرالک اطرافنده برداره
 چیزه رک : « بو دائره دن خارجه چیقمازدن اول سناتویه
 جواب ویریکز ! » دیدی . آنطیوکوس درحال اطاعت ایدرک
 مصردن واز کچدی . - بیتینی قرالی پروزیاس ، باشی
 تراش ایتمش ، ارقه سنه آزاد ایدلمش بر اسیر البسه سی کیمش
 اولدینی حالده سناتو اوکنده زانوبزمین اولوردی .

یالکنز (پونت) قرالی مهرداد مقاومته چالیشمش ، یکرمی
 بش سنه دوام ایدن برحربدن (۸۹ : ۶۳) صوکره مملکتندن

وجه ایله روما اردوسنی خطاری ارسنه چکوب قوشاتمنی دوشونمشدی ؛ فقط روما جنرالی سپیون ، اردوسنی منتظم بر حالدہ طوتهرق ایکنجی بر تهرضده دشمن اردوسنی منہزم ایتدی .

قارطجه مصالحہ ایتمکہ مجبور اولدی ؛ اسپانیای رومالیرہ براقرق آفریقا خارچنده نهمی وارسہ بونلردن کاملاً فراغت ایتدی . بوندن بشقہ سفائن خربہسی ایله فیلرینی تسلیم ایتمکہ ، ۵۰ ملیوندن زیادہ برپارہ تأدیہ ایتمکہ ، رومانک مساعدهسی اولمادن هیچ حرب ایتمکہ راضی اولدی .

اوجنجی حرب (۱۴۹ : ۱۴۶) آرتق صوک بر تخریب ، حربی اولمشدر . رومالیر غایت اوزون بر محاصره دن صوکرہ (قارطجه) یی هجوم ایله ضبط ایتمشر ، استحکاماتی تخریب ، اراضیسنی ضبط ایدرک بورایی بر آفریقا ایالتی حالہ قویمشلردر .

ماکدونیا و شروہ . — اسکندرک جنرالرینہ خلف اولان یونان قرالری شرقی پایلاشیورلردی . بونلرک اک قدرتیلیری او ائنادہ روما ایله حرب ایتدیلر . بونلردن ماکدونیا قرالی فلیپ ۱۹۷ سنہ سنده ، اوغلی پرسہ ۱۶۸ سنہ سنده ، سوریه قرالی آنطیوکوس ده ۱۹۰ سنہ سنده مغلوب اولدیلر . رومالیر آرتق میدانی سربست بولنجه مناسب کورکلری مملکتلری : ماکدونیا (۱۴۸) ، برغنه قراللفنی (۱۴۹) ، آناتولینک قسم متباقیسنی (۷۴ : ۶۴) ، مہردادک

رومالیلرک محاصره و خراب ایتدکلری بر قاج شهردن بشقه هیچ
برشی قازانمغه موفق اولامادی .

نهایت قاردشی آذرروبال کندیسنه التحاق ایتک ایچون
اسپانیا اردوسی ایله حرکت ایتدی؛ ایتالیانک مرکزینه قدر
کلدی . ایکی قارطجه اردوسی یکدیگرینه طوغرو یوریوردی؛
هرایکی اردونک قارشیسنده برر قونسول قومانده سنده بر
روما اردوسی واردی؛ آنیبالک قارشیسنده بولونان نهرون
ایتالیای وسطایی کچمک، آذرروبالک قارشیسنده بولونان رفیق
ایله برلشمک جرأتنده بولوندی . برصباح آذرروبال روما
اردوکاهنده بورونک ایکی دفعه چالندیغنی ایشندی؛ بو، اردوکاهده
ایکی قونسول بولندیغنه اشارت ایدی . بونک اوزرینه آذرروبال،
قاردشنگ مغلوب اولدیغنه ذاهب اولار قرجعت ایتدی . رومالیلر
آذرروبالی تعقیب ایتدیلر؛ آذرروبال تلف، بتون اردوسی پریشان
اولدی . صوکره نهرون، آنیبالک قارشیسنده بر اقدیغنی اردونک یاننه
دوندی، آذرروبالک قفاسنی قارطجه اردوکاهنه آتیوردی (۲۰۷) .
آنیبال یالکز باشنه قالدقن صوکره ده بش سنه قدر (قالابر) ده
مقاومت ایتدی . آفریقایه بر روما اردوسی چیقوبده قارطجه یی
تهدید ایدر ایتمز ایتالیادن مفارقته مجبور اولدی . آنیبال
کندیسیله برابر کلمک ایسته مین ایتالیا عسکرلرینی قیلجدن
کچیردی، بعده آفریقایه متوجهاً کیلره را کب اولدی (۲۰۳) .
(زاما) محاربه سی حربه ختام ویردی (۲۰۲) . آنیبال عادتی

یوارلانندی . آنبال طقوز کونده آلب طاغلرینک ذروه سنه
 واصل اولدی ؛ اینرکن پک زیاده مشکلاته اوغراددی ؛ کچیه جک
 بوغاز بوزلرله مستور اولدیغندن قیابر ایچنده بریول آچغه لزوم
 حاصل اولدی . صحرايه مواصلت ایدلدیکی زمان اردونک موجودی
 نصفه تنزل ایتشدی .

آنبال (تهسن) ساحلنده ، (تره بی) سواحلنده ، (نه تروری) ده ،
 (طرازیمه ن) کولی جوارنده بربری ارقه سنه اوچ روما اردوسی
 ایله محاربه ایتدی . اوچنی ده پریشان ایددی . ایلری به طوغرو
 حرکت ایتدکجه اردوسی ده چوغالیور . (غول سیز آلپنده)
 ایتالیای شمالیده کی جنکاورلر رومالیره قارشى هپ آنبالک معیتنه
 کلیورلردی .

آنبال ایتالیایی کچدی ، (آپولیا) ده رومانک تا قارشیسنده
 اردوکاه قوردی . روما اردوسی آنباله بوراده تعرض ایتدی .
 آنبالک اردوسی نصف قوتده ایدی ؛ فقط معیتنده سرعتلی
 بارکیرلره بینمش آفریقایلر واردی . آنبال ، روز کارک قالدیردینی
 توزله کونشی رومالیرک یوزلرینه اوره جق وجه ایله (قان)
 صحراسنده اخذ موقع ایتدی ؛ روما اردوسی آنبالک سواریلریله
 قوشادیلارق کاملاً قلیجدن کچیرلدی (۲۱۶) . هرکس آنبالی
 روما اوزرینه یورویه جک ظن ایدیوردی ؛ فقط آنبال کندیسنده
 اودرجه قوت کورمدی . رومالیه اتفاق ایدن اقوامی رومادن
 آیرمغه چالیشهرق بوصورتله جنوبی ایتالیاده طقوز آی قالدی .

و قدر شهرت قازا امشدی که، اسپانیا اردوسنه قومانده ایدن
 آزدروبال وفات ایتدیکی زمان، عسکر لر قارطجه سناتوسندن
 کله جک امری بکله مدن انی قوماندان انتخاب ایتمشلردی. آنبال
 هنوز یکر می بر یاشنده ایکن کندیسندن بشقه بر فرده اطاعت
 ایتمین بر اردو باشنه کچمش، رومانک متفی اولان (ساغونت) ی
 قارطجه سناتوسنک ارزوسی اولارق خلافتنه محاصره ایتمش، شهری
 ضبط ایدرک خراب ایشدر .

آنبالک شان و شرفنی آرتدیران برشی وارسه اوده
 رومالیرک کلسنی بکلیه جک یرده بالذات ایتالایه کیدوب انلره
 تعرض ایتسیدر. آنبال، دونماسی اولمادینی ایچون (پیره نه) ،
 (رون) و (آپ) طاغلرندن کچهرک قره دن کیتمه که قرار و یردی.
 غول اقوامنک اتقاقنی تأمین ایلدکن صوکره، آفریقا و اسپانیا
 اجرتلی عسکر لرندن مرکب ۶۰,۰۰۰ کشیدن و او توزیدی حرب
 فیلرلرندن مرکب بر اردو ایله هیج بر مقاومت کور مدن پیره نه یی
 آشدی . (رون) نهرندن کچرکن غول اقوامندن بری اردوسنی
 توقیف ایتک ایسته دی؛ آنبال بر قاچ فرسخ یوقاریدن بر مفرزه
 کچیردی : اردو قسم کلیسی ایله فیلر جسمی صالرله نهر دن
 کچدکلری ائنده بومفرزه ایله غولورک کر یلرینه تعرض ایتدی.
 بعده (ایزه) وادیسنی کچهرک تشرین اول نهایتنده آپ طاغلرینه
 واصل اولدی . قارله برابر طاغلیلر ده تعرض ایتدکلری حالد
 آپ طاغلرینه آشدی؛ افراد و حیواناتدن بر چوغی اوچور و ملره

(میلہ) دہ مغلوب ایتمشدی (۲۶۰)؛ برروما اردوسی رہ کولوسک قوماندہ سی آلتندہ اولارق آفریقاہ چیقمش ، بورادہ مغلوب وپریشان اولمشدی (۲۵۵) . بوائنادہ اسیر ایدیلن رہ کولوس مصالحہ عمد ایتک ایچون رومایہ کوندرلمش ، فقط رہ کولوس سناتیوہ مصالحہ نی رد ایتدیردکن صوکرہ (قارطجہ) یہ دونمش ، نورادہ اذیتلر ایچندہ ترک حیات ایشدر . اوزمان حرب سچیلیادہ اولمغہ باشلامش ، قارطجہ دونمسی اولا غالب کلدکن صوکرہ (۲۴۹) ئەغاط آطہ لری جوارندہ پریشان ایدلمشدر (۲۴۱)؛ (نہریکس) تپہ سی اوزرندہ محاصرہ ایدیلن هامیلقار درحال مصالحہ ایتمش ، سچیلیا رومانک آندہ قالمشدر .

ایکنجی حرب (۲۱۸ : ۲۰۱) قارطجہ نک ال مقتدر بارقا فاملیاسندن آنیبال طرفدن اداره ایدلمشدر . برنجی پون حربندہ پدیری هامیلقاز سچیلیادہ براردو قوماندہ ایتمش ، دہا صوکرہ اسپانیایی ضبطہ مأمور اولمشدی . اوزمان آنیبال دہا چوجقدی . پدیری انی دہ برابر کوتورمشدی . براردو حرکت ایدہ چکی زمان دائما مملکتک معبودلرینہ قربانلر کسیلیردی ؛ روایتہ کورہ هامیلقار ، قربانلر کسیلدکن صوکرہ رومالیبرہ دائما دشمن اولمسی ایچون اوغلنہ یمین ایتدرمشدی .

آنیبال عسکرلر ارہ سندنہ بیودیکی ایچون اردونک مکمل برسوازیسی ، ال برنجی پیادہ سی اولمشدی . آنیبال انجق حرب ایچون یاشار ، یارکیرندن وسلاحلرندن بشقہ برشیئہ باقازدی . آنیبال

ثروت ایچون یکی بر زمین تشکیل ایدردی .

دشمندن آلمان غنائمدن اهالی ده استفاده ایدردی . مثلاً ما کدونیا قرالک خزینہ سی حکومت صندیغہ قونولدقندن صوکره ویرکیلر کاملاً لغو ایدنشدی . - عسکرلره کلنجہ : زنکین مملکتلرده حرب ایدلمکک باشلانایدن بری ، مغلوبلردن آلدقلمری داخل حساب اولماق اوزره ، قوماندانلردن پک چوق پاره آلیرلردی . دها طوغریسی رومالیر شان و شرفدن زیاده منفعتلری ایچون دنیایی ضبط ایتشلردر .

قارطجه . - رومالیر سجیلیایه آیق باصار باصماز ایلمک اول قارطجه ایله مصادمه ایتشلردی . پون حربلری (یعنی فیککیلیره قارشى باییلان حربلر) اوزمان باشلامشدر . بویله اوچ حرب اولمشدر .

برنجیسنده (۲۶۴ : ۲۴۱) نتیجه قطعیہ بی محاربات بحریہ حصوله کتیرمشدر . فقط بو حربہ دائر اولان معلوما تمز ، پک صوکره لری طوپلانان افسانہ لره مستنددر . روایتہ کوره رومالیرک هیچ حرب سفینه لری یوقدی ؛ بونلر تصادفاً قره یه اوطورمش بر قارطجه غالہ رینی کندیلرینه مودل اتخاذا ایتشلر ، کوره کجیلرینه کوره ک چکمکی ایلمک اوکجه قره ده تعلیم ایتشلردی . فقط بو افسانہ نک هیچ اصل و اساسی یوقدر ؛ چونکه رومالیرک بحریہ سی اساساً اسکی ایدی . - رومالیر بو پون حربنی شو صورتله نقل ایدرلردی : قونسول دوویلیوس قارطجه دو تخماسنی

بشنجی فصل

بحر سفید حوضه سنک ضبطی

سیاست و حربک ماہیتلری : ما کدونیا ، قارطجه ، اسپانیا ، جنوبی غول .

روما سیاستک ماہیتی . - رومالیر بدایتده جهانگیرک فکرندہ دکالردی . ایتالیاہ وقارطجهہ غالب کلدکن صوکرہ بیہ کندیلرینہ تسلیم اولان شرقی زیر انقیادہ آلمق ایچون تمام یوزسنہ وقت کچیرمشلردر . رومالیر فتوحاتدن دائما مستفید اولدقلری جہتلہ ، کورونشہ باقیلیرسہ ، معین برپلان (۱) تعقیب ایتیمہرک فتوحات اجرا ایلشلردر .

اردو قوماندانی بولونان حاکمحرربی کندیلرینہ ظفر آلابی اجرا ایتدرمک ایچون بر فرصت ، ناملرینی مشهور قیلیمق ایچون امین بر چارہ تلتی ایدرلردی . پاپیریوس ، فابیوس ، ایکی سیپیون ، قاطون کبی رومانک الک صاحب نفوذ رجال حکومتی مظفر برر قوماندان اولشلردی .

رومانک تبهسی نہ قدر زیادہ اولورسہ سناتوی تشکیل ایدن اصیلزادہلر ایچونده او قدر فائده لی ایدی ؛ بوزلر تبهدن ہدایاو احتراماتہ نائل اولمق ایچون والی اولارق کیدرلردی . - شوالیہلر یعنی صرافلر ، تاجرلر ، ملتزملر ایچون ہر فتوحات ، استحصال

(۱) جہانی ضبط ایتمک ایچون سناتونک اوزون اوزادی چایشدیغی حقندہ کی فکر ، فتوحاتدن صوکرہ حاصل اولشدر .

بولونمشدر؛ فقط بواردو کاهلرک آثاری جوارک ایصسز لغندن طولایی پایدار قلابیلمشدر.

روما مبادره لری . - رومالیلر اردولرینی اوزاقلره سوق ایده بیلیمک ایچون تکمیل ایتالیا ده عسدری یوللر تأسیس ایتمشلردر . بویوللر کیرچ ، طاش و قوماه مستقیماً نشایدلمش شوسه لردی ؛ بوشوسه لر او قدر صاعلام انشا ایدلمشدر که بوندر بتون ازمئه قدیمه مدتجه پایدار قالمشلردر . رومالیلر ایتالیایی هپ بویوللارله اورتمشلردر ؛ ایتالیا ده هیچ برحوالی یوقدر که بوکون بیه اوراده بویوللرک آثارینه تصادف ایدلمه سین . یوللری هانکی قونسول انشایتدیرسه اکاوقونسولک نامی ویریلیردی . اشمهورلری : جنوبده (پونتن) بطاقلرندن کچوب (طارانت) و (برینده) قدر کیدن آیهن جاده سی . - (آیهنن) دن کچوب آدریاتیق ساحلنه قدر کیدن فلامی نیهن جاده سی . - (توسقانه) دن کچوب (غول) حوالیسنه قدر ساحل بویجه اوزانان اورده لیهن جاده سی ، - آدریاتیق ساحلدن باشلا یهرق بتون (پو) وادیسنی قطع ایدن آمیلیهن جاده سیدر .

مطالعه اولونا جق آثار :

مومزن ، روماتاریخی . - میشله ، روماتاریخی . - فوستهل دو قولانز ، شهر قدیم . - دورووی ، رومالیلرک تاریخی . - فونتان ، روما اردوسی .

قیوسی آچیق طور ردی . روما جمهوریتنک دوام ایتدیکی بش یوزسنه ظرفده بومعبد یالکز بردفعه ، اوده برسنه قبالی طور مشدی . شو حالده رومادائما حرب حالده یاشامشدی . روما ، زماننک اک متین اردوسنه مالک اولدینی جهتله اقوام سائرده غلبه ایتمش واسکی قطعہ بی فتح ایشدر .

روما اولاقومشولرینی ، یعنی ایلک اوکجه لاتینلری ، صوکره جنوبدهکی کوچوک قوملری ، وولسقلری ، ئەکلری ، هرنیکلری ، دهاصوکره ئەتروسکلرله سامنیتلری ، اک صوکرده یونان شهرلرینی زیرانقیاده آلمشدر .

فقط بو استیلا غایت مشکل و صوک درجه بطی اولمشدر : قرالدر زماننده باشلایان استیلا انجق ۲۶۶ سنه سنده ، تمام درت عصر صوکره ختام بومشدر (۱) . رومالیر کندی عرقلرندن وکندیلری قدرمتین وجسور قوملرله ده محاربه ایتمکه مجبور اولمشلردر . بو قوملردن بعضیلری اطاعته راضی اولمادقلرندن روما انلری محو ایتمشدر . اوزنکین وولسقل صحرالری بطاق برچول حالنه کلشدر ؛ بوراسی بوکون بیاہ اقامته غیر صالح قوتلی (ماره پونتهن) حوالیسیدر . سامنیتلرک مملکتنده حربدن اوچ یوز سنه صوکره ده سیوسک ۴۵ وفابیوسک ۸۶ اردو کاهی

(۱) بوایتالیاحر بلرینه دائر رومالیرک افسانه دن بشقه برشیلری یوقدر ؛ بو افسانه لرک قسم اعظمی ده مثلاً بروالهریوس ، بر فابیوس ، برده چیوس ، برمانلیوس کبی اضیل بر فاملیاہ منسوب جدلرندن برینک قهرمانلغنی کوسترمک ایچون ترتیب ایدلمشدر .

اورولش اسیرلر ، انلرک کریسنده ده درت بارکیر قوشولمش یالیزیلی بر آرابه اوزرنده باشنده دفنه دن بر تاج ظفر، قوماندان کلیردی . عسکرلری شرقیلر سه یلیه رک پاشندن کلیرلر ، (ظفر آلابی) کله سی ، بوشرقینک دینی بر نقراتی تشکیل ایدردی . آلابی ، کاملاً دونامش اولان شهر دن کچر ، (قایتول) ه چیقاردی ؛ بوراده مظفر قوماندان دفنه دالنی ژویته رک دیزلری اوزرینه قور ، کندیسنی نائل مظفریت ایتدیکندن طولایی شکر ایدردی . بو مراسم دن صوکره ، مثلاً ورسه تزه طوریکسه یاپیلدینی کبی ، اسیرلرک یا ققاسی کسلیلر ، یا خود ژو کورتایه یاپیلدینی کبی آجلقن اولدیرمک ایچون اسیرلر بر مخزنه آتیلر ، یا خود هیج یاپیلمازسه جنس خانیه قپادیلیردی .

ماکدونیا قرالیه غالب کلن (۱۶۷) پول أمیلک ظفر آلابی تمام اوچ کون دوام ایتشدی . ایلک کون لوحه لر وهیکلرله طولو ۲۵۰ آرابه ، ایکنجی کون اسلحه غنائمی ایله پاره طولو ۷۵ فوجی ، اوچنجی کون ده آلتون وازولرله قربانلق ۱۲۰ بوغا کچمشدی . اندن صوکرده قرال پرسه کلیردی ؛ پرسه سیاهلر کینمش ، اطرافنده زنجیرلره باغلی دوستلری ایله ایکی کنج اوغلی بولونیور ، بونلر مرحمت نیازی ایچون اللرینی اهالی یه طوغری اوزادیور . لر دی .

ایتالیانک ضبطی . — روماده معبود ژانوسه مخصوص

بر معبد واردی ؛ روما اهالیسی سفرده بولندیغی مدتجه بومعبدک

اولوردی ؛ لیکتورلر انی بردیرکه باغلارلر، دکنکلرله دوکرلر،
صوکرده قفاسنی کسرلردی ؛ ویاخود دیکر عسکرلر دکنکلرله
دوکه دوکه جانی چیقارلردی .

برقطعه هپ بردن اطاعتسزک ایتدیگی زمان قوماندان
مهملری اونر اونر مانغله آیردی . هر مانغده برکشی ایچون
قرعه چکیلیر ، کیمه اصابت ایدرسه او اعدام اولونوردی ؛ بوکا
اونده برتلف ایتک دیرلردی . صوکرده دیکر نفرلره آرپه اکمکی
ویریلیر ، دشمن باصقینه اوغرامق تهلکه سینه دائمًا معروض
قالملری ایچون اردوگاه خارجنده بر اقیلیردی .

روما ، عسکرلرینک مغلوب ویاسیر اولسنی اصلاً قبول
ایتمزدی . قان میدان محاربه سندن صوکره ۳۰۰۰ عسکر قتالدن
تخلیص نفس ایتمشدی ؛ سناتو بونلری بلامعاش و بلاشرف سجلیایه
کوندرمش ، دشمن ایتالیادن طرد اولونجه یه قدر انلری بوراده
براقشدر . کذا ۸۰۰۰ ی ده اردوگاهده قالمشدی ؛ آنیبال ،
بو عسکرلری اوافق بر فدییه مقابله اعاده ایده جکنی بیان ایتمش ، فقط
سناتو انلر ایچون پاره ویرلمسنی رد ایلشدر .

ظفر آلابی - بر قوماندان بیوک بر مظفریت احراز ایلدیگی
زمان ، سناتو اکاپارلاق بر احترام اولمق اوزره ظفر آلابی
اجراسنه مساعدده ایدردی . بو آلابی ژوپتهر معبدنده اجرا
ایدیلن دینی بر آلابدی . آلابک اوکنده حاکم لره سناتو اعضاسی
یورردی . صوکره غنائمله طولو آرابه لر ، آیاقلری زنجیره

قاریشیردی؛ چونکه بر رومالینک تعلیمی هیج بر زمان بر اقامسی لازمیدی. حتی سفرده عسکرلری بوش بر اقامقده قاعده ایدی؛ کونده لااقل بر دفعه انلره تعلیم ایتدیریلیر، محاربه ایده جک دشمن، ضبط اولونا جق استحکام بولونمادیغی زمانلر یول، کوپری، وصو کمرلری انشا ایتدیریلیردی.

اردوگاه. — بر روما نفری سلاحلری، ادواتی، بر قاچ کونلک بیه جکی و برده قازیق اولمق اوزره ارقه سنده ۶۰ روماقیه سی نقلتنده آغر بر یوک طاشیردی. اردو، آغر اقلرله راحتسز اولمادیغی ایچون سرعتله مانوره اجرا ایدردی.

بر روما اردوسی اردوگاه قورمق ایچون توقف ایتدیکی زمان مهندس مربع بر محیط رسم ایدر، عسکرلر بو محیط بوینجه درین بر خندق قازارلردی. خندقدن چیقاریلان طوپراقله بر شیو یاپارلر، بوشیوی قازیققرله تجهیز ایدرلردی. اردوگاه بو صورتله بر خندق و برده شرانپول ایله محفوظ بولونوردی. عسکرلر چادرلرینی بو استحکام موقت داخلنه قورارلردی؛ جنرالک چادری (پره توار) اورتیه یره قورو. لوردی. بتون کیجه نوبتیلر چیقاریلیر، اردو بو صورتله هر درلو باصقیندن محفوظ بولونوردی.

انضباط. — روما اردوسی شدتلی بر انضباطه تابع ایدی. قوماندان کافه افرادک حیات و مماتی حکم ایتک صلاحیتنی حائزدی. موقعنی ترک ایدن ویا محاربه دن فرار ایدن عسکر اعدامه محکوم

اولورسه آرقه لرنده کی بوشلغه چکیلیرلردی . مانپوللرک
ایکنجی خطی ده هجوم اجرا ایدردی . کری پوسکور دیله جک
اولورسه اوچنجی خط اوزرینه طوپلانیردی . بو خط ،
مزرقله مسلح کزیده افراددن متشکلدی . بونلر دیگر افرادی
صره لری داخله آلرلر ، انلرله برابر دشمن اوزرینه یوررلردی .
اردو ، مانوره ایده میه جک درجه ده بطی ویالکز برکته
تشکیل ایتزدی ؛ جنرال اراضی بی نظر دقته آلارق عسکرینی
ایستدیکی کبی تنظیم ایده بیلیردی . ازمنه قدیمه نک ایکی مشهور
اردوسنک یعنی روما لژیونلریله ما کدونیا فالانترلرینک ایلک دفعه
اوله رق چارپیشدقلری (کینوسه فال) موقعنده اراضی اوافق
اوافق تپه لرله مستوردی ؛ بو اعوجاجلی زمین اوزرنده
ما کدونیا لیلرک ۱۶۰۰۰ هوپلیتی یناشیق نظامده طورامادیغندن
صیره لری آچیلمش ، روما طاقلری ده بو بوشلقلر آره سنه
کیره رک فالانترلری محو ایتشلردی .

تعلیم . — رومانک ژیمناستیق خانهمی یوقدی ؛ عسکر
اولاجقلر (تیر) نهرینک اوتنه طرفده کی تعلیم خانده (شان
دومار سده) تعلیم ایدرلردی . رومالی برکنج بوراده یورر ،
قوشار ، اوزرنده سلاحلر اولدینی حالده صحرار ، قیلج
تعلیمی یاپار ، حربه آتار ، قازمه قوللانیر ؛ صوکره توز وترلر
ایچنده اولدینی حالده (تیر) نهرینی یوزه رک کچردی . اکثریا
بودلیقانلیرک آره سنه بیوک آدملر ، بعضاً جنراللرده

قطعه لرینی کوندرمکه بورجلی ایدیلر ؛ (متفکر) نامی ویریلن بو عسکرلره روما ضابطلری قومانده ایدرلردی . بر روما اردوسنده متفکرک مقداری لژیونلرده کی شهریلر مقدارندن دائما براز فضا اولوردی . علی العموم درت لژیون (۱۶۸۰۰ کشی) ایله برلکده ۲۰۰۰۰ پیاده سوق ایدیلردی . ایشته بو صورتله روما قومی حربلرینی اجرا ایتک ایچون شهریلری کبی تبعه سنی ده استخدام ایدردی .

تسلیحات . — یونانلر کبی رومالیلرده برزره ، برمغفر ، بر دیزلک کییه رک ، ضربهلردن کندیلرینی قورومق ایچون صول قوللرنده بر قالفان طوتارق یایا محاربه ایدرلردی . پک چوق زمانلر یالکز بر مزراق و برده قلیج ایله محاربه ایتشلردی . دشمن قارشیمنه کلدکلری زمان یونان فالانتری کبی یالکز بر کتله حالنده طوپالانیرلردی .

فقط صوکره لری یکی بر اصول محاربه قبول ایتشلردر . لژیون ۱۲۰ شر کشیک اوافق قطعه لره تقسیم اولونمشدی ؛ بو قطعه لره بایراغی بر اوت دمتندن عبارت اولدینی ایچون بونلره مانپول دیرلردی . مانپوللر بقلوه ییچمنده ، هرمانپول سربستهجه مانوره یایابیه جک وجه ایله یاننده کندن آیری اولارق اوچ خط اوزره تنظیم اولونورلردی . برنجی خط مانپوللرنده کی عسکرلر حربهلرینی آتارلر ، بعده قلیجلرینی چکدرک محاربه یه باشلارلردی . کوری پوسکور دیله جک

اغز عسکر. — عسکره احتیاج کورولدیکی زمان ،
 قونسول خدمت عسکریه یه الویریشلی بتون شهرلیلره
 (قایتول) ده طویلنمالیزنی امر ایدردی . اردونی تشکیل
 ایتک ایچون نه قدر افراد لازمه ، اهالی طرفندن انتخاب
 اولونان ضابطار بوراده او قدرینی انتخاب ایدرلردی . بوکا
 اخذ عسکر (رومالیلر انتخاب) دیرلردی . — سوکره رسم
 تخلیف عسکری یایلیر ، اولاً ضابطار ، سوکره عسکرلر یمین
 ایدرلردی ؛ بونلر جنراللرینه اطاعت ایده جکلرینه ، جنراللری
 کندیلرینی نرهبه سوق ایدرلرسه اورایه کیده جکلرینه ،
 کندیلرینی یمینلرندن عفو ایدنجه قدر سنجاق آلتندن
 آیرلمیه جکلرینه عهد ایدرلردی . ایچلرندن بری معین بر شی
 اوکور ، هنرغر ایلرلر : « بنده . » دیردی . آرتق اوندن
 سوکره اردو ، قوماندانه دیناً مربوط بولنوردی .

روما اردوسنه اولاً (لژیون) یعنی نفیر عام دنیلمشدی .
 فقط دها سوکره اهالی چوغالنجه ، بر لژیون یرینه بر قاچ
 لژیون تشکیل ایدلمشدی . لژیون ، هپسی روما شهرلیلرندن
 مرکب اولمق اوزره ۴۲۰۰ : ۵۰۰۰ کشیدن مرکبیدی . اک
 کوچوک اردو بهمه حال بر لژیوندن مرکب اولور ، بر قونسولک
 قومانده سنده بولونان هر اردوده لا اقل ایکی لژیون بولونوردی .
 فقط لژیونلر روما اردوسنک همان نصفنی تشکیل ایدردی .
 رومیایه تابع نه قدر ایتالیایا اقوامی وارسه ، بونلرده کندی

دردنجی فصل

روما اردوسی

اغذ عسکر ، تسلیحات ، اردوکاملر ، انضباط ، ظفر آلابی ،
ایتالیانک ضبطی ، روما جاده لری .

خدمت عسکریه . -- روما اردوسنده خدمته قبول
اولونابیلیمک ایچون یالکمز روما شهرلیسی اولوق کفایت
ایتمزدی . مصرفی کیسه سندن اولوق اوزره تسلیحاتی تدارک
ایتمک ایچون اولدجه وارداتده مالک اولوق ایجاب ایدردی ؛
عسکرک سلاحنی حکومت تدارک ایتمز ، حتی ۴۰۲ سنه سنه
کلنجیه قدر عسکره معاشده ویرمزدی .

شو حالده اردویه لاقول کوچوک بر ثروته مالک شهرلیلر
قبول اولونوردی . فقرا (بونلره پروله تهر دیرلردی) خدمت
عسکریه دن معفو ، دها طوغروسی خدمت عسکریه ده بولونمق
حقنه مالک دکل ایدی . اولدجه زنکین هر شهرلینک اردویه
داخل اولابیلیمسی ایچون یکریمی سفره اشتراک ایلمسی مشروط
ایدی ؛ بوسفرلری اکیال ایتمدجه دائما قوماندانک امرینه تابع
بولونور ، بوده ۱۷ یاشندن ۴۶ یاشنه قدر دوام ایدردی .
یونان شهرلرنده اولدینغی کبی رونماده ده هرکس هم شهرلی هم
عسکردی . رومالیلر ، محاربه ایتمک آالشقین ، اوفاق ثروت
صاحبلرندن مرکب بر قوم ایدی .

شعله بر معبود، او جاق بر محراب ایدی. هر عائله نك پرستش ایتدیکی
 بر او جاق واردی. بو او جاق کیجه کوندوز یانار؛ اکازیتون
 یاغی، یاغ، شراب، کونلك قونوردی؛ اوزمان آلو، کویا
 بوهدیه لرله بسلمش کبی پارلار ویوکسه لیردی. - بر رومالی
 طعامه باشلامازدن اول او جاق معبودینه شکر ایدر، اکاغدا سندن
 پانی ویرر، انک ایچون بر ازده شراب دو کردی. - حتی هوراس
 بیله، هیچ اعتقادی اولمادیغی حالده، ینه اسیر لری ایله او جانغی
 قارشیسنده یمک ییر، شراب دو کر، دعا ایدزدی.

رومالی هر عائله نك خانه سنده بر معبدی اولور، بو معبدده
 لار معبود لر یعنی جد لرینک روحی ایله او جاق محرابی بولونوردی.
 کذار و مانك ده معبوده (وهستا) معبدنده مقدس بر او جانغی
 واردی؛ رومانك الكبیوك عائله سندن درت باکر (یعنی وهستالار)
 بو او جانغه باقق وظیفه سیله مکلفدی؛ آلوک هیج بر زمان سونمه سی
 ایجاب ایتدیکی کبی شاید بو وظیفه ده قصور ایدر لر سه انلری دیری دیری
 بر مخزنه کومر لردی؛ چونکه اونلر گناه ایشله مشر، روما خانقنی
 تهدکویه القا ایتمشر دیمکدی.

مطالعه اولونا جاق آثار :

فوستل دو قولانز، شهر قدیم. - بو واسیه، رومانی. - میشله،
 روماتاریخی. - فوره رو، رومانك شوکت و انحطاطی. - بوشه نلر،
 روما راهبرینک تاریخی، تاریخ الوهیت. - دورووی، رومالیرک
 تاریخی.

عادات قدیمه موجبنجه یره دفن ایده مش کیمکره تصادف
ایتمشدر (۱). - ایمراتور قالیغولانک روحی سرایک باغچه لرنده
طولاشمش، بونک اوزرینه جسدی طوپراقدن چیقارهرق تکرار
منتظم بر صورتده کومککه مجبوریت حاصل اواشدی .

بناء علیه عادات قدیمه یره رعایت اولولر ایچونده لازمدی .
اولونک عائله سی بریره اودون بیغدیرر، جسد بوراده یاقیلیر، کوللری
برقابه قونهرق مزارده وضع اولونوردی؛ مزار، روح معبودله
یعنی معبود اولان روحه انخاف ایلمش اوفاق بر معبایدی (۲).
معین کونلرده اولونک تعلقاتی مزاره کایر، بیه جک کتیر لرردی.
هیچ شیهه سزا اولاری روحک غدایه محتاج اولدینی ظن ایدی لیردی؛
چونکه بونلر طوپراغه شراب وسوددو کرلر، قربان آتی یاقارلر،
قابلر ایچنده سوددو چورهک بر اقی رلردی . بوجنازه مراسمی
متماًدیا دوام ایدردی. برعائله، اجدادینک روحلرینی بر اقامازدی؛
انلرک مزارلرینی دائماً محافظه ایدر، اورایه جنازه یمکلری کوتورردی.
بوکا مقابل روحلرده معبود اولارق نسللرینی سور، حمایه
ایدرلردی. ایشته بو صورتله هرعائله نک کندیسنه مخصوص حامی
معبودلری واردی؛ بونلره (لار) دیرلردی .

ارماغه عبات . - هندیلیرده اولدینی کبی رومالیلرده

(۱) پلین، نئیتر، کتاب ۲۷،۷ - پلوتک اثرنده ده بشقه برغول

یابانی حکایه سی واردر .

(۲) روما مزارلرینک کافه سنده کورونن د، م حرفلری (دیومان)

کله سنک باش حرفلیردر .

برشی کور مدیکنه امین اولمق ایچون کندیسنی قپالی برسدیه ایچنده کوتورتوردی .

فقط اهاالینک اعتقادی بو قدرلده قالمزدی . جمهوریتک استقبالی خبرویرمکه مأمور آلتی فالجیسی واردی . جمهوریت ، (لهیورسی بیلهن) دنیلن فال مجموعه سنی کمال اهتمام ایله محافظه ایدردی . جمهوریتک راهبر طرفندن باقیلیر مقدس پیلیچلری واردی . تفال ایتمدن یعنی قوشلرک اوچوشی معاینه ایدلمدن عمومی هیج برایش ، هیج برانققاد ، هیج برانتخاب ، برمذا کره اجرا ایدلمزدی . - ۱۹۵ سنه سنده ژوپیتهر معبدلرندن برینه صاعقه اصابت ایتدیکی ، هرکول هیکلمک باشنده برقیل چیقدیغی خبر آلمش ، والیلردن بری اوچ آیاقلی بر جیوجیو چیقدیغی یازمش ، بو علامتلری مذاکره ایچون سناتو اجتماع ایلشدی .

اولولره عبادت . - هندیلیر و یونانیلر کبی رومالیلرده روحک وجوددن سوکره باقی قالاغنه اعتقاد ایدرلردی . جسد عادات قدیمه موجبنجه کومولور ایسه روح یر آلتنده یاشار و معبود اولوردی . عکس تقدیرده روح اولولر مسکنه کیرمز ، کندیسنه مزار یاپدیرمق ایچون یریوزینه کلوب دیریلری قورقوتور ، تعجیز ایدردی . کنج پلین ، دائما برأوه مسلط اولان و اوده او طور اندرک کافه سنک اودلرینی قویاران برخیالی حکایه ایدیور . کویا بوخیالی تعقیب ایده جک درجه ده جسور بر فیلسوف خیالک پیشندن کیتمش ، طور دیغی یرده

ویریلیور ظن ایدرده صوکره اوننی طلب ایده جکی طوتاردی. ایشته بوسبیدن دعائر اوزون ، مسلسل ، تکرارله طولواولوردی .

تغافل . - یونانیلر کبی رومالیلرده تغافل اعتقاد ایدرلردی .

بونلر ، معبودلرک استقبالی بیدکلری کبی انسانده بونلری اکلایه بیاه جک بر علامت کوندر دکلرینی ظن ایدرلردی. بر رومالی هر هانکی رفعله تشبث ایتمزدن اول معبودله طانیشیردی . بر جنرال تام هجوم زماننده تلفاتک باغرساقلرینی معاینه ایدردی؛ حاکم مجلس عقد ایتمزدن اول هوادن کچن قوشلره دقت ایلردی . شاید علامتله مساعد ظهور ایده جک اولورسه معبودلر بواشی مناسب کورییورلر ، عکس حالده موافق کورمیورلر دیمکدی .

اکثریا معبودلر کندیلرندن طلب ایدلمه دن ده بر علامت کوندریرلردی . غیر مامول هر حادثه بر وقعه یه علامت عد اولونوردی . سزار (قیصر) ک وفاتندن اول بر قویروقلی بیلدیز کورولمش ، بو علامت سزارک وفاتنه دلیل عد اولونمشدی . - ملت مجلس مذاکره ایدرکن شاید کوی کورلیه جک اولورسه اوکون ژوپتیه هر هیچ بر شیئه قرار ویرلدیکنی ایسته میوردیمکدی ، بناء علیه مجلس طاغیلیردی . - هر هانکی بر شمشک ، طویولان برسوز ، یولدن کچن بر فاره ، تصادف اولونان بر کاهن ، حاصلی اک اوافق بر حادثه ، دائمابر علامت تلنی اولونوردی . حتی بوسبیدن مارسلوس بر تشبته قرار ویردیکی زمان ، کندیسنه علامت کبی کله جک

دعا . - بررو مالی دعایتدیکی زمان روحنی اعلا ایتمک .
 بر معبود ایله ارتباطده بولونمق ایچون دعایتزدی ؛ اندن بر خدمت
 طلبی ایچون دعایدردی . انک ایچون اک اول ، کندیسنه هانکی
 معبودک بو خدمتی ایفا ایده جکنی آراشدیرردی . وارون : « بر
 دولکرك ویا اتمکچینک نرده اقامت ایتدیکنی بیلمک نه قدر
 لازمه ، احوال مختلفه ده بزه هانکی معبودک خدمت ایده بیله جکنی
 اوکرنمک ده اودرجه لازمدر . » دییور . مثلاً کینلرک برکتلی
 اولسی ایچون (سه رهس) ه ، پاره قزانمق ایچون (سر کوره) ،
 اوغورلی بردکز یولجیلنی یامق ایچون (نپتون) ه دعایدیلردی .
 صوکره ، دعایدن تمیزالسه کیردی ؛ چونکه معبودلر تمیزلکدن
 حظ ایدرلردی . معبوده برهدیه تقدیم ایلردی ؛ چونکه معبودلر
 آلی بوش کلندن حظ ایتمزلردی . - آرتق اوندن صوکره
 آیاقده ، باشی اورتولو اولدیننی حالدده معبودی چاغیرردی . فقط
 معبودک اصل اسمنی بیلمزدی ؛ چونکه رومالیلرک روایتنه کوره
 « معبودلرک حقیقی اسملرینی کیمسه بیلمزدی . » انک ایچون
 معبوده مثلاً : « ای بیوک و کریم ژوینتهر ، یا خود هانکی اسمی
 سورسهک او . . . » دییه خطاب ایدردی . صوکره معبودک
 یا کلش اکلاماسی ایچون دائمایت آچیق تعبیرلر قوللانمغه غیرت
 ایدرک نه ایسته دیکنی ایضاح ایلردی . معبوده شاید بر شراب تقدیم
 ایدیله جکسه : « برای احترام دوکدیکم بوشرابی قبول ایت . »
 دینردی ؛ چونکه معبود بلکه کندیسنه او شرابدن بشقه بر شراب

«شاید دعانک بر کله سنی دیکشدره جک اولسه ، فلاوطه چالان طورسه و یاخود آقتور قالیویرسه ، او یونلر عاداته موافق اولامازدی؛ بونلره تکرار باشلامق ایجاب ایدردی.» (۱) انک ایچون مدبر کیمسه ز یانلرنده دائما ایکی راهب بولوندیر لرلردی؛ بونلردن بری دعایی او قور ، دیکری ده آیین کتاتبندن تعقیب ایدردی .

هرسنه راهب (فره آروال) ، روما جوارنده بر معبدله طوبلانیرلردی؛ بوراده مقدس بردانس ایدرلر ، دعا او قورلردی . بودعا اسکی برلسانده یازلمش اولدینی ایچون کیمسه اکلا یامازدی؛ اودرجه ده که هرکس طوبلانمازدن اول هر راهبه برر دعاویرمهک احتیاج حاصل اولوردی . دها صوکره بر چوق عصرلر بونی هیج کیمسه اکلا یاماز اولمشدی؛ بونکله برابر هرسنه ینه هیج دیکشدرلندن تغنی ایدیلردی . بونکده سببی رومالیرلر کهرشیدن اول معبودلریله قاعده نی بوزمانغه دقت ایتلری ایدی . ایشته امر ایدیلان معاملاتنی ایفا ایتمکده کی شو صحت ، رومالیرلر ایچون (دین) دن عبارتدی . بوسبیدن طولایی رومالیرلر کندیلرینه دنیانک «اکدیندار انسانلر» ی نظریله باقارلردی . چیچهرون دیورکه : «بزسائر نقاط نظر دن اقوام سائر ایله مساوی ویا انلردن دون بردرجه ده یز ؛ فقط دینا یعنی معبودلره عبادت ایتک جهتیله جمله سنه فائقز!»

(۱) بوملاحظه چیچه رونکدر .

بکله ن شیء یا مقدقلرندن طولانی معبودلرک هیکللرینی سوقاقلره
آتمشلردر . حتی زمانمزدده بیله ایالیان کویلیسی ، کندیسنه
طلب ایتدیکی شیئی ویرمین اعزیه دایما کفر ایدر .

بناء علیه عبادت ، معبودلرک خوشنه کیدن شیلری یا بمق
دیملدی . بونلره میوه ، سود ، شراب کوتورولور ، حیوانلر
قربان ایدیلیردی . بعضاً معبودلرک هیکللری معبدلرندن چیقاریلوب
پاتاقلر اوزرینه یاتیریلیر ، بونلره ضیافت ویریلیردی . حتی یونانستانده
اولدینی کبی معبودلره مطمان اولر (معبدلر) (۱) انشا ایدلمش
وتیاترولر ویرلمشدر .

فقط بونک ایچون یالکز مصرف چکمک کغایت ایتزدی .
روما معبودلری ظواهرده پک زیاده دقت ایدرلردی . بونلر
عبادتک کافه افعالک ، قربانلرک ، اویونلرک هپ عادات
قدیمه یه نظراً اجرا ایدلمسنی طلب ایدرلردی . ژوپیتره بر قربان
تقدیم ایدیله چکی زمان بیاض بر حیوان انتخاب ایتک ، حیوانک
باشنه طوزلی اون سریمک ، قفاسنه بر بالطه ایله اورمق لازمدی ؛
کذا سایه ، ژوپیتهرک اقامتکاهه طوغرو اللر قالدیرلمش اولدینی
حالدده طورمق ، معین بردعا او قومق ایجاب ایدرلردی . شاید
خطا ایدیله چک اولورسه قربان بوشه کیدرلردی ؛ اوزمان
معبودک بو قربانندن ممنون اولمیه جغنی ظن ایدرلردی . رومانک
حامی معبودلری شرفه حاکم لردن بری اویونلر اجرا ایتدیرلردی .

(۱) یونانستانده اولدینی کبی روماده ۳ معبده (أو) دیرلردی .

اوده هر برینک قوای طبیعتدن برینه حکم ایتمی وانسانلره ایستدیکی زمان ایلیک ویا فالق یاه بیلیمی ایدی .

عبادت . - بر رومالی بوصولوق ، بارد معبودلردن حظ ایتمز ، بلکه بونلردن قورقاردی . انلردن استمداد ایتدیکی زمان ، احتمالکه یوزلرینی کورمه مک ایچون ، کوزلرینی قاپاردی . فقط بونلرک ذی قدرت اولدقلرینی و شاید خوشلرینه کیدیله جک اولورسه کندیسنه خدمتلری طوقونا جغنی ده دوشونوردی .

پلوط : «معبودلر کیمه ایلیک ایدرلرسه اکا پاره قازاندرلر .» دیور . بر رومالی ، دینی بر مبادله منافع صورتنده تلتی ایدردی ؛ کندیسی معبوده هدیه لر ، احتراملر تقدیم ایدر ، معبوده اکا مقابل بر منفعت تأمین ایدردی (۱) . شاید بر رومالی معبوده برشی تقدیم ایتدکن صوکره مقابلنده اومدیغنی استحصالی ایده مزسه ، کندینی آلداتلش عد ایدردی . ژرمانیکوسک خسته لکی اثناسنده شفاسنی طلب ایچون اهالی معبودلره قربانلر اکرام ایتمشلردی . فقط بالآخره ژرمانیکوسک وفات ایتدیکی خبر ویریلنجه اهالی حد تلنه رک محرابلری ییقمشلر ، کندیلرندن

(۱) منقولاته نظراً قرال نوما ژوپیتهر ایله شووجهله مقاوله لشمشدر : ژوپیتهر دیمشکه - سز بکا برباش قربان ایده جکسکز - نوماده : پک اعلا ؛ باغچه دن برباش صوغان آایرم . - خیر ، انسانه متعلق برشی ایسترم . - صاحب لرینک اوچلرینی ویرسینلر . - بکا ذی روح بر مخلوق لازمدر . - بوکا برده اوافق باق علاوه ایتسینلر .» بونک اوزرینه ژوپیتهر کولوب راضی اولمشدر .

مکتبیدن کثیره جک ایکی معبود ، حاصلی برسوری خصوصی معبودلر واردی . بعض معبودلرده بر شهری ، بر محله یی ، بر طائی ، بر اورمانی حمایه ایدر دی ؛ هر نهرک ، هر منبعک حتی هر آغاجک کندیسنه مخصوص بر محلی معبودی واردی . - شو حال ، پترونک لاتینجه روماننده ایی بر قادینه : « مملکتمز معبودلرله او قدر طولودرکه ، بوراده انساندن زیاده معبوده تصادف ایتمک دها قولایدرو . » دیدیر تمشدر .

رومالیلر یونانیلرک عکسنه اولارق معبودلرینی بر چهرده تصور ایتمزلردی . بونلر اپی مدت روماده هیچ صنم بولوندرما- مشلردی ؛ ژویتهر ایچون بر طاشه ، مارس ایچون بر قلیجه پرستش ایدرلردی . یالکزد دها صوکره لر نه تروسکلرک تحته هیکلری ایله یونانیلرک مرمر هیکلرینی تقلید ایتمشدر .

احتمالکه رومالیلر بدایتده انسان چهره لی مخلوقات اولاجغنی هیچ تصور ایتمه مشلردی . کذا یونانیلرک عکسنه اولارق معبودلر بیننده ازدواج واقربالقدده تصور ایتمزلردی ؛ بونلره دائر نقل ایده جک هیچ بر حکایه لری یوقدی ؛ معبودلرک اجتماعکاهی اولان (اولیمپ) دن خبر لری بیاه یوقدی . لاتینجه ده معبودلری افهام ایچون شایان دقت برکله واردی ؛ بونلر ایچون (تظاهرات) دیرلردی . بومعبودلر مجهول بر قوه ربانیه نک تظاهراتی ایدی . ایشته بونک ایچون شکلدن ، اقربالقدن ، سرگذشتدن معرا ایدیلر . بونلر حقنده معلوم برشی وارسه

اوچنچى فصل

دين

معبودلر ؛ عبادت ؛ راهلر ؛ اوجانلر ؛ واواولرلر عبادت .

روما معبودلر . - يونانيلر كې روماليلر ده دنياده هر نه وقوعه كليرسه بونك بر معبودك فولى اولديغنه اعتقاد ايدرلردى . فقط بتون كائناتى اداره ايدن بر تىكرى يى قبول ايدمك يردمك نه قدر مختلف حادثه لر كوردرلرسه او قدر ده معبود قبول ايدرلردى . اكينلر نى يتشدين معبود بشقه ، تارلار ك حدود نى بلكه ين معبود بشقه ، ميوله لره نظارت ايدن معبودده ينه بشقه ايدى . هر معبودك بر اسمى ، بر جنسى ، بر ماموريتى واردى .

باشليجه معبودلر سما معبودى ژوپتتهر ؛ ايكي باشلى ژانوس (آچان معبود) ؛ حرب معبودى مارس ؛ تجارت معبودى ماركور ؛ آتش معبودى وولكان ؛ دكز معبودى نپتون ؛ اكين معبودى سهرس ؛ ارض ، قمر ، ژونون ، مينرو ايدى .

انلردن سو كره ايكنچى درجه معبودلر كليردى . بونلردن بعضلرى كنجلك ، امتزاج ، سلامت ، صلح كې بر صفتك تمثالى ايدى . بعضلرى ده افعال حياتيه دن برينى اداره ايدرلردى . چو چق دنيابه كلديكى زمان اكا لاقيردى سويله مكي او كرتك ايچون بر معبود ، ايچمكى او كرتك ايچون بر معبود ، كيمكلرينى سرتلشديره چك بر معبود ، مكتبه كوتوره چك ايكي معبود ،

برکیمسه حاکم نصب اولونمازدن اول بواتخانی موافق کوروب کورمدیکنی معبودلره صورمهغه دینا بر مجبوریت واردی. قوشلر معاینه ایدیلهرک معبودلره صورولور ، بوکاده استیدان ایتک دنیلردی . اسکی روما دینی ایسه یالکز بر زادکانک اسمی ایچون استیدانه مساعده ایدیوردی . معبودلرک عوامندنه بر حاکم قبول ایده جکلری هیسج عقلنه کلیوردی .

فقط عوامدن بر چوق بیوک عائله لر واردی که بوزلر ثروت و اعتبار جهتیه اولدینی کبی حیثیت نقطه نظرندنده زادکان عائله لره مساوی اولمق آرزو ایدیورلردی . ایشته بوسبیدن کندیلرینه بتون مأموریتلری آچیق بولوندرمق ایچون زادکانی زورلامشلر ، اولا قونسوللکن باشلامشلر (۳۶۶) ؛ دها سوکره دیکتاتورلق (۳۵۵) ، پردتورلک (۳۳۷) ، سانسورلک (۳۳۱) وظیفه سنی استحصال ایتدکن سوکره نهایت باش راهبلیکی (۳۰۲) ده آلدله ایتشلردر .

آرتاق اوندن سوکره زادکان ایله عوام بربرینه قاریشمش ، وهر ایکیمی ده بر اهالی تشکیل ایلشدر .

مطالعه اولوناچق آثار :

- مومزن ، روما تاریخی . - دورووی ، رومالیرک تاریخی . -
- فهرهرو ، رومانک شوکت و انحطاطی . - (اک یکی اثرلر آلمانجهدر :
- فقط ترجمه لری یوقدر . انلرده شوکتابلردر : نیزه ، روما تاریخی . -
- اد . مایهز ، ازمنه قدیمه تاریخی) .

ویردرك مسلحاً طاعه چكامشردر . زادكان بوندن خوفه دوشهرك عوامه مه نه نیوس آغریپایی کوندرمشلر ، بوده آنلره اعضا ومعهده حکایه سنی (۱) نقل ایتمشدر . بونک اوزرینه عوام شهره کیرمکه راضی اولمش ، فقط اهالی ایله بر مقاوله عقد ایتمشدر . بو مقاوله ده عوام رئیس لرینک (تریبون دولابله ب) اهالی حاکم لرینه قارشى عوامه یاردم ایتلری ، کندیلرینک رأیی اولمادن اتخاذا اولوناجق تدابیره مانع اولملری کبی بر حقی حائز بولونملری تصدیق ایدلمشدر . انک ایچون بونلرک یالکز : « وه طو ! » (مخالفت ایدیورم !) دیملری تیشیردی . بوتک سوز ، هر شیء طور دیرمغه کافی ایدی . چونکه بر تریبونه یعنی عوام زئیسنه قارشى کیم مبارزه ایدرسه ، اونک جهنم معبودلرینه ویریله جکی دیناً بیان ایدیلیوردی .

فقط عوام ، مبارزه ده یینه دوام ایتشلر ؛ قوتلری چوق و کندیلری زنکین اولدقلری ایچون نهایت غالب کلمشدر . — اولاهرکس ایچون مشترک قانونلر تنظیم ایتدیرمکه ، زادكان ایله عوام بیننده ازدواجه مساعده ایدلسنه موفق اولمشدر . — اک زیاده ، بیوک حاکمک یعنی او زمانلر دنیلدیکی کبی «شان و شرف استحصالنده » چوق کوچمک چکمشلردر . فی الحقیقه ،

(۱) بو حکایه بی یالکز تیت لیو ایله ده نیس دایقار ناسده کوریورز ؛ بونلرک روایتلری غایت فجیع یازلمش اولدیغی ایچون شهرت بولمش ایسه ده بوروایتلر ، بعض کیمسه لر طرفندن بستیون تبدیل ایدلمش برر افسانه دن بشقه برشی دکلدیر .

(پاتریسیه‌ن) یعنی زادگان دیرلردی . سناتونک ویردیکی قراره
 (سناتوس قونسولت) دیرلر ، علی‌العموم قونسوللر بو قراره
 اجابت ایدرلردی . بناء علیه روما هم قونسوللر ، هم‌ده سناتو
 طرفندن اداره اولونوردی .

صنوف جمعیت بیننده مبارزه لر . — اهالی ایله عوام
 آیری آیری ایکی قوم تشکیل ایدرلردی بونلرک بری
 متبوع ، دیکری تابع ایدی . بونکله برابر عوام ایله زادگان
 بیننده پک‌زیاده مشابعت واردی . انلرده زادگان کبی مصرفلری
 کیسه‌لرندن اولمق اوزره عسکرک ایدرلر . روما اهالیسی
 اغورینه فدای جان ایلرلردی . کویلیلرده زادگان کبی کندی
 اراضیلرندن یاشارلردی . — عوامدن بر چوغی زنکین اولقله
 برابر اسکی فاملیلرلردندی . آره‌لرنده بر فرق وارسه اوده
 عوامک مغلوب اولمش هر هانکی بر لاتین شهرینه منسوب
 بیوک بر عائله احفادنن ، زادگانک ایسه مظفر شهره
 منسوب اسکی بر عائله انسالندن اولملری ایدی .

فقط عوام بو وضعیت سفلیه‌ده قالمغه تحمل ایتیه‌رک زادگان
 ایله مجادله‌یه کیریشمش ، بو مجادله تمام ایکی عصره یاقین (۴۹۳) :
 (۳۰۰) بر مدت امتداد ایلشدر . منقولاته نظراً بو مبارزه
 شویله باشلامشدر :

بر کون عوام ، پک‌زیاده سوء معامله‌یه دوچار اولدقلرینی
 کورمشلر ، روما اهالیسی ایله قطع مناسبت ایتمکه قرار

دیرلر، انلری روما اھالیسندن عدا یتمز لردی. اسکی دعالزده کی :
 « روما اھالیسنگ وعوامنگ استراحتی ایچون . » طرزنده کی
 سوزلره الان تصادف اولونور .

هرسنه شهرلیلر مسلح اولارق شهر خارجه، تعلیمخانهیه
 (شان دومارسه) طوپلانیرلر ، (قونسول) دینان ایکی
 قوماندان انتخاب ایدرلردی . بوقونسوللر ، انتخاب اولوندقلری
 سنه رومیایی اداره ایدرلر ، اردویه قومانده ایلرلر ، هر
 شهرلیک « حیات و ممات » نی حکم ایتمک حقنی حائز
 بولونورلردی . بو صلاحیتی حائز بولوندقلرینه علامت اولمق
 اوزره رفاقلرینه ۱۲ لیکتور (بالطه جی) آلیرلردی ؛ بو
 لیکتورلر محکومینی قامچیلماق ویا قف-الزینی کسمک
 ایچون اللرنده بردسته دکنگ ایله بر بالطه طاشیرلردی . اسکی
 قراللر کی قونسوللرده بر نوع تخت (شهزکورول) اوزرینه
 اوطوررلردی . تهلکهلی حربلر وقوعنده ایکی قونسولک یرینه
 یالکز بر حاکم یعنی دیکتاتور (حاکم مطلق) براقیلیر ، بو
 دیکتاتور یالکز باشه اداره و قومانده ایتدیکی ایچون معیتنده
 ۲۴ لیکتور بولونیدرلردی ؛ فقط مأموریتی انجق آلتی آی
 دوام ایدرلردی .

قونسوللر، غایت مهم ایشلر ایچون سناتویی یعنی عائله
 رئیسلیری ایله اغنیادن مرکب (اختیارلر مجلسی) نی
 طوپلانیرلردی . بونلره (پاتر) یعنی (پدرلر) ، احفادینهده

ایمش کی تفسیر ایتکه پک چوق چالیشلمش ، رومانک ایلک زمانلرینک تاریخی مختلف صورتلره یکیدن وجوده کتیرلمشدر؛ فقطنه قدر چالیشلمش ایسه آرده کی مباننت ده اودرجه تزیاید ایشدر .

نظامانک منصر اعریفی . - قبل المیلاد بشنجی عصره طوغرو (روما) ده ایکی صنف اهالی موجوددی : زادکان (پاتریسیه) ، عوام (پله به ئهن) . زادکان تاسکیدن شهر اطرافنده کی اوافق اراضی به یرلشن قدیم عائله لرك احفادی ایدی ؛ ملت مجلسنده بولونمق ، دینی آیینلرده اثبات وجود ایتک ، مأموریتلرده بولونمق حقی یالکز اونلره مخصوص ایدی . روما حکومتی ویا اوزمانلر دنیلدیکی اوزره روما شهرینی انلرک اجدادی بنا ایش ، شهری انلره میراث بر اقمشدی . بناء علیه رومانک اصل اهالیسی بونلردی .

عوام ، شهره یرلشن اجنبیلرک و اک زیاده ده جوار شهرلرده مغلوب اولانلرک احفادی ایدی ؛ چونکه (روما) یاواش یاواش بتون لاتین شهرلرینی زیرانقیاد آمش ، اهالیسنی جبراً کندیسنه الحاق ایشدی . بونلرینه اجنبی قالمقنه برابر روما حکومتنه اطاعت ایدرلر ، فقط امور حکومته اشتراک ایتزلردی . دینلری روما دینی اولمادیغی کی آیینلرده ده بولونمازلردی . حتی اصیلزاده عائله دن بری ایله ازدواج ایتک حقیقی ده حائز دکللردی . بونلره (پله ب) یعنی عوام

(تیر) نهري اوزرينه اخشاب برکوپرو انشا ایتدیرمش ،
 (اوستیه) لیمانی تأسیس ایلش ، آرتق اوندن صوکره رومانک
 تجارتی هپ بورادن اولمشدر .

صوڪ اوچ قرال نه تروسکلردن ایدی . اسکی تارکن روما
 اراضیسی توسیع ایتمش ، (نه تروری) نك دینی مراسمی رومایه
 ادخال ایلمشدر .

سروییوس توللیوس ، بالاتفریق اصالت بتون شهرلیلری
 اردویه قبول ایتمش ، انلری ثروتلرینه کوره بلوکلره تقسیم ایدرک
 روماردوسنی تنسیق ایلمشدر .

صوڪ قرال تارکن لوسوپه رب رومانک بیوڪ فاملیلرینه
 اذیت ایتمش ، نهایت اصیلزاده لردن بعضلری اتفاق ایدرک انی دفع ایتمه
 موفق اولمشلردر .

آرتق اوندن صوکره (۵۱۰) هیج قرال کله مشدر . روما
 حکومتی ، یاخود اوزمانلر دنیلدیکی اوزره (امورعامه) ، هر
 سنه انتخاب اولونان ایکی حاکم یعنی قونسوللر طرفدن ادره
 ایدیلردی .

بو عنعناتک نه درجه یه قدر طوغرو اولدینی معلوم دکلدر ؛
 زیرا بونلرک کافه سی رومالیلر دها تاریخلرینی یازمغه باشلاماز
 دن اول تکون ایلدیکی کبی کاملاً قبول ایدیله میه جک درجه ده برچوق
 منقولاتی احتوا ایلکده در .

فی الحقیقه بو قرال اسملرینی کویا بر عرقک ویابر صنفک تمثالی

هنوز کسیلمش بر انسان باشی بولونمشدی. بو بر علامت ایدی ،
بوباشدن دنیانک الک باشی روما اولاجغی اکلاشیلوردی .

قرالرد ایدهمهوریتک تأسسنه دار عذونات . - منقولاته
نظراً روما شهری تمام ایکی بچق عصر قرالرد طرفندن اداره
اولونمشدی؛ بو قرالرد اسملریله تاریخ وفاتلری ذکر اولوندیغی
کبی هر برینک ترجمه حالی ده نقل ایدیلردی .

روایت کوره یدی قرال کلشدی . برنجی قرال، رومولوس،
لاتینلرک (آلب) شهرندن چیقمش، (پالاتن) ده کی شهری
تأسیس ایتمش ، محیطک خندکندن آتلامق کبی مفایر دین بر
حرکتده بولندیغی ایچون قاردشنی اولدیرمشدر . صوکرده
سابهن قرالردن تاتیوس ایله اتفاق ایتمشدی . (دهاصوکره تکون
ایدن بر روایت کوره شهرک ایتکنده اطرافی شرانپوللرله محاط
بر محله تأسیس ایتمش ، یاننه کلک ایستهین سرسریلرک کافه سنی
بورایه طولدیرمشدی) .

ایکنجی قرال نوماپومیلیوس سابه نلردن ایدی؛ اورمانده
اقامت ایدن بر معبوده دن ، نیمف نه زهریدن نصیحت آلوده روما
دینی تسبیق ایدن بودر .

اوچنجی قرال تولوس هوستیلیوس، بر جنک کوردی. لاتین
اتحادینک مرکزی اولان (آلب) شهری ایله حرب ایتمش ،
شهری مغلوب و خراب ایلشدی .

دردنجی قرال آنکوس مارتیوس، نومانک طورونی ایدی.

تپه سنی کاملاً قاپلادری . شهرک بانسی (اسمی رومولوسدی)
 نه تروسک عادتی موجنبجه صبان ایله بر محیط چیزمشدی . هر سنه
 نیسانک یکر می برنده رومالیلر بومراسمک دورسنوی شنلکلرینی
 یاپارلردی ؛ بونک ایچون شهرک ایلك محیطی اطرافنده آلیله
 طولاشیرلر ، بونک خاطرهمی اولمق اوزرده بر راهب معبدلردن
 برینه برچیوی چاقاردی . ایدیلن حسابه کوره شهرک رسم تاسیمی
 میلاددن ۷۵۴ سنه اولمسی محتملدی .

(پالاتهن) ک قارشیسنده کی اوبرتپه ندردهده بشقه شهرلر
 واردی ؛ برفرقه سابه ن طاغلیلری (قاپیتول) ه ، برفرقه نه تروسک
 سرسریلری ده (کولیوس) تپه سنه یرلشمشدی ؛ احتمالکه
 بوراده دهابشقه قوملرده واردی .

فقط بوکوچوک غروپلرک کافهسی نهایت (پالاتهن) ده کی
 رومالیله برلشمشلردر . اوزمان (یدی تپه) بی ده احاطه ایده جک
 یکی بر محیط انشا ایدلمشدر . بو محیط تا (تیر) نهرینه قدر
 واریردی ؛ اردونک اجتماعکامی اولان (شان دومارس) نهرک
 اوته طرفنده ، محیط خارچنده ایدی .

ایشته اوزمان (آتته) یه نظراً (آروپول) نه ایدی ایسه ،
 روما ایچودنه (قاپیتول) اومقامه قائم اولدی ؛ شهرک حامیمی
 اولان (ژویتهر ، ژونون ، مینروا کی) اوچ معبودک معبدلری ایله
 اهالینک خزینه اوراقنی احتوا ایدن ایچ قلعه بوقیا اوزرینه بنا
 اولونمشدی . منقولاته کوره بورانک تملری قازیلدینی زمان

ایکنجی فصل

ایلك روما

قرالرایله جمهوریتك ایلك زمانلرینه عائد عنعنات. صنوف جمعیت ااره سننده مبارزه . نظاماتك مختصراً تعریفی .

روما . - (نه تروری) جهتمنده و (لاتیوم) حدودنده، اوته سننده بریسنده تپه لر بولونان بطاق بر صحرا وارددر ؛ ایشته بو صحرایه طاغیلان روما قومنك مرکزی، یعنی روما شهری، اوراده (تیر) نهری ساحلنه بنا اولمشدی. اراضی صیتمه لی و قسوتلی ایدی؛ فقط موقعی غایت مکملدی. روما یه دشمن اولان نه تروسکلره قارشی (تیر) نهری خدتی، تپه لرده قلعه لرینه کچوردی ؛ دکز انجق آلتی فرسخ اوته ده، قورصا نلردن قورقولیه جق درجه ده اوزاق، دخاله امته کتیر ته جک درجه ده ده یاقین ایدی. (پیره) نصلکه (آتیه) نك واروشی ایسه (تیر) نهری منصبنده کائن (اوستیه) لیمانی ده رومانك واروشی مشابه سننده ایدی . - بناء عایه شهرک موقعی عسکرو تاجر بر قوم ایچون بک مناسبدی .

رومانك نامیسی . - رومانك ایلك عصر لرینه دائر بیلدکلریمز، صرف منقولاتدن عبارتدر؛ ذاتاً بو کادائر رومالیلرک بیلدکلری ده بزدن فضله دکلدی . بونلرک روایتنه کوره روما ایلك اوکجه مربع شکلنده اوفاق بر شهردی ؛ بوشهر (پالاتهن)

رومالیلرک دینی نیم ئەتروسک دینی ایدی؛ رومالیلر بودینی بتون جهانە نقل ایتشلردر . انک ایچون خرستیان کلیساسنک راهبلی (ئەترووری) یە (ظنون باطلە منبەعی) دیمکده حقیلدرلر .
 لایتینلر . - لایتینلر (تیبیر) نهرینک جنوبنده ایوم روما صحراسی دنیلن تپلر و دره لردن متشکل بر مملکتده اقامت ایدرلردی . بونلر اوفاق بر قومدی (مملکتلری انجق ۲۷۰ کیلومتره مریبندە ایدی) . لایتینلردە سائر ایتالیانلرک جنسندن ایدی ؛ لساناً ، دیناً ، اخلاقاً انلرە مشابهلری واردی؛ فقط مدنیتجه انلردن براز ایلری ایدیلر : طوپراغی زرع ایدرلر ، قلعهلر انشا ایدرلردی . کافه سی اوفاق اوفاق مستقل قوملرە آیرلشلردی . هر قومک اوفاق بر اراضیسی ، شهری ، حکومتی واردی؛ بوکوچوک حکومتە (شهر) دیرلردی .

لاتین شهرلردن اوتوزی یونانیلرک آنیقتیونیلری کبی دینی بر اتحاد تشکیل ایتشلردی . هر سنه یورطیلرینی برلکده اجرا ایدرلردی . مرخصلری (آلب) ده طوپلانیرلر ، معبود مشترک (ژوپتەر) نامنه بوغا قربان ایدرلردی .

مطالعه اولوناچق آناز :

تیت لیو . - میشله ، روما تاریخی . - مومزن ، روما تاریخی . -
 مارتا ، ئەتروسک صنعتی . - دورووی ، رومالیلرک تاریخی .

ختام بولدیغنی وئەتروسك قومنك صوك عصرى اولان اونجی عصرک بدأ ایلدیكنی خبر ویرمشدی .

تروسكارك تأمیری . - نیموحشی اولان رومالیلر کندیلرندن دهامدنی بولونان قومشولری ئەتروسكلری پك زیاده تقلید ایتشلردی . بالخاصه انلك دینی اصوللرینی ، راهبیلرله حاكملرك قیافتنی ، عادات دینییهی ، قوشلرله كشف آتی ایتك اصولنی قبول ایشلردی . رومالیلر بر شهر تأسیس ایده جكلری زمان ئەتروسك عادتنی تعقیب ایدرلردی . مؤسس بر صبان ایله مربع بر محیط رسم ایدردی ؛ صبانك طونج بر دمیری واردی ؛ بوكبر بیاض اینك ، بیده بیاض بر بوغا قوشولوردی . مؤسسك آرقه سی صره بر چوق آدملر كلیر ، بونلر طوپرانك تزكلرینی كاملاً محیطدن طرفه آتارلردی . صبانك چیزدیكى خندق مقدس ایدی ؛ بونك اوزرندن كیمسه كچه مزدی . خارجدن داخلی محیطه كیرلك ایچون مؤسس بعض یرلره خندق قازماز ، صبانی قالدیرر ، انی براز كندی طاشیر ، صبانك یره طوقونمادیغنی یرقبو اولور ، ایچسری یه بورادن كیریلیردی . روما شهری بو عاده نظرآ تأسیس ایدلمشدی ؛ رومایه (مربع روما) دیرلر ، مقدس محیطی آتلا دیغندن طولاینی مؤسسك قاردشنی تلف ایتدیكنی روایت ایدرلردی . دهاسوكره روما مستملكه لری ایله اردوكاهلرك و حتی بتون مالكانه لرك حدودی هپ بودینی قاعده لره نظرآ خطوط هندسیه ایله ترسیم ایدلمشدر .

استقبالدن خبر ویرمک ایچون برطاقم قاعده لری واردی. بونلر قربانلرک باغرساقلرینه ، ییلدیرمه ، فقط اک زیاده ده قوشلرک اوچوشلرینه دقت ایدرلردی (کندیلرینه اوکور دنیلیمسی ده بورادن ایلری کلیردی). کاهن آیاقده ، یوزی شماله متوجه ، النده اگری بردکنک ، سمایی ایکی به آیرمق اوزره موهوم برخط چیزدی. شرقده کی، یعنی صاغده کی پارچه اوغورلی ، صولده کی پارچه ده اوغورسز ایدی. برنجی خطی خاچواری قطع ایتک اوزره چیزدیکی ایکیجی بر خطایله دیگر موازی خطلر سهاده بر مربع تشکیل ایدر ، بوکا (معبد) دنیردی (۱). کاهن بومر بعدن کچن قوشلره دقت ایدردی؛ بو قوشلردن مثلا قارتال کبی، بعضلری اوغورلی ؛ بایقوش کبی ، بعضاری ده اوغورسز ایدی .

ئه تروسکلر کندی استقباللرینی ده کشف ایتشلردر . اقوام قدیمه ایچنده الی الابد پایدار اولیه جغه قائل اولان یکانه قوم ، ئه تروسکلردر . بونلر : (ئه تروری) اون عصردن زیاده پایدار اولامیه جقدر، دیرلردی . بو عصرلر حقیقه یوزر سنه دکلدی؛ فقط بعض علامتله هر عصرک ختامنه اشارت اولوردی. سزارک تاریخ وفاتی اولان ۴۴ سنه سنده بر قویروقلی ییلدیز کورونمش؛ روماده ملت مجلسنده ئه تروسکللی برکاهن ، طقوزنجی عصرک

(۱) (تامپل) یعنی معبد کله سی ده صوکره لاتینجه ده مبانی دینه

ویاچکیجدن سلاحلری ، اللرنده ییلانلری واردی ؛ اولولرک روحنی بونلر آیردی . اک مهملری (یونانیلرک شارون دیدکلری) شاروون ایدی ؛ بو ، قورقونج یوزلی براختیار اولوب قربان ایده جکی کیمسه لره اورمق ایچون النده آغمر برچکیج طاشیردی . اولولرک روحی مسکن ظلامدن سنهده اوچ کون چیقاردی ؛ بونلر یر یوزنده کزرلر ، دیریلری قورقوتورلر ، انلره فالق ایدرلردی .



آلهستک جهنمه کوتورلسی (بر نه تروسک وازوسی اوزردن)

بونلری تسکین ایچون کندیلرینه انسان قربان ایدیلردی ؛ بوروحرلر قاندن پک حظ ایدرلردی . رومالیلرک قبول ایتدکلری اومشهور پهلوان کورشلری ، اساساً بر اولونک شرفنه ویریلن قانلی قربانلردن بشقه برشی دکلدی .

(هاروسپیس) ویا (اوکور) دنیلن نه تروسک کاهنلرینک

اویون، ضیافت، خیالی منظره رسمری واردر.

موزه لریمزی تزیین ایتمک ایچون مزارلردن بیکلرجهسی
چیقاریلان اومشهور (ئەتروسک وازولری) یونان وازولرینه
تقلید ایدلمش، فقط ئەتروسکلر طرفندن اعمال اولوغمشدی.
بو وازولرک اوزرنده اساطیر یونانیه منظره لری وبالخاصه تروا
محاربه لرینه عائد رسملر واردر؛ بونلرده اشخاص، سیاه برزمین
اوزرنده قرمزی رنگلر یله تماماً بللی اولور.

ئەتروسکلر (توسقانادا) اون ایکی شهر تشکیل ایدرلردی؛
بوشهرلردن هربرینک قلعهسی، قرالی، حکومتی واردی.
هرایکی ساحلده ده مستملکه لری موجوددی؛ بونلرک اون ایکیسی
(ناپولی) جوارنده (قامپانی) حوالیسنده، اون ایکیسی ده (پو)
سحر اسنده ایدی.

دین. — ئەتروسکلر، سرت واکثریا لطفکار معبودلره
اعتقاد ایدرلردی. معبودلرک اک بیوکلری «مستور معبودلر»،
اسرار انکیز معبودلردی؛ بونلره دائر هیچ معلومات یوقدی.
انلردن صوکره، صاعقه یاغدیران معبودلر کلیردی؛ بونلر اون
معبوددن متشکل بر مجلس تشکیل ایدرلردی. یر آلتنده،
اولولر مسکننده ده شئوم معبودلر حکم سورردی. ئەتروسک
وازلری اوزرنده اکثریا بونلرک رسملرینه تصادف اولونور.
جهنملر حکمداری مانتوس، قانادلی جن، باشنده برتاج،
آلنده برمشعله اولدیفی حالده اوطورردی. دیگر جنلرک قیلجندن

کیدرلردی. ئەتروسک مزارلرنده بواشیانک کافهسی بولونیور. —
 کیلری جنوبه. سچیلیایه قدر ایلریلردی. یونانیلر بونلردن
 هیچ حظ ایتمزلر، ئەتروسکلره «وحشی تره نیه نلیلر» ویا «قورسان
 ئەتروسکلر» دیرلردی. اوزمانلر فرصت دوشدکجه کیمجیلر
 دائما قورسانلق ایدرلردی؛ ایتالیاک غرب ساحلنده کی تجارتی
 کندیلرینه تخصیص ایتمک ایچون یونان کیمجیلرینی اورالره
 اوغراتماق ئەتروسکلرک منفعتلری اقتضاسندن ایدی.



بر ئەتروسک مزارینک داخلی

ئەتروسکلردن بزه یالکز سوردلرینک دیوارلری ایله
 مزارلردن بشقه برشی قالمشدر. بر ئەتروسک مزاری
 آچیلدینی زمان ستونلی برقیه کریسنده یتاقلی اوطلر، بویتاقلرک
 اوزرینه اوزانمش اولولر، بو اولولرک اطرافنده ده آلتون، فیل
 دیشی، عنبر و مجوهرات ایله ارغوانی قماش، دوشه مه لر، اک
 زیاده ده بویالی، جسیم و ازولر کورولور. دیوارلرنده ایسه محاربه،

بورايە اسملرىنى دە يادكار براقشلىرىدر (توسقى) . بوراسى
صىجاق ، راطب وغايت محصولدار بىر مملەكتىدى .

ئەتروسكلر كى اسكى قومىدىكى بزم اجىرى يە الان
مجهول بىر قومىدر . بونلر قومشولرىنە بىكزە . سەھرى كېى نرەدن
كلدىكلىرى دە معلوم دىكلىدى . حتى هانكى لسانى تكلم ايتدىكلىرى دە
معلوم دىكلىدر . الفبالىرى يونان الفباسنە بىكزر ايسە دە ئەتروسك



قاپانا مغارەسنىڭ داخلى

يازىلىرى غايت قىصە اولدىغىندىن بونلرلە تكمىل لسانى چىقارا-
بىلىمك قابل دىكلىدر .

ئەتروسكلر ، محصولدار طوپراقلىرىدىن استفادە ايتكى
بىلىرلىرى ؛ فقط كى زيادە كىمىجىلىك و تاجرلك ايدرلىرى .
فىنىكە لىلر كېى بونلر دە هندستانك فىل دىشى ، بالطقك غىبىرىنى ،
فىنىكە نك قالاي و قرمزى بوياسنى ؛ مصر كى هىر و غىلىفلرلە مزىن
مجهوراتى و حتى دوە قوشى مورطەلرىنى كىتىرمك اىچون اوزاقلار

وانضباطلری موجود اولمادیغی ایچون دائماً مغلوب اولورلر ، فقط تکرار حربه مباشرت ایدرلردی . — صوڪ مبارزه لری غایت قهرمانانه اولمشدی . بر اختیار ، کتن بزی اوزرینه یازیلی بر کتاب مقدسی اردو قوماندانلرینه کتیرمش ، اردوگاه داخلنده کتن بزندن برچوره تشکیل ایدلمشدی ؛ بوچوره نك اورته سنده بر محراب بولونیور ، محرابك اطرافنده یالین قیلج عسکرلر طور بیوردی . — جنکا اورلرک اک قهرمانلری برربرر بوچوره داخلنه کیریورلردی . بونلره دشمن اوکندن قاجامق ، قاجانلری اولدیرمک ایچون یمین ایتدیر بیلوردی . ایشته بو صورتله یمین ایدنلردن ۱۶۰۰۰ کئی کتن البسه کیمشلر ، بونلره « کتن آلابی » نامی ویرلمشدر . محاربه پی بو آلابی اجرا ایتمش ، صوڪ نفرینه وارنجیه قدر فدای جان ایلشدر .

ایتالیاده کی یونانیلر . — ایتالیانک بتون جنوب حوالیبی یونان مستملکه لری ایله طولو ایدی ؛ بونلردن بر قاجی ، (سی باریس) ، (قروطون) و (طارانت) ، پک قدرتلی و پک نفوسلی ایدی . فقط یونانیلر نئ تروسکلردن قورقدقلری جهته روما طرفلرینه طوغرو ایلر یلمکه جسارت ایده مزلردی . انک ایچون (کوم) شهری مستثنی اولمق اوزره ، یونان مستملکه لری اوچنجی عصره کلنجیه قدر رومالیلرله پک آز مناسباتده بولونمشلردر .

تروسکلر . — (توسقاناده) اقامت ایدن نئ تروسکلر

طرفندن کوندرلمش کبی انک پیشندن آیرمازدی . حیوان نروده
 طوررسه اوفررده اورایه یرلشیردی . روایته کوره ایتالیا
 اقوامندن بر چوغنک اساسنی بو مهاجر ییغینلری تشکیل
 ایدردی ؛ بونلر وقتیه جدلرینی سوق ایدن حیوانک اسمنی
 دائمًا محافظه ایدرلر ؛ مثلاً هیرپهنلر (قورد قومی) ،
 پیسانته نلر (آغاج قاقان قومی) ، کذا سامنیتلرده بویله ایدی ؛
 سامنیتلرک پایتخته بوویانوم (اوکوز شهری) دیرلردی .
 سامنیتلر — سامنیتلر بوندلرک اک قدرتلیسی اولملشدر .



سامنیت جنگاورلری (بویالی بر وازو اوزوندن)

حقیقی بر حیدود مملکتی اولان (آبروز) حوالیسینه یرلشن
 سامنیتلر (ناپولی) و (پوی)ک محصولدار صحراالرینه اینرلر، نه تروسک
 ویونان شهرلرندن فدیة نجات آیرلردی . — بونلر رومالیره
 قارشى تمام ایکی عصر مبارزه ایتشلردی؛ کندیلرینک مرکزلی

ههر نیکلر، مارسلر، سامنیتلره انقسام ایتشلردی. فقط هپسنک ده لسانی همان بربرینک عینی ایدی؛ عین معبوده پرستش ایتدکلری کبی عادتلری ده بربرینه مشابه ایدی. بونلرده ایرانیلر، هدیلر، یونانیلر کبی لسنه آریه تکلم ایدرلردی. بونلر طاعلر ارسنده غائب اولمش واجنیلردن ده اوزاق یا شادقلری ایچون اسکی زمانده کی عادتلرینی دایما محافظه ایدر، صحرالره یا ییلان سورولری ایله کومه کومه یاشارلردی. شهرلری و پایتختلری یوقدی؛ وقت حربده طاعلر اوزرینه انشا اولونان قلعهلره التجا ایدرلردی. بونلر جسور، حتی غوغاچی، اخلاقی ساده و متین قوملردی. بالاخره روما اردولرینک قوتی بو قوملر وجوده کتیرمشلردی. حتی برضرب منلده: «مارسلره قارشی، مارسلرله برلشمه دن کیم غلبه ایده بیلیر؟» دیرلردی.

منقولاته کوره سابه نلر برتهلکه یه دوچار اولمشلر، معبودلرینی اغضاب ایلدکلرینه ذاهب اوله رق حدتلرینی تسکین ایچون بر بهار طرفنده کی تولداتی حرب و موت معبودینه نذر ایتشلردی. ایشته بو هدیه یه (نذرایدلمش بهار) دیرلردی؛ آرتق اوسنه نك بهارنده طوغان چوجقلرک کافه سی معبودا گدی. بونلر سن رشده کلنجه مملکتلرندن چیقارلر، اوزاقلره کیدرلردی. بومنفیلر بر چوق فرقلر تشکیل ایدرلر، هر فرقه ایتالیانک حیوانات مقدسه سندن برینی، مثلا آغاج قاقان، قورد، ویا بوغانی کندیسنه قلاغوز اتخاب ایدر، کویا بو حیوان معبود

اوچنجی قسم

روما

برنجی فصل

ایتالیانک توصیفی

ایتالیانک توصیفی . اہالیء قدیمہ . ٹے تروسکارے ، مزارلے ، دین .
لاتینلر .

اہالیء قدیمہ . — ایتالیادہ بر قاچ جنس اہالی ساکن بولونوردی ؛ بونلرک عادتلری بر اولمادینی کبی سویلدکلری لساندہ ، بر دکلدی . شمالدہ ، (آپ) طاغلری ایله (آہنہن) طاغلری آرسندہ کی اوجسیم اووا ایتالیانک بر قسمی اولارق تلقی ایدلمزدی ؛ ایشته شمالدن کلن غولوا اقوامی بورایہ کلوب یرلشمشردی . (آہنہن) طاغلری ایله دکنز بینندہ کی مملکت (یعنی توسقانا) تا تیر نہرینہ وارنجیہ قدر ٹے تروسکلرلہ ؛ (تیر) نہرینک جنوب طرفلری دہ لاتینلرلہ اشغال اولونمشدی .

(آہنہن) ک صرپ طاغلرندہ وروما صحراسنک کریسنده ، شرق و جنوب طرفلردہ بر چوق قبیلہلر اقامت ایدرلردی . بو قبیلہلرک اسملری بر اولمادینی کبی ہپسی دہ بر ملت تشکیل ایتزلردی ؛ بونلر اومبریہ نلر ، سابه نلر ، وولسکلر ، ٹے کلر ،

آرتق بو ، نومیدانه بر محاربه اولدی . آ که نه لیلر ایلك دفعه سنده مغلوب اولنجه تکرار بر اردو دها تشکیل ایلدیلر ، قادینلری و چوجقلریله برابر محاربه یه کیتدیلر . جنرال دیوس بتون عائله سی ایله اوینه قپانه رق اوینی آتله دی .

مرکز مقاومتی (قوره نت) تشکیل ایدیوردی ؛ رومالیار (قوره نت) ه کیرمشلر ، ارککلری قلیجدن کچیرمشلر ، قادینلرله چوجقلری ده اسیر کبی صاتمشلردی (۱۴۶) . شهر یغما واحراق ایدلمشدی ؛ شهرک هر طرفی آثار نفیسه ایله ملو ایدی ؛ او صره ده اک بیوک رساملرک یادیغی تابلولرک توزلر ایچنه آتیلدیغی ، روما عسکرلرینک بونلر اوزرینه یاتاراق زار اوینادقلری کورولمشدی .

مطالعه اولوناجق آثار :

- فوستهل دو قولانز ، شهر قدیم . - درویزن ، یونانیلک تاریخی . -
- مومزن ، روما تاریخی . - دورووی ، یونانیلرک تاریخی .

ایستیلر . — رومالیلر اولادشمن کی طاورانمامشلردی .
 — ۱۹۷ سنهسنده قونسول فلامینیوس ماکدونیاقرالی مغلوب
 ایتدکن صوکره قورهنت برزخنه کلیور ، برزخ اویونلری
 اجرا ایتک ایچون طوپالانان یونانیلر مواجههسنده « بتون
 یونان اقوامنک حریتی » اعلان ایدیوردی . اهالی سروردن
 شاشیره رق بیان تشکرا ایچون فلامینیوسه تقرب ایتدی ؛ هرکس
 بو مخلصی سلاملاق ، انک یوزینی کورمک ، اینه سورنمک
 ایستیلر ؛ باشنه تاجلر ، چلنکلر آتیلوردی . اهالی کندیسنی
 او قدر صیقیشدیردی که فلامینیوس آز قالدی بوغولاجقدی .
 فقط براز صوکره رومالیلر کندیلرینی حاکم کورونجه
 اجرای حاکمیتده ایتک ایستیدیلر . زنکینلر انلره کمال ممنونیتله
 اطاعت ایتدیلر . روما ، فقیرلر فرقهسنی دویرمک ایچون انلره
 خدمت ایتدی . بو حال تمام قرق سنه دوام ایتدی .

نهایت ۱۴۷ سنهسنده روما قارطجه ایله مشغول اولدیغی
 صرمده ده موقراسی فرقهسی یونانستانده غالب کله رک رومالیلره
 اعلان حرب ایتدی . یونانیلرک بر قسمی بوندن دوچار دهشت
 اولدی ؛ برچوقلری روماعسکرلرینی قارشیلایه رق وطنداشلرینی
 و کندیلرینی افشا ایتدیلر ؛ بعضلری اوزاق شهرلره
 فرار ایدیور ، بعضلری ده کندیلرینی قیولره ، اوچوروملره
 آتیورلردی . مقاومت طرفداری اولان رؤسا زنکیلرک
 ماللرینی حمز ، بورجلری الغا ، اسرایه سلاحلر اعطا ایلدیلر .

رومالیہ کے منفقری . — بو ایکی اتحاددن ہیچ بری ده تکمیل یونان شہر لرنی بر یرہ طوپلایہ جق درجہ ده احراز قوت ایدہ ہدی . او سرہ ده رومالیر میدانہ چیقدی . اولاً ما کدونیا قرالی فلیپ (۱۹۷) ، دہا سو کرہ سوزیہ قرالی آنطیوکوس (۱۹۳ — ۱۶۹) بونلرلہ حرب ایتدی . فقط ہر ایکسی ده مغلوب اولدی . روما ، بونلرک اردولرنی محو ایدرک دونمالرنی کنڈیسنہ تسلیم ایتدیردی . کذا ما کدونیا قرالی پرسہ یی ده مغلوب ایتدی . پرسہ یی اسیر و قرالغنی محو ایلدی (۱۶۷) .

یونانیلر کنڈیلرنی مدافعہ ایچون برلشمکہ ہیچ غیرت ایتدیلر ؛ زنکینلرلہ فقیرلر متادیاً بر برینی دیدیکلیور ، ہر فرقہ اجنبیدن دہا زیادہ کنڈیسنہ مخالف فرقہ دن نفرت ایدیوردی . دہ موقراسی فرقہ سی ما کدونیا قرالی ایلہ اتفاق ایتشدی ؛ بونک اوزرینہ اولیغارشی فرقہ سی ده رومالیری چاغیردی . — تبلی دہ موقراتلر فلیپک اردوسندہ محاربه ایتدکاری اٹنادہ تبلی اولیغارشی طرفدارلری دہ شہرک قپولرنی روماجنرالنہ آچیورلردی . — ردوسدہ روما علیہندہ حرکت ایدن ویاسوز سویلینلر ہپ اعدامہ محکوم ایلدی . — حتی آکھ نلینلر ارمسندہ روما طرفدارلرندن قلیقراط ، پرسہ یہ طرفدار اولمقلہ اتہام ایلدیکی بیک کشینک اسمیسنی تنظیم ایتدی ؛ بو مضمونلری رومانہ کوندرمک بلا محاکمہ یکر می سنہ اورادہ توقیف ایتدی .

اولان اقوام آرتق دوچارضعف اولمشلردی. اوچنجی عصردن اعتباراً ک صاحب نفوذ قوملر، غرب اقوامی، یعنی قورهنت کورفزینک شمالنده کی طاعنرده اقامت ایدن نه اولییه نلر ایله مذکور کورفزک جنوبنده پهلوپونهز ساحلنده اقامت ایله این آکه نه لیلر ایدی. بونلر بر شهر حالنده دکل، بر اتفاق صورتنده تشکیل ایدلمشلردی. هر شهرک آیری بر اداره سی واردی؛ فقط هپسنگ بر اتحاد مجلسی موجوددی. حربه، معاهده لره، هر شهرک نه قدر عسکر چیقاره جغنه بوراده قرار ویریلیر، اتحاد اردوسنه قوماندا اید جک جنرال بوراده انتخاب ایدیلیردی.

ایشته یونان شهرلری، دشمنلری اولان بو ایکی اتحادده تقسیم اولوندیلر. علی العموم نه اولی اتحادی ده موقراسی فرقه سنی، آکه نه لیلر اتحادی ده اولیغارشلی فرقه سنی التزام ایدیوردی.

آکه نه لیلر اتحادینک باشنده ایکی مشهور قوماندان واردی: بونلردن اوچنجی عصرده آراتوس، یگر می یدی سنه مدت (۲۲۴ - ۲۵۱) یونانستانلی طولاشمش، بتون شهرلردن تیرانلری چیقارمش، زنکینلری یرلرینه کتیره رک انلره ماللرینی و حکومتلرینی اعاده ایلمشدی؛ ایکنجی عصرده ده فیلوپه من اسپارطه تیرانلری ایله محاربه ایتمش، مه سه نیلیر طرفندن اولدیرلمشدی.

فقیر لر ککی ده (ده موقراسی) یعنی حا کیمت عوامدی ؛ بو اصول اداره ده صلاحیت ملت مجلسنده ایدی . هر ایکی فرقه ده سائر شهرلرده کندیلرینه مشابه فرقه لره ائتلاف حاصل ایدرلردی . ایشه بو صورتله بتون یونان شهرلرینی تقسیم ایدن ایکی اتحاد وجوده کلدی ؛ بونلرک بری ز نکی نلرک یا خود اولی غارشی اتحادی ، دیکری ده فقیر لرک یعنی ده موقراسی اتحادی ایدی . بو اداره پدلو پونه ز حربی ائناسنده باشلادی . آتیه ده موقراسی فرقه سنی ، اسپارطه اولی غارشی فرقه سنی التزام ایدیوردی . فقیر لرک حاکم بولوندیغی شهرلر آتیه ایله ، ز نکی نلرک اداره ایتدکلری شهرلرده اسپارطه ایله اتفاق ایدیوردی .

ز نکی نلرله فقیر لر ارسنده وقوعه کلن داخلی حربلر اوج عصر قدر (۴۳۰ : ۱۵۰) دوام ایتدی . شهرلیردن بر چوغنی قتل ، قسَم اعظمی نفی ایدلدی . بو منفیلر ، هیچ بر چاره سز بتون دنیایی طولاشیرلردی . بونلر عسکر لکلن بشقه بر صنعته واقف اولمادقلرندن اسپارطه نک ، آتیه نک ، بیوک حکمدارک ، ایران ساطرا پلرینک ، حاصلی کندیلرینه کیم پاره ویرسه انک اردوسنه اجرتلی عسکر صفتیه داخل اولورلردی . اسکندرله قارشی محاربه ایدن دارانک اردوسنده ۵۰۰۰۰ یونانلی واردی . بو آدملر مملکتلرینه همان هیچ عودت ایتمزلردی .

امبارله . — پونانستانه . اسپارطه یه ، آتیه یه ، تبه حاکم

یونلر برچوق شهرلرده : « اهالییه دائمادشمن اولمغه وانلره
 لیمدن کلدیکی قدر فالق ایتمکه یمین ایدیورم. » دییه کندی آرهلرنده
 یمین ایدیورلردی . — ایکی طرف ییننده ائتلاف حاصل ایتمک
 یچون هیچ برچاره موجود دکلدی؛ زنکینلر ثروتلرندن وازچمکه
 راضی اولیه جقلری کبی فقیرلرده آجلقدن اولمکه اصلا راضی
 ولامازلردی . آرسطو : « بتون بواختلالر ثروتلری تقسیم
 یچون قویور . » دیردی . — پولیپده : « هر حرب
 داخلیدن مقصد ، ثروتلری تبدیل ایتمکدن عبارتدر . » دیور .
 ایکی قومشو اره سنده دائماً یاپلدینی کبی ، بو محاربه لرده
 وحشته اجرا ایدیلیوردی . « میلهتده اولا فقیرلر غالب
 گلشیر ، زنکینلری شهردن فراره مجبور ایلشلردی . فقط
 الاخره انلری قتل ایتمکدکرینه نادم اوله رق چوجقلرینی
 یقالامشیر ، جمله سنی آنبارلره طوپلامشیر ، اوکوزلرینک
 آیاقلری آلتنده اذیرمشلردی . صوکره . زنکینلر شهره
 کیره رک احراز حاکمیت ایتمشیر ؛ بو سفرده یونلر فقیرلرک
 چوجقلرینی یقالامشیر ، زیفته بولایه رق دیری دیری یاقمشلردی . »
حاکمیت عوام و اولیغارشلی . — زنکینلرله فقیرلرک ،
 هر ایکی فرقه نکه ده مرجح کوردیکی بر اصول اداره واردی :
 یونلر حاکم اولور اولماز . شهرده درحال بو اصول اداره یی
 ناسیس ایدرلردی . زنکینلرک اداره سی (اولیغارشلی) ایدی ؛
 بو اصول اداره ده اداره حکومت بر قاق کشینک آنده ایدی .

فیلسوفلر: «صنعت و جودی یورار، روحی دوچار ضعف ایدر، مصالح عامه ایله اوغراشمغه وقت برافاز.» دییورلردی. کذا آرسطوده: «تشکیلاتی مکمل بر شهر، بر صنعتکاری شهرلی اولارق قبول ایتملیدر.» دییورلردی. یونانستانده کی شهرلیلر (نجیب بر صنف) تشکیل ایدرلردی؛ اسکی فرانسه اصیلزاده لری کبی انلر ایچون ده اکشایان تجیل مشغولیتلر، اداره حکومت و اجرایی حرب ایتمکدی؛ ال ایشرلی کورمک مغایر قانون حرکت ایلمکدی. بونک ایچون اسیرلرک رقابتی و حالارینک نجاتی یوزندن شهرلیلرک قسم اعظمی صوک درکه سفالته گرفتار اولمشلردی.

شهرلری فقیرلر اداره ایدر، فقط یاشامق و سائطه اصلا مالک بولونمازلردی. نهایت بونلرک عقلنه زنکینلری صویمق کلدی. زنکینلر انلره مقاومت ایچون آره لرنده شرکتلر تشکیل ایتدیلر. یونان شهرلرینک هربری ایکی قسمه تقسیم ایدلدی: «اقلیت» تعیر اولونان زنکینلر، «اکثریت» یاخود «اهالی» تعیر ایدیلن فقیرلر. زنکین و فقیر یکدیگرندن نفرت ایلور، بر بریله محاربه ایدیورلردی. حاکمیت فقیرلرده قالدیغی زمان بونلر زنکینلری نفی ایدیور، ماللرینی حجز ایلورلردی. اکثریا تدابیر اساسیه ده اتخاد ایدیورلردی:

اولا: بورجلری لغو ایدیورلر؛

ثانیاً: اراضی بی یکیدن تقسیم ایلورلردی.

زنکینلر راس کاره کچدکلری زمان فقیرلری نفی ایدیورلردی.

اون يدنجي فصل

يونانستانده صوك مبارزه لر

اتحاد لر . - استيلا

داخلي هر بيلر . - يونان شهر لر ينك همان كاهه سنده بتون
اراضي، بتون صنايع دستگاهلري، بتون تجارت كيلري، حاصل
بتون منابع واردات هپ براقچ اصيل عائله نك النده ايدى . ديكر
عائله لرك، يعنى اكثر يتك (۱) نه اراضيسي، نه پاره سي واردى .
شو حالده بر شهرلى تاهين معيشت ايچون نه يابا بيليردى؛ چفتجى
اولارق، عمله اولارق، كيجى اولارق چاليشمق، دكلى؛ فقط
مال صاحب لر ينك اراضيلرنده، دستگاهلرنده، كيلرنده چالیشان
بر چوق اسير لر انلره حر بر آمدن دها اوجوز كيلوردى؛ چونكه
يونلري ابي اعاشه ايمور لر، پاره ده وير ميور لردى . . . كندى
حسابلرينه مى چاليشسينلر؛ فقط پاره نادردي؛ يوزده اوندن اشاغى
فأضله پاره بولمق امكان خارجنده ايدى : او حالده استقراضى ده
عقله كتره مك لازمه دى .

صوكره، بر شهرلرينك صنعتكار اولسى عاداته مغايردى .

(۱) يونان شهرلرينك همان كاهه سنده فرانسزلرك بورژوازي سنه مشابه
متوسط بر صنف اهالى موجود دكلى . بو خصوصه آتته ، ۱۳۰۰۰
اوافق ملك صاحب لري ايله شايان حيرت براستثنا تشكيل ايديبوردى . انك
ايچون اك آزاختلال ده بوراده وقوعه كلشدى .

اولان (برغمه) شهری (اسکندریه) کی صنعتکارلر وادیبلر
مقری اولمشدی . برغمه هیکلتراشلری میلاددن اوچ عصر اول
مشهور برمسلك وجوده کتیرمشلردی .

اسکندریه ده اولدیفی کی برغمه ده ده بیوک برکتبخانه واردی ؛
قرال آتال مؤلفین قدیمه نک بتون آثارینی بورایه جمع ایلمشدی .
او آنه قدر استعمال اولونان پایروسک یرینه قائم اولمق اوزره
دریلر احضار ایتمک صنعتی (برغمه) ده ایجاد اولونمشدر . بویکی
« برغمه کاغدی » (ترشه) اولوب ازمئه قدیمه نک بتون آتاری
بو کاغد اوزرنده حفظ ایدلمشدر .

موزه ، عالمیره ، ریاضیونه ، هیئتشناسلره ، اطبایه ، صوفیونه برمقر تشکیل ایدر ، بونلر حکومت حسابنه اعاشه اولونوردی . اکثریاقرال بونلره حرمت ایچون انلرله برابرطعام ایدردی . بوعلملر قونفرانس ویررلر ، ویابرشی قرائت ایدرلردی . بونلری دیکله مک ایچون یونانستانک هر مملکتندن کلیرلردی ؛ تحصیل و تربیه ایچون کنجلر اسکندریه یه کوندریلیردی . ایشته بوصورتله اسکندریه یه ، روایت کورد ، ۱۴۰۰۰ طلبه طویلانمشدی .

موزه هم برکتبخانه ، هم براقاده می ، هم ده بر مکتب ، یعنی دارالفنون کبی برشیدی . بوکون بزجه معلوم اولان یونوع مؤسسه ، اوزمانلر ایشیدلمهش بریکیلکدی . اسکندریه ، موزه سی سایه سنده شرقیلرله یونانیلرک ، مصرایلرک ، یهودیلرک و سوریه لیلرک موعدملاقاتی اولمش ؛ هرکس دینی ، فلسفه سنی ، علمنی بورایه کتیره رک اختلاط ایتملردر . اوزمان اسکندریه برچوق عصرلر جهانک مرکز علم و حکمتی حالنه گلش واوله قالمشدر .

برغم . - آسیای صغرا ده کی برغمه قرالغی کوچوکدی ؛ انک ایچون هییج بروقت صاحب نفوذ اولامامشدی (۱) . فقط پایتختی

(۱) قرال آتلاک آناتولی غولوالرینه (غلاتیلره) قارشی احراز ایلدیکی مظفرتی اخطار ایچون بونلره اعمال ایتدرمش اولدیغی هیکلرک برقاچ دانه سنی زمانمزه قدر انتقال ایلشدر .

بر بنایدی . مصر قرالیری بوراسنی فنی بیوک بر مؤسسسه حاله کتیرمک ایسته مشلری .

موزدهده بیوک بر کتبخانه واردی (۱) . حافظ کتب هر نه کتاب بولورسه آلمق وظیفه سنی حائزدی . مصره داخل اولان هر کتاب کتبخانه یه وضع اولونوردی . مستنسخلر ال یازیلرینی قوپیه ایدرلر ، بوقوپیه یی کتاب صاحبنه ویردرک تضمین ایدرلردی . ایسته بوصورتله هیچ کورولمه مش مقدارده (روایت کوره ۴۰۰۰۰۰ جلد) کتاب جمعنه موفق اولمشدی . اوزمانه کلنجیه قدر آثار مشهوره یازمه لری طاغنیق وغائب اولمق تهلدکسنه معروض قالردی ؛ آرتق اولدن صوکره بونلرک نردهده بولوناجنی معلوم اولمشدی .

موزدهده بر نباتات بانچه سی ایله بر رصدخانه ، مصر لیلرک اعتقادات سخیفه لرینه رغما تأسیس ایدلمش بر تشریح خانه ، حتی برده کیمیا لابوراتواری واردی . (بطلموس سالانه سندن قرال فیلادلف اولومدن پک زیاده قورقدینی ایچون عمرینی آرتدیره جق برا کسیر بولمق ایچون بوراده سنه لرجه چالشمشدر .)

(۱) موزده کتبخانه سی سزارک اسکندریه یی محاصره سی اثناسنده یانمشدر . فقط بونک سه راپه نومدهده بر شعبه سی واردی ؛ بوشعبه ده روایت کوره ۳۰۰۰۰۰ جلد کتاب موجوددی . بوایکنجی کتبخانه تک یدنجی عصرده اسلام لر طرفندن احراق ایدلدیکی بیان ایدلمکده ایسه ده بونک دها اول یانمش اولمی محتملدر .

اسكندریه . - بطلمیوسك نسلندن اولان (۱) مصرده کی یونان قرالری وقتیه اسکی حکمدارلرک آدقلری فرعون نامنی قبول ایلدیلر؛ باشلرینه تاج کییه رک انلرکی کونشک اوغلی عنوانیه کندیلرینه پرستش ایتدیردیلر . فقط اطرافلرینه هپ یونانیلری طوبادقلری کی پاتخنلری ده دکز کنارنده بریونان شهرنده، اسکندرک امری ایله تاسیس ایدیلن یکی شهرده، اسکندریه ده تاسیس ایدیلر .

اسكندریه برپلان اوزرینه انشایدلمش اولدینی جهتله سائر یونان شهرلرندن دهامنتظم ایدی ؛ ۳۰ متره کنیشلکنده ، ۶ کیلو متره اوزونلغنده بیوک بریول ، شهرک بویلی بونجه کچوردی . اطرافنده ده جسیم آده لر، عمومی اویونلر ویریلن (ستاد)، ژیمناز، موزه و آرسی نه نوم واردی .

لیمان ، فاروس آطه سنی قره یه ربطایدن ایدن ۱۳۰۰ متره طولنده برسندن متشکل ایدی . بو آطه نك تا اوجنده مرمر بر قوله واردی ؛ قوله نك تپه سنده لیمانه کیرمک ایسته یین کیلری آیدینلاقم ایچون دائما آتش یاقیلیردی . ایشته (فار) یعنی دکز فناری نامی بورادن نشأت ایتمشدر . اسکندریه ، فنیکه شهرلرینک یرینه قائم اولمش، بتون جهانک اک بیوک بر تجارت لیمانی حاله ککشد .

مرزه . - موزه ، سرای قرالی یه مربوط مرمردن واسع

(۱) بونلره بطلمیوسك پدری نامنه نسبتله (لاژید) دیرلردی .

ویا سوکره دن آیرلمشردی : اوروپاده آپیر؛ - آسیای صغرا ده
پونت ، بیتینی ، غالاتی ، قپادوکیا ، برغمه ؛ - ایرانده باختریان ،
پارتی . ایشته بو ، اسکندر حکومتک پارچه لائمی ایدی .

شرقده یونانده مریقی . - بویکی قرالقلرده قرال ، یونانی
ایدی ؛ یونانیجه سویلمکه ، یونان معبودلرینه پرستش ایتمکه ، یونان
اصولنجه یاشامغه آیشغین اولدیغندن لسانی ، دینی ،
اعتیاداتی دائما محافظه ایدردی . تبعه سی آسیالی ، یعنی
باربار ایدی ؛ فقط اطرافنه یونانیلری طوپلامق ایستر ،
اردوسنی اجر تلی یونان عسکرندن انتخاب ایدر ، یونان مأمورلرینه
حکومتی اداره ایتدیرر ، سراینه یونان شاعرلرینی ، عالملرینی ،
صنعتکارلرینی جلب ایدردی .

دها ایران حکمدارلری زماننده ایرانده برچوق یونانیلر ،
مهاجرلر ، تاجرلر ، بالخاصه عسکرلر واردی . یونان قراللری
بونلری برقات دها چوغالتدیلر . یونانیلر بتون آسیایه اودرجه
یایلدیلر که نهایت یریلر یونان عاداتی ، دینی ، اخلاقی ، حتی
لسانی قبوله مجبور اولدیلر . شرق ، آرتق آسیالی اولمقدن چیقهرق
یونانی اولدی . ایلك عصرده رومالیلر بوحوالیده یونانیلره
بکزین وکافه سی ده یونانیجه تکلم ایدن قومدن بشقه کیمسه یه
تصادف ایتدیلر (۱) .

(۱) آناطولیده یازیلان اناجیل ایله افعال حواریون هپ یونانیجه ایدی .

اون آلتنجی فصل

یونان قرالقلری نیک تأسسی

اسکندریه . - موزه . - آسیا قرالقلری . - شرقده یونان مدینتی .

اسکندر حکمرتنک محوری . - اسکندر آدریباتیقدن سند

نهرینه ، مصردن قفقاسیه یه وارنجیه قدر بترن اسکی قطعه نی یالکز بر حکمدارک اداره سی آلمه طوبلادی . بوواسع ایمرای طورلق کندندن صوکره چوق دوام ایتدی . وفاتی متعاقب جنراللری کندیسنه خلف اولق ایچون محاربه لر ایتدیله . اول اسکندر عائله سندن برینی ، قاردشنی . اوغلنی ، والده سنی ، همشیره لرینی ویاخود زوجه لرندن برینی حمایه بهانه سیاه ، دها صوکرده آچیقندن آچیغه کندی ناملرینه اولق اوزره تمام ۲۰ سنه بربریه حرب ایتدیله . بونلرک هربری ما کدونیا اردوسندن ویا اجرتلی یونان عسکرندن کندیسنه برفرقه طرفدار ایدینشدی . اوزمانلر یونانلر آسیایی اله کچیرمک ایچون بربری ایله محاربه ایدیورلردی . اهالی ، یونانلر ایرانیلری مغلوب ایدرلرکن یابدقلری کبی بونلرده نظر لاقیدی ایله باقیورلردی .

حرب ختام بولدنیغی زمان یالکز اوچ جنرال قالمشدی .

بونلرک هربری اسکندرک میراثندن کندیلرینه بربر بیوک قراللق آیرمشلردی : بطلمیوس مصرده ، سه لوکوس سوریه ده ، لیزیماق ما کدونیا ده . دها اوافق برطاقم قرالقلرده اوزمانلر

اسکندر مصرده ، تاتارستانده ، تاهنده وارنجیه قدر ۷۰
شهر ، یعنی برجوق اسکندریه لر تأسیس ایشدر .

بیوک حکمدارک بیهوده یره صندوقلرینه طولدیردینی
خزائنی تبههسنه توزیع ایشدر .

آسیانک نباتات ، حیوانات وجغرافیاسنی تدقیق ایچون
کندسیله برابر یونان علملری کوتورمشدر .

خصوصیله آسیا اقوامنی یونانیلرک اسان وعاداتنی قبول
ایتمک حاضرا مشدر . بونک ایچون اسکندره (بیوک) لقبی
ویرلشدر .

مطالعه اولونا جق آثار :

غریبتی ، یونان تاریخی .- درویزن ، یونانیلک تاریخی .- دوروی ،
یونانیلرک تاریخی .

هر مظفریت اسکندرہ بر مملکت قازان دیر یوردی : غرانیک
 محاربه سی آسیای صغرای، ایسوس محاربه سی سوریه ایله مصری،
 آر بهل محاربه سی ده حکومتک متباقی قسمی قازان دیر مشدی .

اسکندر ایران حکومتنه حاکم اولدقن صو کره کن دیسنه
 بیوک حکم دارک وارثی نظریله باقدی، ارقه سنه ایران البسه سی
 کیدی، ایران سرانیک مراسمی قبول ایتدی، معینده کی
 یونان جنرالینی ایران عادتی موجبجه او کنده دیز چوکمه
 مجبور ایدی . ایرانلی برقادینه ازدواج ایتدی، ضابطلرندن
 ۸۰ کشی به ایرانک اصیلزاده قیزلرینی تزویج ایدی . حکومتی
 اسکی حکم دارلر قدر توسیع ایتک ایتدی؛ هندستانه قدر،
 فتح ایلیه رک، جنکاور قبیله لرله محاربه لر ایده رک ایلیله دی .
 اردوسی ایله (بابل) ه کادی (۳۲۴)؛ هنوز اوتوز اوچ یاشنده ایکن
 برقاچ کون ایچنده صیتمه دن وفات ایتدی (۳۲۳) .

اسکندرک آتاری . - اسکندرک مرامی نه اولدیغنی
 کلامق پک مشکلدیر . ذوق فتوحات ایله می استیلا ایدیوردی؛
 یوقسه خصوصی بر مقصدیمی واردی؛ حکومتنک بتون اقوامنی
 بر ملت حاله می قلب ایتک ایت یوردی؛ بر مثال کوسترمک ایچونمی
 ایرانلی اولیوردی؛ یوقسه یالکز تفاخر اولق اوزره می بیوک
 حکمداره تقلید ایدیوردی؛ - حاصلی اسکندرک نه فکرده بولوندیغنی
 بیله میز . فقط افعالندن هر حالده پک عالی نتیجه لر حاصل اولمشدر (۱) .

(۱) مونتسکیو، روح الشرایع، ۱۰، ۱۴

ماکدونیا لیلرک سرورینه مانع اولابیلرلردی؛ فقط او صروده ممنون وفات ایتدی، اردوسی طاغیلدی. اسکندر یکانه خصم مدهشندن قورتولنجه ایران حکومتی ایکی سنه ایچنده فتح ایتدی.

ایرانی اوچ مظفریتسه فتحه موفق اولدی. آناتولیده (غرانیک) طاغلری کریسنده بولونان ایران قطعاتی مغلوب ایتدی (۳۳۳ مایس). - کیلیکیا بوغازنده کائن (ایسوس) ده، روایته کوره ۶۰۰۰۰۰ کیشیک اردوسی ایله برابر ایران حکمداری دارایی مغلوب ایتدی (۳۳۳ تشرین ثانی). - دجله جوارنده (آربل) شهرنده ده بوندن دها بیوک براردوی طاغیدوب قلیجدن کچیردی (۳۳۱).

بوعادتا مدیا حربلرینک عینی ایدی. ایران اردوسی ایی تسلیم ایدلمه مش، مانوره یامغی بیلیموردی. عسکرلردن، اوشاقلردن، آغرلقلردن مرکب برکتله ایچنده کندی حرکتنه مانع اولیوردی. یالکز کزیده قطعله محاربه ایدیور، اوبرلری بوزولیور، کندیلرینی تلف ایتدیریموردی. میدان محاربه لری ارمسند و قوعه کلن فتوحات، عادتا برتفرج مظفرانه ایدی. هیچ قارشی طوران اولمیوردی (۱)؛ چونکه ایران حکومتنده کی اقوامک دارایه ویا اسکندره تابع اولسنک نه فرقی واردی؟

(۱) اسباب تجاریه دن طولانی یونانیلره رقیب اولدینی ایچون یالکز فیکه لیلرک (تیر) شهری مقاومت ایتدی.

اردولرينڪ اڪ مڪملى اولان ماكدونيا اردوسنى پراشدى .
 بواردو پياده فالاترى ايله سواری قطعه سندن مركبى .

ماكدونياليلرك فالاترى ۱۰۰۰ كشيلىك برجهيه، ۱۶ كشيلىك
 بردرينلكه مالك يعنى ۱۶۰۰۰ كشيدين عبارتدى . هرنفرك (سناريس)
 دنيلن ۶ متره اوزونلغنده بر مزراغى واردى . ماكدونياليلر
 محاربه ميداننده هپ براستقامتمده دشمنه طوغرو يورويه جك
 يرده يرلرندن قيلماملر؛ آرقه صروده كيلر اوك صروده كيلرك
 باشلى اوستندن مزراقلىرى دشمنه طوغرو طوتارلىرى . فالاتر
 «دميرديكنلى برجانوار» ه بگزردى ؛ دشمن بوجانواره قارشى
 چارپوب قيريليردى .

فالاتر محاربه ميدانى محافظه ايتدىكى ائنده اسكندر
 سواريلرينك باشنه كچهرك دشمنه هجوم ايدردي . ماكدونيا
 سواريسى اصيل كنجلردن مركب ممتاز بر فرقه ايدى .

آسيا نقره مانى . - اسكندر ۳۳۴ سنهسى بهارنده (قسم
 اعظمى ماكدونيالى اولمق اوزره) ۳۰,۰۰۰ پياده و ۴۵۰۰
 سواری ايله حرکت ايتدى . ياننه ۷۰ طالان (۴۰۰,۰۰۰ فرانق)
 ايله قرق كونلك ييه جك آلدى . اسكندر ، يالكر سرخسك
 زورله سوروكاهديكى فنا تسليح ايداش اقوام ييغينلريله محاربه
 ايتيه جكدى ؛ ردوسلى ممنون كى ماهر بر قوماندانك اداره سنده
 اولمق اوزره بيوك حكمدارك خدمتنه داخل اولان ۵۰۰۰
 يونانيدن مركب بر اردو ايله ده محاربه ايده جكدى . بويونانيلر

در حال بتون یونان شهر لرندن مرکب عمومی بر اتفاق تأسیس ایدلدی. هر شهر کندی کندینی اداره ایده جک، دیگر شهر لرله مسامت اوزره یاشایه جقدی؛ حر بلره، اختلافات داخلیه، نفیلره، حجزلره قرار ویرمک ایچون بر مجلس متفقین تشکیل اولوندی. بومتفقلر ما کدونیا قرالی ایله اتفاق ایدیور، بتون یونان قطعات بریه و بحر یه سی قوماندانغنی اکا احاله ایلدیوردی. فلیپه قارشی حرب ایتمک هر یونانلی یه نفی جزاسیله منع ایدیلدیوردی.

اسکندر. — ما کدونیا لی فلیپ ۳۳۴ سنه سنده قتل ایدلدی. اوزمان اوغلی اسکندر یکر می یاشنده ایدی. بتون یونان اصیلزاده لری کپی اوده تربیه جسمانیده ماهر. متین بر مبارز، مکمل بر بینجی ایدی (کندی حرب بارگیری بوسه فالی اوندن بشقه کیمسه اداره ایده مزدی). فقط عین زمانده سیاسته، بلاغته، تاریخ طبیعی یه ده واقف ایدی. ۱۳ یاشندن ۱۷ یاشنه قدر یونانستانک الیبوک عالمی آرسطودن درس کورمشدی. (ایلیادی کال شوق ایله مطالعه ایدر. انی صنعت عسکریده بر رهبر عد ایلر، انده کی قهرمانلری تقلید ایدردی. فتوحاته فطوره مستعددی؛ چونکه دو کوشمکن حظ ایدر، تمیز ایتمک آرزو ایلردی. پدری اکثریا کندیسنه: «ما کدونیا سنی استیعاب ایده میه جک درجه ده کوچو کدر!» دیردی.

فالانتس. — فلیپ، اسکندر ذی قدرت بر آلت ظفر، یونانستان

ایتمڪه ، (تب) ه مرخصلر کوندرمڪه قرار ویردیلر . بوهیت مرخصه ریاستنده دهموستهن بولونیوردی ؛ دهموستهن (تب) ه کلدیکی زمان فلیپ طرفندن ده کوندرلمش بر هیئت مرخصه به تصادف ایندی ؛ تبلیلر تردد ایدیورلردی . دهموستهن اسکی انتقاملری کاملاً اونوتملرینی ، یونان وطنک سلامتینی ، ناموس وحریتک محافظه سندن بشقه برشی دوشونمه ملرینی تبلیلره توصیه ایندی ؛ نهایت آتھیلرله اتفاق ایدوب حرب ایتمڪه انلری اقناع ایلدی .

برسنه صوکره (۳۳۸) (بهئوتی) ده کائن (کرونه) ده بر محاربه اولدی . اوزمانلر ، قرق سکز یاشنده بولنان دهموستهن عادی بر عسکرکی خدمت ایدیوردی . فقط سریعاً طوپلانان آتھیلرله تبلیلرک اردوسی ، فلیپک قوجامش عسکرلرینک بردرلو یرینی طوتامادی . نهایت انهمه دوچار اولدی .

ماکدونیائڪ هاکیمتی . - فلیپ غالب کلنجه (تب) ه عساگر محافظه وضع ایندی ؛ آتھیلرله صلح تکلیف ایلدی . صوکره پهلوپه نهزه کیردی ؛ بوراده اسپارطه دن ظلم کورن اقوام طرفندن بر مخلص صفتیله قبول ایلدی . آرتق اوندن صوکره هیچ بر مانعه به تصادف ایتمدی . (قوره نت) ه کلدی (۳۳۷) ، بتون یونان شهرلرندن کلن مرخصلری (یاالکز اسپارطه لیلر ده هیچ مرخص کوندره ه مشلردی) بورایه طوپلادی ؛ ایرانی استیلا ایتمک ایچون بر یونان اردوسنک باشنه چکمک حقنده کی فکرینی اکلادتی . مرخصلر بونی موافق کوردیلر ؛

طوره جقمیسکز؟ ینه سویلیورم، اللی کمی تسلیح اتملی، ایجابنده
 انلره بالذات ینمکه عزم ایتلیسکز. بکا یالکز کاغد اوزرنده
 کورون نه او ۱۰۰۰۰ کشیلک اردودن. نه ده ۲۰،۰۰۰ اجنبیدن
 هیچ بحث ایتیکز؛ بن وطن خادمی عسکر لر ایسترم. «—
 ده موسته ن او چنجی نطقده (۳۴۱) ده آتله یارک عطالتی سایه سنده
 فلیپک نه درجه ترقی ایتدیکنی آتله یلره اخطار ایدیور:
 «وقتیه یونانیلر سائرلره ظلم ایتک مقصدیه نفوذلرینی سوء
 استعمال ایلدکلری زمان، بو حفسزلغه مانع اولمق ایچون بتون
 یونانستان آیغه قالدی؛ بوکون ایسه حیثیتسز برما کدونیا
 لینک، مشوم بر جنسه منسوب بر باربارک پوللون او یونلریله
 مشهور اولان یونان شهرلرینی خراب ایتسنه ویابو او یونلری
 اسیرلرینه اجرا ایتدیرسنه تحمل ایدیور. یونانیلر کوکدن
 دوشن طولویه باقارکی کندیلرینه اصابت ایتسین دییه دعا
 ایدرک بو حاللره ایشته او یله باقیورلر. فلیپی توقیف ایچون
 بر خطوه بیه آتیه رقانک نفوذی برقت دها تزید ایدیور؛
 بوفلاکتک نهایت اک اوزاقلرده کیلر ده سرایت ایده جکنی بتون
 عالم بیلدیکی حالده، ینه هرکس یونانستانک سلامتی ایچون
 دوشونوب غیرت ایده جک یرده بالعکس فلیپک دیکر بر یونانلی یی
 محو ایتمکه کچیردیکی زمانی وقت قازانمق عد ایدیورلر.»
 نهایت فلیپ (بهئوتی) مدخلنده (ئه لاته) شهرینی ضبط
 ایدنجه (۳۳۹) آتله یلر ده موسته نک توصیه سی اوزرینه حرب

آير، دڪزڪنارنده ايراد نطق ايدردي.) فقط تڪرار ڪرسيءَ
خطابته چيقدينيغی زمان سسنه تماماً حاکم اولدی، بتون نطقلرینی
اوکجهدن دقتله حاضر لامغه رعایت ایتدی؛ یونانستانک الک مکمل،
اک مقتدر برخطیبي اولدی .

اوزمانلر آئنده ادارهء حکومت ایدن وفوسیونک ریاستی
آئنده بولونان فرقه، محافظهء مسالمت طرفداری ایدی؛ آئنهک
ماكدونیا قرالی توقیف ایده جک درجده نه عسکری، نه ده
پارمسی واردی . فوسیون اهالی یه : « حربه مقتدر اولدیغکز
زمان بن سزه حربی توصیه ایدرم.» دیردی . ده موسته ن ایسه
بالعکس فلیپه نظر حقارتله باقار ، انی باربار تلقی ايدردي ؛
بونک ایچون فلیپه قارشى حرب ایتک ایسته ن فرقیه التحقاق
ایتمش ، آئنه لیلری مسالمت پولتیقه سندن واز کچیرمک ایچون
اولانجه بلاغتنی صرف ایشدر . ده موسته ن، یونانیلری حربه تشویق
هقصدیله تمام اون بش سنه هر فرضندن استفاده ایتشدر .

ده موسته نک نطقلرندن برچوغی هپ فلیپه تعرض فکرینه
مستنددر؛ انک ایچون کندیسی بونطقله (فلیپک) نامنی ویرمشدر .
شوبرنجی نطق ، ۳۵۲ سنه سنه عائددر : «ای آئنه لیلر! وظیفه
کزی نه زمان ایضا ایده جکسککز؟ بر بریکزه : «آمان
یکی نه حوادث وار؟ بر ماكدونیا لینگ آئنه یه غلبه ایدرک
یونانستانه حاکم اولمسی قدر شایان تعجب برشی اولابیلیرمی ؟
...» دیه سؤال ایدرک عمومی میدانلرده دها طولاشوب

ثالثاً : دیگر یونانیلری ایرانیلره قارشى كندی قوماندەسى
آلتنه كيرمك اچون زورلامقدى .

فلیپ ۵۴ سنه چالیشدی ؛ نهایت هپسنه موفق اولدی .
یونانیلر فلیپك بوفکرینه راضی اولدیلر ، حتی بر چوقلری
یاردمده ایتدیلر . فلیپ بتون شهرلرده کندیسینه پاره ایله
طرفدارلر تعیین ایتشدی ؛ بونلر هپ فلیپلهنده اداره افکار
ایدرلردی . فلیپ : «داخلنه آلتون یوکللی بر قاطر سوق ایدلرکن
صوکره ضبط اولونامیه جق هیچ بر قلعه تصور اولوناماز .»
دیردی . ایشته بوصولته یونانستان شمالی شهرلرینک کافه سنی
برر برر آلدە ایتدی .

فلیپك اك مشهور خصمی ، خطیب دهموستهن ایدی .
دهموستهن برسلاحجینك اوغلی ایدی ؛ یدی یاشنده یتیم قالمش ،
وصیلری ثروتنک بر قسمی آشیرمشدی . دهموستهن سن رشده
واصل اولنجه بونلرک علیهنده اقامه دعوی ایدی ؛ ثروتی اعاده یه
انلری مجبور ایتدی . دهموستهن ایزدنک نطقلرینی تدقیق ایتمش ،
توکیدیدک تاریخی از برله مشدی ؛ فقط کرسیء خطابته ایلك
دفعه ایراد نطق ایتدیکی زمان هرکس قهقهه ایله کولمکه باشلامشدی .
دهموستهنک سسی غایت آز ، نفسی قیصیقدی . (روایت کوره
دهموستهن سوقاغه چیقماق ایسته مه مک اچون باشنی یازی یه قدر
تراش ایتدیرر ، ایلرجه بریره قپانیر ، سسیله غلبه لکک
کورولتیسنه حاکم اولمغنی تعلیم اچون آغزینه چاقل طاشی

اون بشنچی فصل

ماكدونيانك اقبالی

فلیپ . - اسکندر . - آسیا فتحی

ماكدونیا . - اسپارطه ایله آتنه برعصر مدت حرب ایتدکن صوکره نهایت ایران حکمدارینه قارشی مبارزه دن صرف نظر ایتدیلر . اوزمان بو حربه یکی بر قوم، ماكدونیا لیلر باشلامشیر ، وکاملأ نهایت ویرمشلردر . ماكدونیا لیلر خشین، قبا بر حالدہ قالمش، اسکی دوریدیلر کبی چوبان و عسکر قومدی . یونانستانک شمالنده دکزه طوغرو آچیلان ایکی بیوک وادیده اقامت ایدرلردی . یونانیلر بونلره اودرجه اعتبار ایتمز لر ، وحشی نظریله باقارلردی . ماكدونیا قرالردی ده گندیلرینک هر اقلس نسلندن اولدقلرینی سویلرلردی . فقط بونلرک اولمپیاد او یونلرنده کی مسابقه لرده بار کیر قوشدیرملرینه مساعده ایدلمسی انلرکده یونانی اولدقلرینی تصدیق دیمکدی .

فلیپ . - دکزدن اوزاقده ، داخله طوغرو یرلشن بو قرال لر یونانیلرک حربلرینه اودرجه اشتراک ایتمه مشلردی . فقط ۳۶۰ سنه سنده ماكدونیا تختنه کینچ ، فعال ، جسور ، حریص بر دلیقانی ، فلیپ کجدی . فلیپ اوچشی آرزو ایتدی :
اولا : کندیسنه قوتلی براردو وجوده کتیرمک ؛
ثانیاً : ماكدونیا ساحلنده کی لپانلرک کافه سنی ضبط ایتمک ؛

اولمشدی . اسپارطه ، دکل یالکر یونانستانده ، په لوپونه زده بيله نفونینی ضایع ایلشدی .

بو صربلرک نتایجی . — بتون بو حربلر ، نتیجده یونانیلری یسکو وجود بر حاله کتیردی . هیج بر شهر ، نه اسپارطه ، نه آتنه ، دیگر شهرلری کندیلرینه رام ایده جک درجهده قوتلی دکلردی . نهایت بونلرده بر بیله محاربه ایدرک محو اولدیلر . — بوندن انک زیاده استفاده ایدن ایران حکمداری اولدی . یونان شهرلری آرتق بوکا قارشی اتحاد ایده مدکاری کبی هپسی ده بر برینی متعاقب یونانیلره قارشی انکله اتفاق ایتدیلر . مشهور (آنتالسیداس معاهده سی) نده (۳۸۷) بیوک حکمدار آناطولیده کی یونان شهرلرینک کاملاً کندیسنه عائد اولدیغنی بیان ایلدی ، بو ادعای اسپارطه قبول ایتدی . بر قاچ سنه سوکره آتنه ایله تبده بوکا امثال ایتدیلر . او زمان بر یونان خطیبی شو صورتله بیان مطالعه ایدیوردی (۱) : « یونانستانی اداره ایدن ایران حکمداریدر ؛ انک یامدیغنی برشی وارسه اوده شهرلریمزه والی کوندرمه مسیدر . مملکت مزده بتون اموری اداره ایدن او دکمیدر ؛ گویا انک اسیری ایمش کبی کندیسنه بیوک حکمدار دیمورمی یز ؛ » یونانیلر مدیا حربی ایله قازاندقلرینی ، یکدیگریله مبارزه ایدرک تکرار ضایع ایتشلردی .

بونك اوزرىنه اسپارطهده ، تبليلره حسد ايدن آتتهليلر ايله سيراكوزه تيراني دەنيس ايله اتفاق ايتدى ؛ دەنيس اسپارطهده غولوالى عسكەرلر كوندردى . تبك متفق اولان آرقادىيالير مغلوب اولدى . او زمان (تب) ايران حكمدارينك معاوتنى جلبه چاليشدى ؛ آسيابه كوندريلن پهلوپيداس بيوك حكمداردن بر نامه كتيردى ؛ بونامهده بيوك حكمدار تبليلره اتفاق ايلكى قبول ايتين يونانيلره حرب ايدەجكنى وعد ييوردى (۳۶۷) . فقط ديكر شهرلك ايران حكمداردن هيچ قورقورلى اولماديغندى بونلر اكا اطاعت ايتديلر .

تب، يونانستانى زير انقياده آلاجق درجهده قوتلى دكلدى . ئەپامینونداس بدئوتى اردوسيله تکرار پهلوپونهزده كوروندى ، مهسه نيلرى طوپلادى ، اسپارطهده آنسزین باصق ايستهدى ؛ فقط آژهسيلاس بونى خبر آلير آلاز درحال كلدى .

ئەپامینونداس (آرقادى) ده دشمن اردوسنه (ماتينه) جوارنده تعرض ايتدى . (لوقت) ده قوللانديغى عين وسائطله بوراده ده محاربهده قازاندى ؛ فقط بر كون اوق ضربهسيابه اورولدى واو كون وفات ايتدى .

آرتق تبليلر كنديليرنى سوق واداره ايدەجك قوما - ندانلرى قالمادى . (تب) ك اقبالى ختام بولمشدى . ئەپامینونداسك آناه ندن يالكز (مهسهنى) قالمش ، اوده مستقل بر حكومت

(آرقادی) ده (ماتینه) شهری، اسپارطه لیلر طرفندن منع اولوندیغی حالدده سورلرینی ییقیدردی. (تهژه) شهری اسپارطه طرفداری اولان زنکینلری قتل ایتدی. او زمانه قدر کویلاره ط-اغیلیمش بولونان غربی آرقادیالیلر هپ پریره طوپالانهررق (مهغالو پولیس) کبی مستحکم بر شهر تاسیس ایتدیلر.

نه پامینونداس، اسپارطه لیلره کندی مملکتلر نده ده تعرض ایتمه تبلیلری اقناع ایتدی. به ثوتی اردوسی (پهلوپونهز) ه کیردی، آرقادیالیلر و آرغوس لیلرله کسب قوت ایتدی، لاقونیا به کیروب اسپارطه اوکنده اردوکاه قوردی (۳۷۰)؛ اسپارطه لیلرک کندی طوپراقلری اوزرنده دشمن کورملری ایلك دفعه واقع اولیوردی. اسپارطه نك سورلری یوقدی. بونک ایچون (او زمانلر ۷۶ یاشنده بولونان) آژه سیلاس، هیلوتلری تسلیم ایتدی؛ شهرک اطرافنده کی تپه لری مدافعه حاله قویدی.

نه پامینونداس تعرضه جسارت ایده مدی؛ تخریب ایتدیکی بر مملکتده اردوسی اعاشه ایده مدیکندن عسکری کری به دوندیردی. فقط پهلوپونهزدن چیقمازدن اول، اوچ عصردن بری اسپارطه لیلرک تابعیتنده بولونان مه سه نیلیلری طوپلادی، مستحکم بر شهر تاسیس ایتلری یچون انلره یاردم ایتدی، بو شهره (مه سهن) دنیلدی؛ کذا قوملرینی ده تاسیق ایتدی.

تېلېلر ایلک اوجگه اسپارطه اردوسنه قارشى مملكتلرینی مدافعه یه مجبور اولدیلر ؛ اسپارطه لیلر برچوق سنه لر هر ایلک بهارده (بهئوتی) یه استیلا ایدرلر، آغاجلری کسرلر، اکیئلری یاقارلردی . تېلېلر هنوز منتظم محاربه نظامی آلارق محاربه ایتمکک جساتر ایده میورلردی ؛ فقط اوفاق اوفاق چرخه محاربه لری یاپه رق انلرده جساتر و تجربه اکتساب ایلدیلر . نهایت ئەپامینونداس ، اردوسنی آچیق صحرا ده محاربه ایده جک درجده قوتلی بولدی . اسپارطه هوپلیتلری (لوقتر) جوارنده ۱۲ نفر درینلکنده محاربه نظامی آلمشلردی . تېلېلرک هوپلیتلری آرز، فقط سواریلری چوقدی (چونکه بهئوتی ده چوق بارکیر یاشدیریلردی) . ئەپامینونداس ، سواریمی ایله صول جناحنی محافظه ایتمدی ؛ بو حال محاربه خطنی قیصالتمسینه مدار اولدی . فالانترینک ۵۰ صره دن مرکب اولان صول جناحی اسپارطه لیلرک صاغ جناحنی یاردی . قرال بوراده بولوندیغندن تلف اولدی (۳۷۱) .

بریونان اردوسنک اسپارطه اردوسنی مغلوب ایتمی ایلک دفعه واقع اولیوردی .

(تب) بردنبره یونانستانک اک نفوذلی بر شهری اولدی . (بهئوتی) نک بتون شهرلرینه حکم ایتمدی . اوزمانه قدر اسپارطه یه تابع اولان پهلوپونهز اقوامی ، کسب استقلال ایچون تېلېلرک معاوتنی طلب ایتمدی .

هرکیم کورسه، اکاکندینی سو دیرر، حرمت ایتدی برردی .
 سائر یونانیلری پک زیاده جذب ایدن پهلو ان کورشلرینه
 هیچ اهمیت ویرمزدی؛ فقط کندیسی قوشویه واسلحه استعماله
 آلیشقین ایدی . نه پامینونداس آیریجه بر اصول محاربه ایجاد
 ایتشدی .

بتون یونانیلر کبی تبلیلرده اسپارطه اصولنی قبول ایتشلردی؛
 هوپلیتلری ۸ ویا ۱۰ صره درینلکنده فالانتر حالنده صره لانیردی .
 قطه لرینک کاشافی هر طرفده بر برینک عینی ایدی . بتون قطعه
 اوزون وایجه بر مستطیل تشکیل ایدردی .

دشمنه طوغرو یوررکن، افراد صول طرفدن صول
 قوللرینه آصیلی قالقانلری ایله ، صاغ طرفدن ده کندی
 ارقداشلیله محفوظ بولونقلرینی حس ایدرک سوق طبیعی
 ایله صاغه استناد ایتدکه تمایل کوستر لریدی ؛ اوصورتله که
 الك قوتلی طرف علی العموم فالانترک صاغ جناحی اولوردی .
 نه پامینونداس، افرادی بتون اوزونلغنججه عین مقدارده صره لردن
 مرکب بر مستطیل حالنده تشکیل ایتوب صول جناحک
 صره لرینی ده از زیاده یا بمفی تصور ایتدی؛ بو صورتله فالانتر مثلته قریب،
 غیر منتظم بر شکل آلیوردی . ایشته بو صورتله ده درین اولان
 واکمکل جنک اورلردن شکل ایدن صول جناح، دشمنک الضعیف
 جناحنه هجوم ایدر، انی دویردکن صوکره دشمن مرکزینک
 یانی آلیردی .

میهرك آتەنیه التەجا ایلمشردی. بونلردن بری، زەنکین برعائەلەدن اصیل برکنج، پەلویپیداس، طراز یوول وطنی قورتاردینی کبی اودە کندی وطنی قورتارمغە قرار ویردی. منفیلردن مرکب برقطە ایلە طاغیر ارەسندە برکویە یرلشدی؛ (تەب) دە قالان تەبیلرلە اتفاق ایتدی. برقیش کیجەسی ارقداشلریلە شەهرە کیردی؛ برضیافت اثناسندە والیرلی باصوب قتل ایتدی. ایرتسی کون ملت مجلسنی دعوت ایتدی؛ مجلسانی برخلاصکار صفتیە آلقیشلادی. ایچ قلەدەکی اسپارطە عساکر محافظەسی تسلیم سلاح ایتدی.

(تەب) تکرار استقلال کسب ایتدکن صوکرە، بتون بەئوتیلیری هپ برلکدە اسپارطە عاپەندە حربە سوق ایتک ایچون (بەئوتی) نەکتون شەرلرینی ادارەسی آتندە طوپلامغە چالیشدی.

ئەپامینونداس . - تەبیلیری نظام آتتە آلوب مظفریتە سوق ایدن ئەپامینونداسدر. اصیل، فقط فقیر برعائەلەدن اولان ئەپامینونداس غایت خشین برطرز حیاتە آلیشمشدی؛ بوطرز حیاتە ینەدوام ایتدی. ئەپامینونداس آزیمک یر، شراب ایچمز، برقات اثواب کیر، پارەسز کزردی. بلیغ، فقط نادر سوز سویلر، (یونانیلرک هیچ عادتی اولمادینی حالە) حقیقتدن بشقە برشی سویلزدی. محاربەلردە غایت جسور، فقط صوکر درجە انسانیتکار، متواضع، عزم قوی صاحبی ایدی. کندیسنی

اون دردنجی فصل

تبك اقبالی . - نه پامینونداس

اسپارطیه مقاومت . - اسپارطه اپی مدت هم کرده هم دکزده
حاکم اولمشدر . قسه نوفون : «اوصره لرده بتون شهر لر ، کندیلرینه
بر اسپارطه لی طرفدن امر کوندریلیر کوندرلمز در حال اطاعت
ایدرلردی .» دیور . فقط اسپارطه نك متفقلری بر از صوکره
اطاعتدن بیزار قالمشدر ، اسپارطه یه قارشی بر اتفاق تأسیس
ایتمشدر دز .

اسپارطه لیلر اولانا طولیدن چیقارلایلر . یونانستانده
انجق ایران حکمداری ایله اتفاق ایتمکه بر قاج سنه قدر نفوذلرینی
محافظه ایده بیلدیلر (۳۸۷) . فقط حاکمیتلری چوق زمان دوام
ایتمدی . (به ئوتی) صحرا سنده غایت متین وقهرمان بر قوم واردی ؛
قومشولری آتله لیلرک کندیلرینه احتمالکه بغیر حق آبدال دییه
شهرت آلدیردقلری بو قوم ، یعنی به ئوتیلیر ، اون ایکی شهره
تقسیم اولونمشلردی .

بو شهرلرک اک قدر تلیمی اولان (تب) ، بر باصقین
نتیجه سی اولارق اسپارطه لیلرک الینه دوشمشدی ؛ کبار
فرقه سنک رئیس ی اسپارطه عسکر لرینی ایچ قلعه یه صوقش ،
عوام فرقه سی رئیس ده توقیف ایدیلرک اعدام اولونمشدی .
تب شهرندن ۴۰۰ کشی اسپارطه لیلرک تحکمنده قالمق ایسته .

یونانیلرک ایرانیلرله برابر حرب ایتدکلرینه پک زیاده جانی صیقلیر-
دی . کندیسنه قورهنت مظفریتی خبر ویریلوبده بومظفریت
انساننده یالکز ۸ اسپارطه لی ایله ۱۰۰۰۰ دشمنک تلف اولدیفی
سویلندیکی زمان آزه سیلاس بوندن ممنون اولاجق یرده بالعکس :
«ای یونانستان! یالکز باشلرینه بتون باربارلری زیر انقیادیگه آله بیله جک
اولان بو آدملری ضایع ایتدیگک ایچون بدبختسک!» دیه
تأثر ایتمشدر . - ینه برکون بر یونان شهرینی تخریب ایتمکن
امتناع ایدرک : «وظیفه لرندن انحراف ایدن بتون یونانیلری
محو ایده جک اولورسه ق باربارلره غلبه ایده جک انسانلری
نرهدن بولاجغز!» دیمشدر . اوزمانلر بو حسلر پک نادر دی .
آزه سیلاسک ترجمه حالی یازان قسه نوفون ، بوسوزلرینی نقل
ایدرکن : «کندی جنسنده کی اقوام ایله حرب ایتدیکی زمان
انلره غلبه ایتکی فلاکت عدایدن اندن بشقه کی مسه وارمیدر؟»
دیور .

بر یونانی‌یه ضربه اصابت ایتمش ، یالکز بر کشی اوقله یاره لاشدی .

کیخسرو تلف ای دیلنجه اردوسی محاربه ایتمدن طاغیلدی ؛ ۱۰۰۰۰ یونانی دشمن مملکتی اورته سنده وقوتلی بر اردو قارشیسنده یالکز باشنه قالدیلر . ایرانیلر بونلره تعرض ایتمکینه جسارت ایده مدیلر ؛ فقط کندیلر یله معاهده عقدینه کلن بش جنرال ایله یکر می یوز باشی بی وایکی یوز نفری خدعه ایله تلف ای تدیلر .

اجرتلی عسکر لر تک باشلرینه قالنجه یکیدن کندیلرینه قوماندان اتخاب ایلدیلر ؛ چادر لرینی ، آرابه لرینی یافه رق رجعته باشلادیلر . ارمنستانک صرب طاغلرینه داخل اولدیلر ؛ آجلغه ، قیشه ، کندیلرینی کچیرمک ایسته مین یرلی قبیله لارک اوقلرینه رغماً قره دکز ساحلنه کلدیلر ؛ بتون ایران حکومتندن کچدکن صوکره یونانستانه عودت ایلدیلر . حین عودته (۳۹۹) ایچلرندن ۸۰۰۰ کشی قالمشدی .

آزه سیلاس . - اوچ سنه صوکره اسپارطه قرالی آزه سیلاس (آناتولی) ، (لیدیا) و (فریژی) نك زنکین مملکتلرینه استیلا ایلدی . ساطرا پلری مغلوب ایتمدی ؛ تام آناتولی ایچنه کیره جکی صرده اسپارطه لیلر تب و آتنه اردولریله محاربه ایتمک ایچون آزه سیلاسی کری یه چاغیردیلر .

آزه سیلاس ، ایرانی ضبط ایتمکی تصورایدن ایلك یونانیلدر .

اونه بيطرك مغرى . - فى الحقيقه ۴۰۰ سنه سنده بيوك
 حكمدار اردشيرك قاردشى كيخسرو، قاردشنى تختدن اينديرمك
 ايجون عليهنه قيام ايتديكى زمان بوضف تماميله اكلاشدى .
 اوزمانلر عسكرلكه تفاخر ايدن بيكلرجه يونان سرسريلىرى .
 منفيلىرى واردى . كيخسرو بونلردن ۱۰,۰۰۰ كشى عسكر
 آلدنى؛ ايجلرندن قسه نوفون بوسفرك وقايغنى كاملاً ضبط ايتدى .
 بونلر كنديليرنى توقيف ايده جك قارشيلرينه هيچ كيمسه
 چيقمادن فرات نهرينه قدر بتون آسيماي طولاشديلر (۱) .
 نهايت (بابل) جوارنده محاربه ايدلى . يونانيلر عادتلىرى موجبجه
 باغيره باغيره قوشديلر . دها اوق منزله كمدن باربارلر فرار
 ايتديلر . يونانيلر بربردن آيرلمايليرنى يكديكيرينه باغيره رق
 انلرى تعقيب ايديلر . حرب آرابه لرى اوزرلرينه كلديكى زمانده
 آرابه لرى كچيرمك ايجون صره ليرنى آچديلر . بو ائشاده هيچ

(۱) قسه نوفون طرفندن نقل ايديلن بروقه يونانيلرك اطرافه نه درجه
 دهشت ويردكارينى اثبات ايديبور : بركون كيخسرو (كيلكيا) قرايچه لرندن
 برينه برعاشا كوسترمك ايجون يونانيلرى محاربه نظامنه قويديردى .
 «بونلرك هپسنكده طونج مفرلرى ، ارغوانى البسه سى ، پارلاق ديزلكلرى
 وقالقانلرى واردى . اولاً بورو چالدى ، عسكر سلاخليرنى اينلرى به
 آله رق حركت ايتدى . خطوه لرئنى صيقلاشديره رق ، باغيره رق قوشمغه
 باشلادى . باربارلر فوق العاده قورقدى ؛ كيلكيا قرايچه سى آرابه سنندن
 فرار ايتدى ، صايحيلر ذخيرليرنى براقه رق قاچشديلر ، يونانيلرده
 كوله كوله چادرلرينه عودت ايتديلر . »

ایرانیلر، آرتق اسکسی کبی آسیانک بتون اقوامنی قارشیلر نده تتره تن جنکاور برملت دکلردی . ایران اردوسنده خدمت ایتمش اولان یونان قوماندانی قسه نوفون انلری شو صورتله تصویر ایدیور : « بونلر خالیلر اوزرنده یاتارلر ، الیون و کورک کیرلردی . کبرا ، معاشادن استفاده ایچون قپوجیلرینی ، اتمدجیلرینی ، آشجیلرینی ، دلاکلرینی ، کندیلرینه سفرده خدمت ایدن ، البسلرینی کیدیرن ، اوزرلرینه قوقولر سورن خدمتکارلرینی سواریلکه ادخال ایدرلردی . بونک ایچون اردولری هر نه قدر قوتلی ایدی ایسه ده هیچ برایشه یارامازدی ؛ دشمنلرینک ده دوستلری کبی ایرانی سربست سربست کذار ایتدکلرینه باقیلیرسه بو پک قولای اکلاشیلر . ایرانیلر یاقیندن محاربه ایتکه هیچ جسارت ایده مزلردی . پیاده ینه اسکسی کبی قالقان ، قیلج وبالطه ایله مسلح ایدی ؛ فقط کندیلر نده بونلری قوللانجهق جسارت یوقدی . اوراق آرابهلرینی سوق ایدنلر ده دشمنه یاقلاشمان یا مخصوص یواریلیرلر و یا خود آرابه دن آتارلر ، آرابهلر بویله اداره سنز قالنجه دشمندن زیاده کندیلرینه ضرر ویرلردی . بونکله برابر ایرانیلر عسکرلکجه اولان ضعفلرینی هیچ صاقلامازلر ، مادونیتلرینی اکلارلر ، اردولرینه یونانیلری آلمادجه سفره مباشرت ایتکه جسارت ایتزلردی . بونلرک دستور حرکتی ، یونان عساکر معاونه سی آلمادن یونانیلرله محاربه ایتمه مکدی . »

صوفیوندن (۱) ظن ایتدیلر. ۳۹۹ سنه سنده سوقراط محکمه یه جلب ایددی؛ سوقراطی « شهرک معبودلرینه پرستش اتمه مک، یکی یکی معبودلر چیقارمق، وکنجاری افساد اتمکله اتهام ایدیورلردی. » سوقراط کندیسنی هیچ مدافعه یه چالیشمایه رق اعدامه محکوم اولمشدر؛ اوزمانلر سوقراط ۷۰ یاشنده ایدی. سوقراطک شا کردلرندن قسه نوفون سوقراط ایله اولان محاورات و محاکماتی یازمشدر (۲). دیکر برشا کردی، افلاطون ده برطاقم محاوره لر ترتیب اتمشدر؛ بو محاوره لرده یکانه مخاطب سوقراطدر. آرتق اوندن صوکره سوقراط (فلسفه نك پیری) اوله رق تلمق ایدلمشدر.

ایرانه هکومتک دریمه ضعف اولسی. — یونانیلر بربریه اوغراشمقله مشغول اولدقلری ایچون بیوک حکمداره تعرض اتمکدن واز کچمشلر، حتی انک اتفافی طلب ایلشلردی. ایران حکومتی ایسه متمادیاً دوچار ضعف اولیوردی. ساطراپلر آرتق حکومته اطاعت اتمیورلردی؛ هپسنگ برسرایی، برخزینه سی، براردوسی واردی. هر ساطراپ کیفنه کوره حرب ایدر، ایالتنک اوفاق بر حکمداری اولوردی. بیوک حکمدار بر ساطراپی عزل اتمک ایستدیکی زمان انی قتل ایتدر مکدن بشقه چاره بولامزدی.

(۱) قسه نوفان (نوئه) نامنده کی تومه دیسنده سوقراطی کنج برطله یتشدیرمه مأمور اولار ق تصویر ایدیور؛ سوقراط شا کردینه یالان، کفر و سرق تلمق ایدیور.

(۲) لهمه مورابل، آپولوژی.

بوندن ده انسانک حقیقته واقف اولادیغنی (اوزمانلر بو بر
 درجهیه قدر طوغروایدی)، انسانک هیچ برشی بیلهمیه جگنی،
 هیچ بر شیئک طوغرو ویا یا کاش اولامیه جغنی استخراج
 ایدرلردی . بونلردن بری : « حد ذاتنده هیچ برشی موجود
 دکدر ؛ برشی موجود اولسه ایدی، بوشی بیلنهمیه جگدی . »
 دیردی . بومسلك ریپی معلملرینه (صوفیون) دیرلردی .
 بونلردن بعضلری عین زمانده برخطیب ایدی .

آتهلی بر اختیار ، سوقراط ، بونلرله مناقشهیه تشبث
 ایتدی . سوقراط فقیر ، چیرکین ، محروم بلاغت بر آدمدی .
 صوفیون کبی کندیسنک مکتبی یوقدی ؛ یالکزشهره کیدر ،
 تصادف ایتدیکی کیمسه لرله کوروشور ، انلره سؤال صورهرق
 کندیسنک نه فکرده اولدیغنی بولدیردی . الکیز یادهده کنجلری
 آرار، انلره تعلیم ایدر، نصیحتلر ویرردی . سوقراط کندیسنی
 هیچ عالم ظن ایتزدی : « بتون بیلدیکم شی، هیچ بر شیئه واقف
 اولادیغمی بیلمکدن عبارتدر . » دیردی . سوقراط سائر عالملر
 کبی کندیسنه (حکیم) دیدیرتمه مش ، (فیلسوف) یعنی محب
 حکمت نامنی ویردیرمشدر سوقراط نه طبیعت کائناتی، نه ده علوم
 تدقیق ایدر . یالکز بشرله مشغول اولوردی . یکانه دستوری :
 « کندیکگی بیل ! » حکمتی ایدی . سوقراط هرشیدن زیاده
 فضیلتک برواعظی ایدی .

دائما اخلاقدن ودیندن بحث ایتدیکی ایچون یونانیلر کندیسنی

نهایت کندی طرفدار لری ده اداره حکومتی او توز لرك اللارندن
 آیدیلر، یکی بر (اونار مجلسی) نه تودیع ایتدیلر. بو مجلس اسپارطه دن
 معاونت طلب ایتدی؛ بونک اوزرینه لیزاندر قوماندان اولارق
 کوندرلدی؛ معیتنده کی کیملره (پیره) بی آبلوقه ایتدی. فقط
 اسپارطه قرالی، اردوسی ایله (آتنه) یه کلدی؛ حربه ختام
 ویرلمسنی امر ایتدی. نهایت هر ایکی طرفک آره سنی اسپارطه
 حکومتی بولدی. بتون منفیلرک (آتنه) یه کیرملرینه مساعده
 ایتدی. طراز یوول ایله معیتی مسلحاً (آتنه) یه کیردیلر.
 (آقروپول) ه چتقرق معبوده قربان کسدیلر.

صوکره آتنه لیلر اسکی اصول مشروطیتی تکرار تأسیس
 ایتدیلر. او توز لر، طرفدار لریله برابر (ئه لوزیس) ه چکل مشلردی؛
 آتنه لیلر بونلره تعرض ایتدیلر، قوماندانلرینی تلف ایدوب
 متباقیسنی برلکده کتیردیلر. بعده جمله سی ده، حرب داخلیدن
 طولایی کیمسه یه قارشى حس انتقام بسله مکه یمین ایتدیلر.
 یشته بوکا (آمنیستی) عفو عمومی دیدیلر. آرتق اوندن
 صوکره آتنه ده هیچ اختلال اولما مشدر.

سوقراط . - پریقلس دورینه طوغرو، تعلیم حکمت
 یدن ذواتک هپ (آتنه) یه کلدکلری کورلمشدی. بونلر بر
 چوق شاگرد طوپلار لر، انلره پاره ایله درس ویرلردی.
 عمومیتله یونان شهرلرینک دیننه، عاداتنه، نظاماتنه اعتراض
 یدر لر، بونلرک عقل و حکمته موافق اولمادیغنی اثبات ایدرلردی.

اچونده « زنکینلری توقیف وقتل ایتدیردکلرندن بونلرده
(اوتوز تیران) نامی ویرلدی .

بونلردن بری ، حکومت عوامه قارشى اتفاق ایدرک
اسپارطه لیلرله ائتلاف ایدن تهرامهن ، نهایت بتون رفقاسنه آرتق
چوق آدم اولدیرلدیکنی سویلدی . بونلرته رامه نی خیانتله اتهام
ایتدیلر ، مجلسدن طرد و اعدامه محکوم ایلدیلر .

شهر لیلردن برچوغنی بوصره لرده آتسه دن فرار ایدرک
جوار مملکتلره وبالخاصه (مغاره) و (تب) شهرلرینه التجا
ایتمشردی . بومنفیلردن بری ، طراز یوول ، (به ئوتی) یولی
اوزرنده کی طاغلرده (آتیک) قلاعندن برینی ۷۰ قدر احباسیه
آنسزین ضبط ایتدی . اوتوزلر ، طرفدار یله بوکاتعرض ایتدیلر سه
ده کری پوسکور تولدیلر ؛ سوکره قله بی آبلوقه اتمکه چالشدیلر ؛
فقط قیش باصدیرمش اولدیغندن عسکرلری (آتسه) یه عودت
ایتدیلر . اسپارطه عساکر محافظه سی ایله سواریلری کوندردیلر ؛
طراز یوول بونلری آنسزین باصدی ، اچلرندن ۱۲۰ کشی
تلف ایتدی .

طراز یووله ده سائر منفیلرده التحاق ایتدیلر . طراز یوول
بونلردن بیک کشی قدر بر قوت تشکیل ایدنجه (آتیک) دن
کچدی ، (پیره) لیمانتی ضبط ایدرک (موتیکی) ده استحکامات
کریسنده اخذ موقع ایتدی . اوتوزلر عسکرلرینی کتیروب تعرض
ایتدیلر ، فقطینه کری یه پوسکور تولدیلر .

اون اوچنچى فصل

اسپارطه نك اقبالى

اوتوزلر . - سوقراط . - آزه سيلاس .

اوتوزلر . - ليزاندر (آتنه) يه حاكم اولدقن صوكره
آتنه ليلرى زير حاكميتنده بولوندير اچق وجه ايله حكومتلرينى
تنسيقه انلرى مجبور ايتدى .

اصول مشروطيتى محوايتمك ايچون اختلال اجراسنه تشبث
ايتمش اولان اداره عوام دشمنلرى ميانندن ۳۰ كشى انتخاب اولوندى ؛
بونارله بر مجلس تشكيل ايدلى . يكي مجلس بر قانون اساسى
تنظيم ايدى جك ، بوقانون تنظيم اولونجه يه قدر هيچ كيمسه ايله
مشاوره ايتمدن ، هيچ بر قانونه تابع اولمادن آتنه يى اداره
ايلميه جكدى . مجلسى آتنه ليلره قارشى محافظه ايتمك ايچون شهره
حاكم اولان (آقروپول) اوزرينه بر اسپارطه لى قومانداسنده
عناكر محافظه يرلشديرلدى . بو اصول اداره ، آناطولى ايله
آطه لرده كى يونان شهرلرينى آتنه نك اتفانقندن چيقارديغى زمانلر
ليزاندر ك اورالرده تاسيس ايتديكى اصول اداره نك عيني ايدى .
اوتوزلر غير محدود بر اقتداره مالك واسپارطه اردوسنك
معاوتتى حائز بولونقلرينى حس ايدر ك حاكمانه اداره حكومت
ايتديلر ؛ اداره سابقه طرفدارلرينى وماللاريني حجزه « وسيله اولمق

صغوقدن ، پك آزیك ویرلیدیکی ایچون آجلقدن اولیور ، جسدلری اورتده قالیور ، هوایی افساد ایدیوردی . نهایت سیرا کوزه لیلر بر حیات قالاندیری چیقارمشلر ، اسیر کی صاعمشلردر . اسپارطه لیلر آتنه نك بغدادی تدارك ایلدیکی شمال مملکتلره تجارتنی قطع ایده جك وجه ایله (آتیک) طاغرینه برده قطعه عسکریه یرلشدیرمشلردر .

اسپارطه جنرالی لیزاندر آناطولییه کچمش ، ایرانیلردن پاره آلمش ، بر دونما تشکیل ایدرك بتون آسیا ساحلنی طولاشمشدر . آتنه نك صرف جبراً محاربه ایدن متفقلریده آتنه دن آیرلشلر ، لیزاندر آناطولیده یونان دونماسنی محو ایتمش (۴۰۵) ، آتنه نی محاصره و آجلق تاثیریه ضبط ایدرك سورلرینی ییقمغه ، کیلرینی یاغمه شهری مجبور ایلشدر .

مطالعه اولوناجق آثار :

توکیدید ، پهلوپونه ز تاریخی . - قسه نوفون ، ههله نیک . - پلوتارق ، لیزاندرک حیاتی . - غروته ، یونانستان تاریخی .

کمال اعتدال ایله قتل اولونوردی . ضبط ایدیلن بر شهرده هر شی غالبک ایدی ؛ ارککلر ، قادینلر ، چوجققلر اسیر کبی صاتیلردی . او زمانلر حقوق حرب بویله ایدی . توکیدید نی شو صورتله خلاصه ایدیور : «هر ایکی طرفده مجبوریت کوردکلری تقدیرده انسانلر بیننده کی ایشلر قوانین عدالت واسطه سیله رؤیت اولونور ؛ فقط دائما ک قوتلی اولان یداقتمدارنده کنی یاپار ، اک ضعیف اولانده بوکا راضی اولور . معبودلر اک قوتلی اولدقلری ایچون طبیعتلری ایجابی اولارق حاکمدرلر ؛ ایشته انسانلرده بونک عینی یاپارلر . » (۱)

آنه نیک ضبطی . — ایکی قوم بوبیهوده حربدن یورولنججه صلح ایتدیلر ؛ فقط بو صلح چوق دوام ایتهدی .
آته ، اسپارطه نک متفق (سیرا کوزه) یی ضبط ایتک ایچون اردوسنی سجیلیایه کوندردی ؛ اردوسی بوراده محاصره ایدلدی (۴۱۳) .

سیرا کوزه فلاکتندن صوکره بتون آته اردوسی اسیر ایدلدی . غالبلر اولا بتون جنرالدرله عسکرلرک بر قسمنی کسدیلر . متباقیسنی ده حبسخانه مقامنه قائم اولان اسکی طاش او جاقلرینه (لاطومیلره) ایندیردیلر . تمام یتمش کون انلری یازک قیزغین کونشنه ، صوک بهارک سرین کیجه لرینه قارشی آپ آچیق ییغوب بر اقدیلر . بر چوققلری خسته لکدن ،

(۱) مدلی اهالیسی حقنده ایراد ایلدیکی نطقده .

حربلردی . بونی تصویر ایچون شو بر قاج فقره کفایت ایدر .
 حربك بدایتنده اسپارطه نك متفقلری دشمن شہر لرنده کی
 تاجر لرك کافه سنی دکرزه دو کیور لردی . آتہ لیلر ده بوکا مقابل
 اسپارطه لیلرک مرخصلرینی هیچ لاف سو یلتمه دن تلف
 ایتشلردی .

(پلاته) شہری ترک سلاح ایدرک تسلیم اولمش .
 اسپارطه لیلر بلا حکم هیچ کیمسه نك جزا کورمیه جکنی وعد
 ایلمشلردی . فقط صو کره اسپارطه حا کلری باقیکز نه صورتله
 حرکت ایتشلردر : بونلر اثنای حربده اسپارطه لیلرہ خدمت
 ایدوب ایتدکلرینی اسیرلرہ سئوال ایدیورلر ، اسیرلر - خیر!
 جوانی ویرنجہ انلری اعدامه محکوم ایلورلردی . بو اثناده
 قادینلر اسیر کی صا تلمشدی .

آتہ لیلرہ قارشی عصیان ایدن (میتیاهن - مدلی) شہری
 آتہ لیلر طرفندن تکرار ضبط ایدلمشدی . آتہ اہالیسی
 اجتماع ایتمش ، بعدالذا کرہ بتون مدلی اہالیسنک اعدامنه
 حکم ایلشدی . ایرتسی کونی عقللری باشنه کلنجہ ایکنجی بر
 کی ایله غفو عمومی امرلری کوندرلمش ، فقط مدلی اہالیسندن
 ۱۰۰۰ کشی قتل ایدلمشدی .

بر اردو علی العموم بر مملکتہ استیلا ایتدیکی زمان اولری
 یقار ، آغا جلری کسر . محصولاتی یاقار ، چفتجیلری
 اولدیرلردی . محاربه دن صو کره یارہ لیلر ده اولدیریلر ، اسیرلر

اون ایکنجی فصل

پهلوپونهز حربی

طبایع عمومیہ — آتہنک ضبطی

طبایع عمومیہ . — آتہنہ حاکمیتی آطہلردہ دہ تأسس ایتدکن صوکرہ یونانیلر ایکی ہیئت متحدہیہ آیرلمش بولونیورلردی : ساحلده کی شهرلر آتہنہ اطاعت ایدیور ، داخلده کی شهرلر اسپارطہنک قوماندہ سی آلتندہ بولونیورلردی . نہایت بر چوق نفاقلردن صوکرہ بر طرفدن قرہده کی متفقہ لیلہ برابر اسپارطہ ، دیگر طرفدن دہ ساحلده کی تبعہ لیلہ برابر آتہنہ ارہسندہ بر حرب وقوعہ کلدی ؛ بودہ پهلوپونهز حربی اولدی . پهلوپونهز حربی یکر می یدی سنہ (۴۳۱ — ۴۰۴) دوام ایتمش ، بیتدکن صوکرہ دہ باشقہ ناملرہ ۳۶۰ سنہ سنہ قدر دوام ایلشدز .

بو حربلر غایت قاریشیق اولمشدر ؛ قرہده ، دکزده ، یونانستانده ، آناطولیدہ ، تراکیادہ ، سجیلیادہ ، وعلی العموم عین زمانده بر چوق نقطہلردہ محاربه ایلمشدر . اسپارطہ لیلر مکمل بر اردویہ مالک اولدقاری ایچون (آتیک) ی پریشان ایدیورلر ؛ یونانیلر مکمل بر دونمایہ مالک بولوند . قلرندن ساحلری خراب ایلورلردی .

یونان شهرلری ارہسندہ وقوعہ کلن بو حربلر ، اگمدہش

اوطوردقلری ایچون انلره (طراپه زیست) دیرلردی ؛ صرافلر
 علی العموم مهتهك اولان اجنبیلر ایدی . بونلر هم صرافلق
 ایدرلر، هم پاره حفظ ایدرلر، غایت یوکسک (یوزده ۲۰) فائضه
 اودنج ویرلردی .

مطالعه اولوناجق آثار :

شومان ، یونان ازمئه قدیمه سی . - فوستهل دو قولانز، شهر قدیم . -
 قرووازه ، یونان تاریخ ادبیاتی .

یعنی بیوک بر تجارت ایدیلردی. (پیره) لیماننده کیمله اتمعه طولار بوشانیردی؛ بورایه ریختملر، آنبارلر انشا ایدلشدی. دردنجی عصر خطباسندن بری پیره یه «بتون یونانستانک پازاری» تسمیه ایدیوردی.

بورایه بالخاصه داخلدن، قره‌دکمز و ترکیا لیمانلری طریقیه



پیره (سوکره‌دن یا پیلمه)

کلن بغدادی، اودون، دری و اسیر کبی شمال مملکتلرینک محصولاتی کلیردی. آهنه، (ناپولی) یه قدر جنوبی ایتالیا‌ده کی یونانیلرله ده تجارت ایدری.

هریونان شهرینک کندیسنه مخصوص پاره‌سی اولدیفی ایچون آهنه یه مختلف جنسدن پاره کلیر، بناء علیه صرافلره مراجعته لزوم کورولوردی. بونلر برماصه (طراپه‌زا) کریسندن

حالدہ کرسیء خطابتہ چیقذیفی زمان، اہالینک تعیری وجہ ایلہ .
انسانک اونی «براولیمپ معبودی» ظن ایدہ جکی کلیردی .

فقط دہا صوکرہ کلن خطیبلر اہالی بی تہییج ایتک
ایستہ مشلر ، ہیجانلی براسلوب قوللانمشلر ، اللریلہ اشارتلیر
ایدہ رک ، سوزلردہ تأثیرلیر یاپارق کرسیء خطابت اوزرندہ
کزینمشلردر . اہالی بونوع خطابتہ دہ پک چابق آلیشمشدر .
دہموستن ایلک دفعہ کرسیء خطابتہ ایراد نطقی ایتدیکی زمان
اہالی کولمکدن بایلمشدر . چونکہ دہموستن ای تلفظ ایدہ مز
وکوزلدہ طورامازمش . فقط بالاخرہ دہموستن دہ سوز
سویلمکہ ، اللریلہ طورلیر آغہ چالیشمش ، اہالینک اک
سویلی برخطیبی اولمشدر . دہا صوکرہ لری کندیسنبہ برخطیبک اک
برنجی اوصافی نہدر دیبہ سؤال اولوندیفی زمان : «جربزہ .
نائیا؟ - جربزہ . - ثالثاً؟ - ینہ جربزہ .» دیمشدر . جربزہ ،
یعنی طرز تبلیغ یونانیلرہ نطقدن زیادہ تأثیر ایدی .

آنہ تجارنی . - بشنجی عصرده آتہ بیوک برشہراولمشدی ؛
چوراق برملکت اولان (آتیک) ایسہ اہالیسنی بسلیہ بیلہ جک
درجہ دہ محصول یتشدیر مزدی ؛ انک ایچون بغدادی ، شرابی ، زیتون
یاغنی ، بالغی ہپ طیشاریدن المق لازممدی . بوکامقابل آتہ صنعتکارلری
ایلہ اسیرلیر قماش ، چوملک ، سلاح و اشیا اعمال ایدرلیر ،
بونلری اوزاقلردہ صانارلردی .

دردنچی عصرده ده موستهن فلیپه قارشى حربى اداره ایلشدرد. خطیبلرک بر تأثیرى واردی ؛ سیاسى دشمنلری نطقلریله اتهام ایدرلردی. بعضلری ثروت صاحی ایدیلر؛ چونکه برویا اوبر طرفی التزام ایتمک ایچون پاره آلیرلردی ؛ ئەشین ما کدونیا قرالندن ، ده موستهن ایران حکمدارندن پاره آلمشردی .

بعضلری بالذات ایراد نطق ایتمه رک بشقه لرینک حسابنه نطق تنظیم ایدرلردی . بر آئنه شهرلیسنک دعواسی اولدیغی زمان، بزده اولدیغی کبی ، دعواسنی آووقاته کوردیره مزدی ؛ چونکه قانون، هر کسک بالذات مدافعانده بولونمسنی طلب ایدیوردی. انک ایچون بر خطیبه کیدر ، کندیسنه بر نطق یازدیبر ، بونی ازبرلر ، محکمه حضورنده او قوردی .

بر چوغی ده یونانستان شهرلرنده طولاشه رق هوایاته دائر نطق ایراد ایدرلر ، شمدیکی تعمیریمز وجه ایله قونفرانس ویرلردی (۱).

الک اسکی خطیبلر ، خطیبانه ایمالرده بولونمیه رق یالکز وقایعی نقل ایدرلر ، غایت ساده سوز سویلرلردی ؛ کرسی خطابتده فضله باغیرمادن ، اللرنی اویناتمادن همان هیچ قیلد امازلردی . پریقلس ، البسه سنک قیویریملرنی بیله بوزمادن ساکن بر طورده ایراد نطق ایدردی . باشنده بر معتاد یار اقدن بر تاج اولدیغی

(۱) خطبامیاننده بالخاصه اون خطیب پک مشهوردر؛ بونلره آتیک خطبای

قالدی رفق قرار ویرر ، صوکره چکیلیر کیدردی .

مکملر . - حاکمیت اهلیده اولدینی ایچون اھالی ، دعوالرینی کندیلری رؤیت ایدرلردی . اوتوز یاشنده بولونان هر شهرلی مجلس محکمه یه (ههلی) اشتراک ایده بیلردی . محکمه اعضاسی (ههلیاستلر) بشیوزر بشیوزر قسملرله جسیم صالونلره آریلیرلردی . بر چوق دعوالرده ایکی اوچ قسم برلشدیریلیر ، اوزمان محکمه ۱۰۰۰ : ۱۵۰۰ حاکمدن عبارت بولونوردی . آتھ لیلرک جنایات تعقیبی ایچون حاکملری یوقدی . متهمی شهر- لینگ بری محکوم ایدردی . مضمون ایله مضمون علیه (۱) ایکسی ده محکمه یه کلیرلر ، برر نطق ایراد ایدرلر ، فقط بونطقلر صو ساعتی ایله تعیین اولونان مدتی اصلا تجاوز ایلمزدی . صوکره حاکملر بیاض و یاخود سیاه بر چاقیل طاشی قویارق حکم ایدرلردی . شاید مضمون علیه چوچه بر رأی استحصال ایده مزسه ، کندیسسی محکوم اولوردی .


مظبا . - آتھ هرشیدن زیاده بر بلاغت شهری ایدی . حربه ، صلحه ، ویرکیلره ، بتون بیوک ایشلره ملت مجلسنده نطقلرله قرار ویریلردی ؛ محاکمه شهرلیلری ویاتبعلری نطقلر محکوم ایتدیرلردی . خطیبلرک بر نفوذی واردی ؛ اھالی انلرک نصیحتلرینی دیکلر ، اکثریا عمومی مأموریتلری انلره تودیعی ایلردی . بشنجی عصرده قله ئون کندیسینی جنرال نصب ایتدرمش ،

هر تریولوژی بر مؤلفک اثری اولوردی . او بر کونلر ده بشقه تریولوژیلر اوینا نیردی ؛ بو صورتله تیاترو ، شعرا بیننده بر مسابقه گاه ایدی ؛ مکافات اهلای ویرردی . - بو مسابقلرک اک مشهورلری ئەشیل ، سوفوقل ، واورپید ایدی . کذا مضحکه مسابقه لری ده واردی ؛ فقط مضحکه محرر لرندن بزه یالکز بر شاعرک اثری قالمشدرکه ، اوده آریستوفاندر .

مجلس . - آته لیلر حکومتلرینه (ده موقراسی) حاکمیت عوام دیرلردی . فقط بو عوام ، زمانم زده اولدیغی کبی اهلینک هیئت عمومیه سی دکلدی ؛ بتون ملتی حاکمانه اداره ایدن ۱۵ : ۲۰,۰۰۰ کشیدن مرکب حقیقی بر کبار صنفی ، شهر لیلر هیئت ایدی .

بو هیئت ، حاکمیت مطلقه یی حازدی ؛ آته نک حاکم حقیقیسی ایدی . مذاکره ایتک وقرار ویرمک ایچون آیده لاقلا اوچ دفعه طوبلانیردی . مجلس آچیقده ، (پینیقس) میداننده انعقاد ایدر ، شهر لیلر قدمه واری طاش صره لر اوزرینه اوطور لرلردی . قارشیلرنده ، بر صحنه اوزرینه اوطوران حاکم لر دینی بر آیین ، بردعا ایله مجلسی کشاد ایدرلردی ؛ صوکره بر منادی مجلسک هانکی ایشله مشغول اولاجغنی یوکسک سسله سویلر : «کیم سوز آلاجق؟» دییه باغیرردی . هر شهر لینگ سوز آلمق حتی ایدی ؛ خطیلر یاش صره سیله کرسی خطابه چیقارلردی . هپسی ده سویلده کدن صوکره رئیس مسئله یی ایضاح ایدردی . مجلس اللرینی

تیاتروسی تأسیس ایدلمشدی؛ بوتیاترو ۳۰,۰۰۰ کشی استیعاب ایدردی. یونان تیاترو لرینک کافهسی کبی بوده آپیقده یاپیلمش، اورکسترو ایله صحنه نك قارشیسنده نصف دائره شکلنده طاش قدمه لردن مرکبدی. اورکستروده، مغنیه لرچالار، صحنه ده تیاترو اوینایردی. بوراده یالکز معبودک یورطی زمانلرنده او یون



قدمه لر

اورکسترو

صحنه

ویریلیردی؛ او زمان تیاترو بربرینی متعاقب بر قاچ کون دوام ایدردی. صباحلین کونش طوغارطو غماز باشلانیر «بربرینی متعاقب اوچ هائله (تریولوژی) ایله بر درام ساتیریک اوینانیر، بونلر مشعله ضیالریله ختام بولوردی.

قره قاواغک یاننه، شهره نقل ایدلمش؛ هائله (تراژهدی) بوصولته میدانه چیقمشدر .

دیگر ایکی دانس ده کولنجدی؛ ماسکه ایله دانس ایدنلر آره یرده سیرجیلرله اکلنهرک ویاخود اوکونکی وقایعه دائر تحف ملاحظه لر بیان ایدرک (دیونیزوس) ک مدایحنی تغنی ایدرلردی. هائله مغنیلری ایچون یاپیلان شی مضحکه مغنیلری ایچون ده یاپیلمش؛ بوکا آقتورلر، محاوره، بتون برده پیس ادخال ایدلمش، دها سوکره تیاترو آئنه یه نقل اولونارق مضحکه (قومسی) ده بو صورتله ظهور ایتمشدر .

بونک ایچون او زماندن بری هائله ده هپ قهرمانلر وضع صحنه ایدلمش؛ مضحکه ده هپ حیات یومیمینی تصویر ایشدر. هائله ایله مضحکه، اصلرینی بردرجه یه قدر محافظه ایتمشدر. حتی تیاترو پیس حالنه کلدکن سوکره ده معبودک محرابی اوکنده اوینامشدر . صحنه اوزرینه کلن آقتورلر، بیاترونک اک مهم اشخاصنی تشکیل ایلدکن سوکره بیله مغنیلر معبودک محرابی اطرافنده دونهرک دانس وتغنی ایتکده دوام ایشلردر. مضحکه لرده، وقتیه ماسکه لیلرک یاپدقلری کبی مغنیلر سیاسته دائر طوقوناقلی سوزلر سویلرلر، بوکا (پاراباز) دیرلردی .

تیاترو . - بتون آئنه لیلرک تیاترولرده اثبات وجود ایتلری ایچون آقروپولک یان طرفنده معبود (دیونیزوس)

بر عادت‌های ایدی. معبودلره مخصوص محرابك اطرافنده برچوق
 دلیقانلیلر نجیبو معنیدار وضعیتلر آلارق طولاشیرلردی ؛
 چونکه قدمای یونانیه بتون وجودلریله دانس ایدرلردی .
 زمانمز دانسنه هیچ بکزه مین دانسلری غایت جانلی، پاندومیمایه
 اولدقجه مشابه بر آلایدن عبارتدی . بودینی دانس ایله برابر همان
 دائماً معبودك شرفنه شرقیلر سویلنیردی. شرقی سویلیوب دانس
 ایدن هیئته (کور) دیرلردی . هر شهرك کندیسنه مخصوص
 کورلری (مغنیلری) واردی ؛ اک اصیل عائله لره منسوب
 چو جقلر اوزون مدت تربیه ایدلر کدن صوکره بورایه داخل
 اولورلر، معبوده جداً لایق بر هیئت تقدیم اتمک غیرت
 ایدرلردی .

آتنه جوازنده کی قیرلرده دلیقانلیلر بویله هر سنه باغ
 بوزومی معبودی (دیونیزوس) شرفنه دینی دانسلر اجرا
 ایدرلردی .

بودانسلردن بری پک مطمئن ایدی؛ بونده معبودك افعالی
 ارائه اولونوردی. مغنیلر رئیس، دیونیزوسی؛ مغنیلرده انک
 رفقاسنی (ساتیرلری) ارائه ایدرلردی . صوکره برینک
 (یونانیلر بونک آدینه تهسپیس دیورلر) عقلنه برده صحنه یایمق
 کلشدی ؛ مغنیلر طور دینی، زمان صحنه نك اوسته بر آقتور کلیر
 لویناردی. بوصورتله اصلاح اولونان تیاترو نهایت بازار یرنده کی

طوپلانیرلر، اک نفیس اثرلرینی بورایه کتیرلردی. شهبه سز
 آته خار جنده ده یونانی برچوق صنعتکارلر واردی؛ بشنجی عصر دن
 اول اولدینی کبی آدن سوکرده برچوق زمان بولونمشدی؛ فقط
 هیچ بروقت برشهرده بو قدر چوق بولوندینی واقع اولمامشدی.
 یونانیلرک قسم اعظمی صنعت دن مدققانه اکلارلردی؛ فقط
 آته لیلر هپسندن زیاده دقیق بر ذوقه، منور بر فکره، کوزل
 شیلره محبت کو سترمک ذوقنه مالک ایدیلر. بناء علیه یونانیلرک
 تاریخ مدنیتده بر قوم اولارق طاخلرینک سببی، صنعتکار بر قوم
 اوللر ننددر؛ انلرک نه او اوافق حکومتلری، نه ده او کوچک اردو-
 لری عالم مدنیتده اودرجه بیوک بروظیفه ایفایتمه مشدر. ایشته بونک
 ایچون بشنجی عصر یونان تاریخنک اک لطیف بر زمانیدر؛ وبوسبیدن
 طولاییده (آته) یونان شهرلرینک هپسندن زیاده مشهور
 اولمشدر.

رسم . - یونانستانده زوکزیس، پارازیوس، آهل کبی
 مشهور رساملریتشمشدر. بورساملر حقنده کی معلوما تمز، قسم
 اعظمی مشکوک بر قایچ فقره ایله بر قایچ لوحه تصویرندن عبارتدر.
 یونان صنعت ترسیمنه دائر بر فکر حاصل ایتمک ایچون میلادک
 برنجی عصرنده برایتالیان شهری اولان (پومپه ئی) اولرنده
 بولونان تزیناتدن بشقه الیمزده برشی یوقدر. ده اطوغریسی بوکا
 دائر معلوما تمز یوقدر دیمک ده اییدر.

بورطیلر . - دینی یورطیلرده دانس ایتمک یونانیلرک اسکی

حصرايدرلردی . متفقلرندن اعانه حربه آلفه باشلادقلری آندن
اعتبار آ اللرینه صرف ایدیله بیه جك خلی پاره کچمشدی؛ آتته
لیلر بوپاره بی مبانی لطیفه انشاسنه صرف ایتشلردر .

آتته لیلر بازار میداننده بویالی رسملرله مزین برقیو (پوسیل) ،
شهرده برتیا ترو، تهزه نامه بر معبد ، موسیقی مسابقه لری
ایچونده (اوده ئون) انشا ایتشلردر .

فقط الك كوزل آبدلر، جسم برقاعده اوزرینه انشا ایدلمش
کبی هپ آقروپول قیاسی اوزرینه انشا ایدلمشدر . بو آبدلر ایکی
معبددن عبارتدر ؛ الك مهمی اولان (پارتته نون) صرف مرمر
طاشلریله انشا ایدلمش وشهرک معبوده حامیه سی (آتته نه) یه
تخصیص اولونمشدی . یانی باشندهده ینه (آتته نه) یه تخصیص
اولونمش جسم بر طونج هیکل واردی .

آقروپولدن آشاغی جسم بر مردیون اینز، (پروپی له) ده
نهایت بولوردی . ایشته اندن صوکره آتته، یونان شهرلرینک الك
لطیفی اولمشدر .

آتته ، عین زمانده صنعتکارلر شهری ده اولیوردی (۱) .
بعضلری آتته لی ، بعضلری یونانستانک هر گوشه سندن گلش
شاعرلر ، خطیبلر ، معمارلر ، رساملر ، هیکل تراشلر هپ بورایه

(۱) اوزمانلر بریقلس اداره حکومت ایتدیکی بو صنعتکارلرک برچو غیله ده
احباب اولدیغی ایچون زمانزده بودوره (بریقلس دوری) دنیلمشدر ،
فقط قدما بوتعبیری هیچ قوالانماشلردر .

يونانلنك اولنمى عادتدن وامور دينه دن اولدينى ايجون اولنيردى .
 افلاطون ، انسان ذوقى ايجون دكل «قانون مجبور ايتديكى ايجون»
 ازدواج ايدييور ، ديمشدر . مضحكه پرداز شاعر لردن مه آندر
 ده : « طوغرى سنى سويله مك لازم كليرسه ازدواج بر فناق ،
 هم الزم بر فناقدر .» ديمشدر . بونك ايجون يونان شهر لر ينك
 سم اعظمنده اولدينى كى آئنه ده قادينلر هيئت اجتماعيه آره سنده پك
 آزر موقع اشغال ايتمشلردر .

آبره لر . - يونان شهر لر ينك اكثر نده اولدينى كى آئنه ده ده
 خصوصى اولر ، كوچوك ، آچاق ، بربرينه صيقشيق ،



آئنه آتروپولى (موكره دن ياپيله)

طار ، طولامپاجلى ، قالديريى فنا سواقلر وجوده
 كتيردى (۱) . آئنه ليلر بتون زيتلرينى عومى آبره لره

(۱) بالاخره بر مهندسك نظارتى آئنه بنا اولونان ليان محله سنك
 (يعنى پيره) سواقلري بالعكس كنش ومنتظمدي .

انلری کندی انتخاب ایتدکلیله تزویج ایلشد . «

بر آتته اوندده، صرف قادینلره مخصوص اولمق اوزره تالایچریده
(ژی نهسه) تعیر اولونور بر او طه واردی . بورایه یالکز
زوج ایله اقربا کیره بیلیردی . اوصاحبه سی اسیر خدمتچیلریله
برابر صباحدن آقشامه قدر اوراده اوطوروردی . خدمتچیلره
نظارت ایدر ، اناره اوی دوزلتدیرر ، اکیریله جک یوکی
طاغیتیر ، کندی ده البسه طوقومقاه مشغول اولوردی .

دینی یورطیلر مستثنی اولمق
اوزره پک آز سوقاغه چیقار
دی . فقط ار ککلرک جمعیتنده
بولونمازدی . خطیب ایزه
دیورکه : « هیج بر کیسه



توالتی یایان بر یونان قادی

قوجهلی بر قادینک اوندده یمک یمک جسارت ایددمز ؛ قوجهلی
قادینلر ار ککلرله برابر طعام ایتک ایچون طیشاری چیقهمیه .
جقلری کبی اجنبیلرله ده طعام ایتکی موافق کورمز لر . «
جمعیتلره دوام ایدن آتتهلی بر قادینه ناموسلی بر قادین نظریله
باقیلمازدی .

ایشته بوصورتله قبالی و جاهل یا شادینی ایچون قادینه صحبت
خوش اولمازدی . انی آلان ارکک بر شریک حیات اولمق ایچون
دکل ، اونی اداره ایتک ، چوجق طوغور مق واک زیاده ده بر

اوصلی طور مقدر ، دیردی . « اوصلی طور مق ، یعنی مطیع اولمق ؛ ایشته یونان قادینلرینه اوکره تیلن فضیلت یالکز بوندن عبارتدی .

میات ضروریه . — آتنه لیلرک بر چوق وظیفه لری واردی ؛ بو وظیفه لری شهر لیلرک یالکز بر قسمی ایفا ایدردی . آتنه شهرلیسی ، زمانزده کی مأمور لر ویا عسکر لر کبی وظائف عمومیه ایله مشغول ایدی . حرب ایتمک ، اداره امور ایتمک ؛ حیاتی ایشته بوندن عبارتدی . کونلرینی مجلسده ، محکمه ده ، اردوده ، جناستیق خانه ده ، چارشیده کچیرردی . — هان دائماً بر زوجه سی وچو جق لری بولونوردی ؛ چونکه بونی کندیسنه دین امر ایدردی ؛ فقط عائله ایچنده یاشامازدی . علی العموم بر آتنه لی ، غایت کنج بر قادینه ازدواج ایدردی . سن ازدواج دائماً اون بش ایدی . کنج قیزه قوجه یی ابوینی انتخاب ایدردی ؛ بو بعضاً قومشو عائله دن بر دلیقانیلی ، بعضاً باباسنک احباسندن سن کمالده بر آدم ، فقط دائماً آتنه لی اولوردی . کنج قیزک بونی طـانیدیغی پک نادر اولور ، کندیسنک هیچ رأی آلمازدی . هه رودوت بر یونانلیدن بحث ایدرکن دیورکه : « بو قالیاس ، قیزلرینه قارشى طوتمش اولدیغی طور وحرکتله اگیلمغه لایق بر آدمدر ؛ بو آدم ، قیزلری سن ازدواجه کلیرکلز بونلره زنکین بر جهاز ویرمش ، اهالی اره سندن قوجه لرینی انتخاب ایتملرینه مساعدده ایده رک

اولادینی دوکمک حقی بخش ایدردی . ازمنه قدیمده بو عادت عمومی ایدی .

صوکره چوجق مکتبه کیدر ؛ بوراده اوقومه ، یازمه ، حساب ، شعر اوقومق ، فلاوطه ایله بر آغزدن تغنی ایتمک اوکره نیردی . ایشته بتون تعلیم و تربیه بوندن عبارتدی ؛ یونانیلرک (ائی ولطیف) تعبیر ایتدکلری جسماً سالم ، فکرآ ساکن انسانلر ایشته بوتعلیم و تربیه ایله یتشیردی .

والده سنک یاننده قالان قیز چوجفه کلنجه ، بو هیج بر شی اوکر نمزدی . انک ایچون یالکز اطاعت ایتمکی بیلیمک کافی عد اولونوردی . قسه نوفون ، زنکین و تعلیم و تربیه کورمش بر آتیه اینک سوقراطه زوجه سندن شو صورتله بحث ایتدیکنی تصویر ایدیور : « کندسی ایله ازدواج ایتدیکم زمان هنوز اون آلتی یاشنده ایدی . او زمانه کلنجه قدر کندسی صیقی بر نظارت آلتنده بولوندرلمشدی ؛ ایستورلردی که نه برشی کورسون ، نه ده بر شی ایشتسین . البسه یایمق ایچون یوک اکیرمسنی بیلیر ، خدمتجیلره وظیفه نک نصل تقسیم اولوندیغنی اکلار بر قادین اولسی کافی دکلی ایدی ؟ » زوجی کندیسنه معاونت ایتمسنی زوجه سنه تکلیف ایتدیکی زمان زوجه سی حیرتله شو جوابی ویرمشدی : « سکا بن نه صورتله معاونت ایده بیلیرم ؟ آلمدن نه کلیر ؟ آنهم بکا دائما : سنک وظیفه ک

قرار ویرمسی ایجاب ایدردی . آتنه خلقی ، قیسالی بردائره کبی ایدی؛ بورایه یالکمز اسکی اعضانک خوشنه کیدنلر کیرر، بونلرده چوجقنلرندن بشقه کیمسه بی قبول ایتزلردی .

تربیه . — برچوجق دنیایه کلدیکی زمان پدری انی آتمق حقنی حائز ایدی . شوخالده چوجق اودن طیشاری آتیلیر ، سواققدن چکنلردن بری آلوبده کندیسنه اسپیر یایمق ایچون یتشدیر مزسه متروک بر حالده اولور کیدردی . آتنده بو خصوصده یونان اقوامنک عاداتی تعقیب ایدردی .



یونانیلرک طعامی

اک زیاده تشهیر

ایدیلن قیزلردی .

مضحکه پرداز بر محرر:

«انسان صوک درکه»

ضرورتده بولنسه

ینه برارکک چوجفنی

بیوتور ؛ فقط زنکین بیله اولسه ینه قیز چوجفنی تشهیر ایدر . « دیور . پدری قبول ایدرسه چوجق تکرار عائله سی نزدیکلردی . چوجفنی اولا قادینلر دائره سنده ، والده سنک یاننده بولوندی رلردی . قیزلر قوجهیه وارنجیه قدر بوراده قالیرلر ، ازککلر یدی یاشنه کلیر کلز چیقارلردی .

او زمان آتنه لی چوجق، کندیسنه حسن حرکت ایلمکی، اطاعت ایتمکی اوکره ته جک بر مربی یه (په داغوغ) تودیعی اولونوزدی . مربی اکثریا بر اسپر اولوردی ؛ فقط پدری

کندیلرینه محاکمه وکالت ایتمک ایچون بر حامیلری بولمق اوزره
کیجیلک ، بانقه و تجارت معامله سی یامق حقنی حائز ایدیلر .
آته ده ، قسم اعظمی صراف ویا تاجر اولمق اوزره ۱۰۰۰۰ دن
زیاده مهتهک واردی .

شهرلیدر . — آته شهرلیسی اولمق ایچون ، بر شهرلینک
ویا بر شهرلی قادینک اولادی اولمق لازمدی . سن کهولته ،
یکرمی سکز یاشنه کلیر کلز کنج آتنلی هیئت اهالی حضورینه
کلیر ، طاشیه جنی سلاحی آلیر ، « بومقدس سلاحلرک شرفنی
ازاله ایتمهک ، یرمه ثبات ایلمک ، حکامه و قوانینه اطاعت

ایتمک ؛ وطنمک دینی تجیل ایلمک
یمین ایدیورم ! » دییه یمین ایدر ؛ هم
شهرلی ، هم عسکر اولوردی . آرتق
اوندن صوکره آتمشنه قدر عسکرلک
ایدر ؛ بوکا مقابل مجلسده بولمق ،
حکومت ماموریتلرینی ایفا ایتمک
حقنی حائز بولونوردی .



آته قیافتاری

بعضاً آته اهالیسی ، شهرلی زاده اولمیان بر کیمسه بی ده شهرلی
یا پیغه راضی اولورلردی ؛ فقط بونی نادر آ و پک بیوک بر لطف
اولارق یاپارلردی . بونک ایچون مجلسک اجنبی حقنده قبول
قراری ویرمسی . طقوز کون صوکره ایکنجی بر
مجلسده ده لاقل ۶۰۰۰ شهرلینک رأی خفی ایله لهنده

کذا شخصیتلرینه ده مالک دکلردی؛ چونکه جمله سی ده آخر بر شخصک مالی ایدی. بونلره مواد تصرفیه نظریله باقیلیر، اکثریا کندیلرینه (وجود) نامی ویریلردی. بونلر ایچون افندیسنک آرزوسنی یرینه کتیرمکدن بشقه بر قانون یوقدی؛ افندیسی انلری چالیشدیرر، قپار، یمکسز بر اقییر، دوکر، هر شی یابایلیردی. شهرلینک بر دعواسی اولدیغی زمان خصمی، بیلدیکنی زورله سویلتمک ایچون شهرلینک اسیرلرینه اذیت ایدلمسنی ده طلب ایده بیلیردی. حتی آته خطباسندن بر چوغنی، طوغری بر شهادت استحصالی ایچون بو عادتیی ماهرانه عد ایدرک مدح ایدرلر. خطیب ایزه دیورکه: «اذیت، بر دلیل الده ایتمک ایچون کلامین چاره در؛ انک ایچون منازع فیه بر مسئلهیی میدانه چیقارمق ایستدیکنز زمان حر آدملره مراجعت ایتمکنز؛ اسیرلره اذیت ایدرسه کنز حقیقتی ده ائی میدانه چیقارر سکنز.»

اجنبیلر . — عن اصل اجنبی اولوب (آتیک) ده یرلشمش بولونان کیمسه لره مه تهک (برابر او طور انلر) دیرلردی. آته شهرلیسی اولمق ایچون یالکنز او اراضیده طوغمق کفایت ایتزدی؛ شهرلی زاده اولمق ده ایجاب ایدردی. اجنبیلر (آتیک) حوالیسندره بر قاچ بطنک دوامی مدتجه اقامت ایتسه لر عائله لری ینه آته لی اولامازلردی. مه تهکلر نه اداره حکومته اشتراک ایدرلر، نه شهرلی بر قالدینه ازدواج ایده بیلیرلر، نه ده بر ملک صاحبی اولورلردی. فقط شخصاً حر ایدیلر؛

اون برنجی فصل

آئنه ده حاکمیت عوام

صنوف اجتماعیه . - تربیه . - حیات خصوصیه . - آبدله . -
یورطیلر . - تیاترولر . - مجلس و محکمه لر؛ خطبا . - آئنه تجارتی .

صنوف اجتماعیه . - بشنجی عصرده، آئنه ده هیئت اجتماعیه
تشکل ایتشدی؛ اوزمانلر (آتیک) ده اوچ صنف خلق اقامت
ایدیوردی: اسیرلر، اجنبیلر، شهرلیلر .

اکثریتی اسیرلر تشکیل ایدیوردی. براسیری بولونمايه جق
درجده فقیر کیمسه یوقدی؛ زنکینلرک سورو ایله اسیرلری،
حتی بعضلرک ۵۰۰ قدر اسیری واردی. بونلرک قسم اعظمی
اودن چیقماز، بغدادی اوکوتور (۱)، خمور یوغورر، ایپلک
بوکر، البسه طوقور، ییک پیشیرر، افندیلرینک خدمتی
کورردی. بعضلری ده دمیرجی، بویاجی کبی دستکاهلرده
ویاخود طاش و کموش معدنی اوجاقلرنده چالیشیرلردی. بونلری
افندیلری بسلرلر، فقط انلره ییه جکدن بشقه برشی ویرمیه رک
بتون محصولرینی کندی منفعتلرینه ساتارلردی. خدمتکارلر
و معدنجیلرله صنعتکارلرک قسم اعظمی، هپ اسیر ایدی.
بونلر هیئت اجتماعیه ایچنده یاشارلر، فقط اکا شتراك ایده مزلردی.

(۱) قداما صو دکر منلرینی بیلمزلردی؛ بونلرک یالکز آل دکر منلری

واردی .

تمام قرق سنه بتون یونان سیاستنی اداره ایتمشدر؛ معاصرلرندن توکیدیک دیدیکی کبی او زمانلر «حاکمیت عوامک یالکنز نامی واردی؛ حقیقت حالده ایسه برکشی حکومت ایدیوردی.»

مطالعه اولوناچق آثار :

پلوتارق، آریستیدک حیاتی. پریقلسک حیاتی. - غروته، یونانستان تاریخی .

اولیه رقی عودت ایتدیلهر. اهالی بوندن فوق العاده حدتlendir؛ سیمون علیهنده تبعید (اوسنراسیزم) قراری ویردیلهر.

اوزمان آتیه، قومشوسی (اکینه)یه قارشى حرب ایتدی. شهری محاصره و تسلیمه مجبور ایتدکن صوکره سپرلینی وکیلرینی خراب ایلدی (۴۵۷). اوزمانقدر حائر نفوذ اولان (اکینه) شهری آدن صوکره خراب قالدی. صوکره آتیه، اسپارطه ایله قطع مناسبت ایتدی؛ آتیه نك متفقلری ایله اسپارطه نك متفقلری آره سنده بر حرب عمومی اولدی. آتیه عین زمانده (آتیک)ه استیلایدن اسپارطه لیلر ایله به ئوتی لیلر، آتیه عسکرینی قیلیجدن کچیرن (مغاره) و (اوبه) شهرلری ایله حرب ایتدی. بعده یونانستانک بتون متفقلری طرفدن بر اقلینجه، اسپارطه ایله صلح ایتکه مجبور اولدی (۴۴۵).

اوزمان کندیسنه یالکز آطه لرده کی وسوا حلدده کی متفقلری قالدی، بونلرینه ویرکی ویرمکه دوام ایتدیلهر.

بشنجی عصر اواسطده آتیه یونانستانک الک حاکم بر شهری ایدی. کافه اموری بیوک بر عائله یه منسوب بر ذات، پریقلس اداره ایدیوردی. پریقلس نه چوق نطق سویلهر، نه شیخنی کوسترز، نه ده اهالینک غرور و تفاخرینی اوقشامغه چالیشیردی. فقط آتیه لیلر اکا حرمت ایدرلر، وصایایسی اولمادن حرکت ایتمز لردی. پریقلسک کافه تفرعات اداره یه، منابع حکومته واقف اولدیغی بیلنیر، اکا اداره امور ایتدیریلیردی. پریقلس

ایتدی . اهالی بی آته محکمه لرنده محاکمه اولمغه مجبور ایلدی ؛ حتی آته دن کوندردیکی مهاجرلر اراضیلرندن برقسمنی ده اللرندن آدیلر . آته ، حاکم شهر اولدقن صوکره آطه لرده و (آرشیپه ل - جزایر بحر سفید) ساحل لرنده بولونان ۳۰۰ یونان شهرینه حکم ایدیور ، سنه ده ۶۰۰ طالان ویرکی تحصیل ایلوردی .

اسپارطه ایله قطع مناسبت . - اسپارطه ایله آته نك اتفاقا ، برلشمترینه سبب اولان تهلكه دن صوکره چوق دوام ایتدی . ایرانیلره قارشى اسپارطه لیلرله برابر حرب ایتمش اولان آته جنراللری ، آریستید ایله سیمون ، اتفاقدہ دوام ایتک ایستیور . لردی . فقط مدیا حربنك خاطر اتی نائل اولور اولماز آته لیلر اهالی مجلسی (ده موقراسی) ایله اداره حکومتی قبول ایتمش اولدق لرندن اسکی آریستوقراسی (یعنی زادکانلق) اصولنی محافظه ایدن اسپارطه لیلر ایله ائتلافه اودرجه میال کورونم دیلر .

۴۶۴ سنه سنده (لاقونیا) ده وقوعه کلن بر حرکت ارضدن اسپارطه ده کی خانه لر ییقلدی . هیلو تلمتبو علرینك محو اولدق لری نه ذاهب اولار ق عصیان ایتدیلر ؛ بر فرقه لری (ایتوم) طاغی اوزرینه برلشدی . اسپارطه لیلر بونلری محاصره ایتدیلر ؛ فقط بر قلعه نك فصل ضبط اولوناجغنی بیلمدکلری ایچون آته دن امداد ایسته دیلر . سیمون اسپارطه لیلره امداد کوندرمکه آته لیلری راضی ایتدی . فقط آته جنک اورلری اسپارطه لیلردن ممنون

بودمیر دگزك یوزینه چیقنجیه قدر معاهده لیرنی محافظه ایده جکلرینه یمین ایتدی .

فقط برکون کلدی که حرب ختام بولدی . دائما غالب کان یونانیلر بیوک حکمدار ایله مصالحه ویا متارکه (۱) عقد ایتدیلر ، حاصلی انکله محاربه ایتمکدن فارغ اولدیلر . بیوک حکمدارده آناتولی روملرینی تبعه سی عد ایتمکدن واز کچدی (۴۴۹) .

شمدی آریستیدک معاهده سی نه اوله جقدی ؟ محاربه ایدلمدیکی زمان ده متحده شهرلرینه اعانه ویره جکلر میدی ؟ ایشته بونلردن بعضیلری دها حرب ختام بولمادن اعانه ویرمکدن امتناع ایتدیلر . آتیه ، شهرلرک الی الابد اعانه ویرمکی تعهد ایلدکلرینی درمیان ایتدی ؛ انلری پاره ویرملری ایچون زور لادی . حرب بیتدیکی ایچون (ده لوس) خزینه سنک ده برایشی قلمادی . آتیه لیلر بوخزینه یی شهرلرینه کتیردیلر ؛ انی آبدله لرانشاسنه صرف ایتدیلر . آتیه لیلرک فکر نجه متفقلر بوپاره یی ایرانیلردن قور تولدقلری ایچون ویریورلردی ؛ او حالده آتیه شهری اناری بیوک حکمداردن قور تاردیغی مدتجه انلرک برشی طلب ایتمکه حققلری یوقدی .

ایشته بو حال متفقلرک وضعیتنی بسبتون دکیشدیر بیوردی . بونلر متفق اولاجق ایکن آتیه خراجکذار اولیورلردی ؛ آز زمان صوکره آتیه تبعه سی ده اولدیلر . آتیه ، اعانه مقدارینی تزیید

(۱) بوکا سیمون معاهده سی دینیور ، فقط سیمونک بویه هیچ

بر معاهده عقد ایتمدیکی محققدر .

اوتنجی فصل

آته حاکمیتک ظهوری

آته اتحادی ؛ اسپارطه ایله قطع مناسبت .

آته اتقاری . بو حربده قوماندانلی اسپارطه ایتشدی ؛ فقط هه رودوتک دیدیکی کبی ، ثبات و متانتده نمونه امثال اولارق ، صالامین دو نمانسی وجوده کتیره رک یونانستانی خلاص ایدن آته ایدی . مظفریتدن ده ینه آته استفاده ایتدی . آطه لرده و آناتولی ساحلنده بولنان ایون شهر لرینک کافه سی عصیان ایدرک ایرانیره قارشی براتحاد وجوده کتیر دیلر . طانغی اولان اسپارطه لیلر ، حرب بحری اجرا سنه مقتدر اولما دقلر ندن کندیلرینی کری چک دیلر ؛ اوزمان بو اتحاده آته لیلر ریاست ایتدیلر .

۴۷۶ سنه سنده دونما قوماندانی آریستید متفق شهر لر مرخصلرینی بریره طوپلادی . بومر خصلر بیوک حکمداره قارشی حربه دوام ایتکه ویر دیلر ؛ کمی وعسکر تدارک ایتکی ، هر سنه ده ۴۶۰ طالان (۱,۷۰۰,۰۰۰ فرانق) ویرمکی تعهد ایلدیلر . بو خزینه (ده لوس) ده ایونیلیلرک معبودی آپوللون معبدینه قونولدی . آته نه ده ، عسکره قوماندان ایتکی ، اعانه لری تحصیل ایلکی درعهده ایتدی . آریستید ، بو تعهدی بوزولیه جق برحاله کتیرمک ایچون دکزه بریغین قیزیل دمیر آتدیردی ، جمله سی ده

اولدقلىرى خالده مقاومتى غير قابل يناشمىق بر كتمله حالنده يورييور -
 لردى؛ اوزون مزداقلىرىله دشمنى دلوب چكيرييورلر، محاربه ينى
 در حال قتاله منبجر ايدييورلردى .

مطالعه اولوناجق آثار :

مهمزودوت ، تاريخ . - غروته ، يونانستان تاريخى . - قورتىوس ،
 يونان تاريخى .

احتمالکه سرخس، مظفریتک چوققلقه قازانیلاجغه ذاهب اولمشدی .

فقط بو غلبهک کنديسنگ حرکاتی اشکال ایدیوردی ؛ اردو، ارزاقنی نره دن آلاجغنی بیلیمور، آغر آغر ایلریلیور ، محاربه کونی نفی کسلیوردی . کیمیر غایت یناشیق بولونداقلرندن یان چیقینتیلرینی یاننده کی کیمیره صاپلایور ، کوره کلرینی قیریوردی . - سوکره بوجسیم غلبه لنگ ایچنده ، هه رودوتک دیدیکی کبی ، « انسان چوق ، فقط عسکر آزدی . » یالکز قطعات کزیده دن اولان ایرانیلر ایله مدیالیر شدتله محاربه ایدیورلردی ؛ قصوری قامچی ضربه سیله یوریوردی . بونلر کندیلرینه هیچ فائده سی اولمیان بر حربه زور ایله ، فنا تسلیح ایلمش ، انضباطسز ، نظارت آلتندن قورتولوز قورتولماز قاچغه مهیا بر حالدده گلشلردی . (میقال) ده اولدیغی کبی (پلاته) دده یالکز برانیلرله مدیالیر حرب ایتمش ، تبعه لر هپ فرار ایلمشلردی . - یران عسکر لرینک تجهیزاتی یولنده دکلدی ؛ اوزون البسه لر حرکتلرینه مانع اولیور ، باشلری قالپاقه ای محافظه ایلمیور ، وجودلری ساز بر قالقانه حفظ اولونامیوردی . اسلحه نامنه وق ، خنچر وقیصه بر مزر اقلری واردی . اوزاقدن ، اوده فر نفره محاربه ایده بیلورلردی . - اسپارطه لیر ایله متفقلری یسه بالعکس بیوک قالقان ، مغضرو باجاق سپرلری ایله محفوظ

نتیجه‌لندیرمشدر. — (ترموپیل) ده کجیدلردن برینی قیامغه چالیشان اسپارطه قرالی له‌ئونیداس یونانیلر طرفندن آرقه‌سی چوریلوب محوایدلمشدر. — (صالامین) ده ایران دونمسی بر بوغازه کیرمش، کیلری بر برینک حرکاتنه مانع اولارق یونان دونمسی طرفندن مغلوب ایدلمشدر (۴۸۰). — (پلاته) ده، یونانستانده قالان ایران اردوسی یونان هوپلیتری طرفندن محو ایدلمشدر (۴۷۹)؛ روایته کوره ۳۰۰,۰۰۰ کشیدن انجق ۴۰,۰۰۰ کشی قورتولایلمشدر. — اوصرده آناطولی ده کائن (میقال) شهرینه ده بر یونان اردوسی اخراج ایدلمش، بو اردو ایرانیلری منهزم ایتمشدر (۴۷۹)؛ حاصلی یونانیلر بیوک حکمداری مغلوب ایلمشدر. **یونانیلرک اسباب مظفرتی.** — مدیا حربی یونانیلرله باربارلر ارسنده بر حرب ملی دکلدی؛ چونکه آناطولی روملرینک کافه‌سی ایله اوروپا روملرینک یاریسی ایران اردوسنده محاربه ایتمشردی. بر چوقلری ده هیچ برلرندن قیلدامامشردی. دها طوغریسی بیوک حکمدار اسپارطه‌یه، آتنیه و متفقرینه قارشی بتون تبعه‌سی ایله برابر محاربه ایتمشدی. — اوزمانلر بو قدر جسم براردونک بویله ایکی کوچک قومه مغلوب اولسی بر خارقه عد ایدلمشدی؛ یونانیلر ایسه کندیلری نامنه معبودلرینک محاربه ایتدکلرینی سویلشردی. فقط طرفین مخاصمین دها یاقیندن تدقیق ایدیله جک اولورسه — بوکا اودرجه تعجب ایدیله مز. ایران اردوسی (یونانیلرک ده روایتنه کوره) غایت قوتلی ایدی.

اولدینی حالدہ ، سرخسک صورت مخصوصده حفرایتدیردیکی
(آطوس طانی) قنالندن کچهرک تراکیا ساحلی بویجه حرکت
یدیوردی .

یونانیلر دهشت ایچنده قالدیلر؛ قسم اعظمی بیوک حکمداره
انقیاد ایدرک عسکرلرینی ایران اردوسنه الحاق ایتدیلر. آتلهیلرده
(دلفی) کاهنی ایله مشاوره ایچون آدم کوندردیلر. کاهن اولاً :
«آتله آلت اوست اولاجق!» دیه بر جواب ویردی. فقطدها مساعد
بر جواب ویرمسی کندیسندن استرحام ایدیلنجه : «زه وس
(آتله نك حامیه سی) پاللاسه براخشاب دیوار احسان ایدیور،
بودیوار هیچ ضبط ایدله میه جکدر؛ سزو اولادلریکز سلامتکزی
انجق بوراده بولا جقسکز.» جوانی ویردی. کاهنلر، تفسیر ایتله لری
کندیلرندن طلب اولدینی زمان آتله لیره (آتیک) دن چیقملرینی،
باشقه بریره کیدوب یرلشمترینی تکلیف ایتدیلر . فقط
ته میستوقل، بو «اخشاب دیوار» ی کیلره دلالت ایدر صورتنده تاویل
ایتدی؛ بناءً علیه کیلره چکلمک، ایرانیلر ایله بحرأً محاربه ایتک
لازم کلیوردی .

آتله ایله اسپارطه ، مقاومتیه قطعاً قرار ویره رک ایرانیلره
قارشى بریونان اتحادی تشکیلنه غیرت ایتدیلر. بو اتحادیه داخل
اولمغه یالکزی بر قاچ شهر جسارت ایتدی ؛ بوشهرلر اسپارطه نك
قومانده سی آتله (هکمونیا سنه) داخل اولدیلر .

بو حربی برسنه ظرفنده وقوعه کلن درت میدان محاربه سی

ایگنجی مدیا هر بی . — ایگنجی مدیا حربی اون سنه
 صوکره بر استیلا ایله باشلامشدر . سرخسک اوغلی دارا ،
 اداره سنده بولونان بتون اقوامی طوپلامشدر . روایته کوره
 بری اردونک موجودی ۱,۷۰۰,۰۰۰ بالغ اولمشدر . بونلرک
 اره سنده قوللی البسلر کیمش ، دمیرزرهلر ، قالقانلر ، یایلر ،
 اوقلرله مسلح مدیالیلرله ایرانیلر ؛ — کتن زرهلر ، دمیر
 چویلی کرزلرله مسلح آثوریلر ؛ — یونلر کیمش ، بامبودن اوقلر
 ویایلرله مسلح هندیلر ؛ — ببردریسی کیمش ، حبش وحشیلری ؛
 — یالکنز بوغوملی ایپله مسلح کوچبه لر ؛ — قیصه مزر اوقلر .
 کوچوک قالقانلرله مسلح فریثریایلر ؛ — یونانیلر کبی مجهز
 لیدیایلر ؛ — اوقلر وخنچرلرله مسلح تراکیایلر بولونیوردی .
 ههرودوت بونلری تمام یکر می فصلده تعداد ایتمشدر . بو
 جنکاورلرله برابر اردو خدمتکارلری ، اسیرلر ، قادینلر کبی
 بر چوق غیر محاربلرله بر سوری قاطرلر ، بازگیرلر ، دوهلر
 و اشیا یوکلر آرابه لرده واردی .

ایشته بو قارما قاریشیق اردو ۴۸۱ سنه سی ایلك بهارنده
 (هدهه سپون — چناق قلعه بوغازی) نی بر کوپری ایله کچدی ؛
 مرور حرکتی یدی کون یدی کیجه قیرباج ضربهلری آلتنده
 اجرا ایدلدی ؛ صوکره تراکیایه کچدی ؛ تصادف ایلدیکی اقوامی
 زور ایله پیشنده سوروکلیه سوروکلیه یونانستانه طوغری
 یورودی . — ایران دونمادی ده ۱۲۰۰ سفینه حربیه دن مرکب

جنکاور، کوچوک جمهوریتلر بولونیوردی .

برنجی مریا حربلی . — مدیا حربلی ایکی دفعه اولمشدر .
 برنجیسی آتیه قارشی برسفردن عبارتدی . بو سفرده دارا
 طرفندن کوندریلن کیلر (آتیه) یه یدی ساعت مسافده کائن
 (ماراطوان) صحراسنه بر ایران اردوسی اخراج ایتمشلدر .
 فقط قمر بدرتام حالنه گلزدن اول یورویش اجراسی اسپارطه .
 لیلره دیناً ممنوع ایدی ؛ اوصرده ده قمر دهاتربیع اول حالنده
 اولدیغندن آتیه لیلر یالکز باشلرینه محاربه اتمکه مجبور
 اولمشلدر . یونانیلر ، هوپلیت طرزنده مسلح اولارق
 ایرانیلر قارشیسنده اردوگاه قوردیلر . بونلرک اون قوماندانی
 واردی ؛ هر بری ده گندی صرهسی کلدیکی زمان قومانده
 ایدردی . میلتیاد ، صرهسی کلدیکی زمان اردویه محاربه نظامی
 آدیرمش ، آتیه لیلر دشمن اوزرینه یناشیق نظامده هجوم
 ایتمشلدر ؛ ایرانیلر بونلرک اوپله سواریسز و تیراندازسز
 هجوم ایتدکلرینی کورونجه انلری چیلدیرمش ظن ایتمشلدر .
 یونانیلرک ایرانیلره محاربه نظامی آلارق تعرضه جسارت
 ایتلری ایلك دفعه واقع اولمشدی . آتیه لیلر اول ایکی جناحی
 بوزمشلر ، صوکره مرکزندن طرفه دونمشلر ، ایرانیلری دکزه
 قدر پریشان بر حالده سوردکدن صوکره کیلره بینمکه مجبور
 ایلمشلدر . ماراطون مظفریتی آتیه لیلری قورتارمش ، انلرک
 بتون یونانستانده شهرتلرینی آرتدیرمشدر (۴۹۰) .

اولسه لر ، حتی کندی اردولری ۱۰۰۰ کشیدن ده فضاه
اولسه ینه اسپارطه لیلر سنکله محاربه ایدر لر . — بونک
اوزرینه سرخس — نه ! بو قدر جسیم براردو ایله ۱۰۰۰
کیشیمی محاربه ایده جک ؟ قورقارم سوزلر کده فضاه مبالغه
اولماسین ! انلر ۵۰۰۰ کشی بیله اولسه لر بزینه بره قارشی
۱۰۰۰ اولوروز . اگر بزده اولدینی کبی انلرده ده بر حاکم
بولونسه ایدی بلکه انلرده قورقو ایله حسارت آلیرلر ، قوتلی
قطعه لری مزه قارشی قامچی ضربه لریله یوررلردی . فقط مادامکه
انلر حر و یالکز کندی نفسلرینه مربوطدرلر ، طبیعتک
کندی لرینه بخش ایتدیکی جسارتی هیچ بروقت ابراز ایده مزلر .
دیجه ، اسپارطه لی شو جوانی ویریور : اسپارطه لیلر کوکس
کوکسه محاربه ده کیمسه دن آشاغی قالمازلر ؛ هله قطعه حالنده
طوپلاننه جق اولورلر سه هرکس دن شجیع اولورلر . واقعا
کندی لری حر درلر ؛ فقط بسبتون حر دکلددرلر . اسپارطه لیلرک
بر حاکم مطلق ، بر قانونی واردرکه ، انلرک قانوندن قورقدقلری
قدر بلکه تبعه ک سندن قورقمازلر . اونلر ایشته بو قانونه
اطاعت ایدرلر ؛ قانونکده انلره امر ایتدیکی شی : دائما یرنده
ثبات ایتک ، یا مظفر اولق ویا خود اولمکدر . « ایشته قارشی
قارشی به کلن ایکی طرف ! یرنده بر چوق تبعه لر هوایی
مشرب بر حکمدارک جبراً تحت اداره سنده طوپلاننیور ،
دیگر نده ده اهالیسی قانونه مطیع ، کندی کندی لرینی اداره ایدن

روملری ایله محاربه ایتشدرد. فقط بوسفر بیوک حکمداره روملر تعرض ایتشلردرد. آتته لیلر، عصیان ایدن ایونیلیلره یکر می کمی کوندر مشلر، عسکرلری لیدیایه کیر مشلر، (سارد) شهرینی باصقین صورتیه ضبط ایدوب آتته ویر مشلردرد. دارا آناطولیده کی یونان شهرلرینی تخریب ایدرک انتقاهنی آلمش ایسه ده روم ایلمیده کی روملری ده خاطرندن چیقار مامشدر. روایته کوره هر یمکده ضابطلرندن برینک کندیسنه: «حشمتاب، آتته لیلری اونوتمایکنز!» دیمسنی امر ایتشدرد. دارا یونان شهرلرینه خبر کوندروب (طوپراق و صو) ایسته تمشدر. ایرانیلرجه مستعمل اولان بورموز، هر هانکی بر قومک مملکتنی بیوک حکمداره تابع قیلدیغنه علامت ایمش. او زمانده، یونانیلرک قسم اعظمی قورقوب تسلیمیت کوستر مشلر؛ فقط اسپارطه لیلر، طوپراق ایله صوینی کیرکده آلك، حکمداریکنزه کتورک دییه رک ایران مرخصلرینی قویویه آتشلردرد. ایشته مدیا حربلرینک اسباب ظهوری بو اولمشدر.

ایکی خصم بیننده کی تضاد. — یکدیگر یله مبارزه یه کیراشن ایکی قوم بیننده کی تضاد، حکمدار سرخس ایله ده ماراط نامنده منفی بر اسپارطه لی اره سنده محاوره شکلنده اولمق اوزره هه زودوت طرفندن مکمل بر صورتده ارائه ایدیلیر: «ده ماراط دیورکه: سنی تأمین ایدرم، یونانیلرک هپسی ده سندن طرف

طقوزنجی فصل

مدیا حربلری

استیلا . - اردولر . - دونمالر .

مدیا حربلرینک امبایی . - یونانلیلر شهرلرینی تنسیق ایله مشغول اولدقلری صرهدده ، ایران حکمداری ده بتون ممالک شرقیهینی بر حکومت حالنده برلشدیرمهک چالشیوردی . ایشته یونانلیلر ایله شرقیلر بویوزدن بر بریله مصادمه ایتشلردر . ایلك مصادمه آناتولیده وقوع بولمشدر . آناتولی ساحلنده یونانلیلرک زنگین ونفوسلی مستملکه لری واردی (۱) . ایران حکمداری کیخسرو بونلری ده اداره سی آتیه المق ایسته . مشدی . بونک اوزرینه مستملکه لر ، یونانلیلرک اک شجیعی اولمقاه شهرت بولان اسپارطه لیلردن امداد ایسته مشدر . بونی کیخسرو ده خبر ویرمشلردر . کیخسرو ده بوکا قارشی : «بربرینی یمنلرله قاندریمق ایچون شهرلری اورته سنده کی میدانه طوپالانان آدملردن هیچ قورقوم یوقدر .» جوابخی ویرمشدر . (کیخسروک بوندن مرادی بازار محلیدر) . نهایت آناتولی روملری مغلوب اولمشدر ، بیوک حکمدارک تحت تابعیتنه گیرمشلردر . اوتوز سنه صوکره ایران حکمداری داراده آوروپا

(۱) ۱۲ سی اییونی ، ۱۲ سی نه ثولی ، ۴ دی ده دوریک مستملکه سی ایدی .

(دلفی) معبودینی محافظه ایچون یونانستانک ایلری کلن اقوامندن ۱۲ کشی (آنفیقتیونیلر) نامنده بر جمعیت تشکیل ایتشلردی . بو اقوامک مبعوثلری هر سنه آپوللون یورطیبی یایمق ومعبدک تجاوزه اوغرایوب اوغرامدیغنی اکلامق ایچون (دلفی) ده اجتماع ایدرلردی ؛ چونکه بو معبدده ، یغما حسی تولید ایدمبیله جک درجه ده جسیم ثروتلر واردی . (دلفی) جوارنده کی (کیرا) شهری اهلینسی آلتنجی عصرده بوخزائی کاملاً ضبط ایتشلردر . بونک اوزرینه آنفیقتیونیلر ، انلری کناهکار عد ایدرک اعلان حرب ایتشله ، (کیرا) یی ضبط وتخریب ایلمشله ، اهلینسی اسیراولارق صاتمشلر ، اراضیلرینی چوراق بر حالده براقشیلردر .

مطالعه اولوناچق آثار :

تهن ، یونانستانده فلسفه صنعت . - قوللینون ، یونان آثار عتیقه سی . - قرووازه ، یونان تاریخ ادبیاتی . - قورتیوس ، یونان تاریخی . - غروته ، یونانستان تاریخی . - بوتمی ، یونانستانده فلسفه معماری .

آپولون معبدی. - الك زیادده (پارناس) طاعنی اتكندہ
(دلفی) شهرندہ کی آپولون معبدی ایدی. زیارتجیلر بورایه جواب
و نصیحت ، کھانت آلمق ایچون کلیرلردی .

معبدك ایچنده ، برمغاره داخلندہ کی طوپراق یاریغندن
سرین برهواجریان ایدردی . یونانیلرک فکرنجہ بوہوا معبود
طرفندن کوندریلیوردی ؛ بوہوای استشمام ایدنلر
بی اختیار سوز سویلرلردی . چاتلاغک اوکنبہ برسہپا قونور ،
مبارک بر منبعده ییقانوب حاضر لائمش برقادین (یعنی پیتی) سہپانک
اوزرینہ او طورر ، بورادہ الہاماتہ مظهر اولوردی . صوکرہ اوزرینہ
بردنبردہ عصبی برہذیان کلیر ، باغیرر ، کسیک کسیک سوزلر سویلرلردی .
اطرافندہ طوران راہلر بوسوزلری کاملاً یازارلر ، انلری
نظم ایدرلر ، کیم نصیحت ایسترسہ اکا ویررلردی .

(پیتی) نک کھاتی اکثریا مغلق وایکی معنالی ایدی . قرہ زوس
ایرانیلرلہ حرب ایدوب اتمہ سنی کندیسنہ سؤال ایتدیکی زمانہ :
« قرہ زوس بیوک برایمہ اطورلق محوایدہ جک . » دیہہ جواب
ویرمش . واقعا برایمہ اطورلق محوایدلمش ، فقط بوایمہ اطورلق
کندی ایمہ اطورلنی اولمشدر .

اسپارطہ لیلر (پیتی) یہ فوق العادہ اعتماد ایدرلر ، اکا
طانیسمادن ہیچ سفرہ کیتمز لردی . دیگر یونانیلرلرہ انلرہ
تقلید ایتدکلری ایچون (دلفی) شہری بر نوع ملی عبادتکھ
حالہ کلشدی .

مکافات قازانان ارغوانی البسه کیر، بتون اهالی پیشنده اولدیغی حالده شهره درت آرابه ایله کیرردی. «بوکون بزم پناپرهلوانلرینه براقدیغمز بومظفریتلر او زمان بتون مظفریتلرک فوقنده کورونور، بو او یوننی اک بیوک شاعرلر تجیل ایدرلردی. ازمنه قدیمه نیک اک مشهور لیریک شاعری پیندار، یالکز آرابه قوشولری اوزرینه انشاد شعر ایتمشدی. روایت کوره دییاغوراس نامنده بری ایکی اوغلنک بردن عین کونده مکافات نائل اولدیغی کورمیش، اوغللری طرفدن عموم مواجهه سنده آلابه کورتورلمشدی. اهالی بودرجه سعادت بر انسان ایچون چوق کوردکلرندن: «دییاغوراس سن اول ؛ چونکه معبود اولامیه جقسک!» دییه باغر مشلردی. دییاغوراس هیجاندن نفسی کسینه لیرک اوغللرینک قوللری ارسنده ترک حیات ایتمشدی. یونانیلرک نظر نده، اوغللرینک یونانستانده اک صاغلام یومروقلره، اک چویک باجاقلره مالک اولدیغی کورمک سعادت دنیویهنک مرتبه قصه و اسی ایدی (۱) .»

معبدلر . - یونانیلرک پرستش ایتدکلری هر معبودک برر معبدی واردی ؛ انلره بومعبدلرده دعا ایدیلیردی . بونلرک بر چوغنه یالکز او مملکتک آدملری دوام ایدردی . بعض معبدلرده یونانستانک هر مملکتندن زیارتجیلر کلیردی . بونلرک اک مشهورلری (اولمپیا) ده زهوس معبدی ، - (دهلوس) ده

• الكمهلری اولمپیاد اویونلری ایدی. بو اویونلر هر درت سنه ده بر معبود (زهوس) ك شرفه اجر ایدیلیر. بش آتی کون دوام ایدردی. یونانستان مالکنك کافه سندن کلن اهالی بتون سیرقی طولدیر لرلردی. اویونلرده اولا قربانلر کسلیر. (زهوس) ایله سائر معبودلره دعالر ایدیلیردی. — سوکره مسابقلر باشلاردی. بومسابقلر بروجه آتی ایدی :

آت میدانی اطرافنده یایا یاریشلر ؛

بش تعلیمدن عبارت اولدینی ایچون (په نطائله) دنیلن محاربه. بومسابقه کیرنلر صحرارلر ، میدانك براوجندن او بر او جنه قوشارلر ، تا اوزاقلره معدن دائرلر آتارلر ، جرید اوینارلر ، کورش ایدرلردی .

قوللر کوساله قوللقلره محفوظ اولدینی حالدیه پایلان یومروق

دوکوشنی ؛

آت میداننده پایلان آرابه قوشولری ؛ بو آرابه لر غایت

خفیف و درت بازگیره قوشولی ایدی ؛

اویونك حکملری ارغوانی البسه کیمش ، باشلر نده دفنه دالمدن

بر تاج اولدینی حالدیه اوطور لرلردی . محاربه دن صکره بر منادی

مکافات قازانانك اسمی ایله مملکتی بتون هیئت مواجهه سنده

اعلان ایدردی . مکافات قازانانه زیتون دانندن بر تاج ویردرلر ؛

فقط مملکتنه عودتنده همشهریلری انی بر غالب صفتیه قارشیلار .

لردی ؛ بعضائی شهره داخل ایتک ایچون دیوارلر بیله ییقارلردی .

عبادتله . - معبودلر حسیات بشریه یه مالک اولدقلری جهتله انسانلرک خوشنه کیتمک ایچون یاپیلان شی انلرک خوشلرینه کیتمک ایچون ده یاپیلیر، معبودلره سود، شراب، چورهک، میوه و آت کوتورولوردی .

بونلره سرایلر بناایدرلردی ؛ بوسرایلر، معبدلردی . انلری ممنون ایتمک ایچون یورطیلر یاپیلردی ؛ چونکه بو «معبودلر مسعود» اولدقلری ایچون مسرتدن، کوزل منظره لر دن حظ ایدرلردی . یورطی، ایوم اولدیغی کبی انسانلری اکلندیرمک ایچون یاپیلان براکلنتی دکلدی ؛ دینی بز ایندن عبارتدی . یورطی کونلرنده چالیشمق ممنوعدی ؛ هرکس معبودک اوکنده علناً اظهار شادمانی ایدردی . یونانیلرک بو یورطیلردن کندیلری ده محظوظ اولدقلرینه هیچ شبهه یوقدی ؛ فقط بونی کندی نفسلری ایچون دکل، معبودلر ایچون اجرا ایلردی . آپوللون نامنه یاپیلان اسکی برالهیده : « ایونیلیر سنی یومروق دوکوشلری ، شریقلر ، دانسلرله اکلندیرییورلر ! » دینیور .

بیوک اویونلر . - هر شهرک معبودلرینی تجیل ایچون کندیسنه مخصوص بیوک اویونلری واردی ؛ بو اویونلره یالکز اوشهرک اهللیسی قبول اولونوردی . فقط یونانستانک درت یرنده (۱) یاپیلان اویونلرده بتون یونانیلر بولونور و بو اویونلره اشتراک ایدرلردی ؛ بو اویونلره (درت بیوک اویون) دیرلردی .

(۱) اولمپیا ، دلی ، نهمه و قوره نت برزخی .

معبود لر ایله قهرمان لر انسانلره هر ایلیکی ویا فنالغی ویره جک
درجه ده اقتداره مالک ایدیلر . معبود لر ی کندینه کو چندر مک
تهلکه لی ، انلری کندندن خشنود ایتک عاقلانه بر حرکت ایدی .
بونلرده انسانلر کی کندیلرینه اهمیت ویرلمز سه قیزار لر ، عبادت ایدیلر سه
ممنون اولور لر ظن ایدیلر دی .

ایشته عبادت بو فکره مستنددی ؛ انک ایچون عبادت ، معبود لارک
توجهنی قازانمق ایچون انلری خوشلاندره جق افعالده بولمقدی .
افلاطون اهالینک بوبابده کی فکرینی شووجه ایله بیان ایدیور
(۱) : « کرک دعالرده و کرک هدایا تقدیمنده معبود لارک خوشنه
کیده جک شیر سو یلمکی ویا یاپدیر معنی بیلیمک ، ایشته اشخاص و
حکوماتی نائل سعادت ایدن دیندارلق . بونک ضدی ده هر شیئی
محو ایدن بر دینسز لکدر . » - قسه نوفون ده (سواری یه دائر)
اثرینک نهایتنده : « یالکز احتیاج زماننده کندیلرینه مراجعت
ایدنلره دکل ، اصل سرور و سعادت ایچنده کندیلرینی تکریم
ایدنلره معبود لارک ظهیر اوله جنی طبیعیدر . » دیتشدر . یونانیلرده
دین ، هرشیدن زیاده بر مقاوله دن عبارتدی ؛ یونانیلر معبود لر ی
ممنون ایتمکه چالیشیر لر ، مقابلنده ده انلرن خدمت بکلر لر دی .
آبوللون راهلرندن بری معبودینه : « سنک ایچون نیجه زماندن
بری سمیز بوغالر احراق ایتدم ؛ شمدی دعالریمی مستجاب ایت ،
سهامکی دشمنلرم اوزرینه فیرلات . » (۲) دییور .

(۱) اوتی فزون ک محاوره سی .

(۲) المیاد ، ۱ ، ۳۷ .

حکیم ، هم واعظ ، هم عالم ایدیلر . بونلره (حکما) دیرلردی .
 بالاخره بونلردن یدییی شهرت بولمش ، انلرده (عقلای
 سبعه) دنیلمشدر . فقط یونانیلر بیننده بو یدی حکیم حقنده
 ائتلاف یوقدر . بونلردن دردی : میله تلی طالیس ، پریه نلی
 بیاس ، مدلیلی پیتا کوس ، آتله لی سولون بلامناقشه قبول
 ایدلمشدر .

طالیس هپسنگ علمی ایدی ؛ هم حکیم ، همده علم هیئته
 واقفدی . کسوفی حساب ایتمش ، اهراملرک یوکسکلکنی اولچمشدی .
 منتظم بر اصول تحتنده هیئت عمومی کائناتی ایلك اول ایضاح
 ایدن یونانی بودر . طالیس (ایونی) مکتبئی تأسیس ایتمش ،
 کندیسنه «فلسفه یونانیه نک پیری» نامی ویرلمشدر .

بیاس بالخاصه اخلاق عملی ایله مشغول اولمشدر . دشمن
 طرفندن صویولوبده شهردن چیرچپلاق چیقارکن : « هپسنی
 ینه برابر کوتوریورم ! » دین فیلسوف ایشته بودر .

سولون ایله پیتا کوس اودرجه محترم رجال سیاسیهدن
 ایدیلرکه ، شهرلری انلری قانونلر تنظیم ایتمکه ، اداره حکومت
 ایتمکه مأمور ایتمشلردی .

فقط بونلرک هپسندن مشهور اولان حکیم ، سیساملی
 ریاضی فیثاغورددر . فیثاغور ایتالیاده ساکن اولمش ، شاگردلری
 برخیلی مدت برچوق شهرلرده اداره حکومت ایتمشلردر .

دین . - یونانیلرک الوهیت حقنده کی ادراکلرینه نظراً

وتغنی ایچون قوللانیلیردی ؛ برچوق کنجلر . مغنیلر ،
 معبودلرک محرابی اطرافنده دانس ایدرک ، تغنی ایلدیرک دونرلردی ؛
 شاعر هم موسیقی شناس ، همده مغنیلر مدیری ایدی
 یونانیلر ، لیدیالی آقمان ، آلسی ، آریون و مشهور
 صافوکی اوچی ده لسبولی (مدللی) آسیای صغری شاعر لرینک
 خاطره سنی دائما محافظه ایتمشلر در . فقط بونلرک آثار و حیاتنه دائر
 برشی بیلمدیکمزکی بینه کلریمزده منقولات قیلمندندر . بونلر
 شعر سویلرکن لیر ، یعنی ششتار چالدقیری ایچون کندیلرینه
 (لیریک شاعر لر) دنیلمشدر .

شعر ، موسیقیدن یدنجی عصرده ایرلغه باشلامشدر . اوزمانلر
 اوقونمق ایچونده شعر انشاد ایدرلردی ؛ بو شاعر لرک اک مشهوری
 (نهلهژی) فغاننامه تعبیر اولونان شعری ایجاد ایدن قالینوس ایله .
 (ایانب) دنیلن وزنی میدانه چیقاران آرکیلوک در .
 دهها سوکره آتلهلی سولون ، مغارلی تهئوغنیس کی شعر لرینه
 حکمت ادخال ایدن شاعر لر ، زنکینلر ایله مسابقه قازانانلره
 مدحیه لر اطرا ایدن مدحیه نویسدرده کلشدر . بونلرک اک مشهوری
 سیمونید ، دهها سوکره ده پیندار ایدی .

هکما . - یدنجی عصرده باخاصه آناطولیده کی روم
 شهرلرنده جهانی ، عالم مادی نی و حیات بشری ادراکه چالیشان
 انسانلر ظهور ایتمشدر ؛ بونلر اوتهدن بریدن حکمت ، علومه .
 اخلاقه ، حکمت غیرطبیعیه ده دائر سؤالر حل ایدرلردی ؛ هم

اور و پانک هر موزه سندن بو چو ملکلردن بیکلر جه سی جمع ایدلمشدر .
بونلرایکی چشیددر :

برنجیسی : قاره ویا قرمزی رسملی ، هر بویده ، هر یچمده
بویالی قابلر ؛

ایکنجیسی : پیشمش طوپراقدن اوافق هیکلردر ؛
بوهیکلربوندن همان اون بش سنه اول معلوم اولمش ، فقط
(طاناغرا) ده کی اولطیف سیمالی هیکلر میدانه چیقارلقدن



طاناغرا هیکلری

صوکره فوق العاده
شهرت بولمشدر .
بونلرک قسم اعظمی
اوافق صنملردن عبارت
ایسه ده بعضیلری
چو جو قلی ویا قاد-
ینلری ارائه ایللمکده در .

شماره ۱ - یونانیلرک شعرلی ، پک چوق زمانلر موسیقیلرینک
برقمی ایدی . شاعر کیریشلی بر سازی هم چالار ، هم تغنی ایدردی .
هومهرک داستانی او قونمازدن اول تغنی ایدلمشدر .

دها صوکره آسیای صغری روملری ده قومشولری (فریثیا)
و (لیدیا) لیلره امتثالاً فلاوطه و (اوج تللی) لیرکبی یکی یکی آلات موسیقیه
استعمال ایتلمشدر . موسیقی ، آیین روحانیلر اثناسنده دانس

بیک فرصت موجوددی؛ اندر بو آدمیری تدقیق ایدر لر، صوکره
هیکلرینی یاپارلردی؛ وجود بشری انر قدر تجسم ایتدیرن
اولامشدر.

بریونان هیکلنده باش علی العاده کوچوک، یوز غیر متحرک
وصولو قدر؛ یونانیلر علائم وجهیه یه دقت ایتزلردی؛ اک
زیاده خطوط وجهیه نك کوزلکنه باقارلر، باشی اعضایه فدا
ایدرلردی. بریونان هیکلنده اک کوزل یر وجوددر.

یوملک اعمالاتی. - یونانیلر چوملک اعمالنی حقیقی
برصنعت حالنه کتیر مشلدردر؛ بوکا (سه رامیک) یعنی چوملکجیلک

دیرلردی؛ بواسم
الآن باقیدر. چوملک
اعمالی یونانستانده
سائر صنعتلر درجه.
سندهر غوب دکلدی.
فقط بو صنعت بزجه
پک زیاده شایان
استفادهدر؛ چونکه



یونان قابلی

بوکا دائر پک چوق معلوماً تمز وارددر. معبدلر ایله هیکلر
خراب اولدقلری حالده یونان چوملکجیلکنه متعلق آثار مزارلر
ینه محفوظ قالمشدر. بوکون بونلری اورالرده بولمق هر زمان قابلدیر؛

هر شهرك كنديسنه مخصوص هيكللری واردی ؛ هيكل تراشدر
تمام بش عصر متادياً هيكل تراش ايتمشكردی . بو بر چوق



وه نوس دوميلو

آپولون دو بلو ددهر

هيكللردن زمانزه
انجق اون بش قدر
هيكل هيچ ال دكه-
مشكبي انتقال ايتمشدر .
فقط يونانيلر جه
مشهور اولان آثار
نقيسه نك هيچ بری
زمانزه انتقال ايمه-
مشدر . موجود اك
مشهور يونان هيكللری ،

يا (وه نوس دوميلو) كبي قوپيه لر ، ويا خود (آپولون دو بلو ددهر) كبي (۲)
انحطاط دورينه عائد اثر لردر . فقط الآن طوپر اقدن چيقار لمقده
اولان قبار تمه لرله هيكل پارچه لری ده بوكا علاوه ايديله جك اولور سه
يونان هيكل تراشني حقنده بر فكر عمومي ايدينه بياه جك در جه ده
آثارينه قالمش ديكمكدر .

يونان هيكل تراشلی هرشیدن زياده اك كوزل وجودلری
ساكن واصيلانه بروضعيته كوسترمكه غيرت ايدر لردی . چونكه
اك كوزل آدملری جناستيق خانه ده ، اردوده ، دانسلرده ، مقدس
تغنيلرده ، اك كوزل وضعيتلرد : اولارق كورمك ايجون انلر جه

ایچون قبارتمه لر حك ایدرلردی ؛ (پارتئونون) اضرافنده بولونان مشهور (پاناته نیس) چیچكلری ایشته بونوعنددی . — بونلر بالخاصه هیكل تراش ایدرلردی . بو هیكللردن بعضلری بر معبودی کوسترر ، بت یرینه قائم اولوردی ؛ بعضلری ده



پاناته نیس تزینتلی

بیوک او بونلرده غالب کلن بر پهلوانی ارانه ایدر . انک غالبینه مکافات تشکیل ایلردی .

اگاسکی یونان هیكللری قبا، بیچمنزو آتوری هیكللرینه مشابه ایدی . فقط بالآخره بونلرده تدریجاً نارین وظریف بر حاله ککشدر . اگ بیوک آتار ، بشنجی عصرده فیدیا سک ؛ دردنجی عصردهده پراقزیته ک آتاری ایدی . دها صوکرده کی عصرلره منسوب هیكللر دها ظریف ایدی ؛ فقط اودرجه نجات ومهابتلی دکلنردی .

یونانستانده بیکلرجه هیكل پایامشدی (۱) ؛ چونکه

یونان معماریسی صاغلام ، ظریف ، ساده و علمانه ایدی .
 معبدلرینک همان جمهاسی نحو اولمشدر؛ بونلردن بعضلری
 اوتدهه بریده ، قیریق دوکوک ، خراب ، طاوانی چوکوک ،



پارته تونک حال حاضری

بعضاً برقاچ ستوندن عبارت اولارق موجود بولونیور (۴) .
 مع مافیہ بونلر شو حاللری ایله ده تماشا کرانک حیرت و تقدیرینی
 جلب ایده جک بر درجه ده درلر .

هیکل تراشما . — مصر لیلرله آثوریلرجه اویمه لر
 بنالرك عارضی تزیناتندن بشقه بر شی دکلدی ؛ یونانلیلر ایسه
 بونی باشلیجه بر صنعت حالنه کتیر مشلدره . فیدياس ، پراقزیتهل ،
 لیزیپ کی اک مشهور یونان صنعتکارلری هپ هیکل تراش ایدی . —
 بونلر بر معبدک دیوارلرینی ، جبهه سنی ویا آلفنی تزین ایتمک

(۴) بونلرك اک معروف آتدهه (پارته نون) ، جنوبی ایتالیا ده

(په ستوم) شهرنده (پوزه ئیدون) معبیدر .

خط مستقیم لردن هیچ برینک ده حقیقهٔ مستقیم اولمادیغی کورولور (۱) . ستونلر ، اورته لرینه طوغری شیشکین ، شاقولی خاطر مرکزہ طوغری میال ، افقی خاطر اورته لرینه طوغری قباریقدر . فقط بونلرک کافه سی ده او درجه بالیسزدرکه بو اوسته لغی میدانہ چیقارمق ایچون انلری پک طوغری اولچمکه لزوم کورولور . یونان معمارلری آھنکدار بر ہیئت عمومیہ وجودہ کتیرمک ایچون قبا کورونن خطوط هندسیہ دن صرف نظر ایدرک مناظر خیالاتی نظر دقته آلمق لازم کله جکفی اکلامشدر . یونان محرر لردن بری (۲) : « معماریدن مقصد کوزی آلداتمق ایچون اصولر اختراع ایتمکدر . » دییور .

یونان صنعتکارلری قلاباً چالیشیرلردی؛ چونکه چالیشدقلری هپ معبود ایچوندی . بو سببدن نظره اک آز معروض اولان نقطه لرینه وارنجیه قدر بتون آبدہ لرینک هر طرفی غایت اھتمامکارانه ، حتی او درجه صاغلانمدرکه بو آبدہ لر اولیہ ایرکندن شدتلی بر صورتده تخریب ایدلمہ مش اولسه لر ایدی زمانمزہ قدر پایدار اولابیلیرلردی . (پارتہ نون) اون یدنجی عصرہ کلنجیه قدر موجوددی ؛ فقط بر باروت مغازہ . سنک اشتغالی بو بنایی ایکی پارچه ایتمشدر .

(۱) بوتمی ، (یونانستانده فلسفهٔ معماری)

(۲) لاریسالی هلییودور .

دورید ، ایونی ، قورونت طرزی ایدی . معبدہ آلتندہ کی ستونلرہ کورہ اسم ویریلردی .

ستونلرک اوزرنده بنانک بتون چورہ سنجه بربرینه یایشدیرلمش مرمر پارچه لرندن (تریع ایفلردن) صوکرہ کلن لوحه شکلنده تراش ایدلمش مرمر صفحہ لر (مہ توپلر) ، قبارتمہ تزیناتی تشکیل ایلردی .

یونان معبدلری (پولی قروم) مختلف اللون ایدی ؛ یعنی قرمزى ، ماوی ، صاری ، برچوق رنگلرہ بویانیردی . زمانمزدہ بوکا پک چوق وقت اینانیلماش ، همان مرکس یونانیلرک بربنای بویایه جق قدر ذوقسنز اولدقلرینه قائل اولماشدی .

فقط بالآخره برچوق معبدلر اوزرنده بویا اثرلری کورولنجه آرتق بوکا هیچ شبهه قالماشدر . نهایت ایجه دوشونجه بوکسکین رنگلرک ، خطوطی دها زیاده میدانه چیقارمق ایچون قولانلدیغی اکلاشلمشدر .

یونانہ معماریسنک طبایع ممیزه سی . — بر یونان معبدی یکنظرده بسیط و چپلاق بر بناکی کورونور . بو بنا ، بر قیا اوزرینه موضوع اوزون بر طاش قوطودن بشقه بر شی دکلدر . یوزی ده ، جهه سنه قونولان بر مثلشدن عبارتدر . واقعا یکنظرده خط مستقیملرله اسطوانه لر دن بشقه بر شی کورو - نمز (۱) ؛ فقط دها یاقیندن باقیلاجق اولورسه بولایعد

(۱) موسیو بوتی : « بر یونان معبدی رسم اولونماز ، چیزیلر . »

قیمتدار اشیایی، ثروتی، اکثریاشهرک آلتون و کموشی بوراده
حفظ ایدیلردی (۱). معبد بوضورتله برالبسه دولابی، بر خزینه،
بر موزه مقامنده ایدی.

معبدك درت طرفنی صره واری ستونلر احاطه ایدر، محراب
دیوارینك اطرافنده معبودی و خزینه لرینی محافظه ایچون

ایکنجی بر طرف

تشکیل ایلردی.

قاعده سی و باشلیغی

ایله بر برندن آیر-

یلان اوچ نوع،

ویا خود تعمیر مخصوص-

صی ایله اوچ طرز

ستون واردی؛

بونلرک هر بری

آنلری اختراع ایدن

ویا اک چوق

قوللانان قومک



دوریک

ایونی

تورهنت

اسمیه یاد اولونوردی. بو ستونلرده قدم صره سیمیه

(۱) (معبودلرک خزینه دارلری طرفندن طوتولان حسابه کوره)

(بازته نون) ده آلتون و کموش قابله آلتون تاج، قالقانلر، مغفرلر،

قلیچلر، آلتون ییلاقلر، بر فیله دیشی ماصه. اون سکزی تاق، فیله دیشندن

اوق قینلری واردی.

معبودك مرکز نده بر معبود «اوطه» سی واردی؛ بوراسی پخره سز،
 یالکز اوستندن ضیا آلیر اسرار انکیز بر عبادتخانه ایدی:
 اورته سنده تحته دن، مر مردن ویافیل دیشندن، آلتونلره
 مستغرق، البسه لر، مجوهر لره مزین برهیکل طور ردی. بعضاً
 بو، ایری برهیکل اولوردی؛ اولمپیامعبدنده کی زهوس هیکل ییره
 اوطورمش، باشی همان طواونه تماش ایدیوردی. هرکس:



اولمپیاده زهوس معبدینک داخلی (سوکره دن یاپیلمه)

« معبود بر قالدق اولورسه باشی طواونی دله جک. «دیر لردی.
 هیکلک بر نوع محفظه سندن عبارت اولان بو عبادتخانه نک هر طرفی
 نظردن محفوظدی. بورایه کیرمک ایچون صره واری ستونلردن
 متشکل برده لیزدن کچمک لازم کلیردی .

« اوطه » نک کریسندهر « آرقه اوطه » واردی؛ معبودك

جنوبده قوردهنت برزخی جوارنده (قوردهنت) شهری واردی؛ بوشهر کیلرینی آدریاتیق سواحله، سجیلیا و ایتالیا به قدر کوندرردی. — اوافق براطه اوزرنده بولونان (اکینه) شهری پهلوپونهز تجارتتی محافظه ایدردی. — مغار شهری ده، مستملکه لرندن کوندریلن قره دکنر لیمانلرینک بغدادیلرینی آلردی.

سجیلیاده باشلیجه مرکز (سیراکوزه)، ایتالیا ده (سیباریس) و (طارانت) ایدی. ساحلده کی یونان مستملکه لری باخصاصه بغدادی، شراب وزیتون چیقاردرلر، بونلری یونانستان ایله آناطولینک قابلری و قاشلریله مبادله ایدرلردی.

یونان معبدلری. — یونانستانده کی مبانینک الک کوزلری معبودلر نامنه انشا اولونانلردی؛ ذاتا یونان صنعت معماریسندن بحث اولندیغی زمان خاطره کله جک شی معبدلردر. — یونان معبدی خرسیتیان کلیسای کبی یالکز دعا ایتکه کلن عابدلره مخصوص دکلدی. بوراسی، هیکلی ایله ارائه اولونان معبودک اقامت ایتدیکی برسر ایدی (۱)؛ انسانلر بوسرای غایت مشعشع برحاله قویمغه چالیشیرلردی. جماعت معبدک داخلنه قدر کیره منزلر؛ طیشاریده، آچیق بر محراب اطرافنده طوردرلردی (۲).

(۱) فرانزجدهده کلیسا مجلس معناسنه در؛ یونان معبدی ایسه اقامتگاه معناسنه کلیر.

(۲) پارسده کی مادلن کلیسای بونک بوسبتون عکسیدر؛ کلیسای یونان معبدی شکلنده، تفریشات داخله سی ایسه خرسیتیان کلیسای طرزنده در.

اشیالرینی چیقارمغنی، اندری دیگر بر لیمانه بار کیرله نقل ایتدکدن
صوکره تکرار کمی یه یوکاتمکه ترجیح ایدرلردی .

آناطولی ساحلنده ال بیوک شهر ، لیمانیه برابر (میلهت)
شهری ایدی ؛ بولیمانده لیدیا یوکلری ایله بویوکلردن یاپیلمه
قاشلر کیلره یوکلدیلیر ، بورادن قالدان کیلر جام و مجوهرات
آلمق ایچون مصره ؛ باقیر ، دمیر ، دری ، طوزلی بالق واسیر
آلمق ایچون قره دکز ساحلنه ؛ دها صوکره لری ده یونان
مستملکه لرینک شرابیله زیتون یاغنی آلمق ایچون ایتالیا یه قدر
کیدرلردی .

آناطولیده قورصانلر لیمانی اولان (فوچه) شهری ،
مارسلیاده کی مستملکه سی ایله ، غول و اسپانیانک اوزاق شهر لر یله
تجارت ایدردی ؛ بر آطه اوزرنده بولونان سیسام شهری ده
یونانستان شهر لر یله تجارتده بولونوردی .

یونانستانده ال بیوک شهر لر ایکی یرده ایدی : بری ایکی دکزی
آیران پارچه نك الك طار بولندیغی نقطه ده ؛ او بری ده یونانستاندن
کچن الك کس دیره یول اوزرنده ایدی .

شمالده کی مشهور شهرده ، (اوبه حالکیس) اطه سی اوزرنده ،
(اوریپ) بوغازینک الك طار بولوندیغی نقطه ده (هالکیس) دن
بر صحرا ایله آریلان (ندره تری) شهری ایدی . تاجر لر (اوریپ)
بوغازینی بورادن کچر لر ، سجیلیایه قدر به ئوتی داخله قره دن
کیدرلردی ؛ کیلری بغدادی آلمق ایچون (تراس) ساحل لرینه
اوغر ایلردی .

برچوقلرینک نفوسی انجق بیک کشی قدردی؛ اکیبوکلرینک نفوسی انجق ۴ : ۵۵۰۰۰۰۰۰۰ بالغ اولمشدی.

یونانیلر هیج بر زمان ملت واحده تشکیل ائتمه مشلر، هیج بر وقت یکدیگر یله دیدیشمکن، بر برینی محو اتمکن خالی قالماملر در. بونکله برابر هپسی ده بر دیل قونوشورلر، عین معبودلره پرستش ایدرلر. اسپانیاسا حالرندن قره دکزک تا او بر او جه قدر هپسی ده عینی صورتده یاشارلردی. ایسته بتون بو علامتلردن طولایی هپ بر جنس ظن ایدیلرلر، کندیلرینک بار بار دییه نظر حقارتله باقدقلری اقوامک کافه سندن تمیز ایدرلردی.

تجارت. — یونانیلر برچوق عصرلر خارجه تجارت ائتمه مشلردی. فنیکلر اجنبی اشیاسی کتیرلر، یونانستانک محصولاتی آلوب کیدرلردی. هومه رک قصیده لر نده کی تاجرلر هپ صیدالیدر.

فقط یونانیلرده یواش یواش کیجیلک ائتمه یی اوکرنمشلر، فنیکلری شرقی بحر سفیددن چکلمکه مجبور ایدرک یونانستانک هرایکی ساحلنده کی دکزلرده بتون تجارتی کندیلری یاغغه باشلامشلردر.

باللی باشلی تجارت شهرلری، یایی لیمانلری اولان ویا خود تاجرلرک قره دن کسیرمه کیده جکلری یوللردن برینه حاکم بولمان شهرلردی؛ چونکداسکی زمانده کی یونانیلر اوزون دکز یولجاغندن ممکن مرتبه اجتناب ایدرلر؛ بر لیمانده طوروب

سکزنجی فصل

بشنجی عصره قدر مدنیت

تجارت و صنایع. شعرا؛ حکما. دین؛ عبادت؛ بیوک معبدلر.
اویونلر.

شهرلر. - یونانیلر اوطوردقلری مملکتده، هومه ر
زماننده اولدیفی کبی، دائما متفرق کوچوک قوملر حالنده
قالملر در. یونانستان ایله جنوبی ایتالیا اراضیسی طاغلرله،
دکزله کیلمش بولوندیغندن برچوق اوافق ناحیه لره طبیعتیه
تقسیم اولونمشدر؛ بونا حیه لره هر بری مدافعه سی قولای، فقط
مواصلاتی مشکل اولاجق وجه ایله یاننده کی ناحیه دن بردکز
پارچه سی ویاقیالق برسورایله آیرلمشدر. هر ناحیه کندی
کندینه بر حکومت تشکیل ایدر، بوکا (شهر) نامی ویریلیردی. بو شهرلر-
دن یوز قدر موجوددی؛ مستملکه لرده داخل حساب ایدیله جک
اولورسه بونلرک مجموعی بیکی تجاوز ایدردی. بزجه بر یونان حکومتی
بیوک بر حکومتک کوچولملشی در. مثلاً تکمیل (آتیک) حکومتی
فرانسه نکه ک کوچوک ایالتلرندن برینک نصفی قدر بیله اولامازدی؛
قوره نت ویامغار اراضیسی ایسه انجق بر شهر جواری جسامتنده ایدی.
علی العموم حکومت، ساحلی، لیمانی، قیرده بر قلعه اطرافنه سرپیلیمش
بر قاق قصبه سی ایله بر شهر دن بشقه بر شی دکلدی. بر حکومت دن
دیگر حکومتک قلعه سی، طاغلری ویالیمانی کورونوردی. بونلر دن

ایشته بو صورتله یونانیلر اصل یونانستاندن زیاده جوار مملکتلرده چوغالمشدردر . اک مشهور ذواتک قسم اعظمی بومستملکات رجالی ارسنده ظهور ایتمشدرکه . انلرده : هومەر ، آکی ، صافو ، طالیس ، فیثاغور ، هراقلید ، دموقریت ، آپهدوقل ، آرسطو ، آرشیمهد . تهئوقریت ودها سائر ذواتدر .

مطالعه اولوناچق آثار :

غروته ، یونانستان تاریخی . - فوستهل دوقولاژ ، شهر قدیم (بوبابده اک طوغری اثرلر ، هولم وبوزولتک آلمانجه اثرلیدر) .

اوغرایه رقی جبراً حرکت ایتدی ریشلردر. بونلرایکی سنه بر آطه ده
 او طور وب هیچ بر شیئه موفق اولامامشدر، نهایت (گیره ن) ده
 صورت قطعه ده یرلشمکه موفق اولمشلردر. (گیره ن) آز زمان
 ایچنده زونکین بر شهر اولمشدر (۱).

مستملک لریک الهیمی . — مهاجر لر نرده یرلشیرلر سه
 اوراده یکی بر حکومت تشکیل ایدرلردی ؛ بو حکومت ، منشائی
 اولان شهره هیچ بروجه ایله مربوط بولونمازدی . ایشته
 بو صورتله بتون بحر سفید یکدیگرینه غیر مربوط بر چوق
 یونان شهر لریله احاطه ایدلمشدی . بو شهرلردن بر چوغنی بالاخره
 منشأ لری اولان شهردن دهازونکین ، ده احاطه نفوذ اولمشلردر ؛
 چونکه بونلرک نفوسلری غایت چوق اولدیغی ایچون ده اواسع ودها
 محصولدار اراضی یه مالک بولونورلردی . روایت کوره ایتالیاده
 (سی باریس) شهرینک سلاح طاشیمغه مقتدر ۳۰۰,۰۰۰ نفوسی
 واردی ؛ (قروطون) شهری ۱۲۰,۰۰۰ کشی بی سفر برحاله
 وضع ایدوبیلمشدی . — سبجیلیاده (سیرا کوزه) ، آناطولیده
 (میلهت) شهرلری قوتجه (اسپارطه) بی وحقی (آنه بی) کچمشدی .
 جنوبی ایتالیایه (بیوک یونانستان) دنیلمشدی . چونکه
 هر طرفی یونان مهاجر لرلیله مسکون اولان بواسع حوالی یه نظراً
 اصل مملکت فی الحقیقه کو چوک یونانستاندن بشقه برشی اولامازدی .

(۱) بوشایان استفاده روایات ، هه رودوده تفرعاتیله موجوددر ،

اردوسی طرفدن محاصره ایدلیکنی کورنجه عائله لرنی ، اشیا لرنی ، معبد لرنک مجوهراتی کملرینه یوکلدی لر ؛ شهر لرنی بر اقوب کملره بیلر لر . حرکت ایتدکلری زمان ده دکنزه بر یغین قیزل دمیر آتار لر ، بودمیر لر دکنزک یوزینه چیقما دجه عودت ایتمه مکه یمن ایدر لر . بر چوقلری بو یمنی بوزوب دونر لر . دیکر لری یوجلیغه دوام ایدر لر ، نهایت بر چوق سرانجامدن سو کره مار سلیمان کلب لر .

(میله ت) شهرینی تأسیس ایدن ایونیلیر قادی نلر دن هیچ برینی یانلر نده کتیر مه مشلردی ؛ بونلر آناطولی بر لیلرینک او طور دینغی شهر لردن برینی ضبط ایتشلر ، بتون ار ککلری قتل ایتدکن سو کره تلف اولانلرک زوجه لری و کریمه لری ایله جبراً ازدواج ایتشلر در . روایت کوره بو قادی نلر زوج لریله برابر یمک یمه مکه ، انلری قوجه دییه چاغیر مامغه یمن ایتشلر در ؛ بو عادت میله ت قادی نلری بیننده عصر لر جه دوام ایتشلر .

آفریقاده (گیردن) مستملک کسی آپولونک امر مخصوصی ایله تأسیس ایدلشدر . بو امری آلان (ته را) اهالیسی مجهول مملکتلره کیتمه مک ایچون اولابوکا هیچ آدی ر مامشدر ؛ فقط یدی سنه سو کره اطه لرنده قورا قلق ظهور ایدنجه بو فلاکتک کندی لرینه آپولون طرفدن مجازاتاً کوندر لیکنه اعتقاد ایدرک حرکت ایتشلر در . مملکتلر دن ایسته میه رک چیقار یلان بومهاجر لر یولده گری یه دونمکه چالیشمشلر ایسه ده ارقداشلرینک هجومه

هپسنگ ده بر ماهیت مشترک کسی واردی : بومستملک لردن بردنبره
 و بعض قواعد معینه به نظر آ تاسیس ایدلمش لردی. یونان مهاجر لری
 بر برر و یا خود اوفاق اوفاق فرقه لرحالنده کلز لری؛ الیوم آوروپا
 مهاجر لری نیک آمریقاده یابدق لری کبی بالاخره شهر حالنه کلک اوزره
 اولر یاپارق راست کاهده یرلشمز لردی. بتون مهاجر لره پ بردن
 بر رئیسک اداره سنده اولدق لری حالده چیقار لر ، یکی شهر لری نی
 بر کونده تاسیس ایدر لردی . برده شهرک تاسیسی بر آیین دینی
 اولوردی؛ مؤسس ، مقدس بر حدود چیز ، مقدس بر اوجاق
 تاسیس ایدر ، بو اوجاقده مقدس آتش یاقیلیردی .

مستملک لره دائر عنعنات . — بومستملک لردن بعض لره -
 ینک تاسیسی حقننده کی منقولات بونلرک زمانمز مستملک لردن
 نه قدر فرقی اولدیغنی کوسترییور . مارسیلیا مستملک کسنک منشائی
 باقکز نصل روایت ایدیلیور : او کزمن اسمنده بر فوج لری
 بر تجارت کمیسی ایله (غول) ه کلیر ، بر غولوالی رئیس بونی قیزی نیک
 دو کوننه دعوت ایدر . او قومک عادتجه کلین یمک صوکنه
 طوغری النده بر بارداقله ایچری کیرر ، کمی زوج انتخاب ایدر سه
 بو بارداغنی اکا و یررمش ! قیز یونانلینک اوکنده طوروب بارداغنی
 اوکا و یرر . بو غیر مأمول حرکت جناب حقک بر الهامی اولمق
 اوزره تلقی اولونور ؛ غولوالی رئیس قیزی نی او کزمنه و یرر ؛
 ارقداش لری لره برابر مارسیلیا کور فزی اوزرنده بر شهر تاسیس
 ایتمسینه مساعده ایدر . ده صوکر فوج لیلر شهر لری نیک ایران

يدنجي فصل

يونانستان مستملڪاتي

آسيا، قره دڪز، آفريقا، سجليا، بيوك يونانستان؛ غول واسپانيا
مستملڪه لري .

يونانيلر يالكز يونانستانده اقامت ايتمز لردى. يونان شهر لرندن
چيقان بر چوق مهاجر لرتون جوار حوالى به كيدر ك يكي يكي شهر لر
تأسيس ايشلردى. آطه لرد كز ينك تكميل آطه لرنده، آناطولينك
بتون سواحلنده، كريدده، قبرىسده (او زمانلر پونت اوكره ن
دنيلىن) قره دكزك بتون سواحلنده قافقاسيا به وقرمه قدر،
(تراس دنيلىن) روم ايلي بويجه، آفريقا ساحلنده، سجلياده، جنوبي
ايتالياده، حتى فرانسه واسپانيا ساحلرينه وارنجه به قدر هپ
بويله اوافق يونان حكومتلري واردى .

يونانہ مستملڪاتك ماهيتى . — اون ايكنجى عصر دن بشنجى
عصره قدر هر زمانه مخصوص يونان مستملڪه لري واردى .
بومستملڪه لر هر شهر دن نشأت ايدر ؛ دوريدلى ، نه ئوليلى ،
حاصلى هر جنسه منسوب اولوردى. بونلر كاه چوراق بريرده،
كاه مسكون بر مملكتده ، كاه براستيلا واسطه سيلاه ، كاه يريلدرلاه
برائتلاف تيجهسى اولارق تأسيس ايدمشلردى؛ مؤسسلى ده
ياكميجى ، ياتاجر ، يامنقى ، ياسبر سريلردن اولوردى . فقط
بومستملڪه لرده زمان، مكان، جنس و منشأ جه تخالف اولديغى حالد

ده-اصوکره مجلسک صلاحیتی، دینامؤسس بولوندینی
 جهته مجلسدن قالدیر یلامیان وظیفه لره منحصر قالمشدر. مجلس
 جنایتله متهم اولانلرک محاکمه سنی اجر ایلردی؛ چونکدقان دوکک،
 کفارت ایدلمدیکی تقدیرده، آته اهاالیسنه قارشى معبودلری اغضاب
 ایده جک بر رعایتسزک تاقی اولونوردی .

مقولاته نظر آ آئهروپاز، والده سنک قاتلی اورهستی محاکمه ایچون
 معبوده آته نه طرفندن تأسیس ایدلمشدی؛ اورهست ئه رینیلر
 طرفندن تعقیب ایدلمش، آپوللون معبدینه التجا ایشدی .

مطالعه اولونا جق آثار :

هه رودوت . — آرسطو، آته جمهوریتی . — غروته . یونانستان
 تاریخی .

(برنجی آرخونت) مجلسه ریاست ایدر؛ بتون شهر اهالیسنه
و کالت ایلردی .

(قرال آرخونت) ، وقتیه قرالدر طرفدن تأسیس ایدیلوب
ینه قرالدن بشقه سنک یاپامیه جنی اسکی آیین دینیلری ایفا ایدردی .
(پوله مارق) ده حربده اردویه قومانده ایلردی .

(ته سموتت) تعبیر اولونان دیگر آلتی دانه سی ده جنایتلری
حکم ایدن محکمه لری اداره ایدر لردی . بونلرک احتمالک بزرجه
بیلنمین دها بشقه وظیفه لری ده واردی .

ایشته بواسکی زمانلرده آتنه حکومتی بوه آرخونت وجوده
کتیری یوردی . بونلرک هپسی ده ۲ قرالک وقتیه حائر اولدقلری نفوذ
مالک ایدیلر .

آئرو یاز . — اسکی شهر لرک کافه سنده اولدینی کبی (آتنه)
دهده بیوک املاک صاحبی عائله رئیسارندن متشکل بر مجلس واردی ؛
آرخونتدر بر کرده کمال وظیفه ایتدکن صوکره بومجلسه اعضا
اولور لردی .

مجلس (آقروپول) قارشیسنده واسکی معبد جوازنده بر
تپه اوزرنده طوپلانیردی . بومجلسه ، طوپلانیدینی محکک نامنه نسبتله
(آئهروپاژ) دیر لردی .

مجلسک وقتیه نه کبی بر صلاحیتی حائر اولدیغنه دائر معلوما تمز
یوقدره ؛ فقط بونلرک هر حالده آرخونت لری انتخاب و اداره حکومته
انلره یاردم ایتدکلری محتملدر .

(آتنه) بی محاصره ایدرک همپاسی (آتیک) دن چیقمنه مجبور ایلمشدر. اوزمان، یعنی ۵۱۰ ده اختلافلرده باش کوسترمشدر.

قلیسته نك اصرومانی . — فرقه رؤسائندن قلیسته ن، اساسلی بر انقلاب وجوده کتیرمک ایچون بوقاریشیققلردن استفاده ایتمشدر. آتیک ده برچوق اجنبیلر اقامت ایدرلردی؛ بونلر بالخاصه لیمان جوارنده، (پیره) ده اقامت ایدن کیجیلرله تاجرلردی. ایشته قلیسته ن بونلر شهرلی حقوقنی بخش ایتمش، انلرله اسکی اهالی بیننده کی فرقی قالدیرمشدر .

اندن صوکره شهرده (آتیک) اهالیسی ایله (پیره) اهالیسی، یعنی ایکی اهالی برلکده اقامت ایتشدی. فقط بونلر اوچ عصر صوکره بیله سیالرنده کی فرقدن طانیلیرلردی؛ آتیک اهالیسی سائر یونانیلرله، پیره لیلر ایسه آسیالیلرله بکزرلردی. ایشته آتنه اهالیسی بو صورتله چوغالارق یکی بر قوم، یونانستانک الفعال بر قومی اولمشدر .

آرخونتلر . — آتنه ده قرال (واسیلهوس) عنوانی هیچ قالدیرلماشدر. فقط بالا آخره قرالک حکومتی تدریجاً اون سنه یه، ده صوکره بر سنه یه ایندیرلمش، ونهایت (آرخونت) تعبیر اولونان ۹ حاکم تقسیم اولونمشدر. بو حاکملر، آتنه ده بر سنه اجرای حکومت ایچون انتخاب اولونان زادکان ایدی؛ بونلر اکمال مدت ایتدکن صوکره برلرینه بشقه ۹ زادکان کچردی .

آرخونتلر، ایشلری بینلرنده تقسیم ایدرلردی. (برنجی آرخونتک آدی اوسنیه ویرلدیکی ایچون) (نه پونیم) دنیلن

اوندن صوکره (آتیک) ده دیگر یونان مملکتلرندن دهها زیاده
اوافق مال صاحبلی ظهور ایشدر ؛

ثالثاً : بتون اهالی بی وارداتنه کورده ۴ صنفه آیرمشدر :
هرکس ویرکی ویره جک، ثروتی ایله متناسب خدمت عسکریه ایفا
ایده جکدی؛ فقیرلر ویرکیدن و خدمت عسکریه دن معفوایدی.

یزیسطراط. — یزیسطراط، افراد مسلحه دن مرکب برقطه
طوپلامش، ایچ قلمه بی ضبط ایدوب تیران اولمشدر. سولونک
اصلاحاتی لغو ایتدیکی کبی سولونده حرمت ایتمش، هیچ برکیمسه بی
اولدیرتتمشد. فقط یالکز زادکان ایله مشورت ایتیه رک حکومت
سورمشدر.

زادکان بوندن ممنون اولمیه رق آره لرنده اتفاق ایتمشلر،
یزیسطراطلی مملکتدن طرد ایشلردر. یزیسطراط تکرار کیش،
فقطینه طرد ایدمش، صوکره آنسزین کله رک بوسفر اولنجیه قدر
آتنه یه حاکم اولمشدر.

یزیسطراط شهری تزیننه چالیشمش، (آقروپول) اوزرنده
آتنه نامه بر معبد ایله زه وس نامه بر معبد (بومعبد قبل المیلاد) ایکنجی
عصرده اکل ایدلمشدر.) انشایتدیرمش، پانتیلیک منبعلرینک
صوینی (آتنه) یه کتیرمشدر.

وفاتندن صکره یرینه اوغلی هیپاس کچمشدر. زادکان انی
اولدیرمک ایچون اتفاق ایتمشلر ایسه ده راست کتیرده مشلردر. فقط
بالاخره اسپارطه حکومتی اردو کوندرمک اجبار ایتمشلر، بواز دو

باشنه برحکومت تشکيل ائمه مشلردی ؛ هر قصبه نك كندینه مخصوص قرالی و حکومتی واردی . صوكره هپسی ده برقرالك ، آئنه قرالك اداره سی آئنه طوپالانه رق یالكز بر شهر تشکيل ائمشلردی . فقط بونلر هپ بر شهره طوپالانام مشلردی . هر کس کندی قصبه سنده او طور وب طوپراغنی زرع ائمش ، هپسی ده آئنه معبودی آئنه یه ، حامی بر معبودیه پرستش ائمشلردی ؛ هپسك ده پایتختی بر اولمش ، هپسی ده برقراله اطاعت ائمشلردی . دها صوكره قرال ده قالدیرلمش ، انکیرینه آئنه ده هر سنه دكیشمك اوزره طقوز رئیس (آرخونتلر) قائم اولمشدی . فقط بووقایعه وقوفمز پك آذر ؛ چونکه اوزمانه عائد هیچ بروثیقه قالمشدر . روایته کوره آئنه لیلر دائما اختلاف ایچنده یاشارلردی ؛ اصیل املاك صاحبلی (اوپاطریدلر) کندی مالکانه لرنده کی کونده لکجیلره جفا ایدرلر ، آلاجلیلر بورجلیلری اسیر کی صاندیرلردی .

سولوه . — آئنه لیلر نظام وانتظامی تأسیس ایچون حکمادن سولونی کندیلرینه قانون یامغه مأمور ائمشلردر (۵۹۴) .

سولون اوچ نوع اصلاحات یامشدر :

اولا : پاره نك قیمتنی آزالتمش ، بو یوزدن بورجلیلر بورجلرینی دها قولای اوده یه بیلمشلردر .

ثانیاً : کویلیلری زرع ایتدکلری اراضی یه صاحب ائمشدر ؛

التنجي فصل

آته

آتهنك ايلك زمانلری : سولون : پیزیسطراط : قلیستن : آرخونلر :
آتهروپاز .

آته . — آتهیلر دائماعین مملکتده اقامت ایتمکله افتخار
ایدلر، جدلرینک آغستوس بوجکلری کبی طوپراقدن طوغدیغنی
سویلرلردی. (آتهک) حوالیسی کندیلرینی جذب ایده جک برحاله
اولمادیغنی ایچون جنکاور طاغیلر بورایه استیلا ایتیه، رک شهرک
یانندن کچمشلردی . بوحوالی ، دکزه طوغری مثلث شکلنده
ایلریله ین برقیای یغینندن متشکلدی . مرمرطاشلری، آریلرینک
باللری ایله مشهور اولان بوقیالقدر (۱) چبلاق وچوراق برحاله
ایدی . بوقیالره دکز اره سنده (ایرماقلری یازین قورودیغنی
ایچون) اینی اسقا اولونمیان، کترتلی برنفوسی بسله مکه غیرمساعد
اوچ کوچوک اووا بولونیوردی .

بو اووالرک دکزدن بر فرسخ مسافه ده بولونان الکبیوکنده
منفرد ایری برقیای واردی . آته شهری بوقیانک اتکنه بنا
اولونمشدی : آفروپول (یعنی یوکسک شهر) دنیلن اسکی شهرده
قیانک تپه سی اوزرنده ایدی .

آتهنك ايلك زمانلری . — آتهک اهالیسی بدایتده باشلی

(۱) پهنته لیک مرمری ایله اجمهت بالی

اك مسعوديسك!« دیر، اوده جواباً : - طور، سكا تیرانلرك سعادتی کوستره س!» دیدکن صوکره ده موقلهسه مکلف بریمک یدیرر، کندیسنه ایدیلن احتراماتی عینیه اوکاده یاپدیرر. یمک اثناسنده ده موقلهس کوزلرینی قالدیرنجه باشنک اوزرنده بر قلیجک بر آت قیلی ایله طاوانه اصیلی اولدینغی کورر. - بومقایسه حقیقه پک موافقدی؛ تیرانلرك حیاتی قیل اوستنده ایدی. بونلرك دشمنلری اولان زنکینلر انلری دویرمک ایچون دائماً فرصت کوزه تیرلردی؛ چونکه بر تیرانی اولدیرمک شایان تجیل بر حرکتدی. بوتهدکه تیرانی قورقو تور، انی اورکک، ظالم ایدردی. هیچ کیمسه یه اعتماد ایتمز، بتون دشمنلرینی اولدیرمدکجه کندینی امین ظن اینزدی؛ اک اوافق برشبهه اوزرینه اهالی نی اعدامه محکوم ایدردی. ایشته بویله لکه تیران نامی نهایت ظالم معناسنه کلشدر.

. مطالعه اولوناچق آثار :

هه رودوت ، - غروته ، یونانستان تاریخی . - قورتیوس، یونان تاریخی .

(قریسا) دن آدیغی غنیمتله برپازار انشا ایتدرمش ، بوپازاره
کندی نامی ویرلمشدر .

قلیستهن دوریدیلرله آرغوسلیرك دشمنی ایدی . اوزمانه
قدر دوریدیلر (سی کیون) ده اک برنجی صنفی اشغال ایدرلر ،
ایلك اوچ قبیله یی انلر تشکیل ایلرلردی . قلیستهن سائر اهالی یی ده
برنجی صنفه ادخال ایتمشدر . (دوریدیلر ك قهرمانی آدراسته
ایدیلن عبادتی قالدیر مق ایچون نه یاپدیغی ۱۳۸ نجی صحیفه ده ذکر
اولونان فقره دن اکلایشیلابیلر) .

قلیستهن پك زیاده ثروت کسب ایتمش ، قیزیخی آتھنك اک
زنکین عائله سندن بر اسیلز اده یه تزویج ایشدر ؛ حتی بو ازدواج
بر افسانه نك بیله ظهورینه سبب اولمشدر ؛ گویا بو ازدواجه
یونانستانك هر گوشه سندن طالبلر ظهور ایتمشدر .

آلتنجی عصرده صر کره تیراندر . — اسکی تیرانلر اده سنده
(آتھ) ده یزیسطیراط ، (می تی له ن — مدلی) ده بیتاقوس ،
حکیم ومحترم ذواتدندی . او زمانلر مشروطیت خارجنده اداره
مطلقه اجرا ایدن کیمسه لره تیران دینردی ؛ بو اسم مغل حیثیت
عد اولونمازدی .

دهاصو کره تیرانلر زنکینلرله متمادیاً حرب ایدر ك خونریز
اولمشر وهر کسك عداوت ونفرتنی جلب ایتمشلردر . بونلر ك
احوالی مشهور ده موقله س حکایه سنده پك کوزل تصویر ایدلمشدر .
ده موقله س بر کون (سیرا کوزه) تیرانی ده نیسه : «سن انسانلر ك

شهری ده مستقل بر شهر اولمشدر .

سی کیومه . — پهلوپونه زك شمالنده بولونان (سی کیون) شهری هیچ بر وقت (آرغوس) ویا (قوردهنت) قدر ترقی ایتمه مشدر . فقط بوراسی ده زنگین بر شهردی ؛ محصولدار بر طوپراغی واردی ؛ بو طوپراقدن چایر ، میوه و سبزه یتیشیر ، قوردهنت چارشیلرنده ساتیلیردی . (قوردهنت) ده اولدینگی کبی بوراده ده طونج قابلر وچناقلر اعمال ایدیلیردی . (سی کیون) دوریدیلر طرفندن ضبط ایدلمشدی ؛ اهالیسنک قسم اعظمی دوریدلی اولماقلری حالده یدنجی عصره قدر هب دورید زادکانی طرفندن اداره ایدلمشدری .

۶۶۵ سنهسنه طوغرو دوریدلی اولین بر تیران اداره حکومته کچمشدر . بوتیرانک اسمی اوده راس اولدینگی حالده کندیسی اورطاغوراس نامنی آلمشدر . روایاته کوره اورطاغوراس قصاب و یا آشچی ایش . اورطاغوراسک احفادی (سی کیون) ده یوز سنه حکومت سورمشدر . بونلردن میلون ، آرابه قوشولرنده مکافات قازانمش واولمپیاده بر خزینه انشا ایتدیرمشدرکه ، بو خزینه سوکره کشف ایدلمشدر . تیرانلرک الک ذی اقتداری قلیستهن ایدی . (قریسا) شهری ، (دلفی) معبدینه کیتمک ایچون اراضیسی اوزرندن کچن زیارتچیلردن پاره آلیردی . قلیستهن بو شهره قارشی اوزون بر حرب اجرا ایش ، شهری ضبط ، بعده خراب ایشدر .

بعضری انی ویرکی بیه وضع ایتک ایسته مین ماهر و ناموسکار
 بر آدم اولارق کوستر لر ، حتی بعضاً عقلای سبهدن بری
 اولق اوزره تلقی ایدر لردی . بعضری ده بالعکس ، تبعه سنک
 خصومتنه قارشی کندیسنی محافظه ایچون مزراقله مسلح
 جنکاور لردن مرکب بر محافظ بولندیردیغنی ، ماللرینی حمز
 ایتک ایچون قوره تنک اک زنکینلرینی اعدام ایتدیردیکنی نقل
 ایدر لر ، یوقاریده بغدادی باشاقلری حقنده روایت اولونان
 فقره بی اکا اسناد ایلر لردی .

پهریباندنر ، صنعتکارلر ایچنده یاشامقدن حظ ایدردی .
 (لهسبو - مدلی) لی مغنی آریونی سراینه کتیرمش ،
 آریون معبود باکوس شرفنه اوزون بر منظومه تنظیم
 ایتمش ، بو منظومه تکه درسی کیمش ۵۰ آقتور طرفندن
 دانس ایدیلهرک تغنی اولونمشدر . - پهریباندنر برزخ
 اویونلری ایجاد ایتمش ؛ (کورش ، بازگیر یاریشی و موسیقی
 مسابقه سندن عبارت اولان) بو اویونلر قوردهنت برزخنده
 (پوزه ئیدون) معبدی جوارنده اجرا ایدلمشدی ؛ بو اویونلره
 بتون یونانیلر قبول ایدیلیردی . پهریباندنرک برینه ، بر مصرلی
 آدینی طاشیان یکنی پسامه تیک کچمشدر . پسامه تیک انجق اوچ
 سنه حکومت سورمشدر . زماننده قوردهنت اهالیسی آیاقلانمش ،
 انی تلف ایتمش ، جسدینی حدوددن اوتیه آتمشدر . انک
 اوزرینه پهریباندنر طرفندن تحت انقیاده آلان (قورسیر)

هر اقلس تسلندن اولدقلرینی سویلر لردی . قرال هیچ حکومت سورمزدی . (باکیادلر) تعبیر اولونان عائلهء حکمداری واقعا قرال عنواتی محافظه ایدردی ؛ فقط بتون ایشلره بو عائله رؤساسندن مرکب بر مجلس قرار ویرردی .

یدنجی عصرده باکیادلردن کیمی قتل ، کیمی نفی ایدلمشدره ؛ روایاته کوره بونلر تدبیرسزاکلری یوزندن قوره نت اهالیسنی کندیلر ندن صغوتمشلر ، اناسندن طوغدینگی کون تلف ایتدیرمک ایسته دکلری کیپسه لوس نامنده بری طرفندن محو ایدلمشلردر . کیپسه لوس پک چوق ثروت جمع وادخار ایتمش ، (دلفی) ده کی آپولون معبدی ایله (اولمپیاد) ده کی ههرا معبدینه آلتون و کموش هدیه لر تقدیم ایش ، روایته کوره کنارلرنده مناظر حیاتیه سنی کوسترر آلتون بر صندوق وضع ایتدیرمشدر . آدریاتیق ساحلی ایله مناسبات تجاریه تأسیس ایتمک ایچون اوغللر ندن اوچ دانه سنی کوندرمش ، بونلر (لوقاد) ، (آناق طورپیون) و (آنبراسی) نامنده اوچ مستملکه تأسیس ایشلردر . بعده ، اوغلی پهرییاندر کندیسنه خلف اولمشدر . پهرییاندر پک زیاده قوت کسب ایتمش ، (قورسیر) مستملکهء جسیمه سنی تحت انقیاده آلمش ، یونانستانک شمالنده کی مملکتده (پوتیده) مستملکه سنی تأسیس ایشدر . مشارایه مصر ولیدیا قرالی ایله ده اتفاق ایتمشدر .

پهرییاندر حقنده بربرینه مخالف ایکی روایت واردر .

آلتون ایله کموشك ثقلتیرینی محافظه ایچون اوافق اوافق آلتون ویا کموش کولچه لرك اوزرینی باصدیرتانلر، ایلك اول لیدیا قرالیری ایدی . روایتہ کوره بونی ایلك او جہ تقلید ایدن ده فیدون اولمشدر . اك اسکی مسکوکات ، اوزمانلر (آرغوس) ه تابع اولان (اکینه) شهرنده ضرب اولونمشدر ؛ بونلر ۱۳ غرام ثقلتنده اولوب اوزرلرنده برقابوبغه رسمی واردی .

قوردهنت . — قوردهنت، بربرینه طوغری ایلریله ین ایکی کورفزی یکلدیکنرندن آیرارق پہلوپونهزی یونانستانک قسم متباقیسی ایله برلشدیرن بر برزخدر . بوبرزخ جوارنده ، قیالق برطاغ اتکنده وقوردهنت صحراسنده یونانستانک الك بیوک تجارت شهرلرندن بری بولونیوردی . بوشهرک بریول ایله بربرینه مربوط وهربری ایکی کورفزدن بری اوزرنده ایکی لیمانی واردی ؛ آسیادن ویونانستاندن ایتالیاہ کیدن تاجرلر بورادن کچرلر ، اکثریا طالغلی بر دکزدن، صرب ولیمانسر برساحل بویجه پہلوپوننزی طولاشمقدن قورتولورلردی .

قوردهنت پک آز برزمانده تجار و کمیچی شهری ، صناعت شهری اولمشدر ؛ بوراده طونج وپیشمش طوپراقدن قابلر اعمال ایدرلردی ؛ بوقابلر تا ایتالیاہ ساتیلردی .

دوریدیلیر (اسپارطه) یه ، (آرغوس) ه یرلشدکلری کبی بورایده یرلشمشدردی ؛ قوردهنت قرالیری ده کندیلرینک

ورانك قراللىرى ده اسپارطه قراللىرى كې كىندىلرېنك ھراقلس
سلندن اولدقلىرىنى سويلرلردى ؛ اسكى قراللىر زمانده اولدىغى
بى بونلرده عادته رعایت و املاك جسيمه يه مالك عائله لر رؤسا سياه
شورت ايدرك اداره حكومت ايدرلردى .

يدنجى عصرده بوھراقلىدلردن فيدون نامنده برى قرال
ولدىغى زمان عادته رعایت ايمهرك متهكمانه اداره حكومت ايمكه
شلامش ، كىنديسنه قارشى طورانلره اذيت ويا انلرى اولومه
فكوم ايلشدر . بوده قرال كې حكومت ايمكدن صرف نظر
دنجه اكاده (تیران) نامى ویرلشدر .

يونانىلر فيدونى يالكز افسانه لرله بيليرلردى . بونك غایت
الم وسرت اولدىغى ، هم جوار اقوامك كافه سنى كىنديسياه
فاقه زورلادىغى سويلنيردى . — حتى فيدونك ، زماننك
ك زىكین خزينه سنه مالك اولدىغى ده روايت ايديليردى .

فيدونى بتون يونانستانجه مشهور ايدن برشى وارسه اوده
ك اول مشار اليهك پاره ضرب ايتديرمش اولماسيدر . هومهر
ماننده كى يونانىلرك پاره لرى يوقدى ؛ بونلر فيئاتلرى مواشى
ه حساب ايدرلردى . پاره يرينه معين مقدارده صغير و يريليردى ؛
زىكینلر بيوك برسورويه مالك اولانلردى . ده اصوصو كره يونانىلر
لتون و كوشى طارته رق قوللانمشلردر ؛ پاره يى تالان ، مين
راخه اولارق حساب ايمك عادتى بالاخره تماماً محافظه
لومشدر .

اولونان بر رئیس کبار مجلسنک نفوذینی استرداد ایلشدی. فقط اوزمانلر بونلره قرالدر کبی (واسیله ئوس) دینمزی؛ انلرک یکبی براسمی واردی؛ بونلره (تیران) دیرلردی. تیران، هیچ کیمسه ایله مشورت ایتمه رک، هیچ بر قانونه تابع اولیه رق، ایستدیکنی اولومه محکوم ایدرک، ایستدیکنی حجز ایلیه رک متحکمانه اداره حکومت ایدردی.

انی دشمنلرینه قارشی مزر اقلره مسلح اجر تلی عسکر لر محافظه ایدرلردی. — آتیده کی فقره، تیرانلرک سیاستنی پک کوزل خلاصه ایده بیلیر: «برکون (قورده نت) تیرانی پهریساندر، کمال امنیتله اداره حکومت ایتمک ایچون نه درلو حرکت ایتسی لازم کله جکنی صوردر مق مقصدیله (میله ت) تیرانی طراز یووله برینی کوندردر. طراز یوول، کوندریلن آدمی قیره کو توردر، هم کزینیر، هم ده بغداد ایلرد بویلی دیکر لرینی کچنلری دکنه برر برر دویردر. صوکره هیچ بر جواب ویرمدن حریفی کری کوندردر. کلن آدم بونی دلیر مشظن ایدر، فقط پهریساندر، طراز یوولک کندیسنه شهرک ایلری کلنلرینی اولدیر مسنی توصیه ایتدیکنه در حال استدلال ایدر.» — تیران هر یرده ز نیکنلری محو ایدر، ماللرینی حجز ایلر، اکثر یابونلری فقرایه توزیع ایدردی. بونک ایچون اهالی تیرانه هر یرده معاونت ایدرلردی.

آرغوس. — (آرغولید) صحرا سنده صرب بر قبا اتکنه انشا اولونان (آرغوس) شهری دورید لیلر طرفندن ضبط ایدلشدی.

بشنجی فصل

تیرانار

آرغوس، قوره نت، سیکون .

تیراندر . — یونانیلر اونهدن بری اوافق اوافق اقوامه انقسام ایتشلردی؛ غرب طرفده کی طاغلرده اقامت ایدن اک وحشیلری، هپ آچیق شهرلرده اقامت ایدرلر، یالکز حربه کیتمک ایچون طوبلانیرلردی. فقط بونلرک الکقدرتلی واک زنکین اولانلرینک مستحکم برشهری واردی؛ بورایه معبودلرینک، قهرمانلرینک معبدلرینی انشا ایدرلر، حکومتلری بوراده انعقاد ایدردی. بوشهرلره یوناچه (پولیس) دیرلردی؛ بزده شهردیه ترجه ایدیوروز .

ایلک عصرلر اثناسنده هرشهرک برقرالی یعنی (واسیله نوسی) واردی؛ بوقرال مملکتک عاداتی تعقیب واهالینک ایلری کلنلرندن متشکل برمجلس ایله تألیف افکار ایدرک اداره حکومت ایدردی . فقط صوکره لری، شهرلرده اداره حکومتی بومجلسلر اللرینه آلمش، اهالی کبار عائله لر وؤساسی یعنی مملکتک ایوک املاک صاحبلری طرفندن اداره ایدلمشدر، بونلره (آریستو قراسی یعنی کبار صنفی) دینلمشدر .

یدنجی عصرده، شهرلردن بعضلرنده وبالخاصه اک زنکین اولان شهرلرده براختلال ظهوره کلش، صنوف اهالی طرفندن التزام

بر خطیبك دیدیكى كې: پك محق اولارق كندیلرینه اسپارطه لیلری
 قوماندان اتخاب ایتشلردر .
 مطالعه اولوناجق آثار :

قسه نوفون، لا كده مونیسا جمہوریتی — پلوتارق، ایکورغك
 حیاتی . — تهن، یونانستانده فلسفہ صنعت . — غروته، یونانستان
 تاریخی . — قورتیوس، یونان تاریخی .

یاغی سورر لر، (سیتریژیل) دنیلن بر قشاعی ایله وجودلرینی
اوغازلردی .

پهلوانلر . — بونلردن بر چوقلری بو تعلیملره بر شرف
اولارق عمرلری اولدقجه دوام ایدرلر، (آتله ت) یعنی پهلوان
اولورلردی . حتی بعضیلری خارقه عدا اولوناجق بر درجه یه ککشلر در .



ایکی پهلوانی کوسترن یونان هیکلی

روایته کوره ایتالیاده، قروطونلی
میلون، بر بوغایی اوموزلرنده
طاشیر، قوشان بر آرابه یی
آرقه سندن یقالایه رق طور -
دیرردی . بو پهلوانلر محاربه ده
عسکرکی، بعضاده جنرال
مقامنده خدمت ایدرلردی .
جناستیق، عادتا بر مکتب
حربییه ایدی .

اسپارطه لیلرک تأئیری . — اسپارطه لیلر یونانیلره تعلیم
ومحاربه ایتکی اوکرتمشلر در . کندیلری اک قوتلی مبارز، اک
مکمل عسکر اولارق قالمشدر، بتون یونانستانده بویله طانمشلر در .
اسپارطه لیلره هر یرده حرمت ایدرلردی . اقوام سائره یرانیلره قارشی
مشترکاً محاربه ایده جکلری زمان هیچ تردد ایتمه مشلر، آتنه لی

چویک و آتیک عسکرلر لازمدی؛ هرکسک برپهلوان اولسی
 ایجاب ایدردی. انک ایچون اسپارطه لیلر تربیه جسمانیه تعلیملری
 تشکیل ایتشلر، دیگر یونانیلرده انلره تقلید ایلشلردر.
 جناستیق، عموم ایچون هر درلوصنایعک فوقنده، بیوک یورطیلرده
 مکافاتنه مظهر ایدیلن ملی برصنعت حالنه کلشدر. اک اوزاق مملکتلرده،
 (غول) ک ویا قره دکزک باربارلری اره سننده برشهرک یونان

شهری اولوب اولمدینی

ایچنده بر جناستیق

خانه بولنسیله کلا -

شیلیردی. بو جناب -

سیتق خانهلر اکثریا

برمنع جوارنده،

اطرافی قبولر وایکی

طرفی آغاجلی یوللره

محاط، بانیولری و



سیتریژیل

دائرة تعلیمی

تعلیم صالونلری ایله برابر بیوک برمر بعدی. شهر لیلر کزینمک، مصاحبت
 ایتمک ایچون بورایه کلیرلردی؛ بوراسی عادتا بر اجتماع محلی ایدی.
 بتون دایقانلیلرک جناستیق خانهدن کچملری شرطدی. بورایه لاقول
 ایکی سنه هر کون کلیرلر؛ صچرامق، قوشمق، دائره و اوق آتمق،
 کورش ایتمک اوکره نیرلردی. عضلاتی سر تلشدیرمک، درییه
 متانت و یرمک ایچون صغوق صویه طالادلر، وجودلرینه زیتون

بیوک رتبه‌لی ضابطک امرلرینی افرادینه تبلیغ ایلردی؛ او وجه ایله که باش قوماندان بتون اردویه عین حرکتی اجرا ایتدیرردی. بزه‌غایت بسیط کورونن شو اصول، یونانیلره شایان حیرت بر یکیمک کبی کلیردی.

فالاتر. — افراد، دشمن قارشیسنه کلدکلری زمان بر برینه یناشوب سکز صره درینلکنده کثیف بر قطعه تشکیل ایتک اوزره صف حرب به کچر لر، بوکا (فالاتر) دیر لردی. اردویی اداره ایدن قرال معبودلره بر کچی قربان ایدر، شاید کچینک باغیر صاقلری ایی چیقار سه بر شرقی طو تیدیرر، بونی بتون عسکر هپ بر آغز دن تکرار ایدر دی. اوزمان حرکت ایدر لر؛ فلاوته چاله رق، مزراق لر یوقاری، قالقان ار قه لر نده، سریع و اوزون خطوه ایله یناشیق نظامده دشمن اوزرینه کلیر لر، کتله لری وصولت لر یله دشمنی دویر لر، مغلوب ایدر لر، فالانتر لینی طاعیتماق ایچون در حال توقف ایلر لردی. فی الحقیقه بوندر بر ابر لکی محافظه ایتد کجه هپسی ده یاننده کنک معاونتی کورر، هپسی ده دشمنک تعرض ایدمه جکی غیر قابل نفوذ بر کتله تشکیل ایدر لردی. بوتعبیه قبا ایدی؛ فقط غیر منتظم بر قطعه یه غلبه ایچون کافی ایدی. منفرد عسکر لر بویله بر کتله یه مقاومت ایده مز لردی. حتی دیگر یونانیلر ده بونی اکلامش لر، هپسی ده اللرندن کلدیکی قدر اسپارطه لیلری تقلید ایتمش لر در؛ هر طرفده هو پلیت طرز نده عسکر لر تسلیح ایشلر، فالانتر حالنده محاربه ایتمش لر در.

مناسبتیه. — دشمنی صره لر له هجوم ایدوب دویر مک ایچون

غیرمنتظم یوررلردی ؛ قوماندانلر بارکیر ویاخفیف بر آرابه اوزرنده اولدقلری حالده اوکده قوشارلر، هربری ایستدیکی کبی مسلح، برلکده حرکت ویا مقاومته غیرمقتدر، قارما قاریشیق بر حالده، یایا اولارق قوماندانک ارقه سندن کلیرلردی . میدان محاربه سی دونلوییه منجر اولوردی . فقط اسپارطه ده عسکرلرک سلاحلری هپ بردی . بونلرک مدافعه ایچون کوکسلرینی اورته جک زرهلری، باشلرینی محافظه ایده جک مغفرلری، باجقلرینی حفظ ایده جک دیزلکلری، وجودلرینه طوتدقلری



هوپلیت حالنده مسلح اولان آشیل ایله هکتورک محاربه سی

قالقانلری . - تعرض ایچونده قیصه برقیلجکلری واوزون برمزراقلری واردی . بوصورتله مسلح اولان کیمسه یه (هوپلیت) یعنی (مسلح) دیرلردی . اسپارطه هوپلیتلری طبق شمدیکی اردولریمز کبی آایلره، طابورلره، بلوکلره، طاقلره تقسیم ایدلشلردی . بوقطعه ارك هر برینه برضابط قومانده ایدر،

على العموم اعيان ايله مشاوره ايدرلر ، انلرله برابر قرار و يرلردى . صوكره اسپارطه ليلرى بر ميدانه طوپلارلر ، نه يه قرار و يرلديكى كنديلرينه سويلرلر ، انلر كده تصويبنى طلب ايدرلردى . اهالى هيچ مناقشه ايتدن بونى آقيشلرله قبول ايدرلردى . اهالينك بر حقى اولوب اولمادىنى معلوم دكلدر ؛ فقط بونلر اطاعته آليشغين اولدقلىرى ايچون هيچ رد ايتمزلردى . شو حالده حكومتى اداره ايدنلر ، بر قاچ عائله دن مركب بر كيار صنفي ايدى . اسپارطه ، مساوات مملكتى دكلدى . بر چوق كيمسه لر واردى كه بونلر اره لر نده مساوى اولدقلىرى ايچون انلره (مساويلر) ديرلر ؛ ديكر لر ينده (آشاغيلر) تعبير ايدرلردى ؛ بونلر امور حكومهته اصلا اشتراك ايتمزلردى .

ارور . — اسپارطه ليلر بو اداره سايه سنده (۱) طاغليلره مخصوص خشين اخلاقلىرىنى محافظه ايتمشلر ؛ نه هيكلتر اش ، نه معمار ، نه خطيب ، نه ده فيلسوف يتشديره شلردر . حربه هرشىء فدا ايتمشلر ، « فن حربده صنعتكار » (۲) ، ديكر يونانيلر كده مرييسى اولمشلردر . بالخاصه ايكى شى ايجاد ايتمشلردر . انلرده : ائى بر اصول محاربه ، مكمل بر اصول تعليمدر .

هريليندر . — اسپارطه ليلردن اول يونانيلر ، محاربه ده

(۱) روايته كوره اسپارطه نظاماتى ، كنديسته اسپارطه ده پرستش ايديلن قهرمان ليكورغك اثرى ايدى ؛ مومى اليه دائر قطعى معلوما تمز يوقدر .

(۲) قسه نوفونك تعبيريدر .

— اوت : جوانی آنجه : — اویله ایسه جناب حقه حمد
ایدهلم .» دیمشدی .

نظامات

قرالده . — دیگر یونانیلر کی اسپارطه لیلرکده بدایتده
قرالدری، براختیارلر و برده ملت مجلسری واردی. بومؤسساتک
کافه سی محافظه ایدلمشدی ؛ فقط بویالکز شکلاً ایدی . معبود
هر اقلسک نسلندن اولان حکمدارلره فوق العاده احترام ایدیلیردی ؛
یمکلرده اک ایی یرلر انلره ویریلیر ، کندیلرینه ایکی مثلیمک
اعطا اولونوردی. اولدکلری زمان بتون اهالی ماتم طوتاردی.
فقط بونلره هیچ بر نفوذویرلمز، کندیلری یاقیندن ترصدایدیلیردی.
سناتو . -- سناتو (اعیان) زنکین واسکی عائله لردن
قیدحیات شرطیه انتخاب اولونمش ۲۸ اختیاردن مرکبدی ؛
سناتونک اجتماعنده ایکی قرالده بولونور ، مجموعی ۳۰ زه بالغ
اولوردی . سناتو، جنایتله متهم اشخاصی محاکمه ایدر ، فقط
اداره حکومت ایتمزدی .

مفتشدر . — اسپارطه نک حقیقی حاکماری، مفتشدر (یعنی
نه فورلر) ایدی ؛ بونلر هر سنه دیکشن بش حاکمدن عبارتدی.
بو حاکمدر حرب و صلحه قرار ویررلر ، دعوالره حکم ایدر-
لردی . قرال اردویه قوماندانلق ایتدیکی زمان بونلرده برابر
کیدرلر ، حرکاتی اداره ایدرلر ، بعضاً قرالی کتیرتیرلردی .

کوندر مشدر: «دقت!» — بر اسپارطه اردوسی ایران حکمداری طرفدن تسلیم سلاح ایتکه دعوت اولونمش، قوماندان شو جوانی ویرمشدی: «کل آل!» — لیزاندر (آنه) بی آلدیغی زمان یالکز شوسوزلری یازمشدر: «آنه سقوط ایتدی.»

موسیقی؛ دانس. — اسپارطه صنایعی، بر اردویه لایق صنایعدن عبارتدی. اسپارطه لیلر کندیلرینه مخصوص بر نوع موسیقی، جدی، مردانه، حتی خشین اولان دوریک اصول موسیقیسنی ده برابر کتیر مشلردی. بو. عسکری بر موسیقی ایدی؛ اسپارطه لیلر موزون آدیما آتمق ایچون محاربه یه فلاوته چالارق کیدرلردی. دانس لری بر نوع کچید رسمی ایدی. (پیریک) ده دانس ایدنلر مسلح بولونورلر، بر محاربه نك بتون حرکاتی تقلید ایدرلر، اوروش، سپر، گری چکلمه، اوق آتمه حرکتلرینی اجرا یلرلردی.

دقاندک قهرماندی. — قادینلر ارککلری محاربه ایتکه تشویق ایدرلردی. قادینلرک افعال شجیعانه سی یونانستانده پک مشهوردی؛ بونلر کاملاً طوپلانلشدی. اسپارطه لی بروالده، اوغلنک محاربه دن قاچوب کلدیکنی کورر کورمز: «اوروتاس چایی اسیرلر ایچون آقیور!» دییه اوغلنی کندی ایله اولدیرمشدی. دیگر بروالدهده بش اوغلنک تلف اولدیغنی خبر آلدیغنی زمان: «صوردیغم بودکل. مظفریت اسپارطه لیلرکمی؛ دییه صورمش.»

مالک اواقله شهرت بولمشردی .

انضباط . — اسپارطهده ارگکلرکده منتظم بر حیاتی

واردی؛ بو حییات بر حییات عسکریه ایدی. بو قدر دشمنه قارشی اسپارطه لیلرک رخاوت کسب ایتمه ملری لازمدی. بر اسپارطه لی اون ایدی. یاشنده عسکر اولور، آتمشه قدر عسکرلک ایدردی. کییه جکی، قالمه ویاتمه ساعتی، ییه جکی، تعلیم لری طبق بر قیشلهده اولدیغی. کبی نظامناه لرله تعیین ایدلمشدی. بر اسپارطه لی حرب ایتمدیکی. زمان، اکا حاضر لاتفه مجبور ایدی. قوشمق، صچرامق، سلاح قوللانمق تعلیم ایدر؛ وجودک بتون اقسامنی، بیونی، قوللری، اوموزلری. با جاکلری ادمان ایتمک چالیشیر، وبونی هر کون یاپاردی. تجارت ایتمک، بر صنعتله مشغول اولمق، اراضی زرع ایتمک حقنه مالک دکلدی؛ عسکردی، هیچ برایشدن طولایی بو وظیفه دن آیرلماغه مجبور دی. عائله سی ارسنده کندی کیفنه یاشایا مازدی. اسپارطه لیلر هپ بر لکده طاقم یاقم ییمک بیرلر، مساعده آلمان مملکتدن طیشاری چیقما زلردی. بو، عاداتا دشمن مملکتنده بولونان بر آلیک انضباطندن بشقه برشی دکلدی.

لاقونیزم . — بو جنکاور لرک حیاتی مشقتلی، طور لری

سرت و مغرورانه ایدی. قیصه جمه لرله سوز سویلر لردی؛ ایشته بوکا (لاقونیک سوز) دیر لردی؛ بوتعبیر آلآن باقی قالمشدر. یونانیلر بوکا دائر بعض مثاللر ذکر ایدر لر. دشمن طرفندن باصلمق تهلیکه سنه معروض اولان شهره والی یالکز شو امری.

او کرتمکدی . — اکثریا بونلره هیچ ییه جک ویرمز لر ، او زمان ییه جکلرینی چالمیری ایجاب ایدردی ؛ شاید بو ائناده یقالانه جق اولور لر سه شدتلی بر صورتده قامچیلانیرلردی . روایته کورء اسپارطه لی بر چوجق اوفاق بر تلکی چالوب البسه سنک آلتنه صاقلامش ، سرقتی میدانه چیقماسین دییه تلکی قارننی یینجیه قدر تحمل ایتشدیر . بوندن ده مقصد انلری سفرده باشلرینک چاره سنه باقغه آلیشدر مقدی . — بونلر کوزلرینی اوکلرینه اکه رک ، ساکتانه ، باشلرینی هیچ دوندیرمدن ، اللری البسه لری آلتنده یورولر ، « هیکلر کبی هیچ سس چیقارمازلردی . » سفره ده لاقیردی ائتمه مکه ، تصادف ایتدکلری آدملره اطاعت ائتمکک مجبور ایدیلر . بوندن ده مقصد انلری انضباطه آلیشدر مقدی .

قیزلر . — دیگر یونانلیلر قیزلرینی اوه قپارلر ، انلره یوئ اگیرتیرلردی . اسپارطه لیلر ایسه صاغلام چوجق دنیایه کتیرتمک ایچون قادینلری ده صاغلام ائتمکک چالیشمشلردر . اسپارطه لیلر قیزلری ده ارککلر کبی یتشدیرلردی . قیزلر جناستیق خانهلرده قوشمق ، صیچرامق ، دائره و اوق آتمق تعلیم ایدرلردی . شاعرک بری اسپارطه قیزلرینک اوینادقلری براویونی تصویر ایدرکن بونلرک « طایلر کبی صاچلری هواده اوچهرق اطرافلرنده توزلر قالدیردقلرینی » تصویر ایدیور . اسپارطه لیلر ، یونانستانک اک صاغلام واک جسور قادینلرینه

اسپارطه لینک اون هیلوته بدل اومسی ایجاب ایدردی. اوز مانلر محاربه کوکس کوکسه اولوردی ؛ بناء علیه چویک و متین انسانلر یتشدرمک لازمدی. انک ایچون اسپارطه، سورسز بر اردوگاه، اهالی ده حربیه دائما حاضر بر اردو حالنه کلشدر .

تربیه

مهر جقدر . — عسکر یتشدرمک ایچون دها چوجقلقده باشلانیردی . یکی طوغان چوجق بر مجلس حضورینه کتیریلیر، شاید جیلیز ویا یچمسنز ایسه طاغه بر اقلیردی ؛ چونکه بر اردو ایچون صاغلام آدم لازمدی . یاشاتیلان چوجققلر یدی یاشنه باصار باصماز عائله سندن آلتیر ، عسکر چوجققلره برابر بیوتولوردی . بونلر یالین آباق یوردرلر ، قیش و یاز ایچون یالکز بر البسه کییرلردی. ساز ییغینلری اوزرنده یاتارلر، (اوروتاس) چاینک صغوق صولرنده ییقانیرلردی. آزییرلر ، چابق ییرلر ، عادی برغدا قوللانیرلردی ؛ بوده معددی چوق طولدیر مامنی اوکرنمک ایچوندی . — هر بری بر قوماندانک اداره سنده اولمق اوزره یوزر یوزر قطه لره آیریلیرلردی . اکثریا بونلر تکمه ایله ، یومروقله بر بریله دوکوشدیریلیردی . (آرتمیز) یورطیسنده بونلری معبوده نك هیکلی اوکنده وجودلرندن قان آقنجیه قدر قامچیلارلردی ؛ بعضلری بوندن تلف اولورلر ، فقط هیچ سس چیقار مامنی بر شرف عد ایدرلردی . مقصد ، بونلره اوروشمق و تحمل ایتمک

بر کون حرکت ارضدن اسپارطه شهری محو اولمق درجه لرینه
 ککش ؛ هیلوتلر ، فلاکتدن قورتلمق فکری ایله قیرلره قاچان
 اسپارطه لیلری کسمک ایچون در حال اورالره طوغری قوشو-
 شمشلر و اوصرده عصیان ایدرک اسپارطه لیلره تابع اولمقدن
 امتناع ایتشلردر . - فقط اسپارطه لیلرده انلری بیقدییره جق
 درجه ده حرکت ایدرلردی . حربلردن برنده (۱) هیلوتلردن
 برچوق کشی اسپارطه اردوسنده محاربه ایتشدی ؛ اسپارطه لیلر ،
 بونلره ایچلرندن جسارتیله تمیز ایدنلری آزاد ایده جکلرینی وعد
 ایشلر ، بو کیلری آیریگز دییه هیلوتلره امر ایتشلردی .
 اسپارطه لیلرک بو حرکتی ، هیلوتلرک اک قوتلی و عصیانه اک
 مقتدر اولانلرینی میدانه چیقارمق ایچون بر طوزاق ایدی .
 فی الحقیقه هیلوتلر ۲۰۰۰ کشی انتخاب ایتشلر ، بونلر علامت
 آزادی اولارق باشلرندده تاج اولدیغی حالده معبد اطرافنده
 طولاشدیرلشلردی . فقط صوکره اسپارطه لیلر بونلرک
 وجودلرینی کاملاً یوق ایتشلردی ؛ حتی نصل تلف ایدلدکلرینی ده
 بر درلو کیسه اکلایاماشدی .

بونکله برابر دوچار اذا اولانلرک مقدراری ، حاکم
 اولانلرک کندن ده ازیاده ایدی . ۲۰۰,۰۰۰ هیلوت ایله
 ۱۲۰,۰۰۰ پهریه که مقابل اسپارطه لی اولارق انجق ۹۰۰۰
 عائله ریئیی واردی . شو حالده حیاتی قورتارمق ایچون بر

ایدیلر . اسپارطه‌لی بر مال‌صاحبی ایچون چالیشیرلر ، محصو-
 للرینک اک چوق قسمنی اوکا ویررلردی . - اسپارطه‌لیلر
 بونلره نظر حقارتله باقار ، انلردن قورقارلر ، سوء
 معامله ایدرلردی . هیلوتلری قبا البسه کیمکه مجبور ایدرلر ،
 اسیردن بشقه بر شی اولماقلرینی کندیلرینه اخطار ایچون
 بلاسبب دوکرلردی . اکثریا چوجقلرینی سرخوشلقدن نفرت
 ایتدرمک ایچون انلری سرخوش ایدرلردی . اسپارطه‌لی بر
 شاعر هیلوتلری « یوک و طباق آلتنده صارصیلان یوکلی
 آشکلر » تشبیه ایدیور .

په‌ریبه کلر . — په‌ریبه کلر (یعنی جوارده اوطورانلر)
 طاغلرده ویا ساحلده یوزقدر قصبه‌ده اقامت ایدرلردی . بونلر
 کیمجیلک و تجارت ایدرلر ، حیاته لزومی اولان شیلری اعمال
 ایدرلردی . سربست ایدیلر ؛ قصبه‌لرینک امورینی کندیلری
 اداره ایدرلردی ؛ فقط اسپارطه حاکم‌لرینه ویرکی ویررلر .
 انلره اطاعت ایدرلردی .

اسپارطه‌لیلرک وضعیتی . — هیلوتلر ایله اسپارطه‌لیلر
 کندیلرینه حاکم اولان اسپارطه‌لیلردن نفرت ایدرلردی .
 قسه‌نوفون (۱) دییور که : « بونلره اسپارطه‌لیلردن بحث
 ایدیلر ایدلمز ، ایچلرندن بر دانه‌سی یوقدی که الندن کاسه
 اسپارطه‌لیلری دیری دیری یمک آرزوسنی اظهار ایتمین ! »

ذردنجی فصل

اسپارطه

اهالی ؛ هیلوتلر ؛ تریه ؛ قرالدر ؛ سناتو ؛ مفتشلر ؛ اردو.

اهالی

لاقونیا . — دوریدلی طاغیلر (پهلوپونهز) . استیلا
ایتدکلری زمان الهمم فرقلری (لاقونیا) ده کائن (اسپارطه) یه
یرلشمشردی. (لاقونیا) طار بر وادیدر؛ اوزرنده، ایکی قارلی
تپه آره سندن بیوک بر چای (اوروتاس چای) آقار . بر
شاعر بو حوالی یی شوپله تصویر ایدیور : « سوروله جک
طوپراقلری چوق ، فقط زرعی مشکل بر مملکتدر ؛ استیلاسی
غیر ممکن ، منظره سی خشین ، دیک طاغلر ارسنه قیامش
چوقور بر یردر . » اسپارطه دوریدیلری بو قیانیق مملکت
ایچنده ، بعضلری تبعه ، بعضلری اسیر حالنه کلن اسکی اهالی
ایله برابر یاشارلردی . شو حالده لاقونیا ده اوچ صنف اهالی
واردی : هیلوتلر ، پهریه کلر ، اسپارطه لیلر .

هیلوتلر . — هیلوتلر ، قیرلرک اوته سنه بریسنه طاغیلمش
فولسه لرده اقامت ایدرلر و اراضی زرع ایلرلردی . فقط
طوپراق کنیدیلرینک دکلدی ؛ حتی بورادن کنیدی کنیدیلرینه ده
آیریلامازلردی . قرون وسطی اسپرلری کبی انلرده بابادن
ولاده انتقال ایتمک اوزره طوپراغه مربوط برر چفتجی

قهرمان (تهزه) بی پارلاق برززه ایله کندی اراه لرنده کور مشلردی .
 سالامین میدان محاربه سنده وقتیه سالامین قرالغی ایدن آزاقس
 وته لامون نامنده کی قهرمانلر ، غایت یوکسک برتبه اوزرنده
 اللرینی یونان دوغناسنه اوزاته رق کورونمشلردی . تمستوقل :
 « ایرانیلری مغلوب ایدن بز دکلز ، معبودلر وقهرمانلردر . »
 دییوردی . سوفو قلك (اودیپ آقولون) فاجعه سنده ، اودیپ
 اولور کن کندیسنی آتته وتب قراللری زیارت ایدیور ،
 هرایکیسی ده جسدنی کندی طوپراقلرینه کومدیر مسنی ، کندیلرینک
 حامی قهرمانلری اولسنی استرحام ایلیمور لر . نهایت اودیپ آتته لیلرک
 طوپراغنه کومولمکه موافقت ایتدکن صوکره قراللرینه شویله
 دییور : « بن اولسه مده ، ینه او اراضینک فائده سز بر ساکنی
 اولمام . سزه ملیونلرجه جنکاور لردن دهامتین بر سپر اولورم . »
 بر قهرمان یالکز باشنه بر اردویه بدل ایدی ؛ بوخیالی انسان ، ذی حیات
 انسانلرک جمله سنندن قورقولی ایدی .

مطالعه اولونا جق آثار :

ایلیاد و اودیسه . — هومرک الهیلری . — پوزانیوس ، یونانستانده
 سیاحت . — قوللینون ، یونانستانک اساطیری . — غروته ، یونان
 تاریخی . — تن ، یونانستانده فلسفه صنعت . — فوستل
 دو قولانتز ، شهر قدیم .

کاهن جواباً آدراستک اصل (سیکیون) حکمداری و کمدیسنگ ایسه بر حیدود اولدیغنی سویلدی . قلیستهن بو قهرمانی آتمغه جسارت ایدمه یه رک بر حیه قوللاندی . مه لانیپ نامنده بشقه یر قهرمانک بقیه عظامنی (تب) دن کتیرتدی ، انلری بیوک بر آلالی ایله شهرک معبدینه وضع ایتدی . هه رودوت دیورکه : « مه لانیپ حیاتنده آدراستک اک بیوک دشمنی اولدیغنی وانک قاردشی ایله دامادنی اولدیردیکی ایچون بویله یاممشدی . » صو کره ، اوزمانه قدر آدراست نامنه یاپیلان یورطیلری ، قربانلری هپ مه لانیپه تحویل ایتدیردی . ایشته بویله یامقلا اوده ، انکله برابر بتون یونانیلرده آرتق آدراستک قیزوب صاووشا غنه قانع اولمشردی !

قهرمانلرک مدافه سی . — قهرمانلر بر قوه ربانیه ایدی ؛ معبودلر کبی بونلرده ایستلر سه ایلک ویافنالق ایدمه بیلیرلردی . شاعر سته زینخور ، (منقولاته کوره تر وایه کتیریلن) مشهور ئەلەن حقنده فنا سوز سویلدیکی ایچون بردنبره اعمی اولمشدی ؛ فقط بالاخره نادم اولور اولماز کوزی تکرار آچیلمشدی . اکلارشلمشدی که ، ئەلەن اولدکن صو کره نیم معبوده اولمش ، شاعری اولار خسته ، صو کره شفایاب ایشدی . — بر شهرک حامیسی اولان معبودلر ، اوشهری خسته لکن ، قحطدن قوررلر ، حتی دشمنلرینه قارشی محاربه ایدرلردی . ماراطون میدان محاربه سنده آتیه عسکرلری آتیه نک مؤسی اولان

فی الحقیقه معبود لرك قسم اعظمی حقیقهٔ یاشامشدی؛ له ئونیداس
 ولیزاندر کبی جنرالر ، دمه موقریت وارسطو کبی فیلسوفلر ،
 لیکورغ و سولون کبی واضع قانونلر هپ اشخاص تاریخیه دن
 ایدیلر . (قروطون) اهالیسی ، همشهریلرندن فلیپ نامنده
 بری وقتیه یونانستانک اک کوزل آدمی اولدیغی ایچون اکا
 پرستش ایدرلردی . مهاجرلر کتیروب شهر تاسیس ایدن
 بررئیس ، اهالی طرفندن (مؤسس قهرمان) عد اولونوردی ؛
 بو کا بر معبد انشا ایدیلر ، هر سنه قربان کسیلردی ؛ آتنلی
 میلیتاده (تراس) شهرلرندن برنده بویله پرستش ایدرلردی .
 (آنفی پولیس) ی مدافعه ایدرکن اولدیریلن اسپارتلی
 برازیداسده شهر مذکورده پرستش ایدیلردی ؛ چونکده اهالی
 اکا مؤسسلی نظریله باقارلردی .

قهرمانلرک موهوردیتی . — قهرمانلر ، جسدلری هانکی
 ملکتهده کومولش ایسه اوراده ، یامزارنده ویاجوارنده بولنورلردی .
 هره دوت طرفندن نقل ایدیلن شو وقعه بواعتقادی پک جانلی
 بر صورتده تصویر ایدیور (۱) : (سیکیون) شهری قهرمان (آدر
 است) ه پرستش ایدردی ؛ انک شرفه عمومی میدانده بر معبد
 انشا ایدلمشدی . سیکیون تیرانی (یعنی حکمداری) قلیستن ،
 بو قهرمانی باشندن آتمق خلیاسنه قاپیلدی . آدرستی آتمغه
 موفق اولوب اولامیه جغنی (دلفی) کاهنندن سؤال ایتدی .

ايچون (فيكە) يەكلش برجانوار اولديرەرك ديشلريني اطرافه صاحمش ، بوديشلردن هپ جنكاورلر چيقمش ، (تب) لك بتون زادكان عائله لري ده بو جنكاورلردن ظهور ايتمشدى. -- (آرغوس) ده روايت اولونديغنه كوره عائله قرالى ، (پهلوس) دن ظهور ايمه ايدى ؛ پهلوپسك اوموزيني بر معبوده يمش ، معبود زه وس ده انك يرينه فيل ديشندن براوموز و يرمشدى .

هر مملكتك كنديسنه مخصوص افسانه لري واردى ؛ يوناني لر بو افسانه لري نقل ايتكده و پرسه ، بهله روفون ، هراقلس ، تهزه ، مينوس ، قاسطور ، پوللو كس ، مهله آغر ، واودپ كبي اسكي قهرمانلرينه عبادت ايلكده صوك زمانلرينه قدر دوام ايلشلردر . يوناني لرك قسم اعظمى ، حتى اك زياده تحصيل كورمش اولانلري بيه بو عنعناتك طوغرى اولديغنى هيچ اولمزسه قسماً قبول ايدرلردى . بونلر (تب) قرالى اودپك ايكي اوغلى بيننده وقوعه كلن حربى ، آغرلردن علو چيقاران طونج آياقلى ايكي ديوك محافظه سنده كى (طووازون دور) ي آرامغه كيدن آرغونوتلرك سفريني ده وقايع تاريخيه تلقى ايلرلردى .

قهرمانلرك انواع مختلفه سى . — بو قهرمانلردن برچوغى (آشىل ، اوليس ، آغا ممنون كبي) خرافاته عائد آدم لردى ؛ (هراقلس ، اودپ كبي) بعضلري ده ذاتاً هيچ كله مشلردى ؛ نلهن ، دوروس ، اتولوس كبي ديكرلريني ده بر راسبدن عبارتدى . فقط بونلره پرستش ايدنلر ، انلره اسكي انسانلر نظريله باقارلردى .

روایات قدیمه سایه‌سندہ ینہ اولدینغی کبی قالمش ، یکی نسللرده
 بونلری دکیشدیرمکه جسارت ایدہ میہرک اجدادینک قبا
 وعفتسز معبودلرینی اولدینغی کبی قبول ایتمشلردر .

قهرمانلر

قهرمانہ . — یونانیلر ، مشهور بر آدمک اولدکن
 صوکرہ ذی قدرت بر روح ، نیم بر معبود اولدیغنه اعتقاد ایدرلر ،
 بوکادہ قهرمان دیرلردی . قهرمانلر ، معبودلر کبی (اولیمپ)
 طاغندہ اوطورمازلر ، بتون دنیایی اداره ایتمزلردی . فقط
 بونلرکده هر دلرلو قدرت بشریہ فوقندہ ، دوستلرینه یاردم
 ودشمنلرینی محو ایتملرینه یاردم ایدہ جک بر قدرتلری واردی .
 بونک ایچون یونانیلر معبودلرہ نصل عبادت ایدرلر سہ قهرمانلرہ دہ اویله
 عبادت ایدرلر ، آنلرک حمایه سنی استرحام ایلرلردی . هیچ بر شهر ،
 بر قبیله یوقدی که ، کندی قهرمانی ، پرستش ایتدیکی بر خیال
 حمایه کاری بولونماسین .

یونانستانک بتون مملکتلر نده ، مملکتک بللی باشلی قهرمانلرینک
 سرگذشتی نقل ایدیلیردی . بو حکایه لر ، افسانه لرله اودرجه
 قاریشیقدی که ، بونلرک نرہ سی طوغری اولدینغی اکلامق
 امکان خارچندہ در . مثلاً (آتندہ) نقل ایدرلردی که ،
 ایلک قرال که قروپسک یاریسی آدم ، یاریسی ییلاندی ؛ --
 (تب) دہ روایت اولونورلردی که ، شہرک بانسی اولان قادموس ،
 بر بوغا طرفندن قاچیریلان همشیره سی (اوروپ) ی آراق

انی سعادتندن طولای مجازات ایتلری عد اولونور .

یونان اساطیری اخلاقه مغایر ایدی ؛ چونکه معبودلر انسانلره سوّمثال اولیورلردی . بونی یونان فلیسوفلری ده سویلرلر ، بو حکایه لری نشر و تعمیم ایدن شاعرلره حدت ایدرلردی . فیثاغورک شاگردلرندن برینک زوایتنه کوره معلمی جهنمه ایندیکی زمان ، معبودلره افترا ایتدکلرندن طولای مجازات آهوه هرک روحنی بر آغاجه ، ههزیودک روحنی ده برستونه آصیلی کورمشدی . قسه نوفان ده : «هومه ایله ههزییود ، انسانلر بیننده بیله شایان تقییح و معیوب اولان افعالی معبودلره اسناد ایتشلردر . انسانلره نه جسماً . نه ده فکر آ بکزه مین یالکزه معبودلر واردر .» دینیور و علاوه مقال اوله رق شودرین سوزلری علاوه ایدیوردی : «اگر اوکوزلر ایله آرسلانلرک الی اولوبده بونلرده انسانلرکی ترسیمه مقتدر اولسه لردی ، معبودلرک وجودینی کندی وجود . لری کبی ، بارکیلرک وجودینی بارکیر وجودی ، اوکوزلرک وجودینی ده اوکوز وجودی کبی یاپارلردی . . . انسانلر ، معبودلرک ده حسیاتی ، سسی و وجودی واردر ظن ایدیورلر .» قسه نوفان طوغری سویلیوردی ؛ چونکه ایلك یونانلر معبودلری کندیلرینه بکزه تمشلردی ؛ اوزمان کندیلری خونریز ، حیله کار ، حسود و مغرور اولدقلری ایچون معبودلری ده اوله اولمشدی . دهها صوکره کندیلری مکملشدکجه ، حفیدلرینه بوفنالقلر طوقونمغه باشلامشدر ؛ فقط معبودلرک تاریخ و طبایعی

یونانہ امپیرینک بہرت اہنوقیہ سی . — یونانیلر معبود۔
لرینک قسم اعظمی سرت ، حیاء کار ، وسفیہ تخیل ایدر لر دی ؛
بونلر حقندہ مغایر ادب وقہلر ویا ناموس سز لئی ایما ایدر حرکتلر
نقل ایلر لر دی . (ہرمس) ، خرسز اولارق طائمشدی ؛
(آفرودیت) فاحشہ لکی ایلہ ، (آردس) وحشتی ایلہ مشہور دی .
ہپسی دہ کندیلرینہ قربان کسمکی اہمال ایدنلرہ ظلم ایتمکلہ
مفتخر ایدی . عائلہ سنک چوقلنی ایلہ افتخار ایتمک ایچون (نیوبہ) ،
بتون چو جقلرینک (آپوللون) طرفندن او قہ دیزلدیکنی سیر
ایتمشدی . بومعبودلر او قدر قیصقانچ ایدیلر کہ . بر انسانک
بستون مسعود اولدیغنه تحمل ایدہ مز لر دی ؛ یونانیلر بیوک
بر سعادتہ اک بیوک بر تہلکہ نظریلہ باقار لر دی ؛ چونکہ بوسعادت
ہیچ شہہ سز معبودلرک غضبنی موجب اولاجقدی . بو غضبندن
(نہ ۴۰ زیس) اسمندہ بر معبودہ میدانہ چیقار مشلر دی ؛ حتی شواشاغیکی
فقردہ کبی بعض فقرہ لر دہ روایت ایدر لر دی : بر کون سیساملی پولیقراط ،
پک زیادہ قدرت کسب ایتدیکی صردلر دہ معبودلرک حسدندن
قورقار . کندینک دہ پک زیادہ سودیکی بر آلتون یوزوکی وار مش ؛
سعادتک کدر سز اولنامسی ایچون بو یوزوکی دکڑہ آثار .
بالقجینک بری بر زمان صو کرہ پولیقراطہ ایری بر بالق کتیرر ،
یوزوک بوبالغک قارنندن چیقار . آرتق بونک فلاکتہ محقق
بر علامت اولدیغی اکلاشیلیر . پولیقراط کندی شہرندہ محاصرہ
اولونور . اسیر ایدیلوب چارمیخہ کریلیر . ایشتہ بو ، معبودلرک

هپ برکله قوللانیرلردی. معبودلرینک دنیایی اداره ایتمک ایچون برلشدکلرینه، انسانلر آره سنده اولدیغی کبی انلر ییننده ده قوانین و اداره موجود اولدیغنه ذاهب اولورلردی. یونانستانک شمالنده، اوزرینه هیچ انسان چیقمامش، تپهسی قارلی برطاغ واردی؛ بو، اولیمپ طاغی ایدی. انسانلرک نظرندن بلوطلرله مستور اولان بوتپه اوزرنده معبودلرک مجلس قوردقلرینی ظن ایدرلردی. انلرک اعتقادنجه معبودلر لاهوتی برضیا ایچنده طوپلانارق دنیا امورینی مذاکره ایلرلردی. ایچلرندن اک قدر تلیسی مجلسنه ریاست ایدردی؛ اوده: سماوضیا معبودی، «بلوطلرینی طوپلایان»، صاعقه بی آتان، آلتون برتخت اوزرینه اوطوران، اوزون صقاللی، اختیار، عظمتلی معبود، یعنی (زهوس) ایدی. اوقومانده ایدر، او بر معبودلر انک اوکنده سرفروایلرلردی. شاید بونلر قارشی طورمغه یلتنه جک اولورلرسه، (زهوس) انلری تهدید ایدردی. باقکز؛ هومه ر (زهوس) ک لسانندن نهلر سویلیور: «سمایه بر آلتون زنجیر طاقیکز؛ بتون معبودلر، معبودلر بورایه آویلکز. بتون قوتکزی بریره طوپلاییکز، ینه حکمدار آمر اولان (زهوس) ی ارضه سور وکلپه مزسکز. فقط بن بوزنجیری کندیمه طوغری برچکمک ایسترسم، ارضی ده دکزی ده برابر قالدیریرم. صوکره انی اولیمپک تپهسنه آصار وبتون دنیایی هواده بر اقریم. ایشته بن معبودلره و انسانلره بودرجه فائقم.» (۱)

بو، هوای صاف، حکمت و مخترعات معبوده سی. سرت و عظمتی
بر معبوده ایدی.

آتش معبودی (نه فایس طوس) طوپال و چیرکین بر دمیرجی
شکلنده، النده بر چکیچ اولارق کوستریلیدی. صاعقه یی
یایان بو معبوددی.

(آرته میز)، بو وحشی باکر، النده براوق ایله قارغی، برسورو
پریرله آو اولایه رق اورمانلری طولاشیردی. بو، اورمان،
آو و اولوم معبوده سی ایدی.

قانادلی آیق قابلری کیمش اولارق تصویر ایدیلن هر مس،
برکتلی یاغور معبودی ایدی؛ فقط بونک بشقه وظیفه لری ده
واردی: سوقاق و میدانلر معبودی، تجارت معبودی، سرقت
معبودی، بلاغت معبودی ایدی؛ اولولرک روحلرینی اوسوق
ایدر، معبودلرک خبرلرینی اوکوتورر، مواشینک عجمیلرینه
اویول کوستریدی.

بریونان معبودینک، بزجه، همان دائماً بشقه بشقه برچوق
وظیفه لری وارکی کورونیور؛ فقط یونانیلر بونلر بیننده
برمناسبت ده تصور ایدرلریدی.

اولمپ وزه دسی. — معبودلرک هربری کندی بولوندیغی
حوالیده قرال کبی ایدی. فقط یونانیلر بتون قوای طبیعتک
تصادفاً حرکت ایتدیکنی، بونلرک هیئت عمومیه جه حرکت
ایلدیکنی اکلامشردی. بونلر، (نظام) و (کائنات) دیمک ایچون

زهوس (ژوپتەر)، — ههرا (ژونون)، — آتهنه (مینه‌رو)،
 — آپوللون، — آرتهمیز (دیان)، — هرمس (مرکوز)، —
 ئەفایس طوس (وولکن)، — ئەستیا (وہستا)، — آرس (مارس)،
 — آفرودیت (وہنوس)، — پوزئیدون (نتون)، — آنفترید،
 — پروتہ، — قرونوس (ساتورن)، — رہ آ (سیدہل)، — ددہ‌تر
 (سہرہس)، — پرسہ فونہ (پروسپہرین)، — آدس (پولوٹون)، —
 دیونیزوس (باکوس) .

ایشته بتون معبدلرده بو برقاچ معبودہ پرستش ایدیلر،
 بتون دعالرده علی العموم بونلرہ یالواریلیردی .

معبودلرک عدمت فارسی . — بومعبودلردن ہربرینک

کندینہ مخصوص سیاسی، قیافتی، آلاتی واردی (بوکامعبودلرک
 علامت فارقہسی دیرلردی) ؛ بونلرہ عمل ایدنلر انلری بویله
 تصور ایدرلر، ہیکلتراشلرده اویله تصویر ایلرلردی (۱) .
 ہر معبود، پرستشکارلرنجہ معلوم برطبیعتی حائزدی . ہر معبودک
 دنیاہ بروظیفہسی واردی ؛ بومعبود کندیسنہ مطیع اولان
 ایکنجی درجہدہ معبودلرک یاردیمی ایله معین وظیفہلر ایفایدردی .
 براق کوزلی باکر (آتهنہ)، آیاقده، الندہ بر مزراق ،
 باشندہ بر مغفر، کوکسندہ پارلاق برزہ اولارق کوستریلیردی .

(۱) مختلف مملکتلرده، مختلف دورلرده کلن یونانیلر اکثرا عین
 معبودی بشقہ شکلده تصور ایدرلردی . انک ایچون، فکریمزہ کورہ،
 معبودلردن برچوغنک علامت فارقہسی مبہم وغیرمعین ایدی؛ یعنی معبودلرہ طرفہ
 عین علامت فارقہنی حائز دکل ایدیلر .

طرفدن پرستش ایدیلن ومعبد اولارقده قیا ایچنده بر مغاره دن
بشقه بر معبدی بولونمیان بر معبودی، اکثریاده اوافق بر معبودی
بولونماسین (۱).

بیوک معبودلر . — هر ناحیه نك برسوری کوچوك معبودلر
لرندن بشقه، یونانیلر سما، کونش، ارض، دکز کبی هر طرفده
عین اسمله تسمیه اولونان وهریرده معبدلری ویا محرابلری بولونان

بعض بیوک معبودلرده
تخیل ایدرلردی . هر
معبود ، قوای طبیعتدن
برینی ارائه ایدرلردی . بتون
یونانیلر ایچون مشترک
اولان بومعبودلر اوقدر
چوق دکلدی ؛ بونلرک
جمله سی حساب ایدیلرسه ،
انجق یکر می یه (۲) بالغ



آرتامیز

نه فایس طوس

اولوردی . فرانسلر بونلری لاتین معبودلرینک اسملریله ذکر
ایدرلر . اصل اسملری ایسه بروجه آتیدر :

(۱) هه زیبود: «ارض محصولدار اوزرنده ۳۰۰۰۰ معبود واردلر.»

دیور .

(۲) یونان عالملری ۱۲ معبود ومعبوده دن مرکب منتخب بر جمعیت
تشکیل ایشلردی ؛ فقط بونلرک انتخابی عندی ایدی، عین اسملرده
عمومک فکری توافق ایتیموردی .

محلّی معبود لر . — یونان معبود لری شکل انسانیده اولدقلری
 حالده ینه حد ذاتنده نه ایدیسهر اوله، یعنی حادثات طبیعتدن
 اولارق قالیرلردی. بونلر هم انسان، هم ده قوای طبیعت اولارق
 تصور ایدیلیردی . (نایاد) کنج بر قیزدی ؛ فقط عین زمانده ده
 پرفوران بر منبعدی . هومەر، (قسانطه) نهرینی بر معبد اولوق
 اوزره تصور ایدرک: «قسانطه شدتدن چالقانهرق کورولتیلر،
 کوپوکلر . جسدلر ایچنده آشیلک اوزرینه آیلدی.» دییور .
 حتی اهالی ده (زهوس) آغلایور، ویا (زهوس) کورلیور دیرلردی.
 بر یونانی ایچون معبود ، هرشیدن اول یاغهور ، سیل ، سما ،
 ویا کونش دیمکدی ؛ فقط بو ، بتون سما ، بتون کونش ، بتون
 طوپراق دیمک دکلدی ؛ کندیسنک فوقنده کی سما ، ناحیه سنک
 طوپراغی ، کندیسنک حرارتی کسن نهردی . شو حالده
 هر شهرک معبود لری ، معبود کونشی ، معبوده ارضی ، معبود
 دکزی واردی که، بونلر هم جوار شهرک کونشندن، ارضندن،
 دکزندن هپ آیری ایدی . اسپارطه نک (زهوس) ی (آته) نک
 (زهوس) ی ایله بر دکلدی ؛ بر دعاده بعضاً ایکی (آته) یه ویا ایکی
 (آپوللون) ه دعا ایدیلیردی . یونانستانی طولاشان بر سیاح
 بو صورتله بیکلرجه محلّی معبود لره تصادف ایدردی (۱) .
 (بومعبود لره (پولی یاد) یعنی شهر معبود لری دیرلردی) . هیچ
 بر سیل، هیچ بر اورمان، هیچ بر طاغ یوقدی که، یالکز اهالیسی

(۱) پوزانیوسک سیاحتنامه سنه مراجعت .

بر اردو رسم ایدلمشدی. هومەر بواردوی تو صیف ایدرکن شوسوزلری علاوه ایدیوردی: «آرەس ایله آتەنه، هراییکیسی ده صیرمه لر کینمش، معبودلرە یاقیشە جق وجە ایله کوزل وانداملی ایدیلر؛ چونکہ انسانلر دائماً اندامسزدر.» یونان معبودلری ارککدی؛ بونلرک بزم کبی البسه سی، سرایی، وجودی واردی؛ بونلر ایچون اولمک ممکن دکل ایسه ده یارالانابیلیرلردی. هومەر، حرب معبودی (آرەس)ک بر جنکاور طرفندن یارە لاندقدن سوکرە باغیرە باغیرە نصل قاجدیغنی نقل ایدیور. ایشته بویله شکل انسانده معبودلر تصور ایتمکە (آنر و پومور فیزم) دیرلر.

اساطیر. — معبودلر انسان اولدقلری ایچون بونلرک اقرباسی، چوجقلری، عائله سی واردی؛ معبوده والده لری، معبود قاردشلری، معبود چوجقلری ویانیم معبود آدملری موجوددی. معبودلرک شوسلسلهء انسانه (تەئوغونی) دیرلر. معبودلرک برده تاریخلری واردی؛ بونلرک طوغیشلری، کنجک سرگذشتلری، فتوحاتی ده حکایه ایدیلیردی. مثلاً آپولون، والده سی لاطونک التجا ایلدیکی (ده لوس) آطه سنده طوغمش، پاراناس طاغنک اتکنده کی شهری خراب ایدن جانواری اولدیرمشدی. — یونانستانده هر ناحیه نک ایشته بویله معبودلر اوزرینه حکایه لری واردی؛ بونلرە (میت) یعنی حکایه دیرلردی؛ هیئت عمومی ده معبودلر تاریخندن عبارت اولان (میتولوژی) یعنی اساطیری تشکیل ایلردی.

اوپنچى فصل

اساطير

معبودلر - قهرمانلر

معبودلر

مشرکلك . -- اسكى آريالركي يونانيلرده برچوق معبودلره اعتقاد ايدرلردى . نه قضا ، نه ده ابدیت حقنده هيچ برحسلى يوقدى ؛ سما خيمهسى ، ارض ايسه كرسيسندن بشقه برشى اولميان يكانه معبودى ادراك ايتمزلردى . يونانيلر عننده هوا ، كونش ، دكز ، بتون قواى طبيعت برقوة ربانيه ايدى ؛ بو حادثاتك يالكز برسبله وجوده كلديكي عقلارينه كلديكندن بو حادثه لرك هر برينى آرى آرى معبودلردن بيليرلر ، انك اچون برچوق معبودلره اعتقاد ايدرلردى ، يعنى مشرك ايديلر .

معبودى شئلى انسانره تصور . -- يونانيلرك اعتقادنجه هر معبود ، طبيعتك برقوتى ايدى ؛ و آرى براسمى واردى . يونانيلر شديد برقوة تخيليه يه مالك اولدقلردن بو اسم تحتنده ذى حيات برانسان تصور ايدرلر ، انى انك كوزل وانسان شكلنده تخيل ايدرلردى . بر معبود ويامعبوده يي كوزل برارلك ويادلر برقادين شكلنده تجسم ايتديرلردى . مثلا اوليس وياتلماق ، انداملى و لطيف بر آدمه تصادف ايتدكلرى زمان ، اكا اولامع معبود اولوب اولماديغنى سؤال ايدرلردى . آشيك قالقانى اوزرينه

غایت مختلف اقوامه شاملدر . بونلرک مجموعنه الینوز نامی
 ویریلیرکه بونامی اوزماندن بری الان محافظه ایتشلردر . فقط بون
 اسمی نرمدن آلمشدر ، انی بزم کبی کندیلری ده بیلمز لردی ؛
 یالکنز دوروس ایله نه اولوس نه له نک اوغلیدر ، ئی یون ده انک
 طورونیدر ، دیر لردی .

مطالعه اولونا جق آثار :

شلیان ، تروا . — میسن . — اییاد او دیسه . — غروته
 یونانستان تاریخی . — قورتیوس ، یونانستان تاریخی . — دورووی ،
 یونانلیلرک تاریخی . — قرووازه ، یونان ادبیاتنک تاریخی . —
 فوستهل دو قولانژ ، شهر قدیم .

کوردوشهرك تربيه لرني آرتديره مشلردی ؛ قويو يونانلی دکل ایدیلر ، چونکه آسیالیلرله اختلاط ایتشلر ، قسماً انلرک عاداتی



ایونی قادیلرینک قیافتی

قبول ایتشلردی . صلحچرور و صنعتکار اولدقلری کبی مکلف صورتده یاشارلر ، لطیف برلسان تکلم ایدرلر ، شرقلیلر کبی اتکلری یرلرده سورونن اوزون البسه لر کیرلردی (۱) .

ایونولر . — دوریدیلر ایله ایونیلیلر . . ایشته بربرینک ضدی ایکی جنس ؛ بونلر یونانستانک اک مشهور واک ذی قدرت اجناسدن ایدی ؛ اسپارطه دوریدیلردن ، آتنده ایونیلیلر دندی . فقط یونانیلرک قسم اعظمی نه دوریدلی ، نه ایونیلیلر ؛ بونلره نه اولیلی دیرلردی ؛ بومهم اسم یونانستان وسطاده نه اولیلی ، آقارنالی ، فوسیدلی ، بهئوتیلی ؛ پهلوپونه زده ده آکه نه لی کبی

(۱) اختیار برشاعر بونلره « اوزون البسه لی ایونیه نلر ! » دیمشدر .

چیقاره رق یرلرینه کندیلری کچمشلردر. — دوریدیلر کوزل، صاغلام، صحتی یرنده، صغوغه، عادی غدایه، فقیرانه حیاته آلیشقین بر عرق ایدی، قادینلر وار ککلر، دیزلرینه قدر اینز قیصه البسه کیرلر، قبا و ابتدائی برلسان تکلم ایدرلردی. دوریدیلر دئمامسلیح بولومغه مجبور، جنسکاور بر قوم ایدی؛ بونلر یونانستانک الکقبار قومی ایدی، چونکه دکزدن اوزاقلره یرلشهرک بارباراق دورینک عادتتی محافظه ایدرلردی. کذا یونانیلرک ده الک قویوسی ایدی، چونکه منفرد یا شاهه رق نه یا بانجیلرله اختلاط ایدرلر، نه ده انلرک عادتنه تقلید ایلردی.

ایونیلر — آتیک، اطه لرو آناطولی سواحلنده کی اهالی یه (ایونیلر) دیرلر؛ بواسمک انلره نرهدن کلدیکی معلوم دکلدز. بونلر دوریدیلرک عکسنه اولارق کمیجی ویاتاجر، یونانستانک



ایونی قیافتی

اک تربیه لی بر عرقی ایدی. چونکه شرقک اک متمدن قوملر یله

بونلره انقیاد اتمک ایسته مین اسکی اهالی یعنی آکه نلرده کندیلرینی (پهلونونهز) ک شمال ساحلنه آتدیلر، بورادن ایونیلیلری چیقارمق اوراده اون ایکی آکه ن شهرینی تأسیس ایلدیلر . بورادن چیقاریلان ایونیلیلرده (آتیک) ه التجا ایتدیلر، بوراده اسکی اهالی ایله اختلاط ایلدیلر ؛ او آندن اعتبار آده آتیلیر ایون اقوامندن عدا ایلدیلر .

آیری آیری اقوامدن دیگر فرقلرده آیرلدیلر، دکزک اوبر ساحلنه کیدوب مستملکه لر تأسیس ایتدیلر ؛ بونلرک الک اسکیسی آناتولیده کی نه اولیلیر اولدی ؛ صوکره بوساحله ایونیلیلرده یرلشدیلر ؛ دوریدیلنرده کریدی اشغال ایتدیلر .

دها صوکره یونانیلر سجیلیا ایله جنوبی ایتالیا یه ده یرلشمشردر .
دوریدیلر . — شمالدن کلوب یونانستان جنوبی (پهلونونهز)

ساحلی ایله صحرا رده کی اهالی نی چیقاران ویاتحت اطاعته آلان طاغیلرک احفادینه (دوریدیلر) دیرلر . بو استیلا کارلرک روایتنه کوره هرکولک احفادندن اولان اسپارطه قرالری تبه لری طرفندن

طردایدکلری زمان طاغلره کلوب دوریدیلری آرامشدر .

بونلرده هرکوله محبتلرندن

طولانی انک احفادینی تعقیب

ایتمشرو انلری تختلرینه اجلاس

ایتمشردر . عین زمانده ده اهالی پی



دورید قیافتی

نامنك ده نه صورتله قائم اولدینی معلوم دكلدر؛ هو مراك قصادنده اینوز
 نامی موجود دكلدر . — فقط برچوق مملکتلرده استیلا
 وقتوحات آتاری موجود اولدینی بیلنیردی . آپیر (آرناوودلق)
 دن کلن وحشی بر قوم ، ده صوکره تسالیانامنی آلان جسم
 (په نه) صحرا سنه استیلا ایتشدی . بونلر اوراده بر جندی اصالتی تشکیل
 ایتشلر . یرلرنده قالان اسکی اهالی ده مستأجر لر کبی یالکز طوپراق
 سورمه ک تنزل ایتشلردی . انقیاد ایتک ایسته مینلرده (سه نیس)
 وادیسنه کلش لردر ؛ بوراسی بالاخره انلرک نامنی آلمش و
 (به توتی) تسمیه اولمشدر .

دها صوکره اوافق برطانی قوم ، دوریدیلر ، پندوس
 طاغلرندن چیقهرق قوره نت برزخنی کچمش ، پهلوپونه زه استیلا
 ایتمش ، لاقونیا . مه سهنی ، آرغولید ، سیکون ، قوره نت
 ومغاره کبی الکز نکین مملکتلره یرلشمشدر . بونلر ، عصیان ایدن
 تبعه لرینی یاتیشدیر مق وختلرینی محافظه ایتک ایچون مملکتک ال
 اسکی قرالری هراقلیدلر (هراقلیسک احفادی) طرفندن
 دعوت اولوندقلرینی روایت ایدر لردی ؛ فی الحقیقه اسپارطه قرالری
 کندیلرینه دوریدیلرک دکل ، اسکی اهالینک احفادی نظریله
 باقار لردی . دوریدیلرک استیلا ایتدکلری مملکت اهالیسی نهایت
 چفتجی منزله سنه ایندیرلشلردر .

دوریدیلرله برابر کلن برفرقه نه تولیه نه غریبه (نه لید)

ضبط ایتدی .

يونانستانه استيلا ومهاجرت

يونانستانك تاريخي . — يونانييره دائر طوغرى بعض معلومات آلمغه باشلا ديني زمان ، يونان اقوامى يدنجي عصرده ساكن بولون دقلرى مملكته كلهلى چوق بر زمان اولمامشدى . فقط بر چوقلرى ده يونانستانه نه زمان كلدكلرينى بيليرلر ، يونانستانه اسكيدن يرلشن اقوام ايچنده تميز ايدرلردى . بورايه بر چوق اقوام مسلحاً كلوب مملكتى اشغال ايتمشلر . بعضيلرى استيلا ايدنلر او كندن چكيلوب كيتمشلردى . بوشد تلى استيلا لر ، مهاجرتلر غايت اسكى اولدقلرى ايچون بونلرى يازيلردن او كرنمك قابل دكلدر ؛ بونلر ك خاطر ه سى يالكز عنعات ايله محافظه اولونوردى . يونانييلر بو استيلا ومهاجرتلر ك اون ايكنجى عصرده (تروانك ضبطدن ۸۰ سنه سوكره) وقوع بولديغنى سويلرلردى . فقط بوتاريحك اهميتى اوله ماز ؛ چونكه يونانييلر بودرجه اسكى بر زمانى حساب ايدميه لك هيچ برواسطه يه مالك دكلديلر ؛ — بونلكه برابر بوتاريح ينه بلامناقشه قبول ايدلمشدى .

يونانستانك اسكى اهالي سى په لازلر ايدى (احتمالكه بونك معناسى اسكيلر ديمكدر) ؛ فقط بونلره دائر هيچ معلومات يوقدى ؛ حتى بونلر يونان جنسندنى ، يوقسه باشقه بر جنسندميدرلر ، اوده بيلنميوردى ؛ انك ايچون بونلره دائر يونانييلر ك نصلدكه هيچ معلوماتى يوقسه بزمده اويله معلوماتمز يوقدر . كذا بوا سلك يرينه اينوز (نهله ن)

طقوزنجی عصرده یازلمش اولسیدر . (ایلیاد) ، بری تروا محاربه لرینه ، دیکری ده آشیلک سرگذشتنه عاندایکی قصیده نك برلشمسندن حاصل اولمش کیمدر . (اودیسه) ایسه یالکز بر مؤلفک اثریدر ؛ فقط بونک ده (ایلیاد) ناظمی طرفندن یاپیله دینیینه تصدیق ایدیله میور .

هومر زمانده کی یونانیدر . -- یونانیر تاریخنده پک اسکی زمانلره قدر چیقمه میز ؛ بونلر حقنده اک اسکی وثیقه ، هومرک قصائدیدر . بوقصیده لر قبل المیلاد طقوزنجی عصرده یازلدقلری ائاده یونانستانک بتون اهاالینسی کوستره جک عمومی براسم موجود دکلدی ؛ هومر بونلری باللی باشلی قبیله لرک اسملریله ذکر ایدیور . هومرک تعریفنه کوره بونلر یونانستانه کلدکن صوکره ترقی ایتمشلر در . یونانیر چفت سورمکی ، مستحکم شهرلر بنا ایلمکی ، اوفاق اوفاق قوملر حالنده طوپلانغنی بیلیرلر ، قرالره اطاعت ایدرلردی ؛ بر اختیارلر ، برده اهای مجلسلری واردی . اداره لری ایله کندیلری ده افتخار ایدرلر ، (بابار) دیدکلری آزمترقی قومشولره نظر حقارتله باقارلردی . اولیس ، (سیقلوپلر) ک نه قدر قبا اولدقلرینی اکلتمق ایچون : « بونلرک نه قواعد عدالتی ، نه مجلسلری واردر ؛ هرکس قادینلرینی ، چوجقلرینی کندی اداره ایدر ، یکدیگرینی هیچ دوشومز . » دیسور . مع مافیه یونانیر کندیلری ده نیم وحشی ایدیلر ؛ نه یازی یازار ، نه پاره بیلیرلردی . دمیری یالکز قلیچ ایچون قوللانیرلر ، دکزه چیقمنه پک زور جسارت ایدرلر ، سجیلیا آطه سنده جانوارلر وارظن ایدرلردی .

آشيك فتوحاتنى نقل ايدن (ايليد)، ديكرى تروانك ضبطدن
 صوكره اوليسك سرگذشتنى نقل ايدن (اوديسه) منظومه سيدر.
 بوايكى قصيدهدها يازمادن اول عصر لرحه محافظه ايدلمشدر؛ سيار
 مغنيلر، راپسودلر، بونك اك اوزون پارچه لر ينى از بر لر لر،
 انى يورطيلرده اوقورلردى. بوقصيده لرك كافه سنى آلتنجى
 عصره طوغرى پزيسطرات نامنده بر آتته پر نسى طوپلاتوب
 يازدير مشدر. صكره بوايكى قصيده ميدانه كلش، يونان ادبياتنك
 اك پارلاق آتارى اولارق بقا بولمشدر.

يونانيلر هومهر اسمنده بر مؤلفلرى بولونديغنى سويلرلردى؛
 هومهر، (ايونى) لى ايدى، قبل الميلاذ طقوزنجى ويا اونجى
 عصرده ياشامشدى؛ هومهرى اعمى، فقير، سرسرى براختيار
 شكلنده كوسترلردى. هومهر ك طوغدينى ير بوراسيدر ديه
 تمام ايدى شهر ادعا ايدردى. بوروايتلر بلامشكلات قبول ايدلمشدى.
 اون سكزنجى عصر نهايتنده آلمان علماسندن وولف بوقصيده لرده
 بعض تضادلر كشف ايدى؛ بونلرك يالكز بر شاعر طرفندن
 نظم ايدليوب آيرى آيرى برچوق شاعرلرك آتاردن مركب
 اولديغنى قبول ايتدى. بو نظريه پك زياده مناقشه ومدافعه
 ايدلى: هومهر ك حقيقه دنيايه كلوب كلديكى اكلامق ايجون
 تمام ياربم عصر مدت اوغراشلىدى. بوكون بومسئله ينه حل
 اولونماش عد ايدليبور. فقط محقق برشى وارسه اوده
 بوقصيده لرك غايت اسكى واك اسكى قصيده لره نظر آده غالبا

ذاتاً حفریات اجرا ایدلمشدی ، فقط او قدر درین دکلدی .
 شلیمان ، قیایه تصادف ایدنجیه قدر طوپراغی قازدیددی . ۱۰ متره
 دریندکنده آتی مزار بولدی . بومزارلرده برچوق آلتون
 مجوهرات ، بیله زیکلر ، گردنلکلر ، ایکنه لر ، تاجلر ، ۷۰۰
 آلتون ورق ، ۲۰۰ دن زیاده ده ناملولری آلتون و کوش ایشلمه لی
 قیلج و خنچرله برابر ۱۷ جسد کومولمشدی . جسدلردن
 بعضرک یوزنده آلتون ورقدن برماسکه واردی . بونلر هیچ
 شبهه سز میسه ن پرنسلرینک مزارلری ایدی .

آرتق اوندن سوکره یونانستانک برچوق یرلرنده برطاقم
 اشیا واک زیاده ده (میسه ن) ده بولونانلرکی مجوهرات و چناق
 چوملک چیقارلمشدر . بعضاً بو اشیا ایچنده اون طقوزنجی سلاله یه
 عاند مصر مجوهراتی ده بولونمشدر . بوندن ده اکلاشلمشدر که
 یونانستانده (قبل المیلاد اون سکزننجی و اون بشنجی عصرلر
 ارسنده) غایت اسکی برزمانده ، کندیلرینه مستحکم و اولدجه
 زنکین شهرلر انشا ایتدیره جک ، خزینه لره صاحب اولاجق ،
 کندیلری ایچون آثار صنعت اعمال ایتدیره جک درجه ده
 قدرتلی قراللر کلشدی .

ایشته بومدنیته (میسه ن مدنیته) دیرلر .

هومرک قصاری . — (تروا) ایله (میسه ن) ی بتون
 دنیاچه مشهور ایدن ، هومره عطف اولونان ایکی قصیده در ؛
 بونلرک بری یونانیلرک تروا قارشیسمنده کی محاربه لری ایله

ایچنده آلتون مجوهرات ایله طولو برچکجه بولدی ، بوکا (پریامک خزینه سی) دیدی . فقط هیچ برکتابه یوقدی ؛ بتون محیطی میدانه چیقاریلان شهرده ، غایت کوچوک ایدی ؛ بوراده بایقوش ققالی بر معبوده بی ارانه ایدن غایت قبا بر چوق کوچوک پتربولوندی (یونانیلر معبوده پاللاسی بوشکلده کوستر لر دی) . فقط بوشهرک تروا اولدیغنه دائر هیچ بر اماره یه تصادف اولونامادی .

میسهنه . — منقولاته کوره یونانیلرک تروایه قارشسی اجرا ایلدکلری سفری اداره ایدن قرال آغامنونک پایتختی (میسهن) شهری ایدی ؛ روایتیه نظراً آغامنون ، عودتنده زوجهنی اولدیرمش ، سرایی جوارینه کومشدی .

یونانیلر (میسهن) ک یرینی پک ایی بیلیرلر دی ؛ چونکه قبل المیلاد بشنجی عصره قدر بوشهرده اهالی بولونمشدر . حتی بوکونده طاغک اطرافنده چنتوسز بربری اوزرینه ییغلمش بش متره ٹخننده قیا پارچه لرندن مرکب برسور واردر . یونانیلر بوسورلرک دیولر ، سیقلوپلر طرفندن یاپیلدیغنه اعتقاد ایستکلری ایچون بونلره (سیقلوپ سورلری) دیرلر دی . بوسور ، اوچ دانه ایری کسمه طاشدن متشکل ، اوچ متره دن زیاده یوکسکلکده اوزرنده ایکی اویمه آرسلان اره سنده برستونی حاوی بر قبودن کیریلیردی ؛ ایشته ، (آرسلانلر قپوسی) بوراسیدر .

۱۸۷۶ده شلیمان ، تروایی کشف ایستدیکی زمان (میسهن) ده آغامنونک مزارینی ده میدانه چیقارمغه قرار ویردی . بوراده

آشیل تروانك اڪ ایلری كلن مدافعی اولدیرمش ، انی شهرک اطرافده سوروكله مش ، صوكره كندی ده اوچه سندن براوق ایله اورولوب تلف اولمشدی . یونانیلر شهری زورله آلمقدن امیدلرینی كسهرك برحیله قوللانمشلردر . اولاشهری براقیورکی یاپارق شهرده تحته دن جسیم بر بارکیر براقمشلر ، اردونك قوماندانلرینی بوبارکیره صاقلامشلر ، تروایلر بوبارکیری شهرلرینه كتیرمشلر ؛ کیجه لین قوماندانلر بارکیردن چیقهرق شهرک قپولرینی یونانیلره آچمشلردر . صوكره تروا آتسه ویرلمش ، ارککلری کیلمش ، قادینلری اسیر ایدلمشدر .

فقط یونان قوماندانلری ده فورتنه یه طوتولمشلر ، بعضلری تلف اولمشلر . بعضلری ده پك اوزاق ساحلره دوشمشلردر . قوماندانلرینك اڪ حیله کاری اولان اولیس اون سنه مدت بر مملکتدن اوبر مملکته طولاشمش ، برر بر ربتون کیلرینی آلدن چیقارمش ، یالکز دکره باتمقدن قورتولمشدر .

ازمنه قدیمه اهالیسی تروا حربنه قطعياً اینانمشلردر . بومحاصره نك ۱۱۸۴ سنه سنده بیتدیکی بیان اولونور ، شهرک بولوندیغی نقطه ده کوستریلردی . فقط ۱۸۷۴ ده آلمان کاشفلرندن شایمان بوراسنی حفر ایتمک فکرنده بولوندی ؛ بربری اوزرینه بریکمش برچوق شهر انقاضنی قازمغه مجبور اولدی ؛ نهایت اڪ درین انقاض طبقه سنك برنده ۱۵ متره درینلکده کاملاً کول اولمش برشهرک ایزلرینه تصادف ایتدی . اكههم بنانك انقاضی

انجق قبل الميلاڊ سگزنجی عصره طوغری اوگرنشلردر . حتی سنه لرك عددینی صایه جق واسطه لری ده یوقدی . ده صوکره هر درت سنه ده بر (اولیمپیا) ده یاپیلان بیوک یورطی یه کوره سنه لری صایمغی عادت ایدیغشلردر ؛ بونلر ۴ سنه لک بردوره بر اولیمپیاد دیرلردی . فقط برنجی اولیمپیاد ۷۷۶ سنه سنده اولدینی ایچون یونانیلرک تقویم وقایعی ده اوندن اوته سنه کچه مزدی . مع مافیہ یونانستانده اسکی زمانلره عائد پک چوق افسانه لر نقل ورایت ایدرلردی .

ترا . — بتون منقولات ایچنده اک چوق تعمم ایدن واک مشهور اولانی ، ترا حربنه دائر اولان افسانه ایدی . روایته کوره قبل الميلاڊ اون ایکنجی عصره طوغری زنکین و ذی قدرت بر شهر ، تراوشهری ، آناطولی ساحلنده حاکم بولونیور . دی . یونانستاندن کله پاری اسمنده تراولی بر پرنس اسپارطه قرالی منه لاسک زوجه سی نهانی قاچیرمشدی . میسن قرالی آغامنون ده ، یونانستانک سائر قراللری ایله اتفاق ایتمش ، یونان اردوسنی بیک ایکی یوز کمیدن مرکب بردونما ایله کتیرمش ، تراوی محاصره ایتمشدی . محاصره اون سنه سورمشدی ؛ چونکه تراویلره معبودزه وس یاردم ایدیوردی بو محاربه یه یونانستانک بتون جنکاورلری اشتراک ایلشدی . بونلرک اک قهرمانی واک یاقیشقلیبی آشیل ، دکز معبوده سی اولان والده سی طرفندن کندیسنه ویزیلن معنوی بررزه ایله محاربه ایدیوردی ؛

ايکنجی فصل

ازمنه قديمه

تروا وميسهن

يونانيدرك اصلى . — بو كوچوك ، فرحفزا مملكتده اوطوران قوم، ايرانيلىر كې آريا لسانى تكلم ايدردى ؛ بو قوم يونانستانه شمالدن كلىشىدى . يونانيلر ، جدلرينك ياپدقلىرى اوزون يولچىلقلىرى اونوتمشلردى، كندىليرنى آغستوس بوجكلىرى كې «طوپراقدن طوغمش» (۱) ظن ايدرلردى . فقط لسانلىرى ايله معبودلرينك اسملىرى ، اصللرينك نه اولديغنه هيچ شېبه براقبوردى . بتون آريالركې ايلك يونانيلرده پك از طوپراق زرع ايدرلر ؛ الكز يادده سودايله، سورولرينك اتلر يله كندىليرنى بسلرلردى ؛ دائما جنكه حاضر اولمق اچون مسلح كزرلر ، قبيله قبيله طوپلانيرلردى .

منقولات . — اقوام قديمه نك كافهسى كې يونانيلرده اصلليرنى بيلمزلردى . جدلرينك نهره دن كلدكلىرىنى ، نه يونانستانه نهماندن برى يرلشكلىرىنى، نه ده بوراده نه ياپدقلىرىنى بيلمزلردى . جريان ايدن حادثاتى طوغرى اوله رق خاطر ده طومتق اچون انى غائب ايتدير ميه جك بر واسطه يه مالك اولمق اقتضا ايدردى ؛ حال بوكه يونانيلر يازى يازمه يى بيلمزلردى ؛ بونلر يازى يازمه يى

(۱) یرلی، اوطوختون.

طوتاجق البسه‌یه، نه مکلف بر خانه‌یه احتیاج واردی. بر یونانلی
 بر آووج زیتون و بر ساردالیه بالنی ایله یاشایه بیلیردی. البسه
 اولارقده اوستی آچیق بر آیاق قابی، برجاکتی، بیوک برمانطوسی
 بولونوردی؛ اکثریا یالین آیاق، باشی چبلاق سواقه چیقاردی. اوی
 طاز، متاتسز بر بنا ایدی؛ خیرسنزلر بورایه دیواری دله‌رک
 کیره بیلیرلردی. بر قاچ یورغانله بر یتاق، بر صندوق، بر قاچ
 کوزل قاب، بر لامبه، ایشته اوک اشیاسی؛ دیوارلر چبلاق
 و بادانه‌لی ایدی. بو‌أولر، اویومقدن بشقه بر شیئه یارامازدی.

مطالعه اولوناجق آثار :

قورتیوس، یونان تاریخی. — تهن، یونانستانده فلسفه صنعت.

نهایتاً قدر سو قافلرده یاتار. هوا معتدل و بر اقدر؛ آتیه آقروپولی اوزرنده، بر قاق فرسخ مسافه دن پالاس هیکلنک صورغوجی کوروله بیلیر. اوزاق طاغرنک محیطلری فرانسه ده اولدینی کبی سسیلرله مستور دکلدر؛ بونلر براق بر سما اوزرنده واضح بر صورتده کورونور. بوراسی اویله بر مملکتدرکه، انسانه حیاتی بر جنبش عدایتدیرر؛ انسانک اطرافنده هرشی تبسم ایدر. «کیجه لری بانجه لرده کزینک، آغستوس بوجکلرینی دیکله مک، مهتابده فلاوته چالارق اوطورمق، طاغله کیدوب صو ایچمک، یاننه شراب آوب شرقی ایله نوش ایتک، کوندوزلری دانسلرله وقت کچیرمک، ایشته یونانلیرک بوفقیر، هر دم تازه قومک اکلنجه لری.»

یونانه میانک ساده لکی . — بو مملکتده انسان

نه صیجاقدن یورولور،
نده صفوقدن قنالا -
شیردی؛ آچیق هواده
کمال شطارتله و آز
مصرفله یاشاردی. کند
یسی ایچون نه مبدول
بر غدايه، نه صیجاق



البسه سنی کیمش یونان قادیخا (۱)

(۱) بورسم، البسه سنی کین بر یونان قادینک اوج مختلف وضعیتی کوستریور؛ البسه یکپاره بر قاشدن عبارتدر.

بورایه بر چوق کورفز لر، کرینتیلر، چیقتیلرله داخل اولور. اطرافی علی العموم دگزه طوغری چیقمش قیالر ویا بر برینه یا قلاشوب طبیعی بر لیمان تشکیل ایدن اطه لره محاطدر. بودکز عادتا بر کول کیدر؛ مدوجذری اولمادیغی کبی ساحلاری ده تخریب ایتمز؛ بحر محیط کبی صولغون ومظلم بر رنکده دکلدرد؛ دائما ساکن، براق، هومهرک دیدیکی کبی «منکشه رنکنده» در. اوافق کمیلرک سیرینه بوراسی قدر هیچ بردکز مساعد دکلدرد. صباحلری اسن پویر از روز کارلری آتیه قایقلرینی آناطولی یه طوغری سورر کتورر، آقشاملری ده لدوس آنلری تکرار لیمانه کتیرر. اطه لر، یونانستان ایله آناطولی اره سنده بر کچیدیرینه قونان طاشلر. کبی دیزلمشدر؛ آچیق بر هواده حرکت ایدن بر کمینک کوزندن هیچ بر زمان قره اکسیک اولماز. بویله بردکز اهالی پی دائما اوزرندن کچمکه جذب ایدر. بونک ایچون یونانیلر کمیجی، تاجر، سیاح، قورصان، سرسری اولمشلردر؛ فنیکه لیلر کبی انلرده بتون اسکی دنیا یه یایلمشدر؛ مصرک، کلدانیه نک، آسیانک بتون مختراعاتی، امتعه سنی مملکتلرینه کتیرمشلردر.

اقلیم . — یونانستانک اقلیمی لطیفدر. آتیه ده آنجق

یکرمی سنه ده بر طوک اولور. یازین دکز روز کارندن طولایی حرارت معتدلدر (۱). حتی بوکون بیله اهالی مایسدن ایلول

(۱) اورپید دیورکه : «هوامز لطیف و تزیهدر. قیشک صفوغی

بزم ایچون شدتسزدر؛ کونشک سهامندن ده اصلا جریحه دار اولماز.»

بوعارضه لی اراضی اوزرنده نباتات یتشدیرن پک آزطوپراق
 واردر، همان هرطرف چبلاق طاشدر، سیلاری آندیران نهرلر،
 نیمقوراق یاتاقلری ایله طاغلك چوراق قیالری ارسنده منبت
 اولارق طاربرطوپراق پارچهسندن بشقه برشی برامازلر. بو
 لطیف مملکتده برقاچ اورمان، سرولر، دفتهلر، خرما آغاجلری،
 قیالق صرتلك اوتهسنه بریسنه سرپیلمش آصمهلر بولونور؛ فقط
 برکتلی اکیندر، جسم مرعالی یوقدر (۱). بویله بر مملکتده
 موزون قامتلی، فعال وقناعتکار طاغیلر یتشه بیلر.



آرغولید - احانده سپهری اطهسی

دکز. — یونانستان، ساحلی چوق بر مملکتدر؛ پورتکیزدن
 کوچوک اولدینی حالده اسپانیا قدر سواحللی واردر. دکز
 (۱) «یونانستان طوغدینی زمان سود همشیرهسی ضرورت اولشدرد.»

ایکنجی قسم

یونستان

برنجی فصل

یونانستان

یونان مملکتلرینک توصیفی

مملکتک منظره سی . — یونانستان غایت کوچوک
(۵۷,۰۰۰ کیلومتره مربعی)، اسویچرهدن دهابیوک بر مملکتدر ؛
فقط غایت متبدل ، هر طرفی طاغلق ، کورفز لوله کیرینتیلی
چیقنتیلیدر ؛ اوزرنده ساکن اولان انسانلرک طبیعی اوزرینه
بردنبره اجرای تاثیر ایدهبیلیر ، مثلی کورولمه مش بریردر . —
مرکزی بر سلسله (پندوس طاغلی) یونانستانک اورتدسندن
کچر ، قیالق قوللریله یونانستانی ستر ایدر ؛ قورهنت بر زخنه
طوغری کیتدکجه آچالیر ؛ فقط بر زخک اوبر طرفنده ،
(پهلوپونهز) سلسله سی ، دکزه طوغری دیمدیک طوران
صرب وقارلی ، یوکسک سلسله لوله متوج بر قلعه کبی دکز تسویه سندن
۶۰۰ متره ارتفاعده میدانه چیقار . ساحل بویجه اوفاق اوفاق سرپیلن
آطه لر بیه ذروه لری صواوزرنده کورونن صویه باتمش طاغلردن
بشقه برشی دکلدز .

آوو آیین رسملرینی کوسترن قبارتمه لره تصادف اولونور . فقط
ایرانیلر اوچ نقطه ده مودلرینی دهامکمل برحاله کتیرمشلردر :



بر ایران سراینک جبهه سی

اولا : طوغلاهی رینه مرمر قوللانمشلردر ؛

ثانیاً : سالونه بویالی تحته طاوان یامشلردر ؛

ثالثاً : الیوکسک طانیلان، یعنی مربوی اکیک ۱۲ مثلی اولان

آغاج کؤکده لری شکلنده خفیف ستونلر اعمال ایتمشلردر .

ایشته بونک ایچون صنعت معماریلری آثوریلر ککنندن ده

ظریف ودها فرحفزادر .

ایران قومی صنایعی پک آز ترقی ایتدیرمشدر . فقط ایرانیلر

اوزمانک اناموسکار ، اکصحتلی ، اکجسور بر قومی ایدی . بونلر

آسیاده ایکی عصر مدت . اوزمانه قدر معلوم اولان اداره لردن ده

آزظالمانه ودها آز حقسنزیر اداره تأسیس ایشلردر .

مطالعه اولوناچق آثار :

لونورمان . تاریخ قدیم . — ماسپه رو ، تاریخ قدیم . — زهند آوستا . —

هه رودوت ، کتاب ۱ ، ۳ ، ۴ . — دارمشته تهر ، اورموزد واهرمیان

. — پهره ، تاریخ صنعت .

شهرلر یانديغی ، صحرالر خراب اولديغی ، اهالی قتل اولنديغی ،
 وسورو ایله اسبرایدلیکی کورلمه مشدر . بودور ، بردور مسالت
 اولمشدر .

آبدهلر

آثار عتیقه کشفیاتی . — مدیاو ایران حکمدارلری ده آتوریه
 حکمدارلری کبی کندیلرینه سرایلری پایدیرلردی . بونلرک بزجه
 الکزیاده معلوم اولانلری دارانک (پرسه پولیس) و (سوز)
 ده کی سرایلریدر .

پرسه پولیس سراینک پک چوق خرابهلری قلمش ، بو خرابهلر
 فلاندهن طرفندن کشف وترسیم ایدلمشدر . طاغ قیاسی ایچنه جسم
 بر زمین او یولمش ، سرای بونک اوزرینه انشا ایدلمشدر . بورایه
 اون سوارینک یان یانه کچه بیله جکی درجه ده ، طاتلی میلده کنیش بر
 مردیوندن چیقیلیردی .

(سوز) خرابهلری موسیو دیولافوا نامنده بر فرانسز
 مهندسی طرفندن حفر ایدلمشدر ؛ مشارایه بوراده بر چوق
 محکوکات ایله اساساً مترقی بر صنعته دلیل اولابیله جک طوغه لر
 کشف ایتمشدر .

ایرانه معماریسی . — ایران معمارلری آتوری سرایلرینی
 تقلید ایتمشدردی . آتوریه ده اولدیغی کبی (پرسه پولیس) ده ده
 تراسه حالنده دوز طاملره ، طاش جانوارلرله محافظه اولنان قپولره ،

حکمدارم ، حقگزده هب مدحده بولونیورلر ، فقط سزی شرابه براز فضله دوشکون ظن ایدیورلر . جوانی ویرر . بونک اوزرینه کیکوس حدتلنه رک : — ایرانیلر طوغری سویلیورلرمی سویلمیورلرمی باق کور . شمدی شو حولیده آیاقده طوردیغنی کوردیک اوغلیک تام قلبندن اوررسه م اوزمان بیل که ایرانیلر کندیلری نه دیدکارینی بیلمیورلر ! دیر . یانی چکر ، پره قساسپک اوغلنی اورر . دلیقانلر ییره دوشر ، کیکوس اوقک نرهدن اوردیغنی اکلامق ایچون وجودینی یاردیرر . اوق تام قلبک اوزرنده بولونور . بونک اوزرینه کیکوس سونجندن کوله رک دلیقانلینک باباسنه : ایشته کوردک یا ! ایرانیلر عقلرینی غائب ایتشلر ؛ سویله بقالم . هدفه بو قدر طوغری دنیا ده کیم راست کتیره بیلیر ؟ دیر . پره قساسپده : — حکمدارم ، معبودک بیه بو قدر طوغری آتابیله جکی ظن ایده میورم . جوانی ویرر (۱) .

ایرانیلرک ضربتی . — آسیا اقوامی هر زمان فاتحله ویرکی ویرمشلر ، مستبدله اطاعت ایتشلردر . فقط ایرانیلرک اقوام مذکورده ینه اولدجه فائده لری طوقونمشدر ؛ بونلر بتون اقوامی بر حکمداره تابع بولوندیر ارق اندرک بر بریله چارپشمه لرینه میدان ویرمزاردی . زمان حکومتلرنده متهدیاً

(۱) هرود ۳ ، ۳۴ ، ۳۵ - هر دوده دعاسائر استبداده مثالرینه

مراجعت ۳ ، ۹۷ ، ۹۸ (أنتفهرنک حکایه سی) وئسته رک کتابی

بکزمه یین اقوام بولونوردی؛ فقط هر ساطرا پلق سنه ده معین بر
ویرکی ، (آلتون و کموش کبی) بر قسم معدن ، (بغدادی ، بارکیر ،
فیل دیشی کبی) بر قسم ده عیناً ویرردی . ویرکی یی ساطرا پ
(والی یه ساطرا پ دیرلردی) تحصیل ایدر ، حکمداره او کوندریردی .

مکومتک وارداتی . — حکمدارک وارداتی ، عیناً ویریلن

ویرکیلر داخل اولدییغی حالدده ، شمدیکی پاره مزک وزنجه ۸۰
میلون نه بالغ اولوردی . اوز مانده کی معدنلرک قیمتی نظر دقته آلتیرسه ،
بو ۸۰ میلیون زمانمزده ۶۰۰ میلیون معادلدی . حکمدار بو پاره
ایله ساطرا پیرینی ، اردوسنی ، خدمتکارلرینی و غایت مددب بر
سرای خلقنی اداره ایدردی ؛ بونکله برابر هر سنه کندیسنه یینه
ایری آلتون کوچله لری قالیر ، انی ده صندوقلرینه بیغاردی . ایران
حکمداری ، بتون شرقیلرکبی جسیم بر خزیننه یه مالک اولمغله
افتخار ایدردی .

بیوک حکمدار . — ایران حکمدارلری قدر ز نکین و ذی

قدرت هیچ بر حکمدار یوقدی . یونانیلر ایران حکمدارلرینه
(بیوک حکمدار) دیرلردی . حکمدارک ، بتون شرق حکمدارلری
کبی کرک کندی تبعه سنک کافه سی ایله ایرانیلر اوز رنده ، و کرک
اقوام محکومه اوز رنده قطعی بر نفوذی واردی . سراینده کی بیوک
بکلره کی کاوسک نصل معامله ایتدیکی هه زود و تدن پک ایی اکلایشیه
بیلیر . « برکون کی کاوس ، ساقیسنک باباسی پرده قساسپه :
ایرانیلرک حقمده کی فکرلری نه در ؟ دیه سوال ایدر . اوده : —

حاوی بر مملکتده ظهور ایتشدر ؛ او یله بر مملکت که، اوراده فرح
 فزاوادیلرایله پریشان بوزقیرلر، طراوتدار واحه لرایله قیزغین
 چوللر، تارالرایله قوم سحرالری یان یانه کورولور، قوای طبیعت
 یکدیگریله شدتلی بر محاربه یه کیریشمش ظن اولونور. ایرانیلر،
 اطرافلرنده کوردکلری بوجـ ادله نی قانون کائنات اولوق اوزره
 قبول ایتشلردر. ایشته بوصورتله انسانی سعی و فضیلتیه، فقط
 عین زمانده ده شیطان هود یولره اعتقاد ایتکه سوق ایدن بر دین وجوده
 کلش، بو اعتقاد بالاخره غربده یاییلاق بتون آوروپا اقوامنک
 ذهنی قاریشدر مشدر.

حکومت

اداره لر. — شرق حکمدارلری پاره، عسکر، احترامات
 جلب ایتکدن بشقه هیچ برشی ایچون تبعه لریله مشغول
 اولما مشدر ؛ انلرک ایشلرینه هیچ مداخله ایتمه مشدر در. سائر
 حکمدارلر کبی داراده حکومتنده بولنان اقوامک هر برینی ایستدکلری
 کبی کندیلرینی اداره ایتکده، لسانلرینی، دینلرینی، قانونلرینی،
 حتی اکثریا اسکی رئیس لرینی محافظه ایتکده سربست بر ایتشدر.
 فقط دارا تبه سنک کندیسنه ویردیکی ویرکیلری تنظیم ایتکه پک زیاده
 دقت ایدردی. دارا، حکومتی (ساطراپلق) دنیلن یکر می (۱) اداره یه
 آیردی. بر ساطراپلقده لسانی، عاداتی، اعتقاداتی بر برینه

(۱) هرودوت ۲۰ دیور: فقط کتابه لرده بولنرک ۳۱ قدر

اولدینی میدانه چیقیور.

نه کوممہ لی (چونکہ طوپراغی بوزار)، نه ده صویه آتمایدر (زیرا صوی تلویت ایدر). بویله یایمق دائمی صورتده کندینی تلویت ایتمک دیمکدر. ایرانیلر بونک ایچون بشقه بر اصول قوللانیرلردی. جنازه، آلتی طاشلرله ایجه بسانمش یوکسک و آچیق بر محله یوزی کونشه طوغرو قونور؛ صوکره دیولردن قاجمق ایچون هرکس چکیلیردی؛ چونکه «مزارلقلرده، خستهک، صتمه، پیسلک، تترمه، اسکیمش صاچ اولان یرده دائما دیوبولونوردی». کوپکلر وقوشلر کبی تمیز حیوانلرده جنازه یی بیهرک انی صاف برحاله کتیرلر.

رملک مقدرانی. — اولونک روحی جسددن چیقار. اولدکن اوچ کون صوکره، جهنم اوچورومی اوزرندن جنته کیدن «اجتماع کوپروسی» نه (شیش واط) کتیریلیر، اوراده هر مز، اکا کچیردیکی حیاتی سؤال ایدر. اگر دنیا ده ایملک ایتمش ایسه، انی روحلر، کوپک روحلری انی طوتارلر، کوپریدن کچمسنه یاردم ایدرلر، انی بختیارلر مسکننه صوقارلر. اوزمان دیولر هپ قاچارلر؛ چونکه بونلر فضیلتلی روحلرک قوقوسنه طیانا مازلر. فنا آدمک روحی ایسه بالعکس چوروک وصالانان بر کوپری اوزرینه کلیر، آنی کیمسه طوتماز، دیولر اوچورومه سوروکلر، جنلریقالار، قرانقلر ایچنده زنجیرلره باغلارلر.

مازده بیزمک (۱) ماهینی — بو دین شدتلی تضادلری

(۱) فرانسزلر بو دینه (آخورامازدا) دن طولانی (مازده بیزم) دیولرلر.

عبادت ایتمک ایچون اکا تحمیدی متضمن الیهیلر اوقورلر ، حیوان قربان ایدرلردی .

اضدور . — انسان هرmerk ایشنی قولایلاشدیرمق واهریمانک ایشنی بوزمق ایچون هرمرز اغورنده محاربه ایدر . قورو اودونله ویا قوقولرله آتشی یاقهرق قارانلقدرله ؛ طوپراغی زرع و اولر بنا ایدرک چولایله ؛ ییلاندری ، کرتسکله لری ، طفیلاتی ، او حیواناتی اولدیره رک اهریمانک حیوانلریله مبارزه ایدر . — کنندینی تمیز طوتارق ، اولومه تعلق ایدن شیرلی وجودندن آتارق ، بالخاصه طیرناقلرینی وصاچلرینی کسه رک نظاقسنزلکه قارشى مبارزه ایدر ؛ « چونکه نروده کسینلمش صاچ و طیرناق بولونورسه اورایه دیولرله مردار حیوانلر کلیر . — دائماً طوغرو سویلیه رک یالانه قارشى مبارزه ایدر . هه رودوت دییورکه : (۱) « ایرانیلر عنندنه اولایالانجیلق ، صوکرده بورج ایتمک قدر عیب برشی یوقدره ؛ چونکه بورج ایدن ایجابنده یالانده سویلر . — صوکره ، ازدواج ایدرک و برچوق اولاد صاحبی اولارق اولومه قرشی مبارزه ایدر . زه ند — آوستاده دنیلورکه : « اخلافدن محروم اولر مدهشدر ! »

منازه مراسمی . — بر انسان اولور اولمز جنازهمسی فالق ملکنه عائد اولور ، بناء علیه انی اودن چیقارمق لازمدر . بونک ایچون جنازه یی نه یاقلی (چونکه آتشی بر باد ایدر) .

ویردیکی ایچون خروس کبی . - بالعکس فنا هر نه وارسه
 بونلرده اهریماندر، هپ فناغه یارار لر: کیجه، قور اقلق، صغوق،
 چول، زهرلی نباتات، دیکنلر، آو حیواناتی، ییلانلر،
 (سینک، پیره، تحته قوروسی کبی) طفیلات، کرتنکله، عقرب،
 قور بغه، فاره، قارنجه کبی مظلم قوغوقلرده یاشایان حیوانلر کبی.
 کذا عالم معنویده حیات، صفوت، حقیقت و سعی، انی
 اولدقلری ایچون هر مزدن؛ اولوم، نظاقتسزک، یالان، تنبکده فنا
 اولدقلری ایچون اهریماندن کلیر .

عبادت . - ایشته اخلاق ایله عبادت بو اعتقاددن چیقیور .
 بو اعتقاده کوره انسان ای معبوده (۱) پرستش اتملی، انک ایچون محاربه
 اتملیدر . هر وودوت دیورکه: (۲) «معبودلره هیکلر، معبدلر،
 محرابلر یا مق ایرانیلرده عادت دکلدر؛ بویله یاپانلره احق
 دیرلردی؛ چونکه انلر یونانیلر کبی معبودلرک انسان شکلنده
 اولدقلرینه اعتقاد اتمزلردی.» هر مرز، یالکز آتش ویا کونش
 شکلنده کوستریلردی. بونک ایچون ایرانیلر طاغلرده، آچیق
 یرلرده، یا تمش براوجاق قارشیسنده عبادت ایدرلردی. هر مرز

(۱) صوک ایران ضلالتپرورلری بالعکس فنا معبوده پرستش
 ایدیورلردی؛ چونکه بونلر: ایلیک حد داننده کریم و رحیمدر، انی یوله
 کتیرمه لزوم یوقدر . دیورلر . بونلره یزیدی (یعنی شیطان طاپانلر)
 نامی ویریلور .

فنا هر نه وار ایسه بونلر فنا معبود طرفندن خلق ایدلمشدر .
 او معبودده «هجران ملکی» در (فرانسز بوکا اهریمان دیرلر) .
 ملطّر دیولر . — انلرک اعتقادنجه ابی و خالق هر مزک
 قارشیسنده مضر و مخرب اهریمان طور ردی . هر ایکسنگ خدمتندهده
 آلایلرله ملکور واردی . هر مزک عسکرلری هپ ابی ملکور (یعنی یازاطا)
 در؛ اهریمانک کیلر ایسه مضر دیولدر . ملکور ، شر قده ضیای فجر
 ایچنده ، دیولر غربده ظلام شفق ایچنده او طور لر . بو ایکی
 اردو بربری ایله دائما حرب حالنده درلر ، بتون دنیا انلرک
 محاربه میدانلریدر؛ چونکه ملکورده ، دیولرده هر یرده موجوددر .
 هر مزایله ملکوری ، انسانلری محافظه ایتکه ، انلری ابی و
 بختیار قیلمغه چالیشیرلر . اهریمان ایله دیولری ده انسانلری محو
 ایتک ، انلری بد بخت و مضر قیلیمق ایچون طولاشوب طور لرلر .
هرمز ایله اهریمانک مخلوقدری . — دنیا یوزنده ابی هر نه
 وار سه بونلر هپ هر مزک اثریدر ، هپسی ده ایلدکه یارار : کیجه لین
 یلدیز اولایان کونشله آتش ، مایع بر آتشی آندیران مایه لی
 مشروبات ، انسانک حرارتی کسن صو ، انسانی بسله بن تار لالر .
 انسانی قورو یان آغاجلر ، ضیاده یاشادقلری ایچون قوشلر ،
 بالخاصه کوپک (۱) ، حیوانات اهلیه ، انک زیادهده کوندوزی خبر
 (۱) هرمز دیورکه : «کوپکی قوتلی برشامه ایله ، قوتلی دیشلرله ،
 انسانه صادق ، سورولری محافظه ایچون دشمنه آتیه حق . بر صورتده
 یاراتدم . کوپکک صحتی یرنده ، سسی یولنده و کندی ده سورولرک یاننده
 بولونورسه ، آغیله خیرسز و قورد یناشاماز.»

زردشت حقنده طوغری اولارق یالکز اسمی معلومدر.

زهد - آوستا . — زردشته دائر هیچ بر اثر قلمامشدر؛ فقط کنديسندن صوکره قلمه آنان مذهبی، ایرانیلرک کتاب مقدسی اولان زهد - آوستا (یعنی قانون و اصلاحات) ده محفوظدی. زهد - آوستا اسکی لسانده یازلمش بر مجموعه ایدی؛ بونی سالکینی بيله اکلایمازلردی. روایتہ کوره زهد - آوستا ۱۲ کتابدن عبارتدی، آلتون تلرله بربرینه مربوط ۱۲۰۰۰ اینک دریسی اوزرینه یازلمشدی. اسلاملر ایرانہ استیلا ایتدکلری زمان بونی محو ایتمشلردی. فقط زردشت مذهبہ صادق قالان ایران اھالیسی هندستانہ التجا ایشلر ، بوندرک الیوم (پارسی) دنیلن اجدادی هندستانده اسکی دینلرینی الان محافظہ ایتمشلردر. بونلرده زهد - آوستا کتابنک تکمیلی ایلہ دیگر ایکی کتابک بعض پارچه لری بولونمشدر .

هرمز راهریمانه . — مذکور کتابلره نظراً زردشت مذهبی بروجہ آتیدر: آخورامازدا (یعنی هرمنز) «هرشینی بیلن حکمدار»، دنیایی یار اتمشدر. اکا شوووجه ایلہ دعا ایدیلیر: «منور، مشعشع، غایت بیوک، غایت ای، غایت مکمل، غایت متین، غایت ذکی، غایت کوزل، صفوتده بالا، منبع حظوظات اولان علم حقیقیه واقف، بزی یارادان، وجوده کتیرن، بسلهین خالق اعظم آخورامازدایه دعا ایدر ویالواریرم.» آخورامازدا صوک درجه ای اولدینی ایچون هپای شیلر خلق ایتمشدر. دنیاده

سحر باز غوماطدان تاج حکومتی چکوب آله جق بر فرد یوقدی .
 اوزمان بن اورتهیه چیقدم ، هر مزه یلواردم ، هر مزینی لطفاً
 حمایه ایتدی . . . یانمه فدا کار آدم لر آلارق غوماطایله باشلیجه
 شریکلرینی اولدیردم . هر مزك عنایتیله حکمدار اولدم . نسلمزدن
 آنان حکومت ، تکرار نسلمزه کچدی . سحر باز غوماطانک
 ییقدیغی معبودلری ، ملتک خلاصکاری صفتیله تکرار بن انشا
 ایتدم ؛ شرفیلری ، مقدس آیینلری یرینه کتیردم . « دار ابو غاصبی
 تپه لدکن صوکره ، بر چوق عاصی رؤسا ایله خرب ایتمش اولسه
 کر کدر . چونکه : «اون طقوز محاربه ایتدم و طقوز حکمداره
 غلبه چالدم . « دیور .

ایرانه حکومتی . — ایشته بو صورتله دار اعصیان ایدن اهالی نی
 دائرة اطاعته آلمش ، ایران حکومتی تأسیس ایتمشدر . حتی (طراس)
 ایله هندستان دن ده بر ایالت ضبط ایدرک بو حکومتی بیولتمشدر .
 مدیایلر ، ایرانیلر ، آثوریلر ، کلدانیلر ، یهودیلر و فنیکیلر
 کبی شرق بتون اقوامی هپ بو حکومت داخلنده طوپلانمشدر .

دین

زردشت . — اقوام قدیمه آریه کبی ایرانیلر ده بدایتده
 قوای طبیعتیه ، بالخاصه کونشه (میترا) طابنمشلردی . فقط دینلری ،
 میلاددن اون ایکی ویا اون اوچ عصر اول زردشت (فرانسزلر
 بوکا زورو آستر دیرلر) نامنده بر حکیم طرفندن اصلاح ایدلمشدر .

ایشته حکمدار اولمازدن اول یایدقلم. نسلمزدن کیخسروک اوغلی
کیکاوس بندن اول بوراده حکومت سورییوردی. بو کیکاوسک
بر آندان وبربابادن سمردیس اسمنده بر قاردشی واردی. بر
کون کیکاوس سمردیس اولدیردی. — کیکاوس سمردیس
اولدیردیکی زمان اهالی سمردیسک اولدیکنی طویمادی. صوکره
کیکاوس مصره کیتدی، کندیس مصرده بولوندیغی ائنده اهالی
عصیان ایتدی؛ اوزمانلر مملکتده، مدیاده ودیکر ایالتلرده یالان
پک چوق سویلنیردی. غوماطا اسمنده برسحر باز واردی.



بشتون قبارمه سی

بوسحر باز: «کیخسروک اوغلی سمردیس نم!» دیمه اهالی بی
آلدادی. او زمان بتون اهالی عصیان ایتدی، کیکاوسی
براقه رق هپ اوکا قوشدی. . . آندن صوکره کیکاوس کندی
کندینی یاره لایدق اولدی. . . سحر باز غوماطا، ایران ایله
مدیایی ودهاسائر مملکتلری کیکاوسدن آلدقن صوکره ایستدیکنی
یابدی، کندینی حکمدار اعلان ایتدی. اهالی، ظلمندن طولایی
بوندن قورقارلردی؛ کندیسنگ کیخسروک اوغلی سمردیس
اولمادیغی میدان چیقماسین دیمه اهالی بی ده اولدیردی. —
حکمدار دارا بونی میدان چیقاردی. نه ایرانده، نه مدیاده بو

کبخسرو . . . ۵۶۰ سنه سنه طوغری رئیساری کیخسرو (۱)
 مدیا حکمدارینی تختندن ایندیرمش ، ایرانک بتون اقوامنی بریره
 طوپلامش ، صوکره لیدیا ، بابل و بتون آسیای صغرای ضبط
 ایتمشدر . او زمانلر کیخسرو حقنده بر روایت چیقمشدی ،
 هه رودوت بونی تفصیلاتیه نقل ایدیور . کیخسرو ، بر کتابه
 اوزرنده کندیسنه شونامی ویریور : « بن آایلر حکمداری ،
 بیوک و ذی قدرت حکمدار ، قوروصم . بابل ، سومیر و آقادرالی ،
 درت منطقه حکمداری ، سوزیان قرالی قوروصک طورونی ،
 سوزیانک بیوک حکمداری قامبوز یانک اوغلی یم . »

بهشتونه کتابه سی . — کیخسروک بیوک اوغلی کیکاوس (۲)
 قاردشی سمردیسی اولدیرمش ، مصری ضبط ایتمشدر . اوندن
 صوکره اولان وقایعی انجق بر کتابه دن او کره نه بیلوروز . — الیوم
 ایران حدودنده ، بر صحرا اورته سنده دیمدیک یونتولمش ، ۴۵۰
 متره یوکسکلکنده ایری بر قیا ، بهشتون (باغستان) قایاسی واردر . قیانک
 اوزرینه رسم ایدلمش بر قبارتمه ، صولالی براوق اوزرنده ، تاجلی
 بر حکمداری ارائه ایدر ؛ بو حکمدار اسیرلردن برینی آیاقلری
 آلتنده چیکنیور ، دیگر طقوز اسیرده بوغازلرینه زنجیر باغلی
 اولارق اوکنده طورییور . اوچ لسانده یازلمش بر کتابه دهده حکمدارک
 حیاتی شوو جه ایله حکایه ایدیلیور : « حکمدار دارا (۳) دیورکه :

(۱) سیروس .

(۲) قامبوز .

(۳) داریوس .

محافظه ایچون وجودلرینه ایجه یاپیشیق دری برالبسه کیرلردی.

ایران حکومتی

مدیالیدر . — ایرانده برچوق قبیله لر واردی ؛ بونلردن یالکز ایکیمی شهرت بولمشدی . انلرده : مدیالیرله ایرانیلر ایدی . غربده ، آثوریلره غایت یاقین بولونان مدیالیر (۶۱۰ سنه سنه طوغری) نینوا حکومتی محوایتمشلردر . فقط آز زمان صوکره انلرده تنبللشمه شلر ، اصللری بوزولان آثوریلرک بول



قرال

جنکادولر

البسه سنی ، بوش حیاتلرینی ، باطل دینلرینی قبول ایتمشلر ؛ نهایت کندیلری ده انلره قاریشمشلردر .

ایرانیلر . — شرقده اوطوران ایرانیلر ایسه اخلاقلرینی ، دینلرینی و متانتلرینی محافظه ایتمشلردر . هه رودوت دیورکه : « ایرانیلر یکر می یاشنه کلنجه یه قدر اولادلرینه یالکز اوچ شی اوکره تیرلردی . انلرده : آته یینمک ، اوق آتمق ، طوغری سویلمکدی . »

آلتنجی فصل

ایرانیلر

ایرانک توصیفی . — ایران حکومتی . — دین ؛ حکومت ؛ آبدلر .
آتار عتیقه کشفیاتی .

ایرانه . — دجله ایله سمند و بحر حزر ایله بصره کور فزی ارمسند فرانسه نك بش مثلی بیوکلکنده ، فقط قسماً چوراق ، ایران حوالیسی واردر . بوراسی ، قیزغین قوم چوللارندن ، درین و آغاجلق وادیلرله کیلمش بوزلی یا یالاردن متشکلدر . اطرافی یوکسک طاغلرله چویرلمشدر ؛ نهرلر آقما دقلری ایچون قوملر ویاطوزلی کوللر ایچنده غائب اولورلر . اقلیم سرت ، غیره طرد ، یازین صیجاق ، قیشین پک صغوقدر ؛ بعض محللرده فوق الصفر ۴۰ درجه دن تحت الصفر ۴۰ درجه یه یعنی سبریا صغوغندن سنه غال صیجاق لرینه کچیلیر . بوراده « قلیچ کبی کسن » شدتلی روزکارلر وزان اولور . فقط وادیلرده ، نهرلر بوینده اراضی منبت و محصولداردر . بوراسی شفتالی و کراز آغاجلرینک منشائی ، میوه و مرعا مملکتیدر .

ایرانیلر . -- اقوام آریه قبیله لری ایرانده اقامت ایدرلردی . بونلر سائر اقوام آریه کبی چوبان جنسندن ، فقط مسلح و جنگاور برچوبان نوعندن ایدی . ایرانیلر آت اوزرنده محاربه ایدرلر ، اوق آتارلر . کندیلرینی مملکتلرینک کسکین روزکارلرندن

وجه ايله صاغدن صوله ؛ بعضيلرى ده يونانيلىر كې صولدن صاغه يازمىشلىرىدۇر. حتى ھېسى دە حرفلر ك شكلىنى برر پارچە دكيشدىر مىشلىرى سەدە يھودى ، لىسىا ، يونان ، ايتاليك ، ئەتروسق ، اىبەريا ، حتى بلىكە نوروۋە جىلىلر ك رون الفباليىنىك اساسىدە بىلەنە فنيكە يازىسى بولونابىلىرىر. حاصلى دىنبايە يازى يازمىنى فنيكە ليلر اوكرەتمىشلىرىدۇر .

مطالعه اولونا جق آثار :

لونورمان ، تاريخ قديم . — ماسپەرو ، تاريخ قديم . — رەنان ، فنيكە ھىئت سفريەسى . — ھەرن ، ازمنە قديمە اقوامنىك سياست وتجارىتى . — بەرار ، فنيكە ليلر واوديسە .

الفبائر

	فنيكه ومصر الفبائى		يونان الفبائى		لاتين الفبائى
2	α		آلفا	A	A
3	β		بىتا	B	B
Ⲁ	Ⲁ		غاما	Γ	G et C
ⲁ	ⲁ		دهلتا	Δ	D
Ⲃ	Ⲃ		ٲه پسيلون	E	E
ⲃ	ⲃ		اوپسيلون	Υ	U
Ⲅ	Ⲅ		زه تا	Z	Z
ⲅ	ⲅ		ٲه تا	Η	Η
Ⲇ	Ⲇ	Ⲇ	ٲه تا	Θ	Π
ⲇ	ⲇ	ⲇ	يوتا	I	I
Ⲉ	Ⲉ	Ⲉ	كايّا	K	I K
ⲉ	ⲉ		لان ودا	Λ	L
Ⲋ	Ⲋ		مو	M	M
ⲋ	ⲋ		نو	N	N
Ⲍ	Ⲍ		سينفما	Σ	S
ⲍ	ⲍ		اوميقرون	O	O
Ⲏ	Ⲏ		اومه غا	Ω	P
ⲏ	ⲏ		پى	Π	P
Ⲑ	Ⲑ		فى	Φ	
ⲑ	ⲑ		خى	X	F
Ⲓ	Ⲓ		رو	P	Q
ⲓ	ⲓ		طو	T	
Ⲕ	Ⲕ		ٲسى	Ξ	R
ⲕ	ⲕ		ٲسى	Ψ	T

يونانيلاشدقن صوكره بوراده آلآن (سرينفوده اولديني كبي)
 كوكر جينه ، (قوره نته اولديني كبي) معبود (مهلقارت)ه، وياخود
 كريدده اولديني كبي) بوغاباشلي معبوده عبادت ايدليكي كورولوردى .

فنيكيليلىك تاثيرى . — فنيكيليلىك مغازه لرينى تاسيس
 يدرلر كن كندى منفعتلر ندن بشقه برشى دوشونمكلىرينه هيىچ
 شبهه يوقدى . فقط مستملكه لر ينك مدننه پك زياده خدمتى
 طوقونمشدر ؛ غرب باربارلرى شرقك اك مدنى اقوامندن قماش ،
 مجوه وادوات صاتين آلشدر ، انلره تقليد اتمكى اوكره نمشدر در .
 يونانيلر پك چوق فنيكه قابليرى ، مجوه راتى ، قوللانمشدر ؛
 بواشيامى مودل اتخاذا ايشلردى . فنيكيليلىر مصر دن و آثور يه دن
 صنايعى وامتعهي ده نقل ايشلردى .

الفبا . — عين زمانده الفبايى ده تعميم ايشلردر . فنيكيليلىر
 يازى يى ايجاد اتمه مشلردى . مصر ليلر يازى يازمغى آلردن بر قاچ
 عصر اول بيليرلر ، حتى بزم الفبا مركبي هربرى بر صدايى افاده
 ايدن حرفلرده قوللانيرلردى . فقط يازيلر ندن بعضيلرى
 بر هجايه ، بعضيلرى بتون بر كلمه يه دلالت ايدن اسكى ايشار تىرله
 طولوا ايدى . فنيكيليلىر ، هيىچ شبهه سز تجارت دفترلرى ايچون
 ده اساده بر اصوله لزوم كور مشلر . هجائى و فكري بتون اشار تلى
 آتهرق يالكلز هربرى بر صدايى (ويازهاطوغر يسي ديك بر تلفظنى)
 كوسترن ۲۲ حرفى قبول ايشلردر . اقوام سائر ده بو ۲۲ حرفلى
 الفبايى تقليد ايشلر ، پهوديلر كبي بعضيلرى فنيكيليلىك ياپدقلىرى

بیلمزدی . فنیکه لیلرک عصر لردن بری تجارت ایتدکلری اسپانیا حوالیسنی بر یونان کمیسی تصادفاً کشف ایتشدی . قارطجه لیلر ، ساردنیا ویاجبل الطارق ساحلنده بولدقلری اجنبی تاجر لری دکزده بوغدیر لرلردی . بر کون بر قارطجه کمیسی اجنبی بر کمینک کندیسنی تعقیب ایتدیکنی کورمش ، نزهیه کیتدیکنی بیلدیره مک ایچون بوکمی بی غرق ایتشدر .

مستملک لر . — فنیکه لیلر ، تجارت ایتدکلری مملکتلرده

مغازه لر تأسیس ایتشدردی . بونلر ، دکز قیسنده طبیعی بر لیان اوزرنده مستحکم موقعلردن عبارتدی . امتعه لرینی وعلی العموم قاشلری ، چناق چوملک ، مجوهرات و پتلیرینی (۱) هپ بورایه طولدیر لرلردی ؛ یر لیلر ذخیره کتیر لر ، آروپا تاجر لرینک حالاً آفریقازنجیلریله یاپدقلری کبی فنیکه لرله انلری مبادله ایدر لرلردی . فنیکه لیلرک قبریسه ، مصرده ، اوزمانلر بحر سفیدک باربار بولونان بتون مملکتلرنده ، کریده ، یونانستانده ، سجیلیاده ، آفریقاده ، مالطهده ، ساردنیاده ، اسپانیا سواحلنده (مالاقه و قادیقسهده) وحتی غولده (مونا قوده) بویله مغازه لری واردی . اکثریا یر لیلر فنیکه لیلرک بنالری اطرافنه قولبه لرینی انشا ایدر لرلردی ؛ بو صورتله چارشی عادتاً بر شهر اولوردی . اهالی فنیکه معبودلرینی قبول ایدر لرلردی ؛ حتی شهر

(۱) فنیکه لیلر نزلده تجارت ایتشلسه اورالرده بوپتله دائماً تصادف

اولونور . بونلر اخراجات امتعه سنک باشلیجه لرندن بری ایدی .

اقوامدن صاتين آليرلردى. شرقده بولامادقلرى شينى باربارلرک مملکته کيدر آرارلردى. يونانستان ساحلنده دکزدن برقابوق چيقارلر. بوندن قيرمزي، ارغوانى بويالراستخراج ايدرلردى؛ اقوام قديمه نك کافه سنده ارغوانى رنگده قاشلرى هپ قرالدر، بيسوک بکلر کيرلردى. اسپانيا وساردنيا اهاليسنک معدن او جاقلرندن چيقاردقلرى کوشى اورادن کتيرلردى. باقيرايله قالايک خلیطه سى اولان طونجى يامق اچون قالای کندیلرینه پک زیاده لازم اولوردى؛ شرقده قالای بولونمادینی اچون انکلتره ساحلرینه قالای آطه لرینه (قالسى تهريد آطه زينه) قدر قالای آرامغه کیتمشلردى. کندیلرینه هر مملکتدن اسير بولورلردى. بعضاً بونلرى، وقتيله زنجى تاجرلرينک آفریقا ساحلنده زنجى صاتين آلدقلرى کې، صاتين آليرلردى؛ زير اقوام قديمه نك کافه سى اسير تجارتي ايدرلردى. بعضاده ساحلى آنسزین باصارلر، قادينلرک وارککلرک اوزرینه هجوم ايدرلر، انلرى قالديروب شهرلرینه کتيرلر ويا خوددها اوزاقلرده ساتارلردى. چونکه بونلر فرصت دوشدکجه قورصانلق ايدرلر، اجنبيلرى صويمقدن هيچ چکينمزلردى.

فنيکه ليلرک صانموردقلرى سر. — فنيکه ليلر، ديگر اقوامک کيجيلرى کندیلريله رقابت ايدر ديهه اصلا قورقمازلردى. اوزاق مملکتلردن دونوشلرنده، تعقيب ايتدکلرى يولى هيچ بللى ايتمزلردى. ازمنه قديمه ده فنيکه ليلرک قالای چيقاردقلرى (قالسى تهريد) آطه لرینه نروده بولونديغنى کيمسه

اوجنجهیسی : قره دگزه طوغری . بورایه بارکییر واسیرلرله ، قفقاسیه طاغلیلرینک یابدققری باقیر قابلدن صاتین آلمغه کیدرلردی .
 بحریه . — فنیکه لیلر تجارت بحریه لری ایچون جسیم لبنان سدره لرندن کوره کالی ویلکنلی کمیلر انشایدلرلردی . کمیحیلک ایتک ایچون دائما ساحله یاقین بولونمغه محتاج دکلرلردی ؛ کندیلرینه شمالی کوسترن قطب ییلدیزلرینه باقوب اکا کوره حرکت ایتکی بیلرلردی . فنیکه لیلر جرأتکار کمیحیلرلردی ؛ اوافق اوافق کمیلرله بحر سفیدک تا اوبرا وچنه قدر آتیلرلردی . حتی جبل الطارق ، قدمانک تعیری وجه ایله (هر کول ستونلری) (۱) نی بیله کچمکه جسارت ایدرلر ، بحر محیطدن انکلتره ساحلرینه وحتی نورو جه قدر کیدرلردی . فنیکه لیلر بر مصر حکمدارینک معینده اولدققری حالده یدنجی عصرده آفریقایی طولاشمق ایچون بحر سفیددن حرکت ایتشلر ، روایته کوره اوچ سنه سوکره بحر احمدن عودت ایتشلردر . قارطجه دن یوله چیقان بر هیئت سفریه کینه کورفزینه قدر آفریقا ساحلنی بویلامشدر ؛ قوماندان هاتون بوسیاحتک بر خاطره سنی یازمشدر .

امغه . — فنیکه لیلر ، صنایعلرینک محصولاتنی متمدن

(۱) روایته کوره معبود هر کول طرفندن دیکیلن بوستونلر ، احتمالک فنیکه دینک آثارندن ایدی . چونکه هر کول ، صور معبودی ملقارتدن بشقه برشی دکلدی .

صودك (بعل ملقارت) نه (هراقه س) نامیاه پرستش ایدر لردی (۱).

فنیکه تجارتی

فنیکه لیلرک مسفر لیتی . — اوافق بر اراضی اوزرینه ییغلمش اولان فنیکه لیلر بالخاصه تجارتله یاشار لردی. اوزمانلر نه (مصر لیلر له کلدانیلر و آثوریلر کبی) اقوام سائرۀ شرقیه نك ، نه ده (اسپانیوللر ، غولوالر و ایتالیا نلر کبی) قبائل و حشیۀ غربیه نك هیچ بحریه لری یوقدی . کیجیلکه اک زیاده فنیکه لیلر جسارت ایدر لردی ؛ فنیکه لیلر اسکی دنیانک قومیسینولری ایدی ؛ هر قومک امتعه سنی صاتین آلیرلر ، بوکا مقابل انلره دیگر مملکتلرک ذخیره لیرینی صاتار لردی .

بو تجارت شرق ایله قره دن ، غرب ایله دکزدن یاپیلردی .
کاروانلر . — فنیکه لیلر کاروانلیرینی قره دن اوچ استقامتمده سوق ایدر لردی :

برنجیسی : عربستانه طوغری . بورادن آلتون ، عقیق ، یشیم ، کونلک ، ضممع ، عربستانک مسک و عنبری ؛ ایغی ، بهارات فیل دیشی ، آبانوس ، دوه قوشی تویی ، هنددن کله مایمونلر کتیر لردی ؛

ایکنجیسی : آثوریه یه طوغری . بورادن یون و کتن قماش ، آسفالت ، ذی قیمت طاش ، قوقولی صو و چین ایکی کتیر لردی ؛

کونشاه قر ، تولید و تخریبه مقتدر ایکی بیوک قوت ایدی .
 فنیکه شهرلرندن هر برینک ایشته بویله برچفت معبودی واردی :
 صیداده (بعل صیدا) (بعنی کونش) ایله (آسطورهت) (بعنی قر) ؛
 (جبل) ده (بعل تموز) ایله (بعلیث) ؛ قارطجده (بعل هاموت)
 ایله (تائیت) ایدی . فقط عین معبوده خالق ویا مخرب تلتی
 اولوندیغنه کوره بشقه بر اسم ویریلیدی ؛ مثلا قارطجده
 (بعل) ه مخرب اولارق پرستش ایدلیکی زمان (مولوخ) نامی
 ویریلیدی . صنمیرله کوستریلن بومعبودلرک معبدلری ، محرابلری ،
 راهبلری واردی . خالق اولانلر یورطیلر ، مدبدب آبنلرله
 اعزاز اولونور ؛ مخرب اولانلرده انسان قربان ایدیلیدی .
 صیدانک اک بیوک معبوده سی (آسطورهت) بر هلال و برده
 کوکرجین شکلی ایله کوستریلر ، بوکا مقدس اورمانلرده
 عبادت ایدیلیدی . قارطجده کی (بعل مولوخ) قوللری آشغی
 طوغری اوزانمش طونج برهیکل ایله کوستریلیدی . آنی تسکین
 ایتمک آرزو اولوندیغی زمان اللری اوزرینه چوجقلم کتیریلر ،
 بونلر اورادن درحال بر آتش اوچورومنه قایوب کیدرلیدی .
 اغاطوقل قارطجده یی محاصره ایتدیکی زمان شهرک ایلری کلنلری
 اولادلرندن ایکی یوزینی مولوخه قربان ایتشلریدی .

بونفسانی وقانلی دین ، اقوام سائرهبه دهشت ویرردی ؛
 فقط انی ینه تقلید ایدرلیدی : یهودیلر طاغیر اوزرنده
 (بعل) ه قربان ویررلر ، پونانیلر صیدانک (استارته) سنه (آفرودیت) ،

بینمش درت نعلده اوق آتان نو میدیالیلر ؛ مزر اقلرله مسلح
سیاهی لیدیالیلر ؛ سیوری واوزون برقلیجه مسلح قیرمزلی
بیاضلی البسه کیمش ایبریالیلر ؛ ارقه لرنده جسم قالقانلر، ایکی اللرنده
مدور برقلیج ، بللرینه قدر چپلاق غولوار ؛ دها چوققلقلرنده
صپان ایله طاش ویاقورشون آتمه آیشمش باله آرلیلر بولنیوردی.
جنراللر هپ قارطجه لی ایدی ؛ حکومت بونلره امنیت ایتمز ،
انلری یاقیندن ترصده بولوندیرر ، مغلوب اولدقلری زمان
چارمیخه کردیرردی .

قارطجه لیلر . — قارطجه ده ایکی حکمدار واردی ؛ فقط
حاکم حقیقی سناتو ایدی. سناتو، شهرک اک زنکین تاجر لرندن
مرکب دی . بو حکومت ایچون هر مسئله دائما بر تجارت ایشنه
منجر اولوردی. فقط باشقه لری قارطجه لیلری هیچ سو مز لردی ؛
بونلره ظالم ، بیرتیجی ، خان دیر لردی . مع مافیله قارطجه لیلرک
ای بر دونماری ، عسکر قوللانمق ایچون پاره لری ، متین برده
حکومتلری اولدیغندن وحشی و متفرق قوملر ایچنده بیله
حکومتلری بحر سفیدک غربنده (آلتنجی عصر دن اوچنجی
عصره قدر) اوچ یوزسنه محافظه ایده بیلمش لردر .

فنیکه لیلرک دینی . — فنیکه لیلر ایله قارطجه لیلرک دینی ،
کلدانیلرک دینه بکزرردی . ارکک معبود (بعل) (۱) کونش ،
دیشی معبود (بعلیث) قردی ؛ چونکه فنیکه لیلرک نظر نده

(۱) کلدانیه ده بوکا (بل) دیر لردی .

شهریخی تأسیس ایلمش لردی . بونلری ، فرانمز لرك دیدون (فراری) نامی ویردکلری ایساراسمنده برقادین سوق و اداره ایدیوردی . روایتہ کوره بوراھالیسی انلره برصغیر دریسنگ قابلا یه بیلہ جکی یردن فضلہ طوپراق ویرمکہ راضی اولماش ؛ بونک اوزرینہ قادین صغیردریسنی اوقدر ایخہ برشرید حالندہ کسمش کہ بوشریدکنیش بر محلی احاطہ ایدہ بیلماش ، صو کرہ بورایہ بر ایچ قلعه انشا ایلمشدر . قارطجه شهری بحر سفیدک مرکز ندہ وایکی لیمانہ دہ مالک اولدیغندن در حال بیومش ، اودہ مستملکات ایچون اھالی چیقارمش ، یرلر آلمش ، نہایت تکمیل آفریقا ، اسپانیا و ساردنیا ساحلنہ حاکم اولمشدر . قارطجه نك تجارتنی ایچون هر طرفدہ مغازہ لری، کندیسنه ویرکی ویرر تبعہ سی بولونوردی .

قارطجه اردوسی . — مغازہ لری یرلیلرہ قازشی محافظہ ایتمک و دایما عصیانہ حاضر بولنان اھالی بی طوتمق ایچون قارطجه نك قوتلی براردویہ احتیاجی واردی . بر قارطجه لینک حیاتی ایسہ انی بلا لزوم تهلکک یه آتاجق درجہ دہ قیمت سز دکلدی . انک ایچون قارطجه اجر تلی عسکر قوللانیر ، انلری حکومت داخلندہ کی بار بار لرلہ بتون مملکت داخلندہ کی سرسریلردن انتخاب یلردی . اردو قارما قاریشیق بر غلبہ لکدی ؛ بو اردودہ هرلساندن قونوشولور ، هر دیندہ عبادت ایدی لیر ، هر نفر بشقہ بشقہ سلاح والبسہ طاشیردی . بو اردودہ ، ایجابندہ یتاق خدمتی کورن آرسلان دریسی کیمش ، سرعتلی و کوچک بار کیرلرہ ! کرسز اولارق

فنیکه خرابه لرلی . — فنیکه لیلردن هیج بر کتاب ، حتی دین کتاب لرلی بیله قالمشدر . شهرلرینک یرلری قازیش ؛ فقط حفریات مذکوره بی اجرا ایچون کوندریلن علمک روایتنه کوره « الكچوق خرابه لر ، مملکتک خرابه لرله هیج اوغراشلمیان طرفلرنده محافظه اولمشدر . » چونکه سوریه لیلر خرابه لرله چوق اوغراشمشدر . بونلر ، اولولرک مجوه راتی آلق ایچون مزارلری آچمشلر . اوانشاسنه طاش تدارک ایتک ایچون بنالری بیقمشدر ؛ یونمه انسان تصویر ی ازانه ایله یکی ایچون تعصبلردن هیکلری قیرمشدر (۱) . بورالرده ایوم قیریق مرمر پارچه - لرندن ، صهرنجلردن ، قیایچنه اویولش اوزوم از مکّه مخصوص یرلر ایله بر قاچ طاش لحدن بشقه بر شیئه تصادف اولونماز . بتون بوانقاض اودرجه شایان استفاده اولدیغی ایچون فنیکه لیلر حقنده یونان محررلری ایله بنی اسرائیل پیغمبرلردن اوکر ندیکمز شیردن بشقه معلوما تمز یوقدر .

قارطجه . — صور مستملکه لرندن بری تاریخجه پک زیاده ترقی ایتمشدر . اون طقوزنجی عصرده براختلال نتیجه سی اولارق قوغولان صور لیلر آفریقا ساحلنده و قدس جوارنده قارطجه

(۱) تصویرلره قازشی سوریه لیلرک حس ایتدکاری نفرتک ایشته برمثالی : « طرابلسده برلحد کوردم ؛ بو لحد چشمه برینی طوتوردی . لحدک رسملی جهتی دیواردن طرفه کتیرلشدی . صوردم ؛ اهالی بی مشغول ایتمه مک ایچون والیلردن برینک انی بو صورتله قویدیردیغی سویلدیلر . » (ره نان ، فنیکه هیئت ، ص ۸۱۸) .

بوراده ۸۹۷، ۶ قاتلی اولرده او طور لر ردی. طاتلی صو ، قایق لره کتیر دیلیردی. (جبل)، (بیروت) و (صیدا) شهر لری ایسه قره اوز رنده ایدی . بوقرنجه کبی انسانلری بسله مک ایچون اراضی کفایت ایمیوردی . بونک ایچون فنیکه لیلر ک زیاده کیچی و تاجر اولمشلردی. (صور) شهری اون اوچنچی عصر دن بری بوشهر لره اک . هملر ندن ایدی؛ اودر جه ده که ، آطه بوشهری بر در لو استیعاب ایده ه مش؛ بونک اوزرینه قار شیسنده یکی بر شهر انشا ایدلشدی. صور تاجر لری بحر سفیدک هر طرفنده مستملک لر تاسیس ایلمشلردی؛ اسپانیا معدن او جا قلیرنک کموشنی، بتون اسکی دنیانک ذخیره سنی آلیرلردی. حضرت اشعیا فنیکه لیلره پرنس دییور؛ حضرت الیسع ده هر طرف دن کلن فنیکه کار و انلرینی تصویر ایدیوردی . حتی حضرت سلیمان کندی سرانی ایله مسجد اقصایی بنایت دیر مک ایچون صور قرالی حیرام دن عمله طلب ایلمشدی .

فنیکه بر حکومت تشکیل ایمیوردی . هر شهرک اوافق بر مستقل اراضیی ، مجلس لری ، حکمداری بولونور، کندی کندینه اداره اولونوردی؛ هر شهر ، مشترک ایشلری ایچون فنیکه نک اک بللی باشلی شهرینه مرخصلر کوندرردی . بوشهر لر اولا (صیدا)؛ قبل المیلاد اون اوچنچی عصر دن اعتبار آده (صور) شهری اولمشدی. فنیکه لیلر عسکر بر قوم دکلردی؛ انک ایچون مصر لیلر آثوریلر ، بابلیلر و ایرانیلر کبی فاتحنره تابع اولمشلردی؛ انلره ویرکی ویرر ، یقایی بو صورتله قور تار لر ردی .

بشنجی فصل

فنیکه لیلر

فنیکه . فنیکه نك توصیفی . شهرار : دین . — صنایع : تجارت :
مستملکات : الفبا .

مملکت . — فنیکه ، سوریه دکیزی ایله لبنان سلسلهء
مرتفعه سی اورتہ سنده ۵۰ فرسخ اوزونلغنده ، ۸ : ۱۰ فرسخ
کنیشلیکنده طاربر اراضی پارچه سندن عبارتدر . بوراسی صرب
تپه لارہ سنده دکزه طوغری این برصره طاروادیلر ایله بربرینه
صیقشمش چقورلردن متشکلدر ؛ قارلر ویافورتنه لره حصواہ
کلن اوافق سیلر ، ایلك بهارک صوکنه قدر بوراندره جریان
ایدرلر ؛ یازین اینسه قیولر ایله صهرنجلردن بشقه یرده صو بولتماز .
بو ساحلده کی طاغلر وقتیه آغاجلرله مستور ایدی : تپه لرده
مشهور لبنان سدره لری ، صاغریلرده چاملر ایله سرویار ، دها
آشاغیده ده دکز قیسنه قدر خرما آغاجلری بولونوردی .
وادیلرده ایسه زیتون آغاجی ، اوزوم ، انجیرونار آغاجلری نشوونما
بولوردی .

شهرار . — بوقیالق ساحل اوزرنده ، بربرندن اوزاق
برونلر ویاطه لر ، طبیعی لیمانلر وجوده کتیرردی . فنیکه لیلر
شهرلرینی بولیمانلر اوزرینه تأسیس ایشلردی ؛ (صوز) و (آراد)
شهرلرینک هر ایکسی ده اوافق بر آطه اوزرینه بنا اولمشدی . اهالی

از سنده ابتدا ایدنلرده بولونیوردی ؛ روم ایمپراطور لغنده
یهودیلسنلر یعنی یهودی جنسندن اولمادقلری خالدیهووادینی ایله
عمل ایدنلر واردی .

در دنجی عصرده خرسیتیان کلیسای کسب قدرت ایدنجه،
یهودیلری از مکه باشلامش . بوتضیق بتون مالک خرسیتیانیهده
زمانزه قدر دوام ایتشد . یهودیلره علی العموم ز نکین اولدقلری
وبتون بانقه معامله لرینی یابدقلری ایچون مسامحه ایدیلیور . فقط
انلره هیچ بر مأموریت ویرلمیور ، یهودیلر کاملاً آیری طوتولیوردی .
برچوق شهرلرده خصوصی البسه کیمکه ، کندیلرینه مخصوص
قرانلق ، پیس و صحته مضر بر محله (۱) اوطورمغه ، بعضاده
خورسز بایرامنده طوقات یمک ایچون ایچلرندن برینی کوندر .
مکه اجبار اولونیورلردی . یهودیلردن چشمه لری
زهر لرلر ، چوجقلری اولدیر لرلر ، مقدس اکمکلره حقارت ایدر لر
دییه شبهه ایدیلردی ؛ اکثر یا یهودیلرله چار پیشیر لر ، انلری کسر لر ،
اولرینی یغما ایدر لر دی . حاکمراوفاق بر بهانه ایله یهودیلری حبس
ویا احراق ایتدیر لر دی . اکثر یا حکومت بونلری آلائی ایله
مملکتدن قوغار . ماللرینی حجز ایدر دی . یهودیلر فرانسه ، اسپانیا ،
انکلتره وایتالیان کاملاً چیقارلمش لردی (۲) . بونلر پورتکیز ،
آلمانیا و پولونیا ایله مالک اسلامیهده کندیلرینی محافظه ایتشلر ؛
مظالمک آرقه سی آلنیر آلتماز آوروپایه بورالردن عودت ایتشلر دی .

(۱) بوحله یه روماده (که طو) دیر لر دی . بواسم دها صوکره بتون
یهودی محله لرینه علم اولمشدر .

(۲) آوینونده ، پاپانک مالکانه سی مستثنی اولوق اوزره .

الهی نی او قومق و ایضاح ایتک ایچون بریره طوپلانیرلر، بواجتماع محالرینه روجه براسماه سیناغوغ دیرلردی .

مسجد اقصائک قری . — بوسرهده حضرت عیسی ظهور ایتمشدر . یهودیلر حضرت عیسانی چارمیخه کرمشدر ؛ یالکزیهودیده دکل، چو قجه بولندقلری بتون شهرلرده حواریونه اذیت ایتمشدر . ۷۰ سنه سنده قدس اهالیسی رومالیرله قارشى عصیان ایتمش ، شهر هجوم ایله ضبط اولونمش ، بتون اهالیسی قیلجدن کچیرلمش ، اسیر اوله رق صاتیلمشدر . رومالیر مسجد اقصایی یاقشدر ، اشیای مقدسه بی آلب کورتورمشدر . آرتق اوندن سوکره دین موسوینک هیچ مرکزی قالمامشدر .

یهودیلرک طاغیلم قده صرکره کی میانی . — پای تختی محو اولدقن سوکره یهودی ملتیینه یاشامشدر . یهودیلر بتون دنیا یه طاغیله رق مسجد اقصا سنزده قالغه آلیشمشدر . فقط کتب مقدسه لرینی عبرایجه یازلمش اوله رق محافظه ایتمشدر . عبرایجه ، بنی اسرائیلک ایلك لسانیدی ؛ یهودیلر بابلدن دوندکن سوکره عبرایجه هیچ قونوشمازلردی ؛ هم جوار قوملرک دینلی ، سوریه و کلدانی لسانی . وبالخاصه روجه قونوشورلردی . فقط دینا تعلیم و تربیه کورن ذوات . مثلاً خاملر ، عبرایجه تحصیله دوام ایدرلر ، کتاب مقدسی ایضاح و تفسیر ایلرلردی (۱) . ایشته بوسورتله یهودی دینی وبوسایه دهده یهودی ملتی محافظه اولونیوردی . حتی اجنبیلر

(۱) بوسورتله طوپلانان تفسیرلردن (طالموت) وجوده کلمشدر .

عهدنامه، اہالینک ہالی باشلیلری طرفدن یازلمش، امضا ایدلمش،
منتظم بر معاہدہ ایدی .

یہودیہلر . — ایشته بو کو چو ک قدس حکومتی، یدی عصر بویله
کندینی محافظہ ایتدی . بعضاً باش راہب، بعضاً بر حکمدار طرفدن ادارہ
ایدلی؛ فقط اولایرانیلرہ، سو کرہ ما کدونیا لیلرہ سور یہ لیلرہ ،
دہا سو کرہ دہ رومالیلرہ ، حاصلی سور یہ نک حاکم لرینہ دائم
ویرکی ویردی . یہودیہلر (عود تلرندن سو کرہ کندیلرینہ بونام
ویرلمشدر) . آرتق اوندن سو کرہ یہو وایہ صادق قالہرق حضرت
موسانک قانونتی ایشہ مکہ . قدسہ یورطیلر یامغہ ، قربانلر کسمکہ
دوام ایتدیلر . باش راہب ارکاندن متشکل بر مجلسک معاوتتی
ایله قانونی محافظہ ایدر ، کاتبلر یازار ، واعظلر اہالی یہ ایضاح
ایدر لردی ؛ ارباب تقوی ، بو قانونہ اک کوچوک تفرعاتہ
وارنجہ یہ قدر رعایت ایلمکی بر وظیفہ عد ایلر لردی . بونلردن
اک زیادہ فارس لر بتون احکامہ عمل ایتکلہ تمیز ایدر لردی .

میناغورلر . — مع مافیہ یہودیہلر تجارت ایچون یہودیہ
خارجہ، مصرہ، سور یہ یہ، آناطولی یہ، ایتالیا یہ قدر یاییلر لردی
اسکندر یہ دہ، شامدہ، آنطا کیہ دہ ، آیانلو غدہ ، قوردنتدہ بیہ
یہودی بوانوردی . یہودیہلر بت پرستلر ایچنہ طاغیلر قلمری حالہ
دینلرینی محافظہ ایچون بر برینہ صاریلر لردی . قانون منع ایتدیکی
ایچون معبد انشا ایتمز لردی؛ یالکز بر یہودی معبدی ، مسجد
اقصی واردی؛ اک مطامن آینلر اورادہ یاییلر دی . فقط کلام

پیغمبر لر عدالت و خیرلی ایشر طلب ایدیور لر دی .

مسیح . — بنی اسرائیل، جزاسنه مستحقدی؛ فقط بوجز انک برصوکی اولاجقدی. حضرت اشعیا یهوا نامنه خطاب ایدرک دیردی که: «امتم، آثوریلردن هیچ قورقمیور. وقتیه مصر لیلرک یاپدقاری کبی انلرده سنی دکنکله دوکه جکلر . فقط غضبم کچر کچمز ارقه کده کی یوکده قالقه جقدر.» پیغمبر لر ، کندیلرینی قورتاره جق اولانک ورودینی بکلملرینی قوم یهوده اوکرتمشلر، دها طوغروسی حضرت مسیحه بریون حاضر لامشلردر .

قدس عودت . — یهوانک فرات صحراسنه کتیریلن اولاد- لری وطنلرینی اونو تمیور لر دی؛ انی شریقلرنده ده تجیل ایدیور لر دی: «بابل نهر لری سواحلنه او طور دق، دوشونه دوشونه کوزلریمزدن یاشلر آقیتدق. هارپلریمز ساحلده کی سکودلره آصیلمشدی . بزى کتیرنلر : «قدس الیهلرندن بزه بردانه ترنم ایتسه کز!» دییور لر دی. فقط یبانجی برطوپر اقدده الیهی نصل ترنم اولونور؟» دییور لر دی .

یتشم سنه اسارتدن صوکره بابل فانجی کیخسرو، بنی اسرائیلک فلسطینه دونملرینه مساعده ایتدی. بونلردن برچوغنی فلسطینه کلدیلر، قدسی بنا ایتدیلر، مسجد اقصایی تکرار انشا ایلدیلر، یورطیلره باشلادیلر، کتب مقدسه یی طویلا دیلر. یهوانک امتی اولدق لرینی کوسترمک ایچون یهوا ایله اولان عهدلرینی تجدید ایتدیلر؛ بو

ایدی . بونلر علی العموم چولدی کلیورلردی ؛ بوراده اوروج
 طوتمشدر ، عبادت ایتمشدر ، مراقباته وارمشلردی . بو پیغمبرلر
 حکام کی جنکاور اولارق دکل ، جناب حق نامنه برواعظ صفتیه
 کلیورلردی . بنی اسرائیلی ندامته ، پتلیرنی ییقمغه ، یهووانی
 طانیغه دعوت ایدیورلر ؛ اوامرینه اطاعت ایتدکلری تقدیرده
 جناب حق کندیلرینه نه بیوک فلاکتلر کوندره جکنی خبر
 ویریورلردی . یعنی هم وعظ ایدیورلر ، هم خبر ویریورلردی .

یکی مذهب . — قلبری فکر روحانی ایله مشحون اولان
 پیغمبرلر قدسده کی رسمی عبادتی مسکینانه ، صغوق بولیورلردی .
 بت پرستار کی الله صغیر قربان ایتمکه ، بخور یاقمغه نه لزوم واردی ؟
 حضرت اشعیا دیوردی که : «یهووانک سوزینی دیکله ییکز ! یهووا
 دیورکه : بن بو بر سورو قربانلری نه یاپایم ؟ کسيلمش قویون
 ییغینلرینه ، بسیلی حیوان یاغیرینه طویدم ؛ بوغا قانندن ، قویون
 قانندن ، تکه قانندن هیچ برلنت طویمورم . آرتق بکا بویله
 عدم هدیهلری تقدیم ایدوب طور میگز ، بخوریکز معدمه
 بولاندیریور . اللریکزی اوز اتدیغکز زمان ، سزه طوغری
 کوزلریمی قپایه جف ؛ چونکه اللریکز قن قوقیور . قلقکز ،
 تمیزلنکز ، فناق ایتکدن واز کچیکز . ایلیک ایتکی اوکره نکز .
 طوغر ولاق آراییکز . جفا کورنلری قوروییکز . یتیمه عدالت .
 طول قادینه حمایت کوستریکز . اوزمان کناهلریکز قیب قیزل بیله
 اولسه ، تکرار قارکی به بیاض کسلیر . « قربان کسمک یرینه

۳ . اوکده، اھالیہ مخصوص حولی . بورادہ، بیوک
محراب اوزرنده قربان کسیلردی .

مسجد اقصی آراتق اوندن سوکره بتون ملتک مرکزی
اولدی؛ بورادہ کی آینلرده بولونمق ایچون فلسطینک هر طرفندن
کلیرلردی . عبادتی اداره ایدن باش راهب بعضاً حکمدار
درجه سنده صاحب نفوذ رجالدن اولمشدی .

پیغمبرلر . — فقط پک دیندار اولان اسرائیلر، دوچار
اولدقلری فلاکتلری کندیلرینه بر مجازات عدایتدیلر؛ انلرک فکر نجه
جناب حق کندیسنه عصیان ایتدیکندن طولانی امتنه جزا
ایدیور، اسکیدن حکام زماننده اولدینی کبی انلری فاتحلرک الینه
براقیوردی . « بنی اسرائیل ، معبودلری یهووا یه قارشی کناه
ایشلمشاردی ، بتون شهرلرده یوکسک یرلر بنا ایتشلردی ،
اطرافلرنده کی ملتلرکبی یاملرینی ابدیت کندیلرینه منع ایتدیکی
حالده بونلر اطرافلرنده کی ملتلری تقلید ایدیورلردی ؛ کند-
یلرینه دوکمه صورتلر یاییورلر ؛ سمانک بتون اردوسی
(یعنی ییلدیزلر) اوکنده دیز چوکیورلر ، (بعل) ه پرستش
ایدیورلردی . بونک ایچون یهووا بتون نوع بنی اسرائیلی طرد
ایتدی ، انلره فلاکت ویردی ، انلری کندیلرینی یغما ایدنلرک
الرینه براقدی . »

ایشته اوزمان پیغمبرلر ، انلرک تعبیری وجه ایله ، انیسا
ظهور ایتدی . انلرده حضرت الیاس ، اشعیا ، ارمیا والیسع

راهبیره کتاب قانونی (۱) ویررکن دیدی که : « کندیکه بر
توجه اولق اوزره بو کتابی آل ، ای بنی اسرائیل ؛ زیرا
فکریک نه قدر سرکش ، قفاک نه قدر سرت اولدیغنی بیلیرم .
صاغلمده یهوایه قارشی طور مقدن فارغ اولمادک ؛ بن اولدکن
صوکره کیم بیلیر دها زیاده ! » - برچوق عصرلر ، عبرانیلردن
پت پرستلرده کورولدی ، ملتک قسم اعظمی پت پرست اولدی ؛
فقط بونلرده سوریه ده کی دیگر اقوام سامیه یه بکزه دیلر . یالکنز
بنی اسرائیل یهوایه صادق قالارق قوم یهودی تشکیل ایلدیلر .
یهوانک دینی ، غیر معروف بر قبیله دن یاواش یاواش مقدس
برملت میدانه چیقاردی ؛ بوملت کوچو کدی ، فقط تاریخ عالمک
اک مهم ملتلرندن ایدی .

مسجد اقصی . - حضرت سلیمان زماننده اجنبی معمارلر

طرفندن بنا اولونان مسجد اقصی اوچ قسمه تقسیم ایلدی :

۱ . ایچریده ، محراب بیت المقدس . بوراده محفظه عهد

موجود ایدی (بو ، بر محفظه اولوب دروننده مقدس اشیا
واردی .) بورایه یالکنز باش راهب ، اوده سنه ده بر دفعه کیرمک حقنی
حائزدی .

۲ . اورتده ، محل مقدس . بوراده محراب بخور ، یدی

قوللی شمعدان و اتمک ماصه سی طور ردی ؛ راهب لر بخور
یا مقق ، آداق وضع اتمک ایچون بورایه کیررلردی ؛

« ۶ . کیمسه بی اولدیرمه .

« ۷ . زنای ارتکاب ایتمه .

« ۸ . خرسزلق ایتمه .

« ۹ . قومشوک علیهنده یالانجی شاهدک ایتمه .

« ۱۰ . قومشوک اوینه ، زوجه سنه ، خدمتجیسنه ،

خدمتجی قیزینه ، صغیرینه ، مرکبینه ، حاصلی قومشوکه متعلق هیبج برشینه کوز دیکمه . »

قانونه . — بنی اسرائیل اوامر عشره دن ماعدا دها بر

چوق اوامر الهیهیه اطاعت ایدر لردی ، بو اوامر توراتک بش

کتابنده (اسفار خمسه ده) مذکور اولوب قانون بنی اسرائیلی

تشکیل ایلردی . قانون ، عبادت آیینلرینی تنظیم ایدر ، (هر

یدی کونده بر یوم سبت ، مصردن خروج خاطره سی اولوق

اوزره خورسز بایرامی ، باغ بوزومی زماننده قامش بایرامی

کبی) یورطیلری تعیین ایدر ؛ ازدواج ، عائله ، تملک و اداره

کبی موادی تنظیم ایلر ، جنایتلرک مجازاتی تعیین ایدر ،

اغدیه و دوالری بیه کوستردی . بو : دینی ، سیاسی ، ملکی

و جزائی بر قانوندی . جناب حق ، اسرائیلرک حاکم مطلق

ولدیغی ایچون انلرک بالجه افعال حیاتیه لرینی تنظیم ایتمک ده انک حق ایدی .

قوم یهودی دین و هووره کنیردی . — بنی اسرائیل اداره

ربانییه نی مطیعانه قبول ایتمیلر . حضرت موسی اولوم دوشکنده

ملتر ایچنده الك ذی قیمت بر جوهری ایدی . « جناب حق انلری ذی قدرت و بختیار ایده جکنی و عدبیوردی . بوکا مقابل بنی اسرائیل ده « بر واضع قانونه ، بر حاکمه ، بر حکمداره « نصل اطاعت ایدر لسه ، جناب حقه ده اوله عبادت ، خدمت و اطاعت ایده جکلرینه عهد ایلدیلر .

اوامر عمره . — ابدیت ، یعنی بنی اسرائیلک واضع قانونی ، شمشکلر و کوك کورولتیلری اره سنده ، طور سیناده حضرت موسایه اوامر عشره بی یاز دیردی . اوامر عشره ایکی لوحه یه ، الواح قانون اوزرینه شو صورتله یازلمشدی : « دیکله ، ای اسرائیل بن یهووایم ، (۱) سنی مصر دن ، اسارت طور اغاندن چیقاران ربکم .

« ۱ . بکا قارشی بشقه معبودلرک اولیه جق .

« ۲ . یونته صورتلر یاییه جقسک ، انلرک قارشیسنده

زانوبزمین اولیه جقسک ، انلره خدمت ایتیه جکسک ، زیرا بن ابدیم ، سنک ربک ، ذی قدرت و قیصقانج بر معبودم . . .

« ۳ . معبودک یهووانک نامنی آما . . .

« ۴ . جناب حقه عبادت ایچون استراحت کوننی اونوتما .

آلتی کون چالیش ، بتون ایشکی یاپ ، فقط یدنجی کون یهووانک ، ربکک کونیدر . اوکون هیچ برایش کورمه . . .

« ۵ . آناکه ، بابا که حرمت ایت .

(۱) مستعمل اولانی یهووا ؛ فقط اک طوغریسی یاوهر .

دین و عبادت

وہدایت . — سائر اقوام قدیمہ برچوق معبود لہرہ عبادت ایدر لردی ؛ بنی اسرائیل ایسہ ، مادیاتدن منزہ ، دنیا نك خالق و حکمداری ، یالکز بر اللہہ اعتقاد ایتدی لر . کتاب تکویندہ بیان اولوندیغنه کورہ «جناب حق ایلك اول یری کوکی یاراتدی.» نباتات و حیواناتی خلق بیوردی ، انسانلری یوقدن وار ایتدی . بتون انسانلر ، جناب حقک مخلوقیدر .

اللہک امتی . — فقط جناب حق بنی اسرائیلی کندیسنہ (امت) ایدیندی . حضرت ابراهیمی چاغیروب : « سنک و ذریتکک معبودی اولمق ایچون سنکله و سندن سوکرہ کله جک ذریته عهد ایده جکم . » بیوردی . سوکرہ حضرت یعقوبہ کوروندی : « بن ، بابا ک ربی جناب قادرم ؛ مصرہ اینمکن قورقما ، سنی اوراده بیوک بر ملت حالنه کتیره جکم . » بیوردی . حضرت موسی ، نامنی سئوال ایتدیکی زمان ، اکاده : « بنی اسرائیلده که : ابدیت ، بابا لریکزک ربی ، ابراهیمک ، اسحقک ، یعقوبک اللہی بنی سزه کوندردی . ایشته بنم دائمی اسمم . » جوانی کلدی .

عہد . — شو خالدہ بنی اسرائیل ایله جناب حق بیننده عهد موجوددی . انک ایچون یہووا (یعنی ابدیت) بنی اسرائیلی سور وحمایہ ایدردی ؛ بونلر « مقدس بر ملت » ، « بتون

عبرانیلری حیرتلا ایچنده براقان حضرت سلیمانک سرانی بورایه یاسیدی. عبرانیلرک ایلك معبدی اولمق اوزره ینه بوراده یهووا نامنهده بر معبد انشا ایدلدی .

حضرت سلیمان ، ذی شوکت حکمدارلرک صوکنجیسی ایدی. حضرت سلیماندن صوکره اون قبیله آریلارق اسرائیلیه حکومتنی تشکیل ایتدیلر ؛ بو حکومت اهالیسی آلتون طانه لرله



اهالی

راهب

جنکاور

فنیکه معبودلرینه پرستش ایدیلر . یالکز ایکی قبیله یهووا ایله قدس حکمدارینه صادق قالدیلر، بونلر یهودیه حکومتنی تشکیل ایتدیلر (۹۷۷) . بو ایکی حکومت حرب ایده ایده بری برینک باشنی ییدیلر . صوکره شرق فاتح لرینک اردولری کلدیلر ؛ اسرائیلیه حکومتی، آثوریه حکمداری سارغون (۷۲۲) ؛ یهودیه حکومتی ده کلدانیه حکمداری بخت نصر طرفندن محو ایدلدیلر (۵۸۶) .

بوحا کلمر بنی اسرائیلی متجاوز لردن خلاص ایدیوردی. فقط بعضاً برحا کمک و فاتنده « بونلرک سائر معبودلر اوکنده زانوبزمین اولارق یکیدن بوزولدقلری ده واقع اولیوردی . بوحا کلمردن کهده ئون ، یافت ، شمعون ، هپ بر جنکاوردی ، بونلر یهووانامنه قبیله لری خلاص ایدر لردی . بن اسرائیلک پت پرستلکه واسارته دوشدیکه ده اولوردی .

حکمدارلر . — نهایت بنی اسرائیل یورولدیلر ، حضرت اشموئیلدن کنیدیلرینه بر حکمدار ایسته دیلر . حضرت اشموئیل ، هیچ ایسته میهرک بونلره طالوتی حکمدار تعیین ایتدی . طالوت ، یهووانک بتون اراده لرینی مطیعانه اجرا ایده جکدی ؛ فقط صوکره اطاعت ایتمه مک ایستدی ؛ بونک اوزرینه حضرت اشموئیل : «مادامکه سن سوزیکه طوتماک ، یهوواده سنی حکمدار لقدمور .» دیدی . انک یرینه ، قوماندانلردن حضرت داود کچدی . بنی اسرائیلک بتون دشمنلرینی مغلوب ایتدی ، انلردن سیون طاغنی ضبط و پایتختنی بورایه نقل ایتدی ؛ ایسته قدس بوراسی اولدی .

قدس . — قدس ، بابل و یا تب ایله مقایسه ایدیلسه ، فقیر بر پایتخت ایدی . عبرانیلر انشاآته مراقلی دکل ایدیلر ؛ بیوک کلیسالر انشا ایتلرینی ذاتآدین منع ایدردی . خصوصی اولری ، الیوم لبنان تپه لرنده باغلر و انجیر آغاچلری ارسنده کورولن مکعب شکلنده کی طاشلره بکزرردی . فقط قدس ، یهودیلرک مقدس شهری اولدی . حکمدارک ، فیل دیشندن تختی ایله بتون

کبی یانار، فقط طاغاق بر مملکتدر. تورات بو حوالی نی شو صورتله
توصیف ایدیور : « ربك ابدیت، سنی کوزل بر مملکتته . سیلری .
وادیلرنده و طاغلرنده تحت الارض فیثقیران صولری ، بغدادی ،
آرپه سی ، باغلی ، ایخیر آغاجلری ، ناب آغاجلری . زیتون
آغاجلری ، یاغ و بالی چوق بر مملکتته کو توریور . سن بوراده
قحطدن قورقادن ا کککنی بیه جکسک . هیچ بر شیک ده ا کسک
اولمایه جقدر . » اوزمانکی تحریر نفوسلرینه نظر آبی اسرائیل
سلاح طاشینه بیه جک اقتدارده ۶۰۱ : ۷۰۰ کشیدن عبارتدی .
بونلر ۱۲ قبیله یه تقسیم اولمشدی ؛ ۱۰ نی حضرت یعقوب ، ۲ سی
حضرت یوسف نسلنددی ؛ مجموعی ۲۳,۰۰۰ بالغ اولان راهبیلر
بومیانده داخل دکلدی . مملکت ، کنعانیلر تعبیر اولنان بر چوق
اوافق قوملرله اشغال ایلمشدی . بنی اسرائیل بونلری محواتمش ،
نهایت انلرک یرینه قائم اولمشدر .

مقام . — عبرانیلر فلسطینه یرلشدکن صوکره بر قاچ
عصر متفرق یاشادیلر . توراتده دنیلورکه : « اوزمانلر
بنی اسرائیلدن حکمدار یوقدی . هرکس ایستدیکنی یاپاردی . »
بنی اسرائیل اکثریا یهووانی (یهووا ، بنی اسرائیلک جناب حقه
و یردیکی اسمدر .) اونوتدیلر ، جوار قبیله لرک معبودلرینه
پرستش ایستدیلر . اوزمان « بنی اسرائیله قارشى یهووانک
غضبى تزیایدیدیور ، انلری دشمنلرینک الینه تسلیم ایلیوردی . »
نادم اولوبده اظهار عجز ایستکلری زمان انلره حاکملر کوندریور ،

سوریلرینی اوتلادیرکن قیزغین برچالینک اورتہ سندنہ برملک کوروندی ؛ حضرت موسیٰ شوسوزلری ایشتدی : « بن حضرت ابراہیمک ، حضرت یعقوبک ربی یم . مصرده بولنان اتمک جفا چکدیکنی کوردم . کندیسنہ اذیت ایدنلرہ قارشی فریادینی ایشتدم . اضطراباتنی اکلادم . انلری مصر ایملرک الندن خلاص ایتک ، سودایله بال آقان مملکتہ ، ارض کنعانہ چیقارمق ایچون نازل اولدم . کل ، سنی فرعونہ کوندرہ جکم . سن اتم بنی اسرائیلی مصردن چیقارہ جقسک (۱) . » بنی اسرائیل حضرت موسانک معیتندہ اولدقلری خالدہ مصردن قاچدیلر (کہ بوکا خروج دنیلدی) — بحر احمر دن کچدیلر ، طور سینا اتکندن مرور ایتدیلر ؛ بورادہ قانون ربانی یه مطلع اولدیلر ، صوکرہ بتون برنسلک دوامی مدتجہ سوریه نک جنوبندہ کی چوللردہ طوالشدیلر .

مورادہ بنی اسرائیل . — بنی اسرائیل بعضاً کری یه دونمک ایستہ دیلر . چونکہ : « مصرده ایکن یدی کمز بالقلر ، خیازلر ، قاوونلر ، آرمودلر ، صوغانلر خاطر یمزہ کلیور » دییور لردی . فقط حضرت موسیٰ انلری اطاعتدن اصلاً آیرمادی . نہایت نسللرینہ جناب حق طرفندن وعدا اولنان یرہ کلدیلر .

ارصہ مورود . — ارض مو عودہ ارض کنعان ویافلسطین دیر لردی ؛ یہودیلر بورایه ارض اسرائیل ودها صوکرہ دہ یہودیہ دیملر در ؛ عیسویلر دہ ارض مقدس دیر لر . بوراسی غایت قوراق ، یازین آتش

حضرت یعقوب ایدی؛ برینه بتون عبرانیلرک، دیکرینه بتون اسرائیلیلرک پدري نظریله باقیلیدی . تور اتدن اکلاشلدیغنه کوره هر ایکسی ده مقدس بر قومک اساسنی وجوده کتیرمک ایچون جناب حق طرفدن ارسال اولونمشلردی . حضرت ابراهیم جناب حقه عهد ایتمش . او امرینه اطاعت ایده جکنی بیان ایلشدی . جناب حقه ده بوکاه مقابل حضرت ابراهیمه سمانک ییلدیزلری قدر چوق ذریت ویره جکنی وعدا ایلشدی . حضرت ابراهیمک طورونی حضرت یعقوبه ده کندیسندن بیوک بر ملت میدانه کله جکنی تأمین بیوره شدی .

بنی اسرائیل . — حضرت یعقوب ، بر کشف معنوی

تیججه سنده اسرائیل نامنی آلمش . قبیله سنه بنی اسرائیل دنیلمشدر . تور اتک نقل وروایتنه کوره حضرت یعقوب قحطدن طولانی یوردان حوالیسندن چیقدی؛ اوغللردن ، فرعونلردن برینک ناظری اولان حضرت یوسف کندیسنی چاغیردی . حضرت یعقوب خانسی خلقی ایله برابر مصرک شرق حدودینه کلدی . بنی اسرائیل بوراده بر قاچ عصر قالدیلر . ۷۰ کشی اولارق کلدکاری خالده ، تور اتک روایتنه کوره ، قادینلر وچو جقدر داخل اولدیفنی خالده ۶۰۰,۰۰۰ کشی به بالغ اولدیلر .

حضرت مومنانک رسالتی . — فقط مصر حکمداری قلمه یاپدیر مق

ایچون بونلره طوغله وچامور یاپدیره رق اذیت ایتمهک باشلادی . ایشته اوزمان ایچلرندن بری ، حضرت موسی ، انلری قورتار مق ایچون جناب حق طرفدن مأمور بیورلدی . بر کون طاغده

درذنجی فصل

بنی اسرائیل

فسلطينك توصیئی . قبیلہ لر . حکام . — اسرائیلیہ ویہودیہ حکومتلری . —
عبادت . پیغمبرلر .

عبرانیلر . — ایلك كلدانیہ حکومتی زمانندہ فرات جہتندہ کی
چوللردہ السنہ سامیہ ، یعنی آثوریلرک قوللاندقلری لسانی
استعمال ایدن قبیلہ لر واردی . بونلر ، اقوام سامیہ نك قسم اعظمی
کبی چادردہ او طوران چوبان قوملردن عبارتدی ؛ طوپراغی زرع
ایتمزلر ؛ اولری دہ یوقدی ؛ مرعا آرامق ایچون صغیر ،
قویون ودوہ سوریاری ایله بر محلدن او بر محله کیدرلر ، حالا
چولده کی عربلرک یاپدقلری کبی چادر آلتندہ یا شارلردی . ایشته بوقبیله
لردن بری غربہ طوغری آیرلمش ، اولاچولدن ، صوکرہ
سوریہ دن کچمش ؛ فنیکنک کریسنده کی یوردان مملکتنه قدر
ککشدر . بوقبیله یه عبرانیلر ، یعنی (نهرک اوتہ طرف آدملری)
دنیردی .

شیوخ . — قبیلہ ، بیوک برعائلہ کبی ایدی ؛ بر رئیس ایله انک
قادینلردن ، چوجقلرندن وخدمتکارلردن مرکبدی .
رئیسک عموم اوزرینه نفوذ قطعیمی واردی ؛ قبیلہ نك باباسی ،
راہبی ، حاکمی ، حکمداری او ایدی . ایشته ، بوقبیله رئیسلرینه
شیوخ دیرلردی . بونلرک اک مشهورلری حضرت ابراهیم ایله

چوق قابارتمه لر و رسم لرله مزین دیوار لر ، هیکل لر ، بر چوق
 کتابه لرده بولونمش ، بنالرك ترتیبائی محملر نده تدقیق ایدلمش ،
 آبدلرله محكوكاتك رسم لری كاملاً نشر اولونمشدر .

مطالعه اولوناجق آثار :

- لونورمان . اقوام شرقیه تاریخی . - ماسپهرو ، تاریخ قدیم . -
- مه نان . آثورى قارالارینك وقایعنامه سی . - په ررو وئی پیه ، تاریخ
- صنعت .

دیودورک نقل ایتدیکی افسانه دن عبارتدی . روایت اولوندیغنه کوره نینوس (نینوا) یی تأسیس ایتمش ، بتون آناتولی یی ضبط ایلشدی ؛ زوجه سی وبر معبوده کریمه سی اولان سمیرامیس ده (مصر) ی آلمش ، دهاصو کره کندیسسی کو کر جین اولمشدی . آندن صو کره تمام ۱۳۰۰ سنه قدر هپ تابل حکمدار لر کلشدی ؛ بونلرک الک صوکنجیسی سارداناپال ، پایتختنده محاصره ایدیلرک قادینلری ایله برابر کندیسنی یاقشدی . فقط بو حکایه ده طوغری اولارق هیچ بر نقطه یوقدر .

۱۸۴۲ سنه سنده فرانسه نك موصل قونسولوسی موسیو بوطا ، (خرس آباد) شهری جوارنده جسم بر سرای انقاضنی کشف ایدنجیه قدر اسکی آتوریه حکومتنه دائر هیچ برشی ییلنمیوردی . بو انقاض ، اوزری قومله مستور اوفاق برتپه تشکیل ایدیوردی . ایشته آتوری آثار صنعتی ایلك اوکجه بوراده کشف ایدلدی . سرای قپونسی اوکنه قونیلان قنادلی طاش بوغالر بوراده هیچ آل دکهمش کبی بولوندی ، پارسه ، لوور موزه سنه کتیرلدی . بو طانک حفریاتی آوروپانک نظر دقتنی جلب ایتدی ؛ بالخاصه انکلیزلر طرفندن بر چوق هیئتلر کوندرلدی .

پلاس ایله لایار دیکر تپه لری ده حفر ایتدیلر ، بوراده سرایلر میدانه چیقاردیلر . خرابه لر ، بو راطب اقلیم ایله طوپراقلر آلتنده ، اولدقلری کبی محافظه اولونمشلردی . بوندن بشقه بر

اولاً : (کونش ، معبود ، بالق کبی) هر بری بر کلمه یه
دلالت ایدن تمثالی اشارتله ایله هر بری بر هجایه دلالت ایلین
هجائی اشارتله دن مرکبدر ؛

ثانیاً : بر چوغی بر برینه مشابه ودیکر لری ایله پک قولای
قاریشدیریلابیلیر ۲۰۰ زه یاقین هجائی اشارتله واردر ؛
ثالثاً : اکثریا عین اشارت هم ده بر کلمه یه . هم بر هجایه دلالت ایدر ؛
رابعاً : اکثریا (که الک فناسی بودر .) عین اشارت مختلف
هجالره دلالت ایدر . شو حالده بر اشارت هم (ایلو) . هم (آن)
دیهه او قونور .

بویازی ، یازانلره بیهه پک کوچ کلیردی . « الیمزده بولان
میخی آبدلرک همان نصفی (صرف ، لغت و الواح کبی) نصف
دیگرینی حله خدمت ایده بیهه جک مفتاحلردن عبارتدر ؛ بوندن
ایکی بیک بش یوز سنه اول آثوریدلی طلبه لر فصل یامپورلردی ایسه
شمدی بزده انلری اویله تدقیق ایدیورز . « (۲) . نهایت
مصر لیلرک هیروغلیفلری کبی آثوریدلرک خط میخیسی ده کشف
ایدلمشدر : آثور ، مدیا ، ایران لسانلری کبی اوچ لسانده یازلمش
بر کتبه بولونمش ؛ ایران لسانی دیکر لری حله پک زیاده
یاردم ایتمشدر .

آثار عتیقه کشفیاتی

اللی سنه اول آثوریدلره دائر بیلدی کمز شی ، سجیلیالی

برقوم ، حتی یونانلیلر بیله ، حیواناتی انلر قدر کوزل تصویر ایدمه مشدر .

طوغدر اوزرنده کتابلر . — آثوری کتابه لرنده هر حرف اوق ویا گوشه شکلنده کی اشارت لک برلشمسیله حاصل اولمشدر ؛ انک ایچون بویازی یه میخی دیرلر . بواشارت لری چیزمک ایچون اوجی مثک شکلنده بر بیچاق استعمال ایدیلیردی ؛ بو بیچاق کیلدن یموشاق بر لوحه یه باتیریلیر ، صوکره بولوحه یی سرتلشدیرمک ویا زوی پی ده چیقمه جق برحاله کتیرمک ایچون لوحه فروندن کچیریلیردی . آثور بانپالک سراینده بویله لوحه لره طولو بتون بر کتبخانه بولونمشدر ؛ بوراده کاغد یرینه طوغاه قوللانمشدر .

میخی یازی . — بویازی ، حروفاتی حل ایله اوغراشان برچوق عالمیری (۱) سنه لرجه اشغال ایتمشدر . میخی یازی



آردی-سو نابو-ختو-روتو دیخی-بی

پک کوچ اوقونمشدر ؛ چونکه اولا بویازی آیری آیری بش لسانی یازمغه یارارکه ، انلرده آثوری ، سوز ، مدیا ، کلدانی آرمه نیک لسانلیردر ، ایران قدیم لسانی داخل دکلدر ؛ اوزمانلر بو بش اسان بیلنمیوردی . صوکره غایت قاریشیقدر ، بونکده برچوق سبیلری واردر :

(۱) ره ویلنسون ، هینقس ، اوپه رت ، مه نان .

تصویر ایدن قبارتمه لرده اکثریا حیواناته ده تصادف اولونور ؛
بونلر علی العموم جاذب بر صحتله تصویر ایدلمشلردر . آثوریلر



آثوری سرائیک جنبه می

طبیعتی تدقیق ایدرلر وانی اولدینی کبی تصویر ایلرلردی ؛ ایشته
بوندن طولانی صنعتلری پک دکر لیدر .
کذا یونانیلرده آثوریلرک قبارتمه لرینی تقلید ایدرک انلرک



یاده لی دیشی آوسلان ، یاده لی ارکاک آوسلان

مسلکنده پشمشلردر . حتی اونلری کچمشلردر ؛ فقط هیچ

چيك طوغله كنيش ويوكسك قبه لره كلزدى ؛ انك ايچون طار و آلچاق سالونلر ياپارلر ؛ بو سالونلرى اوزون ياپارق تلافى مافات ايدرلردى . بو سيبدين بر آئوريه سرايى صره وارى غاله ريلره بكلزدى . طاملرى ، مازغاللى دوز تراسه لردن عبارتدى . قپولرك اوكنده ، انسانلرى صيانت ايدن جنلرى كوسترر انسان يوزلى ، قنادلى ايرى بوغالر طورردى . ايچريده ديوارلر كاه قيمتدار آغاج تخته لر ، كاه مينه لى طوغه لر ، كاه ده تراش ايدلمش رخامدن لوحه لره مزين بولونوردى . اوطه لر بعضاً بويانير ، درونلرينه غايت ظريف اويولمش اشيا وضع اولونوردى .

هيكل تراشيلر . — آئوريه سرايلرينك هيكل تراشلىر بالخاصه شايان حيرتدر . فقط بو هيكللر پك نادر و قبادر ؛ چونكه هيكل تراشلىر رخامدن ايرى لوحه لر اوزرينه تابولوره مشابه قبارتمه لر حك ايتكى ترجيح ايدرلردى . بونلر اكثريا غايت قاريشيق منظره لر ، محاربه لر ، اولر ، شهر محاصره لرى ، آلاى دروننده حكمدارى ده كوسترر آينلر تصوير ايدرلردى . حكمدارك يمكى كوتورن بر صره خدمتكارلر ، سرايى انشا ايدن عمله قطعاتى ، باغچه لر ، قيرلر ، حوضلر ، صوايچنده بالقلر ، يواسنده تونه ين ويا آغاجدن آغاجه اوچان قوشلر كى بتون تفرعات كمال دقتله كوستريلردى . — اشخاصك هپ ياندن كورونشى ياپيلردى ؛ بوده شيه سز صنعتكارك انى جبهه دن يانمغى بيلمديكندى ؛ فقط بوسپانلر ديه نه اصالت و حسيات نمايان اولور . — بالخاصه آو

هفته ، سنه نك اون ایکی آیه، کونک یکر می درت ساعت، ساعتک آتمش دقیقه یه، دقیقه نك آتمش ثانیه یه تقسیم می بزه هپ کلدانیه دن انتقال ایشدر؛ طول واحد تامی اوزرینه حساب ایدیلن ائقال واوزان اصولی ده اورادن کیش؛ حتی بو اصولی اسکی قوملرک کافه سی قبول ایشدر .

آبدلر

معماری . — کلدانیلرک صنعتنه طوغریدن طوغری یه واقف دکلز؛ چونکه آبدلری هپ چوکشدر . فقط اثرلری الیمزه کچن آثوریه

صنعتکارلری ، هپ کلدانیه صنعتکارلرینی تقلید ایشلردی ؛ بونک ایچون هر ایکی مملکتک صنعتی ده اکلامق قابلدی . — آثوریلر ده کلدانیلر



کبی کونشده قورودلمش

خرس آباده کی قادلی بونا

چیک طوغله ایله بنایا بلر؛ فقط طیش طرفنی طاشله قاپلارلردی .

سرایلر سرایلرینی صنعی تپلر اوزرینه انشا ایدرلر ،

انلری جسم تراسلر کبی آچاق و دوز بنا ایدرلردی (۱) .

حقیقی رصدخانه لر دی؛ انلره پرستش ایدن انسان بورادن انلرک بتون حرکاتی تعقیب ایده بیلیردی.

علم نجوم . — راهب لرک فکر نجه، بویلدیز لر ذی قدرت برر معبود اولدقلری ایچون انسانلرک حیاتی اوزرینه فوق العاده اجرای تأثیر ایدر لر دی. هر انسان دنیایه بر سیار ه نك تأثیری ایله کلیر و مقدراتی ده کلدیکی زمانه باغلیدر . بر انسانک هانکی سیاره آلتنده طوغدینی بیلنیرسه ، استقبالی ده اکلایشیلا بیلیر. ایشته زایجه نك منشائی. — کوکده هر نه و قوعه کلیرسه بو، یرده اوله جق شینک علامتیدر . مثلا بر قویر و قلی ییلدیز انقلابه علامتدر . کلدانیه راهب لری هوایه با مقفه حادثاتی و قوعندن اول خبر ویره جکلرینی ظن ایدر لر دی. ایشته علم نجوم ک ده منشائی.

سحر . — کلدانیلرک سحرلی سوز لری ده واردی؛ جنلری طاغیتمق و یا دعوت ایتک ایچون بو سوز لری سویلر لر دی . تورانی دیننک بر بقیه سی کبی کورونن جو عادت ، سحر باز لنگ منشائیدر . علم نجوم ایله سحر باز لق کلدانیه دن روما ایمراطور لغنه ودها صوکرده بتون آورو پایه یاییلمشدر . اون آلتنجی عصرده قوللانیلان سحر باز لق دستور لری ایچنده، اصلندن چیقارلمش آنوری کله لری پک قولای اکلایشیلیر (۱) .

انفال و ارزانه . — بونکله برابر علم هیئت ده کلدانیه ده ظهور ایتمشدر . منطقه بروج، یدی سیاره نك نامنه و یریلن یدی کوناک (۱) مثلا هیلقا، هیلقا؛ به شا، به شاکی؛ کیت، کیت؛ فنا، فنا؛ دیمکدره

اختلاطندن حاصل اولاشدر. سبریا قبیله لرندن بعضلرک حتی بوکون ده ظن ایتدکلری کبی، کلدانیلر ده دنیایی (وبا، صیتمه، غول یابانی، وامپیرکبی) انسانلره فنالق ایتک ایچون انسانلر اطرافنده طولاشان جنلره طولو ظن ایدرلردی؛ انک ایچون سحر بازلری امدادلرینه چاغیرلر، بونلر سحرلی سوزلره بو جنلری طاغیرلر-دی. فقط بو جنلردن بشقه برچفت معبوده ده پرستش ایدرلردی؛ ارکک معبود قوت، دیشی معبوده ماده ایدی. قوتلی بر جمعیت حالده تشکیل ایدیلن کلدانیه راهبلی سحر آیینلری ایله برده عبادت میدانه چیقارمشلردی.

معبودلر. — اک علوی معبود (بابل) ده ایلو، (آئوریه) ده آئور ایدی؛ بونلر ایچون معبد یوقدی. دیگر اوچ معبود اندن ظهور ایدردی؛ انلرده: (قرانلق حاکمی) آنو ایدی. بو معبود بالق باشلی، قارتال قویروقلی، انسان چهره لی ایدی؛ دیگری (فکر حکمداری) بل ایدی، تختنه او طورمش برقرال شکلنده کوستریلردی؛ دیگری ده (عالم مرئی حکمداری) نو آ ایدی. درت قنادینی آچش دیو شکلنده کوستریلردی. هر معبودک بر دیشی معبودی واردی، بونلر برکتک تمثالی ایدی. انلردن صوکره آی، کونش و بش سیاره کلایردی؛ چونکه کلدانیه نک شفاف سماسی اوزرنده ییلدیزلر بزم بیامدیکمیز بر شعشه ایله پارلاردی؛ بونلر برر معبود کبی شعشه لرنسار ایدرلردی. ایشته کلدانیلر بونلر ایچون معبدلر بنا ایدرلردی. بو معبدلر بر

بونلر اک آلتدن باشلامق اوزره شو وجه ایله ایدی: زخل (سیاه)، زهره (بیاض)، مشتری (ارغوانی)، عطارد (مائی)، مریخ (آل)، قمر (کوش)، کونش (آلتون). اک یوکسک اولان قولهده بر آلتون ماصه ایله مکلف بریتاق واردی؛ بو یتاقده بر راهبه بکلردی.

اضدوم . — بواقوامی بزیا لکز آبدلری ایله طانیورز؛ آبدلرینک همان کافه سی ده حکمدار لرینک افعالنه عائددر. آئوریلر دائما حرب، آو ویا آیین حالنده کوسترلمش لردر؛ قبارتمه لری اوزرنده هیچ بر قادینه تصادف اولماز؛ قادینلر حرمدده اوطورر لر، هیچ طیشاری چیقمازلردی . — کلدانیلر ایسه بالعکس چفتجی و تاجر بر قوم ایدی؛ فقط بونلرک طرز حیاتنه دائر معلوما تمز یوقدر. ههرودوتک روایتنه کوره (۱) بونلر اولنه جک اولان قیزلری سنه ده بر دفعه شهر لرینه طویلر لر، اک کوزلرینی ساتار لردی؛ آلتان پاره چیرکینلره جهاز یایی لردی. ههرودوت: «بخه شو حرکت، بتون قانونلرک اک عاقلانه سیدر.» دییور.

دین

دین . — ایکی قومک دینی ده بر برینک عینی ایدی؛ زیرا آئوریلرده کلدانیلرک دینی قبول ایتمش لردی. بودین، بزم ایچون یک مغلقدر؛ چونکه بر برینه قاریشمش پک مختلف دینلرک

(پارسک یدی مثلی وسعتده) بریر اشغال ایدیوردی. بوجسیم
 ساحه کاملاً اولراه مستور دکلدی؛ محاصره وقوعنده اهالی نی
 بساهه مک ایچون مزروع برچوق تارالارده واردی: بابل، برشهردن
 زیاده مستحکم براردوگاه ایدی. قوله لراه یوز قدر طوغ قیوی
 حاوی اولان سورلر، اوزون بر حرب آراهسی کچه جک
 درجدهه قالین ایدی. سورک اطرافنده کنیش، درین. صو
 ایله طولو، کنارلری طوغله ایله اورولمش برخندق واردی.
 شهرک اولری اوچ درت قاتلی ایدی؛ سواقلر یکدیگری نی زاویه
 قائمه تشکیل ایدرک قطع ایدردی. فرات کوپریسی ایله ریختم لری
 مستحکم سرای وبالخاصه (عجائب سبعة عالم) دن برینی تشکیل ایدن
 آصمه بانچه لر حیرتله تماشا اولونوردی. بوبانچه لر، بربری آرقه سنه
 قات قات دیزلمش دیرکلر وقبلر اوزرنده آغاجلق تراسه لردن
 عبارتدی.

بابل قولرسی. — بخت نصر. شهرک یان طرفنه بابل
 قوله سنی تکرار انشا ایتدرمک ایسته مشدی. مشارالیه برکتابه
 ده دیورکه: «انسانلری دوچار حیرت ایتمک ایچون بورزییا
 خارقه سنی، طبقات سبعة جهان معبدینی یکیدن انشا وتجدید
 ایتدم. انی اسکی زماندرده نصل ایدی ایسه عینیه تأسیس وانشا
 ایلدم.» مربع شکلنده اولان بومعبد. بربری اوستنه یاپیلمش
 یدی مربع قله دن مرکب ایدی؛ هر قوله یدی سیارده دن برینه
 مخصوص و بو سیارده لره دینا ویریلن رنکلری حاوی ایدی.

ضبط اتمک ایچون اینانلیمه جق برسر عتله بتون یرلری طولاشان
 ووظالم ملتی احیا ایده جکم . انلرک بارکیرلری بپرلردن ده
 سرعتیلدر . سوازیسی هر طرفه یاییه جق ، سوازی عسکرلری
 شکارینه طوغری قوشان بر قارتال کبی اوچا جقدر . « کلدانیلرده
 آثوریلر کبی سوازی ، جنکاور ، فتوحات پرور بر قوم ایدی .
 بونلر (سوزیان) ، (الجزیره) ، (سوریه) و (فلسطین)
 ی آلمشدر ؛ فقط حکومتاری چوق سورمه مشدر . بابل حکومتی
 ۶۲۵ ده تأسس ایتمش ، ۵۳۸ ده ایرانیلر طرفندن محوایدلمشدر .
 حکمدار لرینک الک شوکتلیسی ، (قدس) ی خراب ایدن ،
 یهودیلری اسیر کتیرن ، پاتختنی اولان بابلده بر چوق معبدلر و سرایلر
 انشالی تیدیرن بخت نصر (۶۰۴ — ۵۶۱) در . بو آبدله رهپ پیشمه مش
 طوغه دن ایدی ؛ زیر افرات وادیلر ندن یالکز طاش چیقاردی . بونلر
 هپ چو کدکاری ایچون یرلرنده جسیم طوپراق انقاضی ییغینلر ندن
 باشقه برشی قالمامشدر . مع مافیہ (بابل) ک بولندیغی محله بر قاچ کتبه
 بولمغه و شهرک پلاتنی وجوده کتیرمه که موفقیت حاصل اولمشدر .
 قبل المیلاد بشنجی عصرده (بابل) ی زیارت ایتمش اولان یونانلی
 هرودوت بوشهری تفرعاتیله توصیف ایدیور . (۱) روایته
 کوره شهرک اطرافنده مربع شکلنده برسور واردی . فرات
 نهری بوسورک اورتا سنندن کچیوردی . سور ۵۱۳ کیلومتره مربعی

(۱) هرودوت بخت نصری طانیور ؛ بابلک بتون خوارقنی نیتوقریس

دونوشلرنده ایسه کندیلرینه سرایلر انشایدلرلر ، وقتلرینی اوراده کچیرلردی .


(خرس آباد) ده بولغان سرای ، (نینوا) دن براز اوزاقده کی طاغرده حکمدار سارغون طرفندن بنایدلمشدی . فقط دیگر سرایلرک کافهسی (نینوا) ویاجوارنده بولنیوردی . شهر بر چوق تپه لر اوزرینه بنا اولمشدی ؛ اطرافده متوازی الاضلاع شکلده ، ۲۶۰ ستاد (تقریباً ۴۳ کیلومتره) محیطده بر سور واردی . بو سورک طیش طرفی طوغله دن ، ایچ طرفی ظوپراقدن یاپیلمشدی ؛ طوپراقلر ده ا صو کره دو کولمشدر . شهرک اولری هیچ بر اثر قالماق اوزره غائب اولمشدر ؛ فقط مختلف آثوریه حکمدارلری طرفندن انشایدلمش بر چوق سرایلر میدانه چیقارلمشدر . آثور بانپالک سراینده تکمیل بر کتبخانه بولونمشدر .

آثوریه حکومتی مدیالیرله کلدانیلر طرفندن (یدنجی عصرده) تخریب ایدیلنجه یه قدر (نینوا) شهری آثوریه نک پایتختی اولارق قالمشدر .

بابل

بابل . — آثوریه حکومتی محو ایدلکدن صو کره برینه اسکی کلدانییه ده یکی بر حکومت تشکل ایتدی . بوکا بابل حکومتی یا خود ایکنجی کلدانییه حکومتی دینلدی . رسول بنی اسرائیلدن بری ابدیته شو سوزلری سویلتیور . دیورکه : «کلدانیلری ، آخرک مسکنلرینی

آنوروی سمرای (پەرزەنگ تازەج سەنایەتدەن)



برفرانسز، بر سر ای ایلہ بر معبد خرابہ سنی، بوسرانی انشا ایتدیرن حکمدارک قاره طاشدن یا پیلمش هیکلری ایله برابر میدانہ چیقارمشدی؛ بو هیکلرک باشلری، احتمالکہ اور اثری فتح ایدنلر طرفندن قوپارلمشدی.

آثوریلرله کلدانیلر حقنندہ پک آز معلومات وارددر: چونکہ دها حفر ایدیلہ جک بر چوق یئرلر موجوددر؛ بورلر زده یکی یکی کتابه لر بولوناجنی امید ایدیلور. بو قوملر کندیلرینه (سومیر) و (آقادر) نامی ویرلردی . حکومتلری میلاددن ۲۳۰۰ سنه اول تخریب ایدلمشدی؛ احتمالکہ بونلر پک اسکی ایدیلر . بلکه میلاددن لا اقل اوتوز عصر اول کلمشردی .

آثوریه حکمدارلرینک سرایلری

آثوریه حکمدارلرینک سرایلری . — آثوریلر ، طاغلر نده مجهول ومنسی یا شادقلری ائنادہ کلدانیه ده پک چوق زماندن بری شهرلر موجود بولونیوردی . قبل المیلاد اون اوچنچی عصره طوغری حکمدارلر بیوک اردولرک باشنده اولدقلری حالده اووالری استیلا اتمکہ باشلایارق قوتلی بر حکومت وجوده کتیرمشلر؛ یا تختلرینی (نینوا) ده تأسیس ایلشلرددر.

آثوریه حکمدارلری ، جوارلر نده کی مملکتلرک کافه سنی بر چوق عصرلر جنکاورلریله خراب ایتمشلر ، نفسلرینی مدافعه یه چالیشان اهالی نی کسمشلر، بر قسمنی ده اسیر ایتمشلرددر. مملکتلرینه

آتوریه . — کلدانک ارقه سنده و دجله نهری اوزرنده کی مملکت آتوریه در . بوراسی ده منبتدر ، فقط عارضه لی ، تپه لر و قباله کسیدر . طاغلام پک یاقین بولندیغندن قیشین بورالک قارلینه ، یازین ده شدتلی فورتنه لرینه معروضدر .

کلدانیه نك اسکی شهرلری

کامرانیه نك اسکی شهرلری . — کلدانیه پک ایرکن بر زمانده ، بلکه مصر له عینی زمانده متمدن قوملره مسکن اولمشدی . مختلف جهتلردن کلن برچوق اجناس بوواسع اووالرده بربرینه تصادف ایدرک اختلاط ایتشلردی . بونلرک ایچنده صاری رنگلی ، چینیلره بکزر ، شمال شرقیدن کله تورانیلر ؛ سیاه رنگلی ، مصریلرک جنسندن و شرقدن کله کوشیتلر ؛ آچیق رنگلی ، عربلرک جنسندن و شمالدن کله سامیلر واردی . ایشته کلدانیه قومی بو اختلاطدن حاصل اولمشدی .

کلدانیه راهبلی ، حکمدارلرینک ۱۵۰,۰۰۰ سنهدن بری حکومت سوردکلرینی سویلرلردی . بور افسانه دن عبارتدی ؛ فقط کلدانیه حکومتی پک اسکی ظن ایتکده بونلرک حقلری ده واردی . کلدانیه اراضیسی اوزرنده برچوق اوافق تپه لر سر پیلمشدر ؛ بوتپه لرک هر بری برانقراض ییغنی ، چوکمش بر شهر بقیه سیدر . بونلرک برچونگی حفر ایدلمش ، (اور ، لارسام ، باب — ایلو کچی) بر چوق شهرلر میدانه چیقارلمشدر . موسیو دوسارسه ک اسمنده

اوچنچى فصل

كلدانیه

كلدانیه ایله آثوریه نك توصیفی . — كلدانیه نك اسكى شهرلى . — آثوریه حكمدارلرینك سرایلری . — بابل . — دین ؛ سحر ؛ علم نجوم . — انقال واوزان . — آبدلر ؛ قبارتملر ؛ كتابهلر ؛ یازی . — آثار عتیقه كشیفاتی .

مملکت . — ارمنستانك یوكسك وقارنى طاغلرندن ایكى درین و سریع الجریان نهر چیقار ؛ بری شرقده دجله ، دیکری غربده فراتدر . بونهرلر اولایك دیکریله برلشیرلر ، صوكره اووایه کلیركلمز آیریلیرلر : دجله طوس طوغری آقار ، فرات قوم چوللرینه طوغری بیوك بردیرسك یاپاز . صوكره دكزه دوگولمزدن اولینه برلشیرلر . ایشته بونلرك ادا سنده قالانیرلر (كلدانیه) در . بوراسی یاغلی طوپراقدن متشكل واسع براووادر ؛ بورایه یاغمورپك نادر یاغار ، صیجاق ایسه تحمل فرسادر . فقط نهرلر صوی تدارك ایتدکلیر کی کیلی طوپراقده قاناللرله صولاناچق اولورسه دنیانك الك محصولدار براراضیسی اولور . بغدادی و آرپه بوراده ۱ یرینه ۲۰۰ ، برکتلی سنهلرده ایسه ۱ یرینه ۳۰۰ ویرر . خرما آغاچلری اورمانلر تشکیل ایدر ، اوللری بونلردن شراب ، بال واون استحصالیدرلردی .

شانپوللیونندن سوکره برچوق عالمدرده مصر حقمنده چالشدیلر ،
 مصرک هر طرفنی آراشدیردیله . ایشته بونلره (مصر متخصصلری)
 دیرلر . بونلردن آوروپانک هر مملکتنده وارددر . مصر متخصصلرندن
 ماریهت بک (۱۸۲۱ — ۱۸۸۱) مصر خدیونک حسابنه تحریات
 اجرا ایدرک (بولاق) موزه سنی وجوده کتیردی . فرانسه
 حکومتی (قاهره) ده مصر علمنه مخصوص بر مکتب آچدی ، بو
 مکتب ماسپه رو طرفندن اداره ایدلدی . هیچ بر مملکتده بو قدر
 چوق کشفیات اولما مشدر . مصر لیلر مزارلرینی اوکی یاپارلردی ؛ بورایه
 دوشمه ، قاش ، سلاح ، بیه جک و ذخیره کبی هر نوع اشیا قویارلردی .
 بتون مملکت ، بو صورتله ترتیب ایدلمش مزارلرله طولو ایدی .
 غایت قوری اولان بواقلمده بتون بو اشیا ، ۴ : ۵۰۰۰ سنهک
 بروقتدن سوکره بیه هیچ آل دکمه مش کبی طور سیور . ازمنه قدیمه
 اقوامندن هیچ بری مصر لیلر قدر آثار بر اقادینگی کبی هیچ بری ده
 بزم ایچون مصر لیلر قدر معلوم دکلدر .

مطالعه اولوناچق آثار :

لونورمان ، اقوام شرقیه نک تاریخ قدیمی . — ماسپه رو ، تاریخ قدیم
 و تاریخ شرق . — پهرو و شیبیه ، ازمنه قدیمه تاریخ صنایعی . —
 ایزانبر ، رهبر شرق .

طوار ، قویون ، قاز و خنزیر سوورولرینی ؛ کوزل کینمش
 انسانلری ، آلایلری ، هارپ چالمان شنلکلری ؛ دها طوغریسی
 ۳۰۰۰ سنه صوکرده کی حیاتک همان عیننی تصویر ایدر. اوزمانک
 مصر لیلری آلتون، کموش، طونج ایشله مکی ؛ اسلحه و مجوهرات
 یانغنی ؛ جام، فغفور، مینه اعمال اتمکی بیلیرلر ؛ کتن و یوک
 البسه لر ، شفاف و یاخود صیره کنارلی قاشلر طوقورلردی .

آثار عتیقه کشفیاتی

آثار عتیقه کشفیاتی . — یونانلیلر سائر ممالک شرقیه دن
 زیاده مصری بیلیرلردی . میلاددن بش عصر اول هه رودوت
 مصری زیارت ایتشدی ؛ مومی الیه، تاریخنده نیلک فیضانلرینی،
 اهالینک اخلاقنی ، قیافتنی و دیننی تصویر ایدیور ، تاریخلرینه
 دائر وقایعی، حتی رهبرلرندن او کرندیکی حکایه لری بیه اکلاتیور.
 دیودور ایله سترابون ده مصر دن بحث ایدیورلر ؛ فقط بونلر
 مصری حال انحطاطده ایکن کورمشلردی ؛ اسکی مصر لیلر ده دائر
 هیج معلوماتلری یوقدی .

فرانسزلرک مصر سفری (۱۷۹۸ — ۱۸۰۱) بو مملکتی عائلره
 تماماً کشاد ایتدی . بونلر اهراملری ، تب خرابه لرینی یاقیندن
 کوردیلر ، کتابه لر کتیردیلر .

یوقاریده کوردیکمز وجهه شانبه لیمون نامنده بر فرانسزده
 هیه روغلیفلری حل اتمکده موفق اولدی .

ویا خود سوریه ده ساکن قبیله لره قارشی سفره کیدر لودی .
 بوراده مظفریتلر احراز ایدر لر ، انزری سرایلرینک دیوار لری
 اوزرینه رسم ایتدیر لر لودی ، کوه لره کتیر دکلری اسیر لری آبدلر
 انشاسنده قوللانیر لودی . فقط بونلر هیچ بر زمان بیوک بریر
 فتح ائمه مشلر ، سائر قوملری طانیق ایچون ده پک از فرصت
 بولابیلمشلر در . ممالک اجنبیه یه کیدن مصر لیلردن زیاده مصره
 دها چوق اجنبی کلشدر .

صناعت . — مدنی بر قوه لایق صنایعی ایلك اول مصر لیلر



چفت سورمه

وجوده کتیره مشلر در . میلاددن ۳۰۰۰ سنه اول دها ایلك
 سلاله لر زماننده مزار لر اوزرنده کی منقوشات ، تار لاسنی سورن ،



خرمن دوومه

اکین ییچن ، بغدادی خرمن ایدن ، صاووران انسانلره

چو جق کبی مطیع ، دوچار ظلم اولمغه راضی بر قوم ایندی (حالاده اولمهدر). بومملکتده آلت تربیه واداره صوپا ایدی . یازنجیلر دیرلردی که : «کنجک صرتی صوپا ایچون یازادلمشدر . بورایه



مصر آثار عتیقه سنده کودولفن طایق منظره سی .

اورولمادجه اکلماز .» — برفرانسز سیاحی دهشونی نقل ایدیور : « برکون تب خرابه سنده بولندیغ صرهده : — آمان یارنی .بتون بوشیلری نصل یامشلر؟ دییه باغیردم . رهبرم کولمکه باشلادی . قولی دورتدی . خرما آغاجنی کوستره رک دیدی که : « ایشته بتون بوشیلری بونکه یابدیلر . سینبور . بیلر میسکنز ، اوموزلری دائما چبلاق طوران انسانلرک صرتنده بویله یوزبیک خرما دالی قیریله جق اولورسه . برچوق سرایلر دکل . فضاه اوله رق معبلرده انشا ایدیلر .»



مصر ایلمک تجردی . — مصریلر مملکتلرندن پک آز طیشاری چیتارلردی (صوک سالاله زمانه کلنجیه قدر مصریلرک بحریه لری یوقدی). کذا عسکر بر قوم دده دکدیلر . معافیله حکمدارلری اکثریا مسلکاً جنکاور اولانلرک باشنه کچرک یا حبش زنجیلرینه

ایکنجی رامسه س، معبودلر اورته سنده طوران ایکنجی رامسه سه عبادت ایدر بر حالدہ و آیاقده تصویر ایدلمشدی؛ یعنی حکمدار، انسان اولق صفتیله گنبدینک معبود اولان شخصنه طانیوردی . فرعون بر معبود اولدیغندن انسانلر اوزرینه نفوذ مطلق صاحبی ایدی؛ سراینک بیوک بکلرینه، جنکاورلره و بتون تبه سنه حکم ایدردی. فقط راهبدر، فرعونه طامقله برابر انی احاطه ایلر واکا دائما نظارت ایدرلردی؛ بونلرک رئیسلی، آمون معبودینک باش راهبی، اک صوکره فرعون درجه سنده صاحب قدرت اولمشدی؛ اکثریا حکمدار نامه، حتی انکیرینه حکومت سورردی.

نیم . — مصرک صاحبی، حکمدار، راهبدر، جنکاورلر و بکلردی؛ انلرک غیرى اولانلر انلر نامه چالیشان مستأجرلردن عبارتدی . حکمدارک خدمتنده بولنان یازمچیلر بونلره نظارت ایدرلر، اکثریا ایجاری صویا ایله آلیرلردی . بو مأمورلردن بری دوستنه شویله یازیور : « طوپراق زرع ایدن کویلینک حیاتی هیچ تصور اتمیورمیسک؛ مالیه تحصیلدارلری حصاد عشرینی تحصیل اتمکله مشغول . یاننده صویالی مأمورلر، خرما دالی طاشیان، زنجیلر وار . هپسی ده : هایدی، حبوبات ! دییه باغرییورلر . کویلیده شاید حبوبات یوقسه انی بویلو بویونجه یرلره سرییورلر؛ باغلا یه رق قناله سوروکلیورلر، باشنی اورایه طالدرییورلر . »

استبرار . — مصر قومی دائماً شن، لاقید، حلیم،

یازی . — یونانلیلرک هیهرو و غلیف دیدکلری مصر یازیسی پک چوق زمان سر حالنده قالمشدی . بویازیده هر اشارتک بر کله یه دلالت ایتدیکی ظن اولونارق خطا ایدلمشدی . ۱۸۲۱ سنه سنده فرانسه عالمی



بطلمیوس

بهرونیس

شانپوللیون بشقه بر اصول تجربه ایتدی . ضابطک بری (رشید) دن اوچ نوع یازی بی حاوی بر لوحه کتیرمشدی : هیهرو و غلیفک کنارنده روجه ترجمه سی ده موجوددی . حکمدار بطلمیوسک اسمی اطرافنده بر کتبه واردی ؛ شانپوللیون ، بواسمه ب ، ط ، ل ، م ، ی ، و ، س حرفلرینی بولمغه موفق اولدی . بونلریینه کتابلر ایچنده بولنان دیگر حکمدار اسملری ایله قارشیلادیر هر ق بر الفبا میدانه چیقاردی . اوندن سوکره هیهرو و غلیفلری اوقودی ؛ بونلرک رومالیر زماننده مصرده سویله نین و اساساً معلوم اولان (قبط) لساننه بکزر بر لسانده یازلمش اولدقلرینی اکلادی .

اخلاق و صناعت

اضحی . — مصر لیلر . فرعون دنیلن حکمدار لرینی معبود کونشک اوغلی ویریوزنده انک تصویر ی تلیق ایدلر . انکده بر معبود اولدیغنه اعتقاد ایلرلردی . حتی رسمده قرال

سلاهدن اعتباراً هیکل تراش وجود بشری کلادینی کبی
 ارائه ایتکده سربست قلامش، دیناً معین بر قاعده نی ده تعقیبه
 مجبور اولمشدر. آرتق اوندن صکره بتون هیکلر بر برینه
 بکزر. هپسندده با جاقلموازی، آیاقلر بایشیک، قوللر کوکس
 اوزرینه قلووشمش، چهره غیر متحرکدر؛ بو هیکلر اکثریا
 محتشم، دائماً دیک ویکنسقدر. بونلرده صنعت طبیعی تصویر
 ایتهمش، معین بر تمثال حالنه کلشدر.

رسم. — مصریلر بو یا استعمال ایندرلردی؛ بورنکلر
 ۵۰۰۰ سنه صوکرده تاب تازه و پارلاق بر صورتده باقی قالمشدر.
 بر رسمی یالکز بویاقدن اکلارلر، نه الواندن، نه کولکدن.
 نه ده مناظر دن هیچ اکلامازلردی. هیکل تراشلق کبی رسمده
 دینی قاعده لره تابع، هیکل تراشلق کبی اوده یکنسق ایدی؛ اللی
 کشی نی بردن کوسترمک لازم کلدیکی زمان. صنعتکار اللی نی ده
 بر برینه مشابه یاپاردی.

ادبیات. — مصریلرک بر ادبیاتی واردی. بونلرک
 مزارلرنده یالکز طب، سحر و دین کتابلرینه دکل، قصیده لره،
 مکتوبلره، سیاحت منقبه لرینه، حتی رومانلره بیه تصادف
 اولنور.

مدینته دائره معلومات آلمق ایچون اکامین واکسریع چاره بو قولکسیون
 برکزه زیارت ایلمکدر. موسیور وژه، پیه رره و دوه ریانک قتلوغلری
 بویابده مکمل بر رهبر تشکیل ایدرلر.

مزارلر . — بیوک اهرام بر حکمدار مزاریدر . اسکی مزارلرک شکلی علی العموم بویله ایدی . اسکی مصرده سوقاق کبی صره واری ویاخود بعضری راست کله طاغنیق کوچوک اهراملر الآن موجوددر . بونلر حکمدارلرک ویا بکلرک مزاریدر . دهاصو کره مزارلر تحت الارض یاییلمش ، بعضری طوپراق آلتنده قازیش ؛ بعضری طاغ غرانیتلری ایچنه اویولمشدر . هر نسل ، یکی یکی مزارلر یاییش ؛ بر حیات اولانلرک شهرلری جوارنده بوصورتله دهاننکین ودها واسع بر اولولر شهری (نه قروپول) وجوده کیشدر .

صنایع

هیکلتراشلره . — مصرک اک شایان حیرت آناز صنعتی ،

معماری آبدنه نرددر . مصرلیلر هیکلتراشلقده طبیعتی تقلید ایدرک باشلامشدر . اک اسکی هیکلرده دائما بر حیات وصفوت نمایان اولور ؛ بونلر هیچ شبهه یوق اولور رسملری ایدی . لوور موزه سنده کی یره چوملمش یازیجی هیکلی ، بوقیل هیکلر . دندر . (۱) فقط اون برنجی



دز چوکش کاتب (لوور موزه سنده)

(۱) لوور موزه سنده مصرده بولنش پک چوق اشیا وارددر . مصر


ایدرلردی . مصرلیلرک معبدلری ، معبودک اقامتکاهی اولان
مزین بر محل مقدس ایله اطرافنده راهبلره ، خدمتکارلرینه
مخصوص حولیلر ، باغچهلر ، اوطلر ؛ مجوهرات ، ادوات والبسہ
قویغہ مخصوص دولابلردن مرکبیدی .



متعدد نسللرک آثاری اولان بوجموعه
مبانی ، بر دیوار ایله محاط بولونوردی .
(تب) دهکی آمون معبدنده اون
ایکنجی سلاله دن صو کجی سلاله یه قدر
بتون سلاله لرک حکمدارلری
چالیشمشدی . علی العموم معبدک
اوکنده (پیلون) تعیر اولمان اگری
کنارلی بیوک بر قپو بولونوردی .
قپونک ایکی طرفنده ایکی دیکیلی طاش ،

اوجی یالیزلی طاش دیرکلر ، ایکی حکومتده بر مأمودک شکل
ویاخود یزه او طور مش بیوک بر آدمی تصویر ایدن ایکی ایری
هیکل طور ردی . اکثر یا ایکی صره دیزلمش ابوالهوللردن متشکل
بر جاده دن معبدہ کیدیلیردی .

مصر معماریسنک طبایع ممیزه سنی اهراملر ، پیلونلر ، ایری
هیکلر ، ابوالهوللر و دیکیلی طاشلر تشکیل ایدر . مصر معماریسنده
هرشی قالین ، قیصه وبالخاصه کنیشدر . ایشته بو آنده لرک آغز ،
فقط غیر قابل تخریب اولملری بورادن ایلری کلیور .



بر. عصر ۱۹۰۰ مېدىنىك داخلى (پەۋونك تارىخى مىنالىغىدىن)

منوع هیچ برشی یا مادام . بوش کز مدم . افندیسنگ حضورنده
 اسیره ضرر ویر مدم . معبدلردن آتمک چویر مدم . اولولرک ذخیره سنی
 ویاخود یاغلرینی آمادام . حبوباتک طار تیسنه حیلہ ایتدم
 مقدس حیوانلری قوغمادم . مقدس بالقلری آولامادم
 صافم آجلره آتمک ، صوسنزلره صو ، چیپلاقلره البسه
 ویردم . معبودلره قربان ، اولولره جنازه یمکی اهدا ایتدم .
 ایشته مصرایدرک اخلاقی بورادن تامیلها کلاشیلپور . اوده :
 آیینلره رعایت ، معبودلره عائدهرنه وارسه انلره حرمت ، صمیمی ،
 ناموسکار و خیرخواه اولمقدر .

آبدلر

آبدلر . — مصریلر دنیانک اسکى صنعتکارلریدر .
 انلر ، ابدی ظن اولونا جق جسم آبدلر رکز ایتشلردر ؛ چونکه
 زمان شمدی یه قدر انلری تخریب ایدمه مشدر . مصریلر
 بزم کبی ، یاشایانلر ایچون دکل ، اصل معبودلر و اولولر ایچون
 مزارلر ، معبدلر انشا ایدرلردی . اولرینک ایسه بعض انقاضندن
 بشقه برشی قالمامشدر ؛ حتی یونانلیلرک روایتنه کوره حکمدارلرک
 سرایلری مزارلرینک یاننده بر اوتل مشابه سنده ایدی . بونک
 ده سببی اولک یالکز حیاتده . مزارک ایسه ابدیت مدتجه ایشه
 یاراماسی ایدی .

معبودلر . — معبودلر ، ابدی و مطمئن اقامتکاهلر طلب

اعتقاد نجه اوزیریس بوراده ۴۲ حاکم ایله برابر محکمه سنده او طور ،
روح کچن حیاتک حسابنی ویرمک ایچون بونلرک حضورینه
چیقاردی . بونک افعالی حقیقت ترازیسنده طارتیلیر ، قلبی
شاهدلکه چاغیریلیردی . اوزمان اولو :

« ای قلب ، ای بکا والده مدن کلن قلب ، ای یر یوزنده
بولوندیغ زمانکی قلبم ، شاهدکی دیکلمه ، بکا بیوک مبعودک
حضورنده هجوم ایتمه . » دیردی ؛ فناروح عصرلرجه اذیت
کورر ، محوا لوردی . اینی روحده فضایه طوغری یوکسه لیر ؛ بر
چوق سرانجامدن سوکره مبعودلر زمره سنه ملاقی اولور ، انلره
انتقال ایدردی .

مومبار . — روح سیاحت ائناسنده راحت ایتک ایچون
جسده کیرمک ایستیه بیلیردی . او حالده اجسادی بوزمامق
لازمه دی ؛ انی مصر لیلر اجسادی تعطیر ایدر لردی . جسده ایچنه
قو قو لر طول دیر لر ، فحمت سوده (ناطورون) صوینه
باطیر لر ، اطرافنی باغلرله صارار لر ، مومیا حاله قویار لردی .
مومیه تحته ویا آچیدن برتابوته قونارق حیاتده لزومی اولان بتون
اشیا ایله برابر مزاره وضع اولنوردی .

اولور کنبلی . — مومیانک یانسه اوافق برکتاب . اولولر
کتابی قونوردی . بو کتابه ، اوزیریس محکمه سنده روحک
کندیسنی مدافعه ایچون نه دییه جکی یازیلی ایدی . اوده
شوایدی : « هیچ بر حیلده بولونمادم . طول قادینه اذیت ایتدم .

اولونوردی ؛ بو اش ، اولویه بکزه تیه رگ یاییلمش تحتہ ویا
 طاش بر هیکلدی . بعده مخزنک قیوسی دیوارله اوریلور ؛
 اش بوراده قیالی اولارق یاشار ، بر حیات اولانلر بوکا دائم
 باقارلردی . اکا ییه جک کوتوزرلر ، ویاخود بر معبوده مراجعت
 ایدرلر ، آتیده کورولدیکی وجه ایله اکا ییه جک ویرمسنی
 استرحام ایدرلردی (۱) : « متوفی ن ک (قا) سنه اتمک ، صو ،
 اوکوز ، قاز ، سود ، شراب ، یرا ، البسه ، قوقو ، حاصلی بر معبودک
 مالک اولدیغی ایی و تمیز شیلردن ویرمسنی ایچون اوزیریسه
 تقدمه . »



دو حورک طارتمسینی (اولولر کتابتدن بردهم)

رومک محاکمه سی . — دها صوکره اون برنجی سلاله دن
 اعتبار آمصر لیلر روحک جسددن اوچدیغنه وکونشک هرکون
 باتدیغی یر آلتنده اوزیریسینی بولدیغنه اعتقاد ایتدیلر . اندرک

(۱) لونورمان ، تاریخ قدیم ؛ ص ۲۵۹ ، یدنجی طبع .

مخزنه قونوردی . (اوسارهائی) نرك مزار نری جسیم بر آبدہ
تشکیل ایدردی . بونردن (سهراپه نوم) مزاری ۱۸۵۱ ده
ماریت بك طرفدن میدانہ چیقارمشدر .

ارلوره عبادت . — مصریلیر اولولرك روحنه ده عبادت
ایدردی . بونلر اولاهر انسانك بر آشی (یعنی قاسی) اولدیغنه و کندی
اولدکن صوکره أشنك یاشادیغنه اعتقاد ایدردی . حتی اقوام
وحشیه نك بر چوغی ده آلآن بو اعتقادده در . اسکی حکومت
زماننده کی مصر مزارلرینه (آش اوی) دیرلردی . بو مزارلر طبق
بر اوطه کبی دوزه تلتمش آچاق بر محدی . بورایه أشك قوللانسی

ایچون صندالیه ،

ماصلر ، یتاقلر ،

صندقلر ، چاشیر ،

قماش ، البسه ، توالت

طاقی ، سلاح ، بعضاً

بر حرب آرابه سی ،

حاصلی بتون بر او

اشیاسی ؛ ذوقی ایچون

هیکلر ، رسملر ،

کتابلر ؛ ییه جکی

ایچون ده بغدای



بر مزار اوطه سنك داخلی

و ذخیره قونوردی . صوکره بورایه . اولونك آشی وضع

هوروس انسان، آتماجه ، آتماجه باشلی انسان ، انسان باشلی آتماجه شکلنده کوستریلیدی .

مقدس هیراندر . — مصریلر عجاا بوتماللرله نه کوسترمک ایسته یورلردی ؟ بوراسی هیچ معلوم دکلدر . حتی مصریلرده اوکوز ، ینکج ، لیلک ، آتماجه ، کدی و تمساح کبی کندیلرینه معبودلری ارائه ایدن حیوانلرله بالاخره مقدس نظریله باقمه باشلا مشلردی . مصریلر انلری بسلر و محافظه ایدرلردی . میلاددن بر عصر اولر و مالینک بری (اسکندریه) ده بر کدی اولدیرمش ، اهالی بر برینه قاریشمش ، حریفی یا قالا مشلر ، حکمدار پک چوق رجالر ایتدیکی و کندیلری ده و مالیلر دن پک چوق قور قدقلری حالده انی ینه قتل ایتشلردی . هر معبدده بر حیوان بولونور ، اوراده بوکا طاپیلردی . سیاح سترابون ، مقدس بر تمساحک فصل زیارت ایدلدیکنی شو وجه ایله حکایه ایدیور : «تمساح بر کولک کنارینه یاتمشدی . راهلر تمساحه یا قلاشدیلر ، اچلرندن ایکسی تمساحک آغزینی آچدی ، او چنجیبی تمساحه چوره ک ، قیزار تمش بالق ، بال ایله یاپیلمش بر شربت ویردی . »

آپس اوکوزی . — معبود حیوانلرک اک حرمتلیمی آپس اوکوزی ایدی . بو اوکوز هم اوزیریسی ، هم فتاهی ارائه ایدردی ؛ (منفیس) ده بر کلینساده یاشار ، اوراده کندینه راهلر طرفندن باقیمیلردی . اولدکدن صنوکره اوزیریسی (اوسارهایی) اولور ، اولوسی تعطیر اولونور ، مومیاسی بر

سن خیر خواهانه، حقیقت پرور اولارق او یانیرسک ... سمایی
 یوکسکلردن کچرسک . اوزمان دشمنلرده مغلوب اولور . سما
 نشه لر، ارض مسرتلر ایچنده قایر؛ معبودلر وانسانلر (رانک
 قایغی ایله اعتلا و دشمنلری پریشان ایلدیکنی کوردکلری وقت
 اکا عرض تجیلات ایچون مسرتلر اظهار ایدرلر . ای را ؛
 فرعونه حیات ویر، قارننه اتمک، بوغازینه صو، صاچلرینه قوقولر
 احسان ایله . »

میرانه باشلی معبودلر . — مصرلیلر معبودلرینی اکثریا
 انسان چهره سیله، فقط الکیزیده ده حیوان شکلنده کوسترلردی .



آمون-را ، هوروس ، ایزس ، اوزیریس

هر معبوده مخصوص بر حیوان واردی ؛ فتاه ینکج ، هوروس
 آماجه، اوزیریس اوکوز شکلنده ایدی . اکثریا ایکی چهره،
 حیوان باشلی بر انسان، ویا انسان باشلی بر حیوان شکلنده
 قاریشدیریلیردی . هر معبود ؛ شکلده کوستریله بیلیردی : مثلا

چو غنه اولدینی کبی مصر لیلرده موجوداتک اک قدر تلیسی ،
 بناء علیه بر معبود اولارق کورونوردی . اوزیریس یعنی کونش ،
 کیجه معبودی زمت طرفندن اولدیرلدی ؛ ایزیس ، قمر یعنی
 زوجہ سی انی آغلايه آغلايه کومییور ؛ هوروس ، اوغلی یعنی
 طوغان کونشده ، قاتلی یعنی کیجه نی اولدیره رک انک انتقامنی
 آلیوردی .

آمره - را . -- تب معبودی آمون - را ، هر کون
 بر قایق (« میلونلرجه سنه لک ای قاینی ») ایچنده سمان



ایکنجی رامسه سک کندیسنه پرستش ایتمی

کچمور کبی تصویر اولونوردی ؛ بو قاینی اوزون کورمه کارله اولولورک
 روحلری چکر ؛ معبود ، اوقی ایله دشمنه اورمغه حاضر بولونارق
 قایفک باش طرفنده طورر ، بو معبود شرفنه شو الهی ترنم
 اولونوردی (۱) : «احترامات بی نه پایه سکا ! ای ایکی افقک معبودی !

(۱) آمون - رایه قصیده . (ماسپهرو ، تاریخ قدیم ، فصل ۱)

قدر (ایدی . تب) ، ۱۵۰۰ سنه قدر پایتخت ، مقدس شهر ،
حکمدارلرک و راهبرک مقری اولمشدر .

دین


هرودوت: «مصر لیلر انسانلرک اک دینداریدر» دیردی .
مصر لیلر قدر دیندار هیچ بر قوم یوقدر؛ همان بتون رسملرنده ،
بر معبود اوکنده دعا ایدن انسانلری تصویر ایدرلر ؛ یازمه
اثرلری هپ دین کتابلریدر .

مصر معبودلری . — مصر لیلرک باشلیجه معبودلری کونشدر ؛
کونش ، خالق ، منعم «هر شیئی بیلیر ، بدایت خلقتدن بری موجوددر .»
کندی کبی معبود بر زوجهسی ، برده اوغلی واردر . بتون
مصر لیلر بو اوچ معبوده طاپارلردی ؛ فقط هپسی ده اکا عینی
اسمی ویرمزلردی . بو اوچ معبوده هر حوالیده بشقه بشقه
اسملر ویریلردی . (منفیس) ده فتاه بابا ، سه کت آنه ، ایموتهز
چوجق ؛ (آبیدوس) ده اوزیریس ، ایزیس ، هوروس ؛ (تب) ده
آمون ، موط و خونس دیرلردی . صوکره بر حوالیده کی اهالی
دیگر حوالینک معبودلرینی قبول ایدرلردی . بو اوچ معبوددن ،
بشقه معبودلرده چیقارمشلردی . بوسورتله معبودلرک عددی
چوغلش . دینده قارماقاریشیق اولمشدی .

اوزیریس . — بو معبودلرک هپ برر تاریخی واردر ،
کونشک تاریخی بودر ؛ کونش ، ابتدائی قوملرک بر

هیکلر، رسملر، آلتلر مصر لیلرک اساساً مدنی اولدقلرینی کوسترییور . میلاددن ۲۵۰۰ سنه اول هندلیلر، ایرانیلر، موسویلر، یونانیلر، رومالیلر، بتون مشهور ملتلر هنوز حال وحشته ایکن، مصر لیلر پک چوق زمان اول طوپراق زرع ایتمکی، قماش طوقوغنی، معدن ایشلمکی، رسم یانغنی، هیکل اویمغنی، یازی یلزمغنی بیلیرلردی؛ انلرک منتظم بر دینی، بر حکمداری و بر اداره لری واردی .


تب مکهونی . — اون برنجی سلاله زمانده (منفیس) کیرینه (تب) شهری پایتخت اولمشدر . — (تب) خرابه لری الآن موجوددر . بو خرابه لر خارق العادهدر . نیلک هر ایکی ساحلنده و ۱۴ کیلومتره محیطندهدر . صول ساحلده بر صره سرایلر، معبدلر واردر که بونلر کنیش مزارقلره منتهی اولور . صاغ ساحلده (لوکسور) و (قارناق) قصبه لری واردر؛ بونلر بر برندن یارم ساعت مسافهدهدر؛ ایکیسی ده خرابه لرک اورته سنه بنا اولمشدر . اره لرنده ایکی صره ابوالهولدن (سفنکس) متشکل بر جاده واردر؛ اوللری بوراده بیک ابوالهول واردی . بو خراب معبدلرک اک بیوکی (قارناق) ده کی آمون معبدیدر . بو معبد ۲۳۰۰ متره محیطنده بر دیواز ایله محاط ایدی؛ ۱۰۲ متره اوزونلغنده و ۵۳ متره کنیشلکنده اولوب دنیانک اک بیوک سالوننی اولان (سال هیپوستیل) ده ۱۲۴ ستون اوزرنده طورردی؛ بو ستونلردن اون ایکی سنک بونی ۲۰ متره (پارسدی و اندوم ستوننک بونی



قازاقده هیوستیل سالون (پروتک تارخ سناپعدن)

شہری ، دھا سو کرہدہ مصر علیادہ (تب) شہری اولمشدر
(بودہ یکی حکومت دوریدر .)

منفیس راہراہر . — مصرک ایلک حکمداری طرفدن
بنا اولونان (منفیس) شہری بیوک برسداہ محافظہ اولونوردی.



اھراہر و ابوالھول

بوشہر ۵۰۰۰ سنہ طور مشدر؛ اون اوچنچی عصر دن سو کرہ ایسہ
یرلیہر طاشلرینی آلاق قاہرہدہکی اولری انشا ایتمشدر؛ انلرک
براقدقلرینی دە نیل اورتمشدر. (منفیس) جوارندہکی اھراہر
اسکی حکومت زمانندن قالمہدر ؛ بونلر دردنجی سلالہدن اوچ
حکمدارک مزاریدر. بونلرک ۱۴۷ مترہ ارتفاعندہ اولانک بیوکنی
یایق ایچون ۱۰۰،۰۰۰ عملہ لازم اولمش ، بونلر تمام اوتوز
سنہ چالیشمشدر . طاشلری یوقاری یہ چیقارمق ایچون طاتلی
میلدہ سدلر یاییلمش ، سو کرہ تکرار قالدیرلمشدر.

مصر مدنیقی . — بودورہ عائد مزارلردن چیقاریلان

چیکتر نیل، لذیذ ذخیرہ لر کتیرر ، ہپ ای شیدر حاصل ایدر .
مواشی ایچون اوتلر بیوتور .»

مملکتک رونی . — مصر . آفریقا چولی اورتہ سندنہ
حقیقہ برواحدر . غایت چوق بغدادی . بقہ . مرجک وهر
درلو سبزہ یتشدیرر؛ مخرما آغاجلری بورادہ اورمانلر تشکیل
ایدر؛ نیک اسقا واروا ایتدیکی مرعالردہ طوار . کچی و قاز
سورولری اوتلار . — بلجیقایہ همان مساوی اولان (بلجیقانک
مساحہ سطحیہ سی ۲۹،۴۰۰ کیلومترہ مربعدر) بواراضی ایلہ
مصر بوکون ۵۰۵۰۰۰۰۰۰ نفوسی بسلیور . بونسبت اوروپانک
هیچ برمملکتندنہ یوقدر . مصر ازمنہ قدیمہده شمدیکندن
دها زیادہ نفوسہ مالکدی .

اسکی حکومت

مصر فرمنک اسکیلیکی . — مصرلی برراہب ہرہدوتہ :
«سز یونانیلر ہنوز چوجقسکز.» دیش . مصرلیار کنیدیلرینی
دنیاک اسکی قومی بیلیرلردی . ایرانک ضبطہ قدر (قبل
المیلاد ۵۲۰) مصرده ۲۶ حکمدار سالاہ سی کشدی . بونلرک
برنجیسی بوندن ۴۰۰۰ سنہ اول کش و بودرت عصر ظرفندہ
مصر برحکومت تشکیل ایلمدی . اونجی سالاہیہ قدر (ایستہ
بو . اسکی حکومت دوریدر .) پایتخت ، مصر سفالادہ (منفیس)

كولك ایچنده عادتاً اوفق اطهار کبی کورونور . ایلولده صولر
تکرار اینر ؛ کانون اولده نهر یاتاغنه کیرر . هر طرفده
محصولدار بر بالچیق طبقه سی براقیر ، بو طبقه کوبره یرینه چکر ؛
بوکیوشک طوپراق هیج سورولمدن اکیلیر . شو حالده مصرک



قرال

قادین

جنسکاور

اهالی

صوینی ، طوپراغنی وجوده کتیرن نیلدر . نیل ، مجراسنی تبدیل
ایتمش اولسه ، مصرده هر ایکی طرفنی احاطه ایدن واوزرینه
هیج یاغمور یاغمان چوراق قوملی چولک حالنی بولور . مصر لیلر ،
نهر لرندن نه قازاندق لرینی بیلیر لردی ؛ حتی نیلک شرفنه شو قصیده نی
یاغش لردی : « السلام ، ای نیل ! ای بو طوپراق اوزرنده
ظهور ایدن ، مصره حیات ویرمک ایچون کال سکونته کلن
جویبار . . . یوکسلمکه باشلادیمی ؟ ارض سرور وبشاشته
طولار ؛ هر کس سوینیر ، هر فرد غداسنی آلیر ، هر دیش

ایکنجی فصل

مصر

مصرک توصیف . — اسکی حکومت — اهراملر — تب حکومتی . —
دین: معبودلر؛ اولولره عبادت. — آبدلر، معبدلر، مزارلر؛ صنایع:
یازی . — اخلاق . صناعت . — آثار عتیقه کشفیاتی .

مملکت . — مصر، نیل وادیسندن عبارتدر؛ بو وادی
ایکی قیاسلسلهسی ازه سنده، نهرک ایکی ساحلی بویجه اوزانمش
طار و محصولدار بر اراضی پارچه سنی تشکیل ایدر؛ بو اراضی ۲۴۰
فرسخ اوزونلغنده وهمان ۵ فرسخ کنیشلکننده در . قیازک
یتدیکی یرده (دلتا) (۱) باشلازکه ، بوراسی نیلک قوللریله ،
قناللرله کسینک، واسع بر اووادن عبارتدر . هه رودوتک دیدیکی
کبی . تکمیل مصر نیلک بر هدیه سیدر .

نیل . — هر سینه انقلاب صیفیده نیل حبشستانک قارلری
ایله جوشارق مصرک قوراق طوپراقلری اوزرینه یاییلیر؛ ۸
مترهیه . بعضاده ۱۰ مترهیه قدر یوکسه لیر . بتون مملکت
بر کول حالته کلیر . طوپراقلر اوزرینه بنا ایدیلن قصبه لر بو

(۱) روجه Δ دلتا حرفته بکیزه دیکی ایچون بو اسم ویرلشدور .

اسكى برجنسدن كلمه درلر ؛ ايرانليدرك، كنديلرينه غالب كلن عربلك لساني قبول ايتدكلرى كجى . بناء عليه بوايكى اسم بو كون ايكى حقيقى جنسى كو سترمكنن زياده ايكى زمرة اقوامى ارئه ايلكده در . فقط بوايكى اسم شو صورنله تلقى اولونديغى تقديرده ، اقوام عاليه نك كافهسى اقوام ساميه ويا آريه دندر دنيله بيلير . — كيجى بر قوم اولان فنسكه ليلر ، ديندار بر قوم اولان يهوديلر، جنكاور بر قوم اولان عربلر اقوام ساميه دندر . بعضلرى هندستانه ، بعضلرى آوروپايه يرلشن اقوام آريه دن ايسه بوكون دنيا نك اك باشنده بولونان وشمدي يه قدرده بولونمش اولان قوملر ظهور ايتمشدر : ازمنه قديمده ، افكار عاليه فلسفيه ودينه صاحبي اولان هندليلر، علوم و صنايعك موجدى اولان يونانليلر، برى شرقده وديكرى غربده ازمنه قديمه نك اك بيوك ايمپراطورلقلرينى تاسيس ايدن ايرانليلر ايله روماليلر . — ازمنه حاضرده ايتاليانلر ، فرانسزلر، المانلر . هوللاندايلير، روسلر وانكليزلر كجى .

تاريخ مدنيت مصرليلر وكدانيلرله باشلار؛ فقط قبل الميلاذ يكرمى بشنچى عصر دن اولكى تاريخ مدنيت، اقوام آريه ايله ساميه نك تاريخندن بشقه برشى دكلدر .

مطالعه اولونا جق آثار :

لوبوق، قبل التاريخ انسان — له تون، بشر مستحائه — نه وه نس، دمير دورلرى — ماقس موللر، علم لسان — قاطر فاز، جنس بشر. — س . ره يناخ، سن ژرمن موزه سنك قتالوغى .

کوردونشده پک بللی برفرق یوقدر . بونلرک هر ایکیمی ده بیاض
جنسنددر ؛ یوزلری بیاض، خطوط وجهیه لری منتظم . دریلری
آچیق . صاچلری چوق ؛ کوزلری بیوک ، دوداقلری ایجه .
برونلری طوغریدر . هر ایکیمی ده کوچبه و جنکاور چوبان
قوملردن کله در . اقوام سامیه نک ارمنستان طاغلرندن گلش
اوللری محتملدر .

اقوام آریه نک صحیح اولارق نره دن کلدکلری معلوم دکلدر .
بونلری بربرندن آیران شی ، طرز افکار و باخا صه لساندر ؛
اوللری، دین تفریق ایدردی . — السنه آریه تکلم ایدن قوملره
اقوام آریه دینک مناسب کورولمشدر : آسیاده همدیلر ایله
ایرانلیر ؛ آوروپاده یونانلیر ، ایتالیانلر ، اسپانیوللر ، جرمنلر
(آمانلر) ، اسقاندیناویالیلر ، اسلاولر (روسلر . پولونیالیلر ، صرپلر) .
سه لئر کبی (۱) .

اقوام سامیه دییده السنه سامیه تکلم ایدن قوملره دیرلر :
عربلر ، یهودیلر ، سوریه لیلر کبی . فقط بر قوم اقوام آریه ویا
سامیه دن اولمادن ده السنه آریه ویاسامیه دن برینی تکلم ایده بیلیر .
مثلا برزنجی ، انکلیر جنسندن اولمادیغی حالده انکلیرجه سویلر ،
اقوام آریه دن عدایتدی کمز بر چوق آوروپالیلر احتمالکه اقوام
آریه طرفندن مغلوب ایدیلوبده انلرک دینلنی قبول ایتمش مغلوب

(۱) انکلیرلر ایله فرانسولر ، سه لئر ایله جرمنلرک اختلاطندن

۳ . وسطی آفریقاده اوطوران سیاه جنس . بونلر سیاه دریلی ، باصیق برونی ، قیویرجق صاچلی زنجیلردر .

۴ . آمریقاده اوطوران قیرمزی جنس . بونلر دریلری باقیرنکنده و صاچلری دوز ، قیرمزی دریللردر .

متمدنه قوملر . — متمدن قوملرک همان کافهسی بیاض جنسدندر . دیگر جنسدن اولان انسانلر قبل التاريخی انسانلر کبی (۱) وحشی ویا باربار قالمشلردر . ایلك متمدن قوملر آسیا و آفریقا جوارنده تشکل اتمشلردر : مصریلرنیل ، کلدانیلر فرات صحرا سنده . بونلر اولرنده اوطورر ، صلحہ ور ، چفتجی قوملردی . دریلری قویورنکده ، صاچلری قیصه وصیق ، دوداقلری ایری ایدی . بونلرک نره دن کلدکلری هنوز معلوم دکلدر ؛ بونلره ویریله جک اسمده علما متفق دکلدر (بونلره بعضاً قوشیت ، بعضاً شامیت دییورلر) . ده اصوصو کره قبل المیلادیکر منجی واون بشنجی عصر لر ارسنده آسیا طاغلر ندن جنکا ور چوبان چته لری اینه رک بتون آوروپا ایله آسیانک غربنه یاییلمشلردر . بونلری اقوام آریه واقوام ساهیه نامیله ایکی قسمه آیررلر .

اقوام آریه و ساهیه — اقوام آریه ایله ساهیه ارسنده

(۱) صاری جنسه منسوب قوملردن یالکز چینیلر کندیلرینه مخصوص بر صنعت ، منتظم بر اداره ، تربیه لی بر جمعیت تشکیل ایده ییلمشلردر . فقط آسیانک بر اوچنده بولندقلر ندن سائر متمدن قوملر اوزرینه بر تأثیر اجرا ایده موشلردر .

بوفرقلر یوزنده کی انسانلرک برچوق زمردلره آیرلسنه سبب اولورکه، بوزمردلره (اجناس) دیرلر . برجنس، بربرینه بکزه دن ودیگر جنسلردن آیریلان انسانلرک هیئت عمومیه سیدر . برجنسک خطوط مشترکسی یعنی انی دیگر جنسلردن آیران خطوط مشترکه (که بوکا طبایع دیرلر) اوجنسک سیامنی تشکیل ایدر . مثلاً زنجی جنسنک سیامنی سیاهدری، قیویرجق صاچ، بیاض دیش، یصی برون، صارقیق دوداق، قوتلی برچکه کیکی تشکیل ایدر . اجناس ایله انلرک اقسامنی تدقیق ایتمک علمنه (اتنوغرافیا) (۱) دیرلر . بو علم هنوز اودرجه ایلریله- مه مشدر ؛ زیراپکی وپک قاریشیدر . چونکه انسان سیامنی پک چوق اولدیغی کبی اکثریا بونلری بربرندن آیرمقده پک کوجدر .

اجناس . — باشلجه جنسلر شونلردر :

- ۱ . آوروپاده ، شمالی آفریقاده ، غربی آسیاده اوطوران بیاض جنس (بزم جنسمز) .
- ۲ . شرقی آسیاده اوطوران صاری جنس . ؛ آوروپایه فاتحانه کیرن مجارلر ، ترکلر ، موغوللر ، چینلیلر بوجنسه منسوبدر ؛ بونلرک دریلری صاری، کوزلری کوچوک وچکیک، یناق کیکلری چیقیق ، صفاللری سیرکدر .

(۱) اجناسک تدقیق یالکز طبایع جسمانیه لرینک تدقیقندن عبارت اولورسه اوکا تاریخ طبعی بشر دیرلر .

ایشته بوکاتام بر جواب بولوندیغی صروده یکی بر کشف علم آثار عتیقه اربانک فکرینی در حال تکذیب ایدیوریور. شمعی به قدر دوله نلر، سه نلر دن قالمه ظن ایدیوریور دی، حال بوکه دهاصو کره سه لئیرک هیج کچمدکری یرلرده ده دوله نلره تصادف ایدلمشدر .

من ایریلن نطقه . — بونکله برابر اویچ نتیجه غایت امین کیدر :

- ۱ . انسان یریوزنده پک اسکیدر ، زیرا ماموت ایله مغاره آیلرینی کورمشدر؛ لااقل دور رابع دنیلن زمانده یاشامشدر .
- ۲ . انسان حال وحشتدن حال مدینه ارتقا ایچون چالشمشدر . چاقق طاشندن عادی بالطه ایله آبی دیشی کردنلکدن، دمیر قلیج و آلتون مجوهراته وارنجه به قدر آلتیرینی و تزیناتی یواش یواش مکملاشدیرمشدر . زیرا اک اسکی آلتیر غایت قبا اولانلردر .
- ۳ . انسان غایت سریع ترقی ایتمشدر . هر دور، اولکی دور دن ده اقیصه سورمشدر .

اجناس و اقوام

انزوغرافیا . — یریوزنده بولنان انسانلر بر برینه تمامی تامنه بکزه مزلر . بونلر بویجه ، اعضا و باشک شکلنجه ، خطوط وجهیه ، کوزلرک و صاچلرک رنگنجه بر برلرندن آریلیرلر . کذا لسان ، ذکا و حسیاتجه ده بر برینه بکزه مزلر .

قوللانمشلردر . فقط هر مملکت عین زمانده عین دوری کچیره .
 مشدر . یونانلیلر طونج . و دانیمارقه و وحشیلری طاش دورنده
 ایکن مصرلیلر دمیر قوللانینورلردی . آمریقاده جلالی طاش
 دوری اوروپالیلرک آمریقاه کملریله ختام بولمشدر . زمانمزده
 بیه آوسترایانک بعض وحشیلری ده یونتمه طاش دورنده
 قالمشلردر ؛ بونلرک او طور دقلری یرلرده ، مغاره آدملرینک
 قوللان دقلرینه بکزر کمیک و چاقق طاشندن یاپیلمش آلتلردن
 بشقه برشیئه تصادف ایدلمز . بناء علیه بودرت دور ، حیات بشریتده
 دکل ، فقط هر مملکتک حیاتنده برر دور تشکیل ایدرلر .

شهرلی نقطه لر . — قبل التاریخ علم آثار عتیقه هنوز یکی بر علمدر .
 ایلک انسانلر حقدنه بیایدیکمز شیئی بزه راست کله صاقلانمش ،
 تصادفاً بولونمش بر قاچ انقاض او کرده تمشدر . یکی بر تصادف ،
 بر حضر ، بر بیقنتی ، بر قوراقلق هر کون یکی بر کشف میدانه
 چیقاره بیلیر . کیم بیلیر یر آلتنده ده نلر واردر ؛ بولونان شیلر
 واقعا صایلمقاه بیتمز ؛ فقط بونلردن بیلیمک ایستدیکمز
 شیئی پک نادر او کرده بیلوروز . بودرت دور عجبا نه قدر مدت
 دوام ایتدی ؛ جهانک مختلف مملکتلرنده نه زمان باشلادی
 و نه زمان بیتدی ؛ مغاره رسملری ، کول اوزرنده مسکنلر ،
 تومولوسلر ، دوله نلر هانکی انسانلردن قاله در ؛ بر مملکت جلالی
 طاش دورندن طونج دورینه کچدیکی زمان آلتلری دیکشدرین
 ینه او قومی در ، یوقسه یکی بر قومی کلوب دیکشدر مشدر؟ —

قيليج ، مزراق ، ويحاقله طولو ۲۰ متره اوزونلغنده بر بيوك قايق بولونمشدر ؛ عين محله روما مسكوكاتي ده واردى . — شو صورتله بولونان دمير اشيا نك عددى غير محدوددر . بونلر طونج اشيا كبي كوزل محافظه اولونماشدر ؛ چونكه پاس دميرى چابق يير . بونلر وهله اولاده اسكى كبي كورونور لرسده پك يكي درلر .

وسطى آوروپا اهالى سى دميرى روماليلر كلزدن يعنى ميلاددن برچوق سنه اول طانيمشدر . آوسترياده (هال شتاد) طوز معدن اوجاقلرى جوارنده ، اسكى بر مزارلقده دمير و طونج آلتلرى حاوى ۹۸۰ مزار آچيلمش ، بونلر ك ايچنده بر تك روما پاراهسى بولونماشدر . فقط دمير دورى روماليلر زماننده دوام ايتمشدر . دمير اشيا همان دائما آلتون و كوش تزينات ايله ، ايمراطورلر ك رسمى حاوى روما پارهلريله برلكده بولونيور . قيليجلرينك وقالقانلرينك يانى باشنه ياتمش اوله رق بولديغمز جنك اورلر ك قسم اعظمى بزپك ياقين بر زمانده ، برچونغي مهرووه تزييه نلر ، بعضيلرى ده شارلمان زماننده ياشامشدر . بناءً عليه دمير دورى قبل التاريخ بز دور دكلدر .

نتيجه


درت دورى نصل اكلامالى . — عين مملكتده ياشايان اهالى ، بربرينى متعاقب يونتمه طاش ، جلالى طاش ، طونج و دمير

بولونور. — بتون طونج اشیانک بر برینه بگزده مسی، بر خلیطه دن
 یاپلمسی صرف تصادفی بر شیدر؛ بونلرک عین زمانده ورومالیلر
 غوله کلزدن اول اعمال اولندقلرینه هیچ شبهه یوقدر. چونکه
 بونلره رومالیلرک انقازی ایچنده هیچ تصادف اولتماز. عجا
 بونلری کیملر قوللانمش؟ بوراسی ده بیلنمیور.

دمیر دوری. — دمیری اریتک دها کوچ وایشلمسی ده
 طونجدن دها سرت اولدیغی ایچون دمیرک قوللانسی پک کج
 اوکره نلشدر. دمیر غایت صاغلام ودها کسکین اولدیغندن، دمیر
 طانیلیر طانیلماز یالکز سـلاح یایمقده قوللانمشدر. هومهر
 زمانده دمیر یونانیلیر عندنده قیمتدار بر معدن ایدی، اندن
 یالکز قیلج یاپیلیر، طونج بشقه شیلر ایچون قوللانیلیردی.
 بونک ایچون برچوق مزارلرده قاریشیق بر صورتده طونج
 اشیا ایله دمیر سلاحلر وارددر.

بوسلاحلر بالطه، قیلج، اوق وقلقانددر. بونلره علی العموم
 براسکلتک یاننده، طاش ویا تحتہ بر تابوت داخلنده تصادف
 ایدیلیر؛ زیرا جنکاورلر کندیلرینی سلاحلری ایله برابر
 کومدیرلردی. بونلره اسکی بر محاربه میداننده ده طاغنیق
 برحالده ویا خود کسکخانه حاله کلش بر بطانگ ایچنده ده تصادف
 اولونور. برکون شاه زویغ کسکخانه لرندن برنده هپسی ده دمیر
 ۱۰۰ قیلج، ۵۰۰ مزاراق، ۳۰ بالطه، ۴۶۰ اوق، ۸۰ بیچاق،
 ۴۰ ییز؛ بونک بر از اوتہ سنده اسکی بر کولک یا تاغنده ده بالطه،

ایچنده، اکیکی دوله نلرده، (۱) دانیمارقه کسکخانه لرنده، طاش
 تابوتلرده بواشیادن بیکلرجه سنه تصادف اولونور. بو طونج اشیا



طونج باظه و قلیچلر

ایله برابر اکثریا آلتون تزینات و بعضاً بریوک البسه نك انقاضی ده
 (۱) طونج دورنده انشا ایدلمش کول اوزرنده قضبه لرده واردر.

کوردولورکه ، بونلر اولونک دوستلری طرفدن مزارنده نیلن
 یمکک بقایاسیدر . بوکیمکلر ارسننده رن کییکی کییکی یوقدر ؛
 بوده، مذکور آبدلرک رهن کییکی فرانسه حوالیسندن غائب اولدقدن
 صوکره، بناءً علیه کول اوزرنده قصبه لر انشا ایدلدیکی دوردن
 صوکره یاپیلدقلرینه دلیلدر .

معدن دوری

طونج . — انسانلر معدن اریتمکی اوکرنمکه باشلار باشلاماز،
 سلاحلرینی طاشدن زیاده معدنله یایمق ایچون بوندن استفاده ایتشلردر .
 ایلک اوکجه قوللانیا لان معدن باقیردر ؛ باقیر صاف بولوندیغی
 ایچون چیقارلمسی قولای، صفوق ایکن دوکولدیکی ایچونده
 ایشلمسی زور دکلدر . فقط پک چوق زمان صاف باقیر
 قوللانمامشدر ؛ چونکه باقیردن یاپیلان سلاحلر پک چابق
 بوزولابیلر نازک سلاحلردر . باقیره دهها زیاده طایانسین
 دییه قلائی قاریشدرلمشدر . ایشته باقیر ایله قلائی بوخلیطه سه
 طونج دیرلر .

طونج ایشا — طونجدن (یحاق، چکیچ، دستره، ایکه،
 بالق ایکه سی کی) ایش ادواتی ؛ (بیله زیک، بوروش، کوبه کی)
 زینتلر ؛ بالخاصه ده (خنچر، مزراق اوجی ، بالطه (۱) ، قیلج
 (۲) کی) سلاحلر اعمال ایدلدی . اوروپاده ، تومولوسلر

(۱) بوالطه لره (سهک) دیرلر .

(۲) علی العموم ایکی بوزلی قیلجلر .

هرتپه ده تصادف اولونور ؛ يالکز اورقاداطه لرنده بونلردن
۲۰۰۰ داننسی معلومدر :

کومولی اولان آبدلره (تومولوس) دیرلر ؛ بونلر اوزاقدن
کوچوک برر تپه به بکزرلر ؛ قازداقلری زمان ایچریده بعضاً
قالدیرم دوشهلی طاش براوطه کورولور . دانیمارقه ایله شمالی
آلمانیا ده بونلر پک چوقدر . بومملکت اهالیسی بونلره (دیومزاری)
دیرلر .

جسیم طاش آبدلره آوروپا خارجنده ، آفریقا ساحلنده ده
تصادف اولونور . بوقوجه طاشلری هانکی قوملرک چیقاروب
کوتوردکلری ، اورالره دیکدکلری بیلنمیور . پک چوق زمان
بونلری اسکی غولوالر ، سهلتلر دیکدیلر ظن اولندیغی ایچون
بونلره سهلت آبدلری دنیلدی . اولیه اما بونلردن آفریقاده و
هندستانده نیچون بولونیوز ؟

هیچ آل دکمهش بر تومولوس ویاردولمن آچیلدیغی
زمان دائماً براسکلته ، بعضاً اوطورمش ویا یاتمش بر چوق
اسکلته تصادف اولونور ؛ دیمک که بو آبدلر مزارلر ایمش . اولونک
یاننه سلاح ، قاب و تزینات قونولمشدر . بومزارلردن کاسکیلرک
ایچنده کی سلاحلر جلالی دمیر بالطه لردر ؛ تزینات ، استریدیبه
قبوغی ، اینجی ، کیمک ویا فیل دیشی کردنلکدر ؛ قابلرده
قولبسر ، بوغاز سنر ، یالکز بر قاق چیزکی ویانقطه ایله سوسلنمش غایت
ساده بر حالده در . کذا کلسلی طوپراق اوزرنده حیوان کیمکلری ده

دوز قونمش اوزون برطاشدن متشکلدر . قرومهك (طاش
 دائره) دائره واری دیزلمش ایری قیالردن مرکبدر . مه‌نهر
 (اوزون طاش) سیوری طرفی طوپراغه صابلاشمش یکپاره بر
 طاشدر . اکثریا برچوق مه‌نهرلر برصره اوزره بولونور .
 قارناقد، بره‌تانیاده ۱۱ صره اوزرینه ۴۰۰۰ مه‌نهر واردر .
 وقتیه اورایه بویله دیزلمش ۱۰۰۰۰ مه‌نهر بولندینی ظن



قارناق مه‌نهرلری .

ایدیلیمور . فرانسه‌نک غرب ایالتلرنده وبالخاصه بره‌تانیاده بویله
 جسم طاش آبدلردن یوزلرجه‌سی واردر ؛ انکلترده همان

فقط بالطه ليرنى غايت سرت برطاشدن ياپارلر وانى جلالامنى ده بيليرلردى . بونك ايچون انلرك دورينه جلالى طاش دورى دينير. بونلر مغاره آدملرندن دها يكيدرلر؛ چونكه نه ماموتى، نه ده كركدانى كورمشلردر. فقط فرانسه طوپراغى اوزرنده صغين ايله زهن كيكنى كورمشلردر .

آبره لر . — مه غاليتيك (يعنى بيوك طاشلر) ديهه ، ايشلامه مش ايرى طاش كوچله لرندن تشكىل ايدن آبره لره ديرلر. بو طاش كاه چپلاقدر، كاه برطوپراق ييغنى ايله مستوردر.



بره تازياده دوله نلر

آچيقده بولنان طاشلردن تشكىل ايدن آبره لرك برچوق نوعى واردر. دولهن (طاش ماصه)، يره ديكلمش طاشلر اوزرينه


اکلاشیلوردی. بونلر کیک، یابان طوموزی، صغین کبی آوده اوردقلری حیوانلری یرلردی؛ فقط اوکوز، کچی، قویون وکوپک کبی آوده بسلنن حیوانلری ده بیلیرلردی. طوپراق سورمکدن، بغدادی امکدن، دانه اوکوتمکدن اکلازلردی؛ چونکه بو قصه بیلرک انقازی ایچنده بغدادی دانه لرینه حتی آتمکده (دها طوغریسی مایه سز چوره کلره) تصادف اولونیوردی.



تومولوس


بونلر کنویردن قاباقلاشلر طوقورلر، البسه دیکر لردی؛ بونلرک کیک ایکنه لری ده بولونیوردی. غایت ماهرانه چناق چوملک یاپارلردی؛ چناقلری فنا بیلشمش. آل ایله یاییلمش، اوزر لرینه یالکز بر قاق خط چیزلشد. بونلر مغازه آدم لری کبی ییچاق و چاقاقله اوق قوللانیرلر.

بولردن ۳۰,۰۰۰ : ۵۰,۰۰۰ قازيغه لزوم كورلمشدر . بو




كول اوزرنده مسكنلى كوسترد مرتب بر دم

قازيقلر تحته دن بر دوشه ميه ي طوتيور ، دوشه منك اوزرينده



قبل التاريخيه بر دكره ن طاشي



قبل التاريخيه بر اودمه پارچه سي

اوستي ياغلي طوپراقه اورتولو اولر انشا ايديلموردى . قازيقلر ك
اره سنده بولونان بيكلرجه اشيدان اهالينك نه صورتله ياشادقلىرى

ماموت دیشی اوزرینه حك ایدلمش برقاچ رسمده بولونمشدر.
بورسملردن بری دن کیسکلرینك غوغاسنی کوسترییور؛ دیگر



قیل دیشی اوزرنده ماموتی کوسترد برآزم

بری ده بر ماموتی یعنی دریسی توپلی و دیشلری اوزون جسم بر فیلی
ارائه ایدیور. آرتق هیچ شبهه یوق، بو آدملر ماموت ایله
ردنك معاصری ایدیلر. بونلرده زما نمزده کی اسکیمولر کی آوجی
وبالقجی بر قوم ایدیلر؛ چاقق طاشی یونتمق و آتش یاقق ده بیلور لردی.
سکنلر. — ۱۸۵۴ سنه سنده غایت صیجاق بریاز
موسمنده (زوریخ) کولنك صولری پك زیاده آچالدیغی زمان
ساحلرده اوطور انلر چامور لر ایچنده غایت اسکی قاز یقلر ایله
قبا آلتلره تصادف ایتدیلر. بونلر صو اوزرینه یاپیلمش اسکی
بر قصبه نك بقایاسی ایدی. اوندن صو کره اسویچره کوللرنده
بویله یوز لر جه قصبه لر بولدیلر. ایشته بونلره کوللر ایچنده مساکن
دیرلر. بو مسکنلر ك آلتنده کی قاز یقلر، اوجی صویك ایچنده
برقاچ متره یه قدر چاقیلمش آغاج کوكده لیدر. هر قصبه ایچون

والتلرینه تصادف ایدیلیر . بو آلتلر بالطه ، پچاق ، قازیمه آلتی ، چاقمدن مزراق اوجلری ایله بوکون بعض وحشیلر



بوتمه چاقق ماشدن بالطه

طرفدن استعمال اولونان اوق، زبقین و اوجی کیمیک ایکنه دن عبارتدر . مغاره نك زمینی حیوان کیمیک بیغینلریله مستورددر؛ بتون وحشیلر کبی تمیزلکدن اکلامیان بو آدملر ، بو حیوانلری یدکدن صوکره کیمیکلرینی برکوشه یه آتارلردی ؛ بونلر الیوم وحشیلرک یابدقلمی کبی ، ایلیکینی چیقارمق ایچون بتون کیمیکلری دملشرددر . بو حیوانلر آره سنده طاوشان ، کیک ، اوکوز ؛ بارکیر و صوم بالغندن ماعدا کرکدان ، آبی ، مغاره قیلانی ، ماموت ، صغیر ، یبان اوکوزی ، رهن کبی فرانسه نك الیوم سونوب محو اولان هر نوع حیواناتی وارددر . حتی رن کیمیکلری ویا

(۱۸۴۱ سنه سندن ۱۸۵۳ سنه سنه قدر) صوم وادیسنده
چاقق طاشندن کسکین آلتلر بولمشدر. بو آلتلر هیچ قازیماش
کیل ، چاقیلی قوم و بالچقندن متشکل اوج طبقه نك آلتنده کی
چاقیلی قوملر ایچنه ۶۶ متره یه قدر کومولمشدی؛ بورلرده اوکوز،
کیک و فیل کیمکلری ده بولونیوردی .

بوکشفه بر مدت اینانیلمادی . نهایت ۱۸۶۰ سنه سنده
(صوم) وادیسنه صورت مخصوصه ده بر هیئت کلدی ؛ چاقق
طاشلرینک حقیقه انسانی طرفدن یونتولش اولدقلری
کوردی . اوندن سوکره کرك (سن) وادیسنده . کرك
انکلترده ینه بو طبقه لرده . بعضیلری انسان کیمکلری یاننده
اولارق بویله بیکلرجه کیمکلر بولوندی. ارضمز اوزرنده چاقیلی
قوم طبقه لری وجوده کلدیکی زمانلرده انسانلر موجود اولدیغه
بو کون آرتق هیچ شبهه قالمادی. اکر بو انقاضک اوزرنده کی
طبقه لر زمانمزده اولدیغی کبی اوله آزار آزار بریکمشلر سه ،
اوحالده کیمکلری و آلتلری بولونان آدملر بوندن ۲۰۰۰۰۰۰
سنه اول یاشامشدر دیمکدر .

مغاره آردلری . — قیا ایچنه واکثریا بر نههر اوزرینه
قازیلان مغاره لرده ده انقاضه تصادف اولونور . بونلرک اک
مشهوری (وهزر) سواحلنده کی مغاره لر ایسه ده بونلردن
دها سائر یرلرده ده موجوددر . بو مغاره لر اسکیدن انسانلرک
مسکنی و حتی مزارای ایدی؛ بورا ده انلرک اسکلتلرینه، سلاهلرینه

وجوده کثیررکه اکاده : قبل التاريخي علم آثار عتيقه ديزلر .
 درت دور . — انقاض قبل التاريخيه ، غایت مختلف جنسندن
 انسانلره عاندره ؛ بونلر فرانسه ده ماموت یعنی دريسی تويلی
 وديشلی اگری برنوع جسم فيلك ياشاديغی زمانلردن اعتبار آ
 مختلف دورلرده طوپراق داخله بریکمشدر . بربرینی ولی ایدن
 بو اوزون عصرلر ، دور تعبير اولونان درت قسه تقسیم ایدیلیر :

۱ . یوتمه طاش دوری ؛

۲ . جلالی طاش دوری ؛

۳ . طونج دوری ؛

۴ . دمیر دوری .

بودورلره بویله اسم ویرلمسنگ سبی . اودورلرده آلتلرک
 طاشدن ، طونجدن ویا دمیردن یاپیش اولمسندندر . کذا بودورلر
 بربرینه مساوی ده دکلدر ؛ احتمالکه جلالی طاش دوری دمیر
 دورینک یوز مثلی زیاده دوام ایتمشدر .

طاش دوری

چاقیللی قرم انقاضی . — اک اسکی انقاض ، چاقیللی قوملر
 ایچنده کشف اولونمشدر . فرانسه علماسندن بوشه دوپهرت

(۱) بو علم بالخاصه فرانسه ، اسویچره و دانیمارقه عالملی طرفندن
 وجوده کتیرلمشدر .

دیر لر . بونلر طوبالانوب تدقیق اولونمایه باشلانلی تقریباً
 الملی سنه اولیور . بو کون موزه لرك قسم اعظمنده بو انقاض
 ایله طولو برصالون ویا هیج اولمازسه بر قاق جامکان واردر .
 یارس جوارنده (سن ژرمن - آن - لای) ده صرف قبل
 تاریخی اشیایه عاند بر موزه واردر . دانمارقهده بونلردن
 غایت بیوک قولکسیونلر یاپیلمشدر . وهر کونده حفریات اجرا
 ایدرکن ، او یاپارکن ، شمندوفر یولی قازارکن بونلردن یکیلری
 کشف اولونیور .

بو اشیایه یر یوزنده تصادف اولونماز . بونلر علی العاده
 طوبراغک قازیلامش یرلرنده درین بر صورتده کومولش اوله رق
 بولوندیغی کبی قوم ویا چامور طبقه سی ایله ده مستوردر . بو
 طبقه تدریجاً بریکمش ، انلری تنبیت ایدرک هوادن محافظه
 ایشدرکه بوده انلرک اوراده چوق زماندن بری قالدقلرینه
 دلالت ایدر .

علم قبل تاریخی . — عالملر بو انقاضی معاینه ایتدیله ؛

بونلری هانکی آدملرک بر اقدقلرینی دوشوندیله . نصل تشکل
 ایتدکلرینی اسکلتلرندن ، نه صورتله یا شادقلرینی آلتلرندن اکلادیله ؛
 بو آلتلرک بو کون بعض وحشیلر طرفندن قوللانیلان آلتلره بکره دیکنی
 کوردیلر . ایشته بتون بو اشیانک تدقیقی یکی بر علم (۱)

تاریخ مدیّت

برنجی قسم

شرق

برنجی فصل

ازمنه قبل تاریخیه

قبل تاریخ بیوک دورلر . — اجناس واقوام .

انقاصه قبل تاریخیه . — کندیلرینه دائر هیچ برشی بیلمدیکمز انسانلرک براققلری هر درلو انقاضه ، سلاخلره ، آتله و انسان کیمکلرینه اکثریایره کومولمش اوله رق تصادف اولونور . فرانسه نك ، اسویچره نك ، انکلتره نك بتون ایالتلرنده بولردن بیکلرجه سی یردن چیقاریلیر ؛ حتی بولر آسیاده بیه بولنور ؛ شبهه سز دنیانک هر طرفنده ده موجوددر . بوانقاض ، تاریخدن دهاسکی اولدینی ایچون انلره انقاض قبل تاریخیه

احمد رفیق بک آثار تاریخیہ سندن :

(عین کتابخانہ دہ صائیلان)

- غزوات جلیلہ پیغمبری .
- صحائف مظفریات عثمانیہ .
- مشہور عثمانی قوماندانلری .
- برنجی ویانہ محاصرہ سی .
- ۱۱ نیسان انقلابی .
- کوچک تاریخ عثمانی .
- تاریخ صحیفہ لری .
- ناپولئونک آثار منتخبہ سی .
- فاتح سلطان محمد و رسام بلینی .
- عثمانی تاریخنہ دائرہ نفر نہ بیلملیدر ؟

D
20
S459
1910
v.3



مطبوعہ آرتین آصادوریان و مخدوملری .

2887 Seignobos, Charles
vol. 3 احمد رفیق

10/41

تاریخ مدنیّت

شرق — یونانستان — روما

پارس دارالفنونى معلملرندن شارل سه نیوبوسك اك مشهور آثارندندر

برنجی طبع

Tarih-i medeniyet
طابع و ناشری



استانبول

کتابخانه عسکری — ابراهیم حلمی

۴۶ - باب عالی جادوسی - ۴۶

۱۳۲۸



D
20
S459
1910
v.3

Seignobos, Charles
Tārīh-i medeniyet

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
